

УДК:159.9
Ж 88

Жумагул Жумабоева

**ХХ АСР ЎЗБЕК
ШЕЬРИЯТИДА
ПСИХОЛОГИК
ТАСВИР МАҲОРАТИ**



88

УДК 159.9.
ИС 88.

ЎЗБЕКИСТОН РЕСПУБЛИКАСИ ФАНЛАР АКАДЕМИЯСИ
АЛИШЕР НАВОЙЙ НОМИДАГИ ТИЛ ВА АДАБИЁТ
ИНСТИТУТИ

ЖУМАГУЛ ЖУМАБОЕВА

ХХ АСР ЎЗБЕК
ШЕЪРИЯТИДА
ПСИХОЛОГИК
ТАСВИР МАҲОРАТИ



Тошкент
Ўзбекистон Республикаси Фанлар академияси
«Фан» нациёноти
2004

Mykunma	4
Bunpunn 606. XX acp gupnuny upm y36ek ntepnintua	
3ceternk nteea ba pyxntk m3apapan	17
11. 20-nunap y36ek ntepnintua ncnxojonk rcebpnhn y36ek ba pon	21
12. Cneear, mepnntk ba jnprk kaxpamn kncmatn	73
13. Pyxntk yfenojnn rcmoijnn ba ntepnintua ntnjahnku kapae-	
hn	133
Nkrnnin 606. 70-80-nunap ntepnintua ncnxojonk	
21. Tapnx, j3mon ba jnprk kaxpamn m3aparin	165
22. Xact xaknkgatl ba fornn-g3jnnn mymoxajia	169
23. Kyjanin	223
2.3. Cof jnprk nafoc: pyxntk n3jnnn ba no3nk rcebpn k3jn-	280
hnunapin	327
Xotnma	

Y3P FA akademini B.A. H3APOB
Macya Myappi:
Tagin3nina:
H. KAPMOB, N. XAKVJIOB
fjnjogjoni fah3apan jw3opapan

© Y36ekrcton Peccy6jinkacn
FA «Phan» hanupnietm, 2004 it.

K 460300000-3-722 M355(04)-2004 Pe-2004
ISBN 5-648-02950-0

MVHJAPNKA

*Падари бузрукворим
Жумабой Ҳақназар ўғлиниң ёрқин
хотирасига бағишлайман*

МУҚАДДИМА

"Ижтимоий ҳаётимизни ислоҳ қилиш ва янгилаш бошлануб кетганлиги боис маънавий маданиятнинг курдатли қатламлари очилди. Улар халқ руҳиятини ватанпарварлик, миллий ифтихор, бутун дунё учун бағрикентлик томон кескин ўзгартириб юборди. Бу эса халқ Руҳи курданинг биринчи белгисидир"¹, — дейдилар Президентимиз И.А. Каримов. Дарҳақиқат, ҳалқимизнинг миллий истиқолни қўлга киритиши катта бир тарихий ҳодиса сифатида, даставвал, унинг руҳий баркамолликка эришуви, дунёқараши, тафаккури ва маънавий оламида ўзига хос ўзгаришларнинг вужудга келиши учун кенг имконият яратди. Дарвоқе, борлиқ олам, ижтимоий муҳит доимо инсон руҳияти ва тафаккурига ўзининг бекиёс таъсирини ўтказиб келган. Бунинг натижасида инсон маънавий ва руҳий дунёсида вужудга келган ўзгариш, янгилашиб жараёнларини бадиий тадқиқ этишини адабиёт ўзининг бош мақсадларидан деб билган. Бадиий ижодда инсон руҳий дунёси тасвирини тадқиқ этиш эса адабиёт илмининг жуда муҳим, анча мураккаб масалаларидандир. Шунинг учун уни мушоҳада айлаш ва қабул қилиш ҳар хил бўлганидек, талқин ва муносабатлар ҳам турличадир. Адабиётшуносликда инсон маънавий-руҳий дунёсини қамраб

¹ Каримов И.А. Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт кафолатлари. Тошкент, 1997. 142-бет.

олиш ва хилма-хил манзаralарда жонлантириш имтиёzlари назмга нисбатан насрда кенгроқ, деган қарашлар ҳам илгари сурилган. Ҳолбуки, ўзбек шеъриятининг узоқ асрлик тарихи бундай фикр-қарашларнинг бир қадар чекланганлигини тасдиқлайди. Чунки жаҳон шеъриятида бўлганидек, ўзбек шеъриятининг деярли ҳамма даврларида истеъодли шоирлар инсон қалби ва руҳий оламидаги ҳақиқатларни бутун кенглиги, мураккаблиги ва зиддиятлари билан тасвиrlашга эришганлар. Бу даъвонинг энг характерли ва ибратли далили сифатида ҳалқимизнинг улуғ мутафаккир шоири Алишер Навоий шеъриятини эслатиш мумкин. Тўғри, бадиий адабиётнинг барча тур ва жанрлари ўз специфик хусусияти ҳамда ички тараққиёт қонуниятларига эга. Шунинг учун улардаги руҳий тамойиллар тасвири моҳияти ва даражаларини бир хил мезон билан ўлчаш мушкул. Ҳар бир тур ва жанрга хос руҳият тасвири уларнинг ички ривожланиш қонуниятлари, принциплари ва ўзига хос хусусиятлари билан диалектик алоқада, узвий бирликда намоён бўлади. Демак, насрий асарларга хос бўлган руҳият тасвирининг принциплари, шакллари ва усусларини шеъриятга ёки драма асарларига айнан тадбиқ қилиш мумкин эмас.

Инсон қалби ва руҳий олами тасвири шеъриятда, академик Иззат Султон сўзлари билан айтганда, "шоир шахси билан эстетик идеалнинг қўймасидан" дунёга келган лирик қаҳрамон руҳий ҳаёти сифатида кўринади. Шу маънода В.Г. Белинскийнинг "поэзия... субъективлик салтанатидир, бу — ички дунёдир, ўз ичидаги қолувчи ва ташқарига чиқмайдиган ташабbusлар дунёсидир. Бунда поэзия ички дунё элементида, сезувчи ва фикрловчи ҳаёл доирасида қолади; бунда руҳ ташқи реалликдан ўтиб, ўз ичига ўзи янниринади ва ташқи дунёни ўзида акс эттирган ички ҳаётининг мислсиз жило ва жилваларини поэзияга

ҳадя этади. Бунда шоирнинг шахсияти биринчи планда намоён бўлади, биз ҳамма нарсани фақат ва фақат у орқалигина қабул қиласиз ва англаймиз², - деган фикрлари ҳамиша ўз кучини сақлаб қолади, деб ўйлаймиз. Дарҳақиқат, ташқи оламнинг инсон қалби ва руҳиятига таъсири унинг ички оламида ўзгариш жараёнларини юзага келтиради. Руҳга таъсир қилган ҳар бир воқеа ёки ҳодиса инсон ҳис ва туйгуларидан фавқулодда жўшқин ёки баъзан тушкун ҳолатларни вужудга келтириши мумкин. Қисқаси, ўқувчи шеъриятда ҳаёт ва инсон муносабатларига доир ҳукм ва хулосалар билан асосан лирик қаҳрамоннинг ташқи таъсир самараси ўлароқ юзага келган руҳий ҳолати, субъектив фикр-қарашлари орқали танишади. Лекин булар лирик қаҳрамоннинг ўз шахсияти чегарасида қолиб кетмайди, балки у ўқувчи руҳий дунёсида ҳам худди шундай ҳолат, ҳиссият ва кечинмаларни яратади.

Маълумки, руҳ ўз яралиш ва фазилатларига кўра самовий, аниқроғи, илоҳийдир. Ана шунинг учун руҳ инсон қалбига илоҳий нурларни ҳадя этаркан, шу билан бирга уни олий туйгулар оламига ҳам ошно қилади. Бусиз ҳеч қандай шоирнинг қалб ҳаётида шеърхон нигоҳини ўзига бутунлай жалб қила оладиган сифат ўзгаришлари содир бўлмайди. Шу сифат ўзгариши, яъни маънавий-руҳий янгиланиш шеърнинг тақдирини ҳал этадиган моҳият ва гўзаллик асоси сифатида қаралса, асло хато бўлмайди. Чунки буни назардан соқит этиб, шеърнинг ҳиссий ва руҳий қувватини тўғри белгилаб бўлмаганидек, унинг маъно, образ ва тасвир жозибасини ҳам бехато кўрсатиш мушкулдир. Демак, шоир учун руҳ ва руҳий мазмун қанчалик мухим бўлса, булар шеършунос

² Белинский В. Г. Танланган асарлар. Тошкент, 1955. 134-бет.

учун ҳам шунчалик аҳамиятли. Шунинг учун биз бутун тадқиқот давомида руҳият ва шеърнинг руҳий моҳиятига алоҳида диққат қилишга ҳаракат этдик. Тан олиш керакки, руҳият тасвиirlарида ўзбек шеърияти эришган муваффақият ҳам, тажрибалар ҳам таҳсинга лойиқ. Лекин бу муваффақиятлар сингари тажрибалар ҳам илмда маҳсус текширилмаган. Чунки бундай тадқиқотларни амалга ошириш учун бизнинг назаримизда, фақат адабиётшунослик илмининг кучи ва имкониятлари камлик қиласи. Балки шу боис ҳам Farb адабиётшунослигида психология (руҳиятшунослик), айниқса, психоанализ фани тажриба ва тадқиқотларига қизиқиши тобора кучаймоқда.

Ўзбек шеъриятида руҳий тасвир кўрининши ва таъмойиллари турли даврларда турли шаклларда зоҳир бўлган. Чунки шеърият давр нафаси, ўша давр кишиси руҳий оламида кечувчи жараёнларнинг лирик қаҳрамон руҳий дунёси билан уйғун манзараларидан яралувчи санъат мулкидир. Шунинг учун шеъриятдаги руҳият тасвири хусусиятларини давр характеридан ажralган ҳолда тасаввур этиш ёки тадқиқ қилиш ҳақиқатга мувофиқ келмайди. Шу нуқтаи назардан туриб, тадқиқотда XX аср ўзбек шеъриятининг ҳар бир тараққиёт босқичига хос бўлган руҳият тасвирининг намоён бўлиш даражалари, унинг лирик шеърият ривожидаги ўрни ва аҳамиятини ўрганишга ҳаракат қилинди.

Руҳиятнинг теран тасвири — лирик қаҳрамон ички дунёсининг бойлигини кўрсатувчи асосий хусусият. Зоро, лирик қаҳрамоннинг ўзи яшаётган жамиятда содир бўлаётган ижобий ёки салбий ҳодисаларга муносабати ёхуд ҳаётнинг лирик қаҳрамон қалб ва тафаккур оламига таъсири унинг ички кечинмалари тарзида тасвирланади. Ана шу нарса ўқувчига ташқи олам — объектив борлиқнинг инсон —

субъект — лирик қаҳрамон ички дунёсининг бойишга, руҳиятидаги рангларнинг тиниклашишига, сержилолигига ёки бунинг бутунлай акси юзага келишига сабаб бўлиши мумкинлигидан хабар беради. Бинобарин, бу ранглар завқбахшми ёки йўқми, нурлими-нурсизми, бундан қатъи назар, у ўқувчида муносабат пайдо қўлмай қолмайди. Натижада, ўқувчи ўзича фикрлайди, ўз дунёқараши савиясида хукм ва хulosса чиқаради. Зоро, туйғуларида жонланиш, ҳиссийтида уйғониш сезган, ҳаяжонларига жунбуш кирган, фикр-ўйларида аниқлик, тиникликни англаган, курашларининг мақсадли, хulosаларининг мантикли бўлиб бораётганлигига қўмаклашаётган шеърият ҳар бир киши учун ҳақиқий муаллим ва дил раҳнамосидир. Бас, шундай экан, ўзбек шеърияти лирик қаҳрамонининг ички дунёси, руҳий олами бойлиги, унинг ижтимоий, маънавий ҳаёт оқимиға таъсири ва руҳий фаоллик даражасини тадқиқ этиш шеърпуносликнинг энг долзарб вазифаларидан ҳисобланади. Қолаверса, бугунги кунимиз узоқ ва яқин ўтмишимииздан ёхуд кечаги ҳаётимииздан тубдан фарқ қиласди. Шу маънода ўтмиш тажрибаларини ўрганиш илм ва ижод ривожи учун қанча фойда етказса, комил инсон тарбияси учун ҳам шунча аҳамиятлидир. Чунончи, 20—30-йиллар лирик қаҳрамони ўзининг руҳий дунёси билан кейинги давр қаҳрамонларига ўхшамайди. 60-йиллардан бошлаб эса ўзбек шеъриятига кириб келган тўлқиннинг шиддати 70—80-йилларда янада кучая борди. Чунки бу йилларга келиб, социалистик жамиятда узоқ давр мобайнида илдиз оттан, ҳозирги атама билан ифодалаганда турғунлик ҳукмронлик мавқеига эришди. Бунинг оқибатими мати нисбатан пасайди. Маънавий емирилишлар авжнуқтага кўтарила бошлади. Натижада, ҳаёт ва инсон, жамият ва шахс муносабатларида сохталик, но-

табиийлик оқибатида келиб чиқувчи зиддиятлар кучини кўрсата борди. Аммо шунда ҳам инсониятнинг асрлар давомида яратган маънавий ҳазинасидаги нурлар замондошимиз қалби ва йўлини ёритишга хизмат қилди. Бунда бадиий адабиёт, айниқса, шеъриятнинг хизмати беқиёс бўлди. Унинг лирик қаҳрамони ҳалқ, миллат учун наф келтирмайдиган кўпгина номақбул ишларнинг йўлини тўсиш учун интилди. Аммо бунда, ҳаётга йўл олаётган мавхумлик ҳақидаги қараашларини, қалбига, руҳиятига тушган исён учқунларини пардалаб, яъни мажоз, киноя ва ишорат усусларида ифодалашга мажбур бўлди. Шундай бўлсада, бу давр шеъриятида лирик қаҳрамон руҳиятининг тасвири теранлашди, яъни ҳаёт ва инсон қалбига чуқурроқ кириб бориш, унда кечаётган ўзгаришлар илдизини очиш, руҳий безовталик сабабларини излаш шеърият оқимини янгича ўзанга йўналтириди. Қисқа қилиб айтганда, шеъриятимиз лирик қаҳрамони руҳий олами шу қадар теранлик ва кенглик касб эта бошладики, унда кечаётган ҳар бир жараён ҳаёт ва жамият билан ажралмас уйғуллик касб этди. Яъни шеъриятда руҳий олам — психологияк тасвирнинг теранлашуви жамиятда содир бўлаётган ижтимоий, сиёсий ва маънавий бурилишлар натижаси сифатида юзага чиқди. Демак, шеъриятда руҳият тасвирининг чуқурлашувида бош омил — ҳаёт ва инсон, яъни жамият ва шахс характеридаги жиддий ўзгаришлар муҳим роль ўйнаган экан. Булардан шундай умумий хulosага келиш мумкинки, биз ўрганаётган давр ўзбек шеъриятида психологик тасвир кўлами ўзининг маълум юксалиш даражаларига эга бўлган. Буни ўрганиш ўзбек шеъриятининг тараққиёт жараёнлари ва бу жараёнларининг ички ривожланиши ёки ривожланмаганлик сабабларини текшириш демакдир.

Шуни алоҳида таъкидлаш керакки, ушбу монография асосан шеъриятимизнинг октябр тўнтариши-

дан то мустақиллик давригача бўлган лирик қахрамони руҳий оламини тадқиқ этишни ўз олдига мақсад қилиб қўйган. Албатта, бунда "Тадқиқотнинг янгилиги нимада?" — деган саволнинг пайдо бўлиши, табиий. Дарҳақиқат, шўро тузими даври шеърияти кенг ва чукур ўрганилган. Аммо қандай ўрганилган? Мана шу савол бутунги адабиётшунослик олдида турган асосий муаммолардан бири. Дарвоқе, бу катта давр шеърияти ўрганилганда асосий мезон мавжуд тузум ва унинг сиёсати талаблари бўлди. Бундан бутунлай четга чиққан ҳолда шеъриятга баҳо бериш асло мумкин эмас эди. Бугун эса, ушбу шеъриятни мустақиллик даври эҳтиёжларидан келиб чиққан ҳолда холис тадқиқ этиш зарурдир.

Демак, ушбу тадқиқотнинг юзага келиши учун асос бўлувчи иккита муҳим масала мавжуд:

1) ўзбек шеъриятида психологияк тасвир маҳоратига бағишлиланган фундаментал тадқиқотларнинг камлиги;

2) шўро даври шеъриятини мустақиллик даври талаблари асосида тадқиқ этишга эҳтиёжнинг каттагити.

Маълумки, ўзбек адабиётшунослигида психологик тасвир, яъни руҳият тасвири муаммосини ўрганишга бундан ўттиз йиллар муқаддам қўл урила бошлиди. Бу масаланинг уёки бу қирралари ёритилган бир неча номзодлик ва докторлик диссертациялари дунёга келди³. Таниқли адабиётшуносларнинг тадқиқотларида эса руҳият тасвирининг баъзи масалалари —

³ Бекмуродов Ю. Ҳозирги ўзбек романларида психологизм проблемаси// Филол. фан. номзоди ... дисс. Самарқанд, 1973; Шодиев Н. Абдулла Қаҳҳорнинг психологик таҳлил маҳорати... Филол. фан. номзоди ... дисс. Тошкент, 1973; Абдураҳмонова М. Абдулла Қодирий ижодида психологик тасвир маҳорати// Филол. фан. номзоди ... дисс. Тошкент, 1977; Умуроев Ҳ. Психологиям проблемаси ва ўзбек романи// Филол. фан. доктори ... дисс. Тошкент, 1983. Алиев Б. Ҳозирги ўзбек шеъриятида психологизм проблемаси // Филол. фан. номзоди ... дисс. Тошкент, 1994; ..

лари — портрет, пейзаж, диалог, нутқ каби компонентлари ўрганилди⁴. Шунингдек, ўзбек шеъриятига доир тадқиқотларнинг кўпчилигига лирик қахрамон ва унинг маънавий олами ҳақида ҳам назарий фикрлар илгари сурилган⁵. Профессорлар А. Ҳайитметов ҳамда Б. Саримсоқовнинг тадқиқотлари ва Б. Алиев номзодлик диссертацияси мустасно этилганда, қолган деярли барча ишларда насрий асарлардарги психологик тасвир масаласи ўрганилган.

Б. Алиевнинг номзодлик диссертацияси ўзбек шеъриятида руҳият тасвири муаммосига бағишлиланган илк тадқиқотдир. Муаллиф унда психологизм муаммоси шакл ва усувларининг шеъриятдаги кў

⁴ Қўшижонов М. Абдулла Қодирийнинг тасвирлари санъати. Тошкент, 1966; Қўшижонов М. Ҳаёт ва маҳорат. Тошкент, 1962; Қўшижонов М., Норматов У. Маҳорат сирлари. Тошкент, 1968; Норматов У. Таланттарбияси. Тошкент, 1960; Норматов У. Етуклий. Тошкент, 1982; Султонова М. Ёзувчи услугига доир. Тошкент, 1973; Султонова М. Пейзаж санъати. Тошкент, 1984; Саримсоқов Б. Достонларда психологик тасвирнинг ҳақида баъзи мулоҳазалар. Тошкент, 1976. 106–114-бетлар; Шодиев Н. Руҳият рассоми. Тошкент, 1977; Абдураҳмонова М. Руҳий дунё тасвири. Тошкент, 1977; Шермуҳамедов П. Руҳий дунё кўзгуси. Тошкент, 1971; Ҳайитметов А. Дунёйи лирикада психологизм// Шарқ юлдзуи. 1977. 6-сон; Исақов Ё. «Хамса»да бадий психологизм типлари// Алишер Навоий. Хамса. Тошкент, 1986. 63–81-бетлар; Шодиев Н. Психологик таҳлил принциплари, форма ва воситалари// Ўзбек тили ва адабиёти. 1973. 2-сон; Шодиев Н. «Сароб» романидаги икки психологик таҳлил воситаси// Ўзбек тили ва адабиёти. 1973. 4-сон; Абдураҳмонова М. Характер психологизми, муҳит ва типик шароити// Ўзбек тили ва адабиёти. 1975. 2-сон; Абдураҳмонова М. Рус адабиёти ва ўзбек прозасида психологик таҳлил// Ўзбек тили ва адабиёти. 1976. 2-сон.

⁵ Мамажонов С. Услуб жилолари. Тошкент, 1972; Мамажонов С. Шоир дунёси. Тошкент, 1974; Мамажонов С. Лирик олам, эпик кўлам. Тошкент, 1979; Мамажонов С. Ранглар ва оҳанглар. Тошкент, 1978; Каримов Н. Ҳамид Олимжоннинг поэтик маҳорати. Тошкент, 1964; Каримов Н. Гўзаликнинг олмос қатралари. Тошкент, 1979; Каримов Н. Ойбек. Тошкент, 1985; Каримов Н. Абдулхамид Сулаймон ўғли Чўлшон. Тошкент, 1991; Назаров Б. Бу

ринишларини ўрганади. Аммо бу иш шеъриятда руҳият тасвири масаласини ўрганиш сари ташланган биринчи қадамлардан бўлганилиги учун унда шу мавзуни ўрганишда насрой асарлар тадқиқот услубига хос анъанавийликка риоя қилинганилиги кўриниб туради.

Бадиий адабиётда, руҳият тасвири муаммоси қардош халқлар адабиётшунослигида кенг тадқиқ этилган. Айниқса, бу муаммо рус ва украин адабиётшунослигида чуқур ўрганилган. Бу ўринда улар ҳақида атрофлича фикр юритиш имкони йўқ. Лекин шуни алоҳида таъкидлаш лозимки, қардош адабиётшуносликларда дунёга келган фундаментал тадқиқотларнинг барчасида руҳият тасвири муаммоси насрой асарлар мисолида ўрганилган. Аммо эътирофга мозлик битта тадқиқот номзодлик диссертацияси тарзидаги украин адабиётшунослигида И.В.Трофимов томонидан "Н.А.Некрасов психологияк таҳдил устаси" номи билан амалга оширилган. Бу тадқиқотда Некрасов шеъриятидаги руҳият тасвири дворян зиёлисининг дунёга келиши ва улар руҳий олами, шоир ижодида рус кишини характерининг шаклланиши, психологик образнинг яратилиши билан боғлиқ ҳолда ўрганилади.

сехрли дунё. Тошкент, 1980; Назаров Б. Ҳаётйлик – безавол месозон. Тошкент, 1985; Шарафиддинов О. Замон. Қалб. Поэзия. – Тошкент, 1962; Шарафиддинов О. Биринчи мўъжиза. Тошкент, 1979; Шарафиддинов О. Гўзаллик излаб. Тошкент, 1985; Худойберганов Н. Чўққилар чорлайди. Тошкент, 1975; Рафуроев И. Лириканинг юраги. Тошкент, 1982; Рафуроев И. Юрак алана. Тошкент, 1980; Рафуроев И. Шеърият – изланиш демак. Тошкент, 1984; Ҳаққулов И. Бадиий сўз шукухи. Тошкент, 1987; Ҳаққулов И. Тасаввух ва шеърият. Тошкент, 1991; Ҳаққулов И. Шеърият – руҳий муносабат. Тошкент, 1989; Раҳимжонов Н. Давр ва ўзбек лирикаси. Тошкент, 1979; Раҳимжонов Н. Шоир ва давр. Тошкент, 1983; Арамов Б. Шеърият гавҳари. Тошкент, 1979; Арамов Б. Дунёнинг бутунлиги. Тошкент, 1989; Шермуҳамедов П. Истевод-сехри, Тошкент, 1977.

Кейинги йилларда ўзбек адабиётшунослигида ахвол бир қадар ўзгарди, албаттa. Бу ўринда икки олимимизнинг илмий ишларини эсга олиш мақсадга мувофиқдир.

Бу ишлардан биринчиси И.Тўлаковнинг "Ҳозирги ўзбек лирикасида давр ва қаҳрамон талқини", иккинчиси Б.Норбоевнинг "Ҳаётни поэтик талқин этиш таомиллари ва маҳорат муаммолари" деб номланган докторлик диссертацияриди. Бу ишларнинг тадқиқот объектлари яхлит ҳолда олганда 60—90-йиллар шеъриятидир. Лекин уларда ечишган муаммолар ўз моҳияти билан бир-бирига асло ўхшамайди.

И. Тўлаков диссертациясида 80—90-йиллар шеърияти таҳдил этилади. Ишда, асосан давр шеъриятияга хос хусусиятлар, эрк, озодлик, истиқлол, тил, тарихга муносабатнинг янгиланишида Фитрат, Чўлпон меросининг таъсири, миллий қадриялар ҳимояси, соҳтакорлик, сўзбозлик, схематизм, декларативлик сингари қусурлар, лирик қаҳрамон табиатидаги ўзгаришлар, руҳиятидаги иқлиmlар, лирик-публицистик оҳангларнинг устиворлиги, тасаввух фалсафасига қизиқишининг ортиши, экологик тангликларнинг инсон маънавий оламига таъсири, пахта яккаҳокимлигига қарши кураш, тарихий шахсларга бағишлиланган шеърлардаги мадҳиябозлик ўрнини руҳий тасвир эталонлаганилиги сингари масалаларни ўрганиш мақсад қилиб қўйилган ва тадқиқотчи бунга эриша олган.

Б. Норбоев эса ҳаётни поэтик тадқиқ этиш принципларидаги ўзгаришларни, эътиқод ва истеъодд нуқтаи назаридан бир-бирига яқин шоирлар шеъриятидаги қонуниятларни, тарихийлик ва замонавийликнинг ўзаро боғлиқлигини (руҳиятидаги мутаносиблик ва фарқлар тариқасида), аллегорик-мажозий образлар яратиш маҳорати, фалсафий, интим ва публицистик лирикада шакл ва мазмун, фикр ва туйғу

бирлигини, фазал, сонет, саккизлик сингари шеъртурларидаги замонавий белгиларни, улардаги маънодошлиқ ва шаклдошлиқ хусусиятларини ўрганиши диссертациясининг асосий мақсад ва вазифаси сифатида танлаган ҳамда унинг юзага чиқиши учун жуда катта илмий изланишлар олиб борган. Кўриналики, И. Тўлаков ва Б. Норбоев диссертацияларининг айрим ўринларида лирик қаҳрамон руҳияти ҳақида фикр юритилади, лекин у ишнинг асосий мақсади даражасига кўтарилимайди ва махсус муаммо сифатида ўрганилмайди. Биз эса монографияда нисбатан бошқача йўл танлаб, XX аср ўзбек шеъриятида лирик қаҳрамон руҳий олами тасвирининг тамойиллари, ривожланиш даражалари ва юксалиш йўлларини ўрганиш ва шу асосда шеърият тараққиётидаги асосий хусусиятларни тадқиқ этишга ҳаракат қилдик. Бу масаланинг ечими кўйидаги вазифаларни амалга ошириш туфайли юзага чиқсан:

- аср боші шеъриятининг лирик қаҳрамони ва эстетик идеал проблемасини текшириш;
- 20-йиллар ўзбек шеъриятидаги психологияк тасвир тамойилларини белгилаш;
- Чўлпон, Ойбек, Ф. Фулом, Ҳ. Олимжон, Уйғун, Зулфия шеърияти лирик қаҳрамонларининг давр пўртналарига, жамият, тузум ва сиёсатга муносабатлари ва шу жараёнда юзага келган руҳий ҳолатларининг тасвирини тадқиқ этиш;
- лирик қаҳрамон қисмати, нуқтаи назари, унинг даврга муносабати масаласини ўрганиш;
- лирик қаҳрамоннинг зулм ва зўравонлик муҳитидаги оғир ва қўйноқли руҳий ҳолати манзараларини таҳдил этиш;
- шахсга сиғинишнинг фош этилиши билан боялиқ руҳий уйғониш даври — 60-йиллар лирик қаҳрамони маънавий дунёсининг етакчи хусусиятлари ва асосларини очиб бериш;

- 70—80-йиллар шеъриятида психологик тасвирнинг юксалиш йўллари ва тамойилларини кўрсатиш;
- лирик қаҳрамон руҳиятидаги исённинг шеърга кўчиш йўл ва усулларини очиш;
- тарих, замон, келажак ва лирик қаҳрамон руҳий оламидаги уйғунлик сирларини ёритиш;
- ижтимоий-сиёсий ва ахлоқий-маънавий муаммолар, жамият ва шахс муносабатлари замирида пайдо бўлган зиддиятларга лирик қаҳрамоннинг руҳий муносабатини тадқиқ қилиш;
- соф лирик пафос ҳосиласи бўлган шеърларда руҳий ҳолат ва кайфият тасвиirlарининг ўзига хос томонларини кўрсатиш.

Инсон руҳий оламини бойитиш, унинг маънавий етуклигини таъминлаш масаласи ҳозирги кунда мустақил давлатимизнинг асосий вазифаларидан бири деб қаралмоқда. Шахснинг маънавий камолоти жамият тараққиётининг бош манбай сифатида баҳоланмоқда. Бу масалани Президентимиз И.А.Каримов Бирлашган Миллатлар Ташкилоти минбаридан туриб, мустақиллигимизнинг ilk кунларидаёқ, тараққиётимизнинг етакчи омилларидан бири сифатида шундай таъкидлаб кўрсатган эдилар: "Энг муҳими эса биз кейинги 75 йил мобайнида яшаб келган маъмурий-буйруқбозликдан иборат тоталитар тақсимот тизими юзага келтирган одамлар руҳиятини, уларнинг тафаккурини ўзгартириш лозим"⁶. Шу нуқтаи назардан ушбу ишда мустабид тузум сиёсати комида ижод қилишга мажбур бўлган, аммо буюк истеъоддод курдати-ла шеъриятнинг асл моҳиятини руҳиятида сақлаган ҳолда ўзбек адабиёти тараққиётига ҳисса қўшган ҳамда мустақиллик мафкураси ва адабиётини яратишга замин тайёрлаган, истиқлолнинг

⁶ Каримов И.А. Биздан озод ва обод Ватан қолсин. Тошкент, 1996. 50-бет.

ғоявий асосларини бунёд этишда шўро сиёсатининг ҳар қандай тазиқ ва таъқибларига учрашдан кўрқмай ижод қилган шоирлар шеърияти лирик қаҳрамонлари руҳий — маънавий олами даражаларини тадқиқ этиш муҳим аҳамиятга молик деб топилди. Монографияда ижоди тадқиқ этилган шоирлар халқим, ватаним дега тоҳзирланган, тоҳзирланган мавжуд тузум ва сиёсатга қарши исён билан яшаган, тил, Ватан, миллат равнақи учун ҳар қандай тўсиқларни енгизга шай турган фидойи фарзандлар тоифасига мансубдирлар. Зоро, ижтимоий, сиёсий, маънавий ҳаётни теран таҳлил этиб, ана шу жараёнда халқ манфаати учун хизмат қилмайдиган омилларни фош қилган, зимдан кечачётган шовинизмга қарши имконият даражасида кураштган миллий шеъриятнинг шиддатли садоси халқимизни ўз мустақиллиги учун курашта чорлаганлиги сир эмас.

Хуллас, қўлимиздаги тадқиқот миллий ҳуқуқларимиз, анъана ва қадриятларимиз қадрланаётган кунларга этишишнинг ниҳоятда қийин ва мушкулотларга тўла бўлганлигини тасдиқлашга ҳам хизмат қиласи, деб ўйлаймиз.

Биринчи боб

XX АСР БИРИНЧИ ЯРМИ ЎЗБЕК ШЕЪРИЯТИДА ЭСТЕТИК ИДЕАЛ ВА РУҲИЯТ МАНЗАРАЛАРИ

Инсоният тарихи — даврлар мажмуасидан иборат. Ҳар бир давр эса бу тарихга ўзининг яхши ва ёмон томонлари билан муҳрланиб келмоқда. Тарихни даврларга бўлиб ўрганиш одат тусига кирганки, бунинг боиси ҳар бир даврнинг ижтимоий, сиёсий ва маънавий-маданий ҳаётида тарихда қоладиган воқеаҳодисаларнинг содир бўлганлигидир. Шу маънода XX аср ижтимоий, сиёсий, иқтисодий, маънавий ҳаёти ўрганилса, унинг ҳар бир даври жамият, халқ ҳаётида ўзининг маълум бир изини қолдириб кетганлиги гувоҳи бўламиз. Бу масалани бадиий адабиёт соҳасида олиб қарайдиган бўлсак, унда адабиёт ва санъат давр нафаси, руҳи сифатида халқимиз ҳаётининг кўзгуси бўлгандек туюлади. Дарҳақиқат, бадиий адабиёт ҳар бир даврнинг маънавий даражаси қандай бўлганлигини кўрсатувчи бош манбадир.

Асrimiz бошланишиданоқ, ўзбек шеъриятида янгича бир тўлқиннинг кучайганлиги бадиият уммонидан маърифатпарварлик ва жадидчиллик адабиётини юқорига олиб чиқди. Бу адабиётнинг лирик қаҳрамонлари мумтоз шеъриятимиз лирик қаҳрамонидан фарқли ўлароқ, илм-маърифатни тарғиб қилишини муқаддас бўрчи деб билди. Ҳамма яхшилик, ёруғлик, баҳт-саодатнинг қалити илму маърифатда деб бонг урди. Шу заминда ўзининг ижтимоий-сиёсий ҳаёт муаммоларига муносабатини ҳам билдириб ўтди. Айниқса, Чор Россиясининг Ўрта Осиёга мустаммакачиник юришлари оқибатида шеъриятимиз



лирик қаҳрамони руҳий оламида исёнкорлик хусусиятлари пайдо бўлди. Буни 1916 йилги мардикорлик воқеаси туфайли бошланган халқ ҳаракатлари, Жиззах қўзғалони сабабли дунёга келган асарлар лирик қаҳрамонларининг дунёқараши ва ҳаётга муносабатлари яхши исботлайди.

Октябр тўнтариши халқ ҳаётига олиб кирган ўзгаришлар бутунлай янги бир лирик қаҳрамоннинг дунёга келишига сабаб бўлди, бундай қаҳрамонни шеъриятимиз тарихи ҳеч қачон билмаган. Зоро, бундай "инқилоб" ҳам халқимиз тарихида ягонадир. Тўнтаришгача бўлган лирик қаҳрамон характеристида, руҳиятида аждодлар хулқи-хусусиятлари сақланиб, уларнинг қарашларида ҳам анъанавийлик устивор эди. "Инқилоб" билан туғилган лирик қаҳрамонларда эса бундай хусусиятларни кўриш мураккабликни келтириб чиқарди. Чунки шоирлар мамлакатда жорий қилинган сиёсатнинг бадиий талқини сифатидаги асарлар яратишга киришдилар. Ҳали қурилмаган, мустақиллик, эрк ҳақидаги ваъдаларини амалга оширган социалистик жамиятнинг афзалликларидан бонг урган шеърларнинг лирик қаҳрамонлари халқ оммасини орқасидан эргаштиришга мувваффақ бўлди. Зоро, меҳнаткаш оммага ҳеч ким, ҳеч қачон шўро ҳокимияти, сиёсатчалик чексиз имкониятлар, бекёс хуқуқлар ваъда этмаган. Бинобарин, ҳеч бир давр лирик қаҳрамонлари кўз бойлоқчи гоянинг, сиёсатнинг бунчалик курбони бўлмаган. Ҳалқ абал-абад сиёсатдонларга унчалик ишонмаса-да, аммо шоирига ишонган, унинг ҳар бир сўзини ҳақиқат деб билган. Шу боисдан "инқилоб" билан қайта "туғилган" ёки кўз очган шоирнинг ҳар бир сўзини ҳақиқат деб тасаввур этган халқ шўро ҳокимиятини ўрнатиш, давлатини мустаҳкамлаш ва жамиятини куриси йўлида жонини фидо қилишдан қайтмаган. Келажагини нурлар оғушида тасаввур қилиб, шу

куннинг ҳар қандай азобларига дош берган. Ана шулардан келиб чиқиладиган бўлса, 20-йиллар шеърияти ва унинг лирик қаҳрамони қиёфасини қора бўёқларда чизишга тўғри келади. Лекин шуни эсдан чиқармаслигимиз керакки, халқ сингари бадиий адабиёт ижодкорлари ҳам алданди. Улар ишонч ва эътиқодининг алданганилигини сезмай, шўро ҳокимиятига, партиясига садоқат билан хизмат қилдилар.

ХХ аср биринчи ярми ўзбек шеъриятини ўрганиш шуни кўрсатадики, давр лирик қаҳрамонлари дунёқарashi, руҳий оламининг ранг-баранглиги жиҳатидан икки хил тоифага бўлинар эканлар. Уларнинг аксар қисми шўро сиёсатининг фаол тарғиботчиси сифатида кўринсалар, бир хиллари бу сиёсат моҳиятини англаган, унинг келажак учун тудирадиган хавфини сезган ҳолда муносабат билдирган исёнкорлар тариқасида кўзга ташланадилар. Уларнинг шеъриятида психологик тасвирнинг мукаммал на муналари мавжудки, бундай асарлар ҳақида кейинроқ фикр юритилади.

Янги сиёсат, жамиятни мақтаган шеърлар лирик қаҳрамонлари кўпроқ ҳаётда янгилик яратишга давват, илм олишга, озодликни қўлдан бермасликка, шўролар давлатининг ички ва ташқи душманларига қарши курашга, хотин-қизларни эркинликка олиб чиқишига, Ленин ва коммунистик партияни, кейинроқ эса "халқлар отаси" Сталинни улуғлашга илҳомлантириш масаласини биринчи ўринга олиб чиқдилар. Чунки давр талаби, тақозоси билан дунёга келган бу шеърият ўз олдига инсон руҳий дунёсини бадиий тадқиқ этишни эмас, балки ҳаётда рўй берадётган ва рўй бериши мумкин деб ҳисобланган ҳодисаларни буюк ўзгариш сифатида талқин этиб, янги бир ижтимоий-сиёсий тараққиёт йўлидан борадиган ва халқни юксак ривожланган жамиятда яшашга мушарраф этадиган давлат кишилари маънавий дунё-

сини "қайта тарбиялаш" ва бойитиш масаласини ўз олдига мақсад қилиб қўйган эди. Буни бошқача қилиб айтадиган бўлсак, шоирлар ўз идеалидаги, яъни янги тузум ваъда қилган, аммо реал ҳаётда ҳали исботини топмаган хаёлотни, орзу-умидларни, тасаввурни жонланган, шаклланган янгиликлар, воқеа-ҳодисаларни бадиий тасвири этишига интилишган. Мақсад, интилиш шундай бўлгач, бу даврда дунёга келган шеъриятда тўла маънодаги руҳият тасвирини бўлмаслиги, балки идеалдаги нарсалар акс этиши табиий. Бунинг ёрқин мисоли сифатида Ҳ.Ҳ. Ниёзий, С. Айний, М. Сўфизода, А. Авлоний, Баёний, Фақирий, Мутриб, Девоний, Чокар, С.Муғаний сингари шоирларнинг тўнтаришдан сўнгги даврда яратган асарларини айтиб ўтиш мумкин. Лекин бу ана шундай асарларни гоявий-бадиий жиҳатдан номумкаммал деб айтиш учун бизга ҳеч қандай хуқуқ бермайди. Улар ўзларининг ташвиқий, тарбиий вазифасини англаған, давр талабига ҳозиржавоб асарлар сифатида дунёга келишди. Бундай шеърият ижодкорлари адабиётга тўнтаришдан илгари қадам қўйган, маълум ижодий тажрибага эга бўлган шоирлар эди. Улар шўро ҳокимияти ўрнатилиб, мустаҳкамлангач, албатта, яхши кунлар келади, Ватан обод, халқ тинч, мустақил, эркин ҳаёт кечиради деб қаттиқ ишонадилар. Мана шу ишонч туйғуси уларнинг бор кучи, истеъдод ва имкониятини мустақиллик, эрк ваъда қилган "инқилоб", шўро ҳокимияти ва сиёсатини тарбиб қилишга йўналтириди. Уларнинг бу даврда яратган асарлари янги ҳокимиятни ўрнатиш ва мустаҳкамлашда жуда муҳим маънавий таъсир кучига эга бўлди. Адабиётни, шеъриятни севган халқ унга ишонди ва унинг чақириқларини қабул қилди, социалистик жамият қуриш йўлида кучини, меҳнатини аямади. Мана шу социалистик жамиятни, тўла ва узил-кесил қуриш учун кураш гояси бадиий

адабиётни то шахсга сифинишининг фош этилишига қадар ўтган давр мобайнида фалаж ҳолатга солиб қўйди. Айниқса, 30-йиллар, урущдан сўнгги давр шеъриятининг аксар қисмини шўро сиёсати мажруҳлантирган шеърият дейиш мумкин. Бу муаммолар ҳақида иш давомида фикр юритилади. Бир сўз билан айтганда, XX аср биринчи ярми ўзбек шеъриятида руҳий олам тасвирига нисбатан ижтимоий, сиёсий оламда кечган ва кечиши тахмин қилинган воқеалар тавсифи, яъни идеалда яралган давлат, жамият, эрк, баҳт сингари масалаларни кўйлаш биринчи ўринда турди. Аммо шеърият жонида-қонида сақланган бир тола нур — ўзлик туйғуси уни инсон қалби, руҳий оламига мансублик баҳтидан бенасиб бўлишдан асрраб қолди ва вақти келганда бу нур унинг бутун вужудини ёритиб турди.

1.1. 20-ЙИЛЛАР ЎЗБЕК ШЕЪРИЯТИДА ПСИХОЛОГИК ТАСВИРНИНГ ЎРНИ ВА РОЛИ

Собиқ иттифоққа бирлаштирилган халқлар ҳаёти оқимини октябр тўнтариши бутунлай бониқа ўзанга буриб юборди. Бу жараён ўз даврида оламшумул сиёсий, ижтимоий ҳодиса сифатида баҳоланди ва миллатлар тақдирли ва келажаги ҳақида жуда катта бащоратлар қилинди. Баҳоланки, тарих холосаси бутунлай бошқа маъно ва мундарижа касб этди. Агар гап шу маънода бадиий адабиёт масаласидан бошланса, унинг қисмати ҳам ўзи мансуб халқницидан бошқача бўлиши мумкин эмаслиги аён бўлади. Чунки ҳукмрон сиёсат адабиёт халқ онги ва дунёқарашини, ижтимоий, сиёсий ҳаётга муносабатини шакллантиришда ўз қўлида яхшигина гоявий қурол вазифасини бажаришини яхши англарди. Шу боисдан, энг аввало, шўро сиёсати "тарбия"ни бадиий адабиётдан бошлади. Уни яратувчиларнинг ўз гояларига

садоқатли кишилар сифатида "камол топиши" учун жон-жаҳди билан курашди. Натижада, юқорида айтилганидек, "инқилоб"дан сўнг давр пўртаналярига лоқайд қараган ҳолда шўро сиёсатининг жарчисига айланган шеърият ҳамда ўша сиёсатнинг туб моҳиятини фош этувчи шеърият дунёга келди. Шўро сиёсатини олқишилаган асарлар янги адабиётнинг илк намуналари сифатида юқори баҳоланди. Бу адабиётга кириб келган ёшлиар қаламларининг кучини, аввало, катта авлод санъаткорлари ёритган мавзуларда сиаб кўра бошлашди. Бу борада Ойбек, Ф. Гулом, Ҳ. Олимжон, Миртемир, Уйғун, Файратий сингари шоирларнинг илк асарларини мисол қилиб келтириш мумкин.

Faфур Гуломнинг 20-йиллар ижодини ўрганадиган бўлсак, унинг шеърларида шўро тузумини олқишилаш, келажаги ҳақида юксак foяларни куйлаш хусусияти ниҳоятда устиворлигини кўрамиз. Шоир "Феликс болалари" шеърида "инқилоб" учун кураш ийларида ота-оналаридан жудо бўлган болалар тақдири, келажаги ҳақида ёзар экан, шўро ҳукуматини, фирмә ва Ленинни мадҳ этди. "Ленин бизнинг отамиз, Биз сезамиз ҳаммасин! Елкамизда кўлинини, Юзимизда нафасин"¹ — деб ёзди. "Тилак" шеърида эса курашаётган халқ сафига қўшилаётган ёш қалбнинг истаклари, умидлари, орзу-идеаллари ҳақида фикр юритади. Ўша давр руҳи билан нафас олган ёшларнинг умиди буюк қурилишларда ҳамма қато-ри ғайрат билан иштирок этиш, қалбida куртак ёзган, ўз идеалида шакланган, янги жамият ҳақидағи орзулар рўёби учун курашиш бўлганлиги, шуб-хасиз. Бунда шоир лирик қаҳрамон орзу-умидлари, идеали тасвирида унга ўхшаган ёшларнинг истак-

тилакларини умумлаштириб баён қилишга интилади. Шеърда лирик қаҳрамон ҳис-туйгулари тасвирига нисбатан унинг интеллектуал дунёси манзарасининг акси устунлик қиласи ва лирик "мен"нинг ички дунёсидаги ҳиссий тўлғонишлар, ўй-фикрлар оқими уйғунлигидан дунёга келган руҳий ҳолатлари намоён бўлмайди. Балки лирик қаҳрамон ўзининг ташқи оламга нисбатан ташқи муносабатини, кайфиятини билдиради, холос. Шоирнинг "Севгилим..." шеъри ҳам худди ана шундай хусусиятга эга. Унда лирик қаҳрамон ички дунёсида эмас, балки ташқи дунёда содир бўлган ва бўлаётган воқеалардан хабар берилади. Шеърда ўтмиш ва бутуннинг манзараси яратилиб, лирик қаҳрамон қалби, руҳиятига доир чизгилар кўринмайди. Кураш майдонига чиқсан пролетар — асар лирик қаҳрамони. Шоир эса унинг босиб ўтган меҳнат ва кураш йўлларининг ҳикоячиси. Бундай хусусият, яъни шеърда шоирнинг мени биринчи планга чиқмай, унинг ҳикоячи, баёнчи сифатида иштирок қилиши, жамиятдаги маълум бир синф ёки гуруҳнинг идеали, интилиши, кураш ва орзуларини ўзида умумлаштирган шахснинг лирик қаҳрамон қилиб танланилиши, бу қаҳрамоннинг эса мавжуд ҳаётга муносабати бир хил ранг ва оҳанг касб этиши 60-йилларгача бўлган ўзбек шеъриятининг катта қисмига хосдир. Бу, аввало, шўро адабий сиёсатининг нотўғри олиб борилганлиги ва шахсга сиғинишнинг даҳшатли оқибати туфайли эди. Унда оддий халқнинг меҳнати қуйланади, лекин уни инсон сифатида ўрганиш, маънавий олами, руҳий дунёси, қалб мулкини бадиий таҳдил этиш бахти жуда камдан-кам шоирларга насиб этди. Шунинг учун ҳам бу давр шеърияти чуқур психологик хусусият касб этолмади.

F. Гуломнинг "Қизил байроқ", "Паранжи" шеърларида ҳам ана шундай хусусият аниқ кўринади. "Қизил байроқ"да лирик қаҳрамон ўзи номидан гапи-

¹ Гулом F. Муқаммал асарлар тўплами. 1-жилд, Ташкент, 1983. 21-бет.

ришни зиммасига олади. Ўтмишни қоралаган ҳолда бугунги янги ҳаётни, тузумни қўллаб-қувватлаган лирик қаҳрамон вужудидан куч-қувват ёғилиб туради ва шиҷоатли ёшлар сиймосини ўзида умумлаширади. Янги жамият қуриш, ҳаёт ўзанини яхшилашиш сари буриш, хотин-қизларни озод қилиб, уларга тенг ҳуқуқ бериш, бу йўлда учрайдиган тўсикларни енгиш учун нимаики қилиш керак бўлса, барчаси ни ўзи, яъни ёшлар вазифаси деб билади ва бошлигажак курашларга ҳар доим шайлигини изҳор қилали. Ўз-ўзидан кўринадики, бундай шеърдан лирик қаҳрамон руҳий дунёси тасвирини талаб қилиш ҳам ўринсиздай туолади. Лекин уларни бадиийликдан маҳрум деб ҳам бўлмайди. Бу асарларда руҳий олам тасвири эмас, балки давр кишилари идеали даражасига кўтарилиган масалаларни бадиий акс эттириш биринчи ўринда туради.

Ғ. Гулом шеърларига хос бундай хусусиятларни ўша давр шеърияти учун типик ҳодиса эди деб чегаралаш ҳам мумкин эмас. Чунки ҳар бир давр шеърияting умумий бир хусусияти бўлгани каби бу умумийликда хусусийликнинг овози ҳам, албатта, сезилиб туради. Бу тўғрида Чўлтон, Ойбек шеъриятига ажратилган ўринларда фикр юритилади. Лекин Ғ. Гулом шеъриятига ҳамоҳанг, ҳамфикр шеърлар Ҳамид Олимжон қаламига ҳам мансуб эди. Бу борада шоирнинг аёл озодлиги мавзусида яратилган "Хотин-қизлар", "Синглимга" шеърларини айтиш мумкин. Уларда "инқилоб" ўзбек аёлига баҳш этган озодлик мадҳ этилади ва уни қўлдан бермасликка кучли даъват акс этади. Шеърдаги мана шу мадҳия ва даъват туйгуларининг устиворлиги ўқувчини лирик қаҳрамон руҳий оламига олиб киришдан шоирни узоқлаштирган.

Ҳамид Олимжоннинг бошқа мавзууда яратилган шеърлари ҳам янги тузумни олқишиш, ёшларни

фаолликка чорлаш, келажакни алқаш, озодлик душманларига қарши курашга даъват этиши хусусиятига эга. Булар "Комсомоллар", "Шодлик кун", "Биз ким", "Кашшоф", "Илгари бос, эй кашшоф", "Ҳозирланамиз", "Яна ёшларга", "Ёш куч" сингари шеърлари бўлиб, уларда ҳам фикрловчи лирик қаҳрамон ташки дунёда содир бўлаётган воқеаларнинг хабарчиси сифатида кўринади.

20-йилларда ёқ илк машқларини бошлигани Уйғун шеърлари ҳам foявий ўйналиши, мавзу ва мақсади нуқтаи назаридан F. Гулом, Ҳ. Олимжон шеърларига яқин. Лекин услубий ўзига хослиги билан улардан фарқланиб туради. Уйғун шеърларида ҳам лирик қаҳрамон руҳий дунёси, ички олами тасвирига интилиш, воқеликка руҳият тасвири нуқтаи назаридан ёнданиш бўртиб турмайди. Аммо шеърият шундай бир санъат, гўзалликки, у қайси даврда бўлмасин, қай воқеа тасвирини бермасин ёки қандай инсон орзу-интилишлари, идеали ҳақида ўйламасин, истаса-истамасин, сезилар-сезилмас даражада бўлса ҳам лирик қаҳрамон руҳий дунёсининг баъзи бир қирраларини ёритиншга эришади. Аммо бундан Уйғуннинг бу давр шеъриятида руҳият тасвири чукур бўлган экан деган хулоса келиб чиқмаслиги керак. Айтилган фикр битта Уйғун шеъриятига таалкуқли эмас. Уйғун ҳам замондошлари тутган ижодий йўлдан борди. Шўро ҳукумати ва партия чизган чизикдан четга чиқишини хаёлига ҳам келтирмади. Бадиий адабиётда қандай мавзуулар ёритилаётган бўлса, Уйғун ҳам шу шеърларга қўл урди. Аммо у замондошлари сингари ўлкада юз берган ўзгаришларни ўта ижобий баҳолаган ҳолда, улардан бир оз фарқли ўлароқ, лирик қаҳрамон фикр ва мушоҳадаларига ҳиссиятлари, ҳаяжонлари рангини ҳам мувофиқлаштиришга интилди. Лирик қаҳрамон идеалидаги нарсаларга, унинг қарашларига, туйгуларига табиатдан рамз ва ранг

олишга ҳаракат қилди. Ана шу жараёнда шоир тұла бўлмаса-да, лирик қаҳрамоннинг табиатга муносабати фонида дунёга көлган руҳий ўзгаришларни маълум даражада очиб беришга муваффақ бўлди. Табиатдан рамз олиш масаласи аслида Ўйғуннинг бутун ижоди учун хос хусусият ва шоир услубининг муҳим белгиси. Масалан, унинг "Тонг" шеърини олиб тоңгни таъриф, тавсиф этгандай. Агар шеърнинг моҳиятига чуқурроқ кириб, унда қўлланилган рамзийлик масаласига эътибор берганда шоирнинг тоңг тасвири заминида ўша давр таърифи билан айтганди, мамлакат узра юз очган "тонг" — октябр "инқилоб"ини куйлаётганигини англаш қийин эмас.

:::

Туманга ўралиб йўқолди уйқу,
Ҳар ерда бир гўзал умидли туйғу,
Ҳар дилда очилди шодлик чечаги,
Борликда қолмади ҳасрат ва қайғу²

мисраларидағи учта — *туман*, *уйқу*, *чечак* сўзлари шоир айтмоқчи бўлган асосий фикрни ўзида умумлаштиради. Туман — ўтмиш, яъни синфий-феодал жамиятни англатса, уйқу — гафлат, жаҳолат курбони бўлган йилиларни ифодалайди. Чечак — "инқилоб"-дан кейин меҳнаткаш оммага вაъда этилган эрк, озодлик, жўшқин ҳаёт хабари, кишилар қалбида уйғотган кувонч, умид туйғулари рамзидир. Мана шу учта сўз шоирнинг бошқа замондошларин шеърларида очиқласига айтилган гашларнинг, "инқилоб"ий давр руҳининг табиат рангларига ўралган рамзий ифодасидир. Лекин шоирнинг Тошкент музофот таълим-тарбия техникумини биринчи мартаба битирувчилар тилидан айтган "Келдик" шеърида рамзийлик

² Уйғун. Танланган асарлар. З жилдик. 1-жилд. Тошкент, 1964. 27-бет.

"Тонг"даги сингари бошдан охиригача ҳар битта мисрада хукмронлик қилмайди. Шундай бўлса-да, барибир уни асардаги бадиийликнинг асосий белгиси деб ҳисобласа бўлади. Бу шеърда лирик қаҳрамон кўпчилик номидан гапиради. Унинг айтмоқчи бўлган гаплари рамзийлик либосига ўралиб, давр пўртана-лари садосидан ажратилган ҳолда ифода этилади. Балки бу бир томондан, ўша пайтда нафис санъат ҳисобланган шеърият учун тўғри йўллардан бири бўлган-дир. Балки бу адабиётга, шеъриятга ҳайқириб кириб келган В. Маяковский, Ҳ.Ҳ. Ниёзий сингари шоирлар шеърияти руҳига кирган ўқувчи учун ғалатироқ кўринар. Балки бу курашлар, тортишувлар, иккиланышлардан чарчаган, қалбига нафосатли сўзлардан юпанч, таскин излаган, шулар ёрдамида келажакка нигоҳ ташлаш орзусидаги кишилар учун маъқул туългандир. Лекин қандай бўлишидан қатъи назар, шоир ўқувчига ўз фикрини, "инқилоб"дан сўнгги кунлар нафасини етказишига эришган.

Юқоридагилардан шундай хуносага келиш мумкинки, тилга олинган шоирларнинг илк шеърларида инсон руҳияти тасвири ўрнига, унинг эстетик идеали тасвири биринчи ўринда туради. Уйғун шеърларидағи руҳият тасвири деб тан олинган хусусиятлар ҳам унинг мазмуни, моҳияти ва характерини тўлалигича ифода этолмайди. Бошқа шоирларнинг кўрганимиз — руҳият тасвирисиз дунёга келган шеърларида эса лирик қаҳрамон объектив борлик воқеа-ҳодисларини ўз руҳий дунёси қатламидан ўтказиб, кечинмалари шаклига киритиб эмас, балки уларни қандай бўлса, шундайлигича баён қиласи. Шоирлар бугунни кечаги кун, ўтмиш билан муқояса қилиш, улар ҳақидаги фикр ва қараашларини шеърий йўлда айтиш билан кифояланади. Жамиятда "инқилоб"гача хукм суреб келган синфий нотенглик кўринишлари, шулар оқибатида халқ бошига солин-

ган кулфатлар нафрат билан қораланади, улар шу куннинг руҳи билан инкор қилинади, эрта — келажак ҳақидаги яхши ниятлар, орзу-умидлар куйланади, уларга равнақ бериши лозим бўлган, янги қурилаётган социалистик жамият олқишиланади. Буларнинг барчаси инсон, лирик қаҳрамон руҳий дунёси тасвирисиз, аралашувисиз бажарилади. Гарчанд, бу шоирларга дастлаб маълум маънода ҳамроғлик қилиштан бўлса-да, Ойбекнинг бир қатор шеърларида, айниқса, Чўлпон шеъриятида даврни, "инқилоб"ни, сиёсатни олқишилашдан чекинган, миллий озодлик учун ҳаққоний курашувчи лирик қаҳрамон овози эшитилиб қолди. Шеърлар лирик қаҳрамони "инқилоб"ни озодлик мавсуми деб эмас, балки тутунликка маҳкумликнинг бошни деб тушунган.

Бу асарлар, аввало, инсон руҳий дунёси манзараларини очишни ўзининг мақсад ва вазифаси сифатида танламаган, инсон эстетик идеалини куйлашни муддао қилган шеъриятдан айрича, бошқа бир нафосат олами тариқасида пайдо бўлди. Унинг илдизи қалб, руҳият оламидан озиқ олиб турди. Зеро, уларни ташқи олам, воқелик таъсиридан бутунлай узоқда туғилган шеърлар деб бўлмайди. Бундай асарларнинг ижодкорлари ҳам ташвиқий асарлар яратиб, давр талабини адо этаётган шоир ва адилар билан бир заминда туғилиб, яшаётган кишилар эди. Улар ҳам давр нафасини яхши илғаб, меҳнат қилаётган одамлар. Лекин гап шундаки, ҳаётда содир бўлаётган, воқеа-ҳодисаларни ким қандай англайди ҳамда унинг келажагини қай йўсингда ва ажволда тасаввур этади? Ана шулардан келиб чиқсан ҳолда воқеликдан олган таассуротларини қай услубда шеърга айлантиради? Лирик қаҳрамон давр долғалари ва пўртабаларига муносабатини қайси шакл ва мазмунда билдиради? Мана шу масалалар нуқтаи назаридан Чўлпон ва Ойбек ижодига назар ташланганда мав-

жуғ воқелик сабоқлари улар яратган лирик қаҳрамонлар руҳиятида ўзига хос маънолар касб этганлиги кўринади. Шуни таъкидлаб ўтиш жоизки, дастлаб Ойбек шеърияти ҳақиқий эркинлик ва баҳтиқболни октябр "инқилоб"и туфайли "қўлга киритган" шоирлар ижоди билан ҳамоҳанглик касб этди. Унинг бундай асарларида ўтмиш манзараси қора рангларда кўрсатилди, лирик қаҳрамони руҳиятида сунъий кўтаринкилик ҳукмронлик қилди. Чўлпон шеърияти лирик қаҳрамони эса ана шу нуқтада Ойбек лирик қаҳрамони билан руҳан яқин эмас эди. Чунки, Чўлпон лирик қаҳрамони руҳий олами ниҳоятда ўзига хосдир. Бу ўзига хослик шеърда лирик қаҳрамон руҳий дунёсининг теран, исёнкор, ҳаёт зиддиятларига бефарқ бўлмаган бир тарзда зоҳир бўлишида кўринади. 20-йилларда Чўлпон шеъриятига хос бўлган ушбу хусусиятни унга замондош бўлган барча шоирлар қаҳрамонига нисбат бериб бўлмайди. Зоро, бунда, ҳеч шубҳасизки, ҳар бир шоирнинг ҳаётга, даврга шахсий муносабати, ташқи олам таъсирини қабул қилиш иқтидори ҳам муҳим роль ўйнаган. Чўлпон — улкан талант. Улкан талантлар эса ҳаёт ҳодисаларига ҳеч қачон юзаки муносабатда бўла олмайдилар. Турмушдаги ҳар қандай янгилик ва ўзгариш уларнинг қалб, эътиқод ҳамда мушоҳада қувватига дош берсагина, ўзининг тасдигига эришади. Акс ҳолда инкор қилинади. Инкор этилганда ҳам туб илдизи билан инкор этилиб, шоир ёки ёзувчининг руҳонияти енгиг бўлмас катта кучга айланади. Чўлпонда ҳам худди шундай бўлган эди.

Бу даврда "инқилоб" ғалаба қилди, шўролар ҳоқимиятни қўлга олди, оддий халқ нимага эришди деган масалаларни таҳлил этиш Чўлпон лирик қаҳрамонининг асосий мақсадига айланди деса, хато бўлмайди. Нима учун? Нега Чўлпон лирик қаҳрамони зиммасига маънавий олам масаласидан ташқари

ижтимоий, сиёсий ҳаёт муаммолари билан шуғулланиш вазифасини ҳам юклади? Бу туйғу Чўлпонда қаердан пайдо бўлди? Ахир, тарихнинг "гувоҳлик" беришича, "инқилоб"дан сўнг Ватан ҳам, ҳалқ ҳам озодликка чикқан эди-ку? Агар ана шу муаммоларга ҳақоний ёндашиладиган бўлса, бу даврда меҳнаткаш ҳалқ икки ўт ўртасида қоврилмоқда эди. Кимга қарши курашиб керак, ким ҳақу ким ноҳақ, ким уларга озодлик беради, миллий туйғуларни, гурӯра ҳуқуқни ким ҳимоя эта олади — мана шу масалалар оммани аросатда қолдирди. Юрт вайрон, ҳалқ ҳаёти хароб аҳволга тушди. Бундай ўйлаб қаралса, ҳалқнинг боши то мустақилликка эришгунимизча адолатсиз муносабатлар, курашлар гирдобидан халос бўломмаган экан. Шундай бўлгач, ҳар бир ҳалқнинг ўзлигини таниган зиёли фарзандлари руҳиятида адолатсизликларнинг барча турларига қарши исён уйғониши, табиий. Шу маънода Чўлпоннинг 20-йилларда яратган, ижтимоий адолат учун курашларининг ҳаёт ҳақиқатидан бино бўлганligini инкор этиш қийин ва мумкин ҳам эмас. Чўлпонни ана шу жасоратдан яралган шеърлари учун миллатчи эмас, балки миллий шоир сифатида улуғлашимиз, ундаги фидойилик фазилатининг давр фарзандларининг барчасига ёр бўлмаганидан афуссланишимиз, ўзликни асрар туйғусининг, руҳининг ҳаммада бирдек уйғонмаганилигидан ачинишнимиз керак эди. Лекин шўро замонида унинг акси қилинди.

Чўлпоннинг йигирманчи йиллардаги қўп шеърларида ўқувчи дикқатини асосий масалага савол орқали жалб этиш, руҳий муносабатни савол тарзида кучайтириб ифодалаш усулидан моҳирлик билан фойдаланилган. У бир шеърида:

"Нечун очилди кўзим, қайда кетди уйқуларим?
Бу уйғониша тўлиб-тошди, ошди қайгуларим..."

дейди. Кўринадики, ушбу мисралар замирида лирик қаҳрамон руҳий дунёсидаги бекиёс изтиробнинг алансаси мужассам. Зоро, 20-йиллар сиёсатчилари, кўпгина шоирлари "Уйғон!" деб бонг уришди, ҳалқни "инқилоб" ғалабаси очган янги дунё — шўролар ҳокимиятини мустаҳамлаш учун унинг душманларига қарши курашга сафарбар этишди, адолат истаб кўтарилган миллий исён ҳаракатларини бостиришга даъват қилишди. Бу бутун оммани ишонтирган, орқасидан эргаштирган фоянинг, эътиқоднинг шиори ва мақсади эди. Бунга эришилди ҳам. Чўлпон эса ҳалқнинг уйғониб, курашиб, ҳеч нарсага эришполмаётганидан изтироб чекди.

Шоир лирик қаҳрамони қалбининг изтироблари "Юпанмоқ истаги" шеърида яхши ифода этилган. Лирик қаҳрамон ниҳоятда тушкун руҳда. Уни давр воқеа-ҳодисалари ана шу кўйга солган. Ўатрофга боқиб, кўнглини юпантирувчи нарсалар, руҳини сувяччи кишиларни ахтаради. Тушкун аҳволдан қутулишнинг чораларини излайди. Адашиш, алданишнинг инсон учун нақадар оғир қисматлигини ҳисқилади. Шу боисдан лирик қаҳрамоннинг қалби дардига чулғовчи туманга асир. Қалб эса фақатгина "аччиқ сўзлар"дан тасалли кутади:

Турмушда, хаёлда... ҳар бир нарсада
Ёлғиз алданишни кўрган бир банда
Борлиққа қарғишлиар ёғдирган танда
Балки юпатгуси у аччиқ сўзлар?³

Дарҳақиқат, ҳаёт сўқмоқларида алданган, адашган киши бориб-бориб ақли етгач, ўзини қарғай бошлиайди. Қалби, виждан олдида нимаики гуноҳ қилган бўлса, бунинг учун ўзини асло кечира олмайёди. Чўлпон лирик қаҳрамони руҳий дунёси ана шу адаш-

³ Чўлпон. Яна олдим созимни. Тошкент, 1991. 439-бет.

ганлик фожиасидан азобга тўлган. У келажак — озод келажакка йўл кўрсатувчи, нажоткор йўлчи юлдузни ахтаради. Уни тополмагач, саробга айланаштага орзу ва хаёллар дунёсидан узоқлашгиси, ҳақиқатга нажоткормиз дея бонг урганлар ўша бўшлиқда ғо-йиб бўлгандек туюлади. Лекин лирик қаҳрамоннинг умид чироги ўчмаган:

Ўйланган ўйларга кўнгил юпанмас,
Кўнгилнинг истаги ўй билан қонмас,
Айтарлар, бу тунда ёруг шам ёнмас,
Чақмаса гугуртни асл ўғиллар...⁴

"Асл ўғиллар"ни ҳақиқат учун курашга чорлаш билан Чўлпон лирик қаҳрамони умид чироқларига нур излагандай туюлади. Мана шундай туйфу — курашлар оқибатида хароб бўлган Ватан вайроналари устида қалдан қонли ёш тўкиб йиғлаш ҳиссиёти ёш Ойбекнинг лирик қаҳрамонини Чўлпон лирик қаҳрамони билан руҳан яқинлаштириди. Чўлпон Ойбекка нисбатан анчагина ижодий тажрибага эга бўлганилигидан, "инқилоб" ғалабасидан сўнг уни улуғлаб щеърбитетмади. Қанчадан-қанча қаламкаш дўстлари "инқилоб"га мадҳу сано ўқиб, ҳайқирганда унинг лирик қаҳрамони изтироблари ичра қалб қонида қовбой щеърлар ҳам яратди. Аммо ҳаёт ҳақиқати руҳан ташлаб ўтган дамлар кўп бўлди. Ана шу вақтда Ойбекнинг давр руҳини, ҳаёт ҳақиқатини англаб етган лирик қаҳрамони майдонга чиқди. Ойбекнинг бундай асарлари ҳақида фикр юритилганда, у Чўлпон сингари тушкун кайфиятга берилганликда, иккила-

ниш туйгулари ичра қолиб, шўролар позициясидан чекинганликда айбланди.

Бундай фикрлар эл назарига тушган таниқли адабиётшунос олимлар томонидан илгари сурилганлиги учун, улар анча узоқ вақт умр кўрди. Бу ўринда Ойбекнинг сафдоши ва дўсти, профессор Ҳ. Ёқубов фикрларини эслатиш мумкин. Олим ёзди: "Шоир сезгилари, ҳаяжонлари ва субъектив таассуротлари ташқи дунёдан, совет оламининг реал ҳақиқатидан узилиб қолади. Унинг индивидуал онги ойнасида турмуш воқеалари бузилган, айнитилган ҳолда акс этади, воқелик ўзининг ҳаққоний ифодасини топмайди, унинг узуқ-юлуқ парчалари эса субъектив тасаввурлар ва туйгулар гирдобига кўмилиб, бузиб кўрсатилади"⁵. Ҳ. Ёқубовнинг бу фикрлари Ойбек ижодий эволюциясини кўрсатишда адабиётшунослар учун яқин йилларгача бир йўлланма вазифасини ўтаб келди. Ойбек шеъриятининг дастлабки даврлари ёхуд 20-йиллар адабиёти ҳақида ёзишни истаган ҳар бир олим ушбу фикрга суюниб иш кўрди. Ҳатто, ўзбек адабиётшунослигининг сермаҳсул тадқиқотчиларидан бири, Ўзбекистон Фанлар академиясининг мухбир аъзоси С.Мамажонов ҳам юқорида қайд этилган йўлдан бориб, "Ижодкорнинг (яъни, Ойбекнинг — Ж.Ж.) воқеликка нисбатан ноаниқ, нотўғри foявий позицияда туриши, сиёсий сезгирилитининг стилемаслиги, объектив ҳақиқатдан кўра ўзининг тор субъектив қарашларини ифодалashi уни ҳаётдаги ижтимоий-сиёсий ва фалсафий масалаларни нотўғри баҳолашга олиб келди ва бадиий тафаккурдаги бу мураккаблик унинг образлар системасида ҳам ўзмуҳрини қолдирди"⁶, — деб ёзган эди. Ойбекни воқеликни бузиб талқин қилганликда айблаш унинг

⁴ Чўлпон. Ўша асар. 440-бет.

⁵ Ёқубов Ҳ. Фоявийлик ва маҳорат. Тошкент, 1963. 10-бет.

⁶ Мамажонов С. Услуб жилолари. Тошкент, 1972. 86-бет.

лирик қаҳрамонининг ижтимоий, сиёсий ҳаётда юз берәтган адолатсиз ўзгаришларни теран англаган ҳолда унга түғри муносабатда бўлганлигининг инкор қилиниши эди. С. Мамажоновнинг: "Ойбекнинг дастлабки бир қатор шеърларида танҳолик, тушкунлик, индивидуализм ва дард-ҳасрат туйгулари ҳукмронлик қиласи. Унинг баъзи шеърларида "руҳида фифонлар" бўлган лирик қаҳрамон гавдаланадики, у қайноқ ҳаётдан, меҳнат ва ижоддан чеккаларга чироқларга ўхшатади, руҳан эзилади, табиятга қараб созининг "синиқлиги" ва сўзининг нўноклигидан нолиди. Унинг диққати кўпроқ ҳасрат, хазонлик ва қоронфилик томонда бўлади"⁷, — деган фикрлари шоир лирик қаҳрамонининг руҳиятида акс этган ҳаётнинг ҳаққоний манзарасини шўро даври сиёсати талабига кўра таҳлил ва талқин қилишдир. X. Ёкубовнинг "лирик қаҳрамон руҳидаги тушкунлик" ҳақидаги қарашларига С. Мамажоновнинг ушбу фикрлари уйғуналашиб кетган. Натижада, Ойбек илк ижодига хос бўлган психологик тасвирнинг шўро адабиётида дунёга келган илк намуналарини сиёсати талабига мувофиқ рад қилувчи илмий замин мустаҳкамланди.

Лекин бу фикрлар билан биргаликда, кейинчалик Ойбек ўзининг түғри йўлини топиб олиб, иккапланувчи туйгулардан қутилиб, даврни, воқеликни қувноқ кайфият билан куйлай бошлади, деган мазмундаги қарашлар ҳам илгари сурилди ва унинг "Товушим" шеъридан мисоллар келтирилиб, шоир ижодида бундан кейин вужудга келган кўтаринки руҳга эътибор қаратилди.

Ойбекнинг қораланган "Чолғу товуши" шеъри 1922 йилда, "инқилоб" ғалабасидан беш йил кейин

⁷ Мамажонов С. Ўша жойда.

дунёга келган. Бу йиллар бутун шўро адабиётида янги тузумнинг гуллаб-яшинаётган даври деб баҳоланган. Аммо Чўлпон ва Ойбек лирик қаҳрамони бу вақтда Ватан, ҳалқ ҳаётининг ниҳоятда маҳзун ва ночорлигидан фарёд чекишган. Ойбекнинг "Чолғу товуши" шеъридаги лирик қаҳрамон, бизнингча, давр руҳи билан яшаган. У ҳали келажак ҳақида куйласидан аввал, бундан олдинги йиллар ҳаёти манзарасини, ўша даврда оғир ҳаёт кечирган ёш йигитнинг руҳий дунёсини ва шу кунги алғов-далғов кунлар ҳақида ўйлаётган лирик қаҳрамоннинг ҳаётга муносабати замирида уйғонган туйгуларини акс эттирган. Зоро, 20-йиллар шеъриятида икки даврни — феродализм ва қурилаётган социализм даврини қиёслаш, эски тузумни қора бўёқларда, янги тузумни турфа, айниқса, қизил рангда тасвирлаш расм бўлган. Ойбек, эса "Чолғу товуши"да лирик қаҳрамоннинг қийналиб яшаган, кўнглини, руҳини чўқтирган даврнинг моҳиятини очишга, унинг ижтимоий асосларини ёритишга ҳаракат қилган. Шоир "қоп-қоронги ўрмон", "ёлғиз"лик, "қора, қалин булувлар", "маъюс, қайғуланиб турган оғочлар", "инларини ташлаб кетган қушлар" ҳақида ёзганда, албатта, битта ўзининг эмас, балки тўнтаришгача ва ундан кейин босқин ва зўравонликлар туфайли бутун ҳалқнинг бошига тушган машъум кунларни эслайди, қалбига, руҳиятига чўккан ғамнинг, маъюсликнинг рангларини рамзларда акс эттиришга интилади:

Қоп-қоронги, кенг бир ўрмон ичиди
Хайрон бўлиб, ёлғизгина турардим.
Ўрмон кўкин, қора, қалин булувлар
Қоплаганди, кўёш нури тушмасди.
Бу ўрмоннинг оғочлари ўксиздек
Маъюс бўлиб, қайғуланиб турарди.
Энг ёқимли, хуш товушли қушчалар
Ўз инларин ташлаб, учиб кетганлар.

Тонг чоғида, лекин еллар эсмасди,
Хеч товуш йўқ, тинчлик ҳукм сурарди.⁸

Агар шेърга дикқат билан назар солинса, аввалио, "кенг ўрмон"нинг ҳолати эътиборни ўзига қаратади. Чунки у қанчалик кенг бўлмасин "қоп-қоронги". Бу ҳам етмаганидек, у "қора, қалин булутлар" қуршовида қолган. "Ўрмон" тимсолига ҳар ким ҳар хил маъно бериши мумкин. Лекин унинг рамзий тимсол эканлигини хеч ким иңкор эта олмайди. Шоир нишонни жуда тўғри олган. Шунинг учун сезгир ва зукко шеърхон "ўрмон" фожиаси замирида бошка бир улкан фожиа яширинганини тез илгайди. Шунда унинг тасаввурида ўрмон беихтиёр Ватанга айланади. Ўрмон бағридаги маъюс ва қайгуланиб турган "оғоч"лар энди шунчаки оғочлар эмас, юрти, элига ҳамдард одамлардир. Шеърда умумий муҳит ҳам аниқ гавдалантирилганки, унда маъюсликдан ташқари "хеч товуш йўқ тинчлик" ҳукмрондир. Аммо бу машъум сукунатнинг бир нарсага кучи етмайди. Бу — миллий шуур, миллий фуур ва миллий маслаҳдир. Шу боис "узоқ ердан" эшитилган "миллий чолғу, миллий куй" нечоғлик ҳазин бўлмасин, лирик қаҳрамонга нажот мұждаси бўлиб эшитилади:

Ушбу чоғда бир чолгунинг овози
Узоқ ердан мунгли, мунгли эшитилди,
Бу ёқимли, миллий чолғу, миллий куй
Танларимни жимиirlатди, оҳ... ярамта туз сепди⁹.

Шеър ўқувчини қанчалик оғир ва фожиали ҳаёт манзараси билан юзма-юз қилмасин, охир-оқибатда унинг кўнглини умидсизлик, чорасизлик қайгусидан халос айлади:

⁸ Ойбек. Муқаммал асарлар тўплами. 1-жилд, Тошкент, 1975. 11-бет.

⁹ Ўша жойда.

Ичимдаги қайғу, алам ўтлари
Жўшқин уриб, учқун каби учиши.
Бу чолгунинг дардли, мунгли овози
Булбулларнинг сайрашидан яхшийди¹⁰.

Навқирон Ойбек қалбини эзган давр дардлари, халқининг жонини оғритган зулмкорликлар нега шоир миллий туйгуларини ёлқинлантирмаслиги, уни исёнга ундумаслиги керак?! Нега энди шафқатсиз ҳаёт ҳодисаларининг жонли гувоҳи бўлган Ойбек қалбининг яраларига "миллий чолғу, миллий куй"-дан малҳам изламасин?!

Хўш, "булбулларнинг сайрашидан" ҳам яхши бу "чолғу"нинг соҳиби ким эди? Эркин онг ва ҳур вижонга ҳеч қандай золим эгалик қила олмаслигига қатъий инонган Чўлпон эди. Шеърнинг охирги тўртлигидаги "Ётма ўғлон, уйғон, кўз оч, ухлама!" даъваткор сатри Чўлпоннинг "Кишан кийма, бўйин эгма, ки сен ҳам ҳур туғилғансен..." деган фикрларига ҳамоҳанг бўлиб, уни хотирга келтириши ҳам тасодифий эмас. Албатта, ёш шоирнинг ўз руҳиятида миллий куй ва оҳанг уйғонмаганида "узоқ ердан" тараалган чолғу овозидан у бунчалик таъсиrlанимagan бўлурди. Аммо бундай бедорлик ва таъсиrlанимafaқат Ойбек ёки унинг лирик қаҳрамонига хос эдими? Йўқ, албатта. Йигирманчи йилларда шўро даври қулигига қўникмagan ва кўнига олмаган ватанпарварларнинг сони оз эмас. Ойбек ўз шеърида ана шундай кишиларнинг дард ва истакларини ҳам умумлаштирган деса, хато бўлмайди. Шеър охиридаги мана бу сўзлар юқоридаги хулосани қувватлайди:

Кўп ўтмади, роҳатларим йўқолди:
"Ётма, ўғлон, уйғон, кўз оч, ухлама!"
Деган куй-ла чолғу уни йўқ бўлди.
(Билолмадим бу чолгуни ким чолди?)¹¹

¹⁰ Ўша жойда.

¹¹ Ўша жойда.

Кўринаидики, Ойбек ҳам, Чўлпон ҳам халқдаги ишонувчанлик хусусиятидан фойдаланиб, унинг ҳаётига душманлар маккорона оғулар ташлаганинги англаштиришган. Шу боисдан Чўлпон лирик ёқиб — "тутурт чақиб", халқ ҳаётига, унинг руҳиятига нур олиб киришга даъват этса, Ойбек лирик қаҳрамони ўша "асл ўғиллар"ни "Ётма, ўғлон, уйғон, кўз оч ухлама!" — дея гафлатдан бош кўтариб, ҳақиқат учун курашга чорлайди.

Булардан хуласа шуки, Чўлпон ҳам, Ойбек ҳам келажаклан умидлари бугун халқ умиди, интилиши билан уйғунлик касб этгандагина рӯёбга чиқишига ишонади. Уларнинг қалбига, руҳиятига қувват излаб талпинган лирик қаҳрамонлари учун халқ тодек таянчга айланади.

Зеро, Чўлпон ўз юрти, халқини бошқаларга, айнан ўша миллатчи деган ёрлиқни унинг бўйнига илдиришга муваффақ бўлган "дўстлар"га нисбатан бутунлай бошқача, чин маънодаги меҳр-муҳаббат билан севган, ишонган, ҳурмат қилган, уни муддас билиб, сажда қилган. Мана шоирнинг асрлар давомида эрксизлиқдан эзилиб, оғир меҳнатдан тинка-мадори қуриб, лекин юрагида исён билан яшаган, унинг қуввати билан зулм салтанатини, тожтахтларни йиқитиш қудратига эга бўлган халқнинг буюк иродаси ҳақидаги фикр ва туйғулари тасвири:

Халқ дентиздир, халқ тўлқиндир, халқ кучдир,
Халқ исёндир, халқ оловдир, халқ ўчдир...
Халқ кўзғалса куч йўқдирким, тўхтатсин,
Қувват йўқким, халқ истагин йўқ этсин.
Халқ исёни салтанатни йўқ қилди,
Халқ истади, тож ва тахтлар йиқилди...
Халқ истаги: озод бўлсин бу ўлка,
Кетсин унинг бошидаги кўланка,¹²

¹² Чўлпон. Яна олдим созимни. Тошкент, 1991. 408-бет.

Шу даврда Чўлпондан бошқа шоирлар ҳам халқ — меҳнаткаш омма кучи билан амалга ошган "инқилоб"ни мадҳ этишган. Халқни янги-янги "меҳнат зафарлари" сари чорлашган. Аммо Чўлпоннинг "Халқ" шеъридагидек, унинг қудратига аниқ ва юксак баҳони беришда бутунлай бошқа йўлдан боришган. Уларда яратилган халқ мустақил эмас, балки эргашувчи омма сифатида талқин этилган. Чўлпон:

Бир қўзғалур, бир кўпирав, бир қайнар,
Бир интилур, бир ҳовлиқар, бир ўйнار.
Йўқликни-да, очликни-да йўқ этар,
Ўз юртини ҳар нарсага тўқ этар...
Бугун кучни халқ ичидан олайлик,
Қучоқ очиб халқ ичига борайлик!¹³

дер экан, бирон бир сатрда "инқилоб" сўзини ишлатмайди. Лекин унинг халқ кучи билан амалга ошганлигига ишорат бор. Шоир шунчалик қудратга эга бўлган халқнинг боши берк кўчаларда қолиб кетмаслигини, қалби ҳақиқат нуридан мунааввар бўлишини истайди. Зеро, бу давр шеъриятида "инқилоб" бош мавзу эди. Дастребки пайтларда унга умид боғлаган Чўлпон бир оз вақт ўтгач, кутганларининг рӯёбга чиқиши ниҳоятда қийинлигидан, халқ ҳаёти ўзгармасдан, оғирлигича қолиб кетаётганлигидан норозилик туйғуларига эрк бера бошлиди. Шоир гап "инқилоб"нинг амалга ошганида эмас, балки унинг халққа нима беришида ва бераётганлигига эканлигини яхши англаш етди. Шунинг учун ҳам Халқ қудратининг нималарга қодирлигига алоҳида ургу берди. Бу жиҳатдан шоирнинг "Кураш" шеъри ҳам ниҳоятда характерли. "Халқ"даги гоя, "Кураш"да янада ривожлантирилди. Ижтимоий адолатни барқарор этиш учун кураш лирик қаҳрамоннинг бош мақсади. У чай-

¹³ Ўша жойда.

Қалиб турган нотинч ҳаёт, давр руҳи билан ҳамнафас. Уни "чақиргувчи, ўқиргувчи" қудратли бир товшига асир айлайди. Зеро, бу товуш "Ботирларнинг жон сўраган товуши" эрур. Бу товуш гарчи жон сўраса-да, у моҳият эътибори билан умидбахш. Чунки шу товуш "Яқиндаги зўр курашнинг бошидир". Ушбу кураш — имон кураши бўлганлиги учун ҳам муросасиздир:

...Кенг юракда тура олмай, сифолмай
Тошиб кетган йўқсилдаги имондир.
Улуг, қаттиқ ағдаргувчи бир кураш,
Ё бор бўлиш, ё йўқ бўлиш.
Йўқ — яраш!¹⁴

Агар озодлик, эрк учун кураш "йўқсилдаги имон", эътиқод юксаклигига кўтарилиши шеърнинг бош foяси сифатида қаралса, шоирнинг эрк ва адолат учун бош кўтарган миллий истиқолчилар томонида эканлиги ўз-ўзидан равшанлашади. Чунки, Чўлпон лирик қаҳрамонида ҳалқ бошидаги "қора кўланка"лар билан муросага келиш хоҳиши асло йўқ. Қалбидаги қасос, интиқом туйфуси шу даражада кучлики, у икки йўлдан бирини танлашта қарор қиласди: "ё бор бўлиш, ё йўқ бўлиш", "Яраш" — муросаю мадорага келиш фикридан умуман узоқ. Буларни Чўлпон лирик қаҳрамонидаги мустақиллик учун курашта отланиш белгиси сифатида баҳоламоқ керак. Ана шундагина ўз эркини ҳалқ эркида кўрган шоирнинг эътиқодида устиворлиги ойдинлашади. Демак, Чўлпон ҳаётдан шеъриятга кўчирган бу ҳақиқатга юзаки қарааш мумкин эмас. Зеро, давр ҳаётида мураккабликлар, англашмовчиликлар, адашиш ва зўравонликлар сонсиз бўлиб, унда яшашнинг ўзи ҳеч ким учун осон кечмаган. Шу ўринда тарих фан-

лари номзоди М. Ҳасановнинг "Туркистон мухторияти: ҳақиқат ва уйдирма" мақоласига мурожаат қилиш фойдалидир. Олим мақолада октябр тўнтиришидан сўнг ўзбек ҳалқи, хусусан, Фарғона меҳнаткашлари бошига солинган кулфатлар ҳақида, хужжатларга суюнган ҳолда, фикр юритади. Шу жараёнда Бутунrossия МИКнинг Турккомиссия ва РСФСР ҲКСнинг Туркистон ишлари бўйича аъзоси Ф.Голошекиннинг "Известия ЦИК Туркеспублики" рўзномасининг мухбири билан суҳбатидан қўйидаги кўчирмани келтиради: "Фарғона аҳолисининг кайфияти аввалгидан ҳам тушкун, бунга сабаб масъул органларнинг нотўғри, жинояткорона сиёсатидир. Совет ҳукумати байроби остида ҳаммаёқда бедодлик ва шахсий маңбаат йўлида ўз мавқеидан фойдаланишга интилиш ҳукм сурмоқда, бу эса европалик аҳоли ичидаги имтиёзли гуруҳларни ташкил этди. Мусулмонлар оммасига муайян ишончсизлик бор. Мусулмонларга қўйи ирқ сифатида қарашлар умумий но мақбул сиёсат ва европаликлар очиқ-оидин олаётган имтиёзларнинг нақдлиги билан қўшилиб, юқори даражада танг шароитни юзага келтирди ва мусулмонлар оммасида норозилик уйғотди... Европаликлар билан мусулмонлар ўртасида кўрсатилган сабабларга кўра туғилган қарама-қаршилик, Совет ҳокимиётининг Фарғонадаги вакиллари томонидан узоқни кўзламай олиб борилган сиёсат, айтиш мумкинки, босмачилик ривожланишининг асосий омили бўлди"¹⁵.

"Инқилоб" бешигини тебратган "улуг ҳалқ" мансабдор вакилининг ҳақиқатни тан олиб, янгича сиёсатнинг нотўғрилигига иқор бўлганлигини ва уни ошкора айтганлигини хужжатлар тасдиқлаб тургани-

¹⁴ Ўша асар. 420-бет.

¹⁵ Ҳасанов М. Туркистон мухторияти: ҳақиқат ва уйдирма// Фан ва турмуш. 1990, 11-сон.

да, Чўлпон кайфиятидаги, унинг лирик қаҳрамони руҳиятидаги исённинг илдизлари униб чиқсан ҳақиқатни нега рад қилиш ёки қоралаш керак? Айни пайтда, шуни таъкидлаш лозимки, ҳаёт оқимини, муаммоларини чукур англаб, таҳлил этиш иқтидорига эга бўлган сўз санъаткоригина бадиий адабиётда унинг аслига ниҳоятда яқин тасвири беришга эришиши мумкин. Бинобарин, Чўлпоннинг ижтимоий адолат, ҳақиқий озодликни истаб ёзган шеърлари ҳаёт, давр муаммолари руҳига уйғун шеърлардир.

Шоирнинг "Кўнгил" шеърида эса ижтимоий ҳаёт тасвири кўнгил, руҳият тасвири билан ниҳоятда чукур уйғунлик касб этади. Шеърда тушкун кайфият ва уни кўтаришга интилиш устивор. Лекин инсон руҳиятига, қалбига баъзи бир сабаблар натижасида мунг, фам чўкиши мумкин. Уни ижтимоийлаштириш, умумжамият кайфияти сифатида талқин этиш тўғри эмас. Аммо "Кўнгил" шеърида шоирнинг шахсий ҳиссиётига нисбатан ижтимоий-фалсафий мөхият устунлик қиласди.

Шеър "Кўнгил"га мурожаат билан бошланади. Нега айнан кўнгилга? Негаки, кўнгил илоҳий, маърифий, ишқий ҳақиқатлар маркази бўлганидек, ижтимоий ҳолатларнинг ҳам кўзгусидир. Шу кўзгуга қараб, инсоннинг давр ва замонига, давр ва замоннинг эса инсонга муносабатини билиш мумкин. Албатта, инсон кўнгли ҳамма нарсани ўзига яқин, хусусан, дўст кўравермайди. Лекин Чўлпон кўнгилнинг "кишанлар бирла" дўстлашувдан баҳс очганки, шу фикрнинг ўзиёқ эрксизликка кўнишишга тиш-тирноғи билан қаршилигини билдиради.

Кўнгил, сен мунчалар нега,
Кишанлар бирла дўстлашдинг?¹⁶

¹⁶ Чўлпон. Яна олдим созимни. 444-бет.

Кишанлар билан дўстлашиш — қуллик ва қарамликка кўнишиш демак. Бундай кўнгилнинг фарёди ҳам, доди ҳам бўлмас. Шоир ана шу сустликка қарши. Шеър шу фожиага қарши ёзилган. Бироқ фожианинг ижтимоий-ахлоқий асоси, яъни туб сабаби бошқа. Шоир шу асос ва сабабни ёритишга киришиб, дейди:

Ҳақорат дилни оғригмас,
Тубанлик мангу кетмасми?
Кишанлар парчаланмасми?
Қиличлар энди синмасми?¹⁷

Кишан, ҳақорат, тубанлик бир-бири билан эргашиб келади ва қуллик заминини мустаҳкамлайди. Ҳақорат ва тубанликка қарши бош кўтариб, кишанларни парчаламоқ учун жасорат зарур. Акс ҳолда Чўлпон шеърда: "Қиличлар энди синмасми?" — деган саволни ўртага ташламасди. Шеър сўнгида шоир инсон эркиннинг даҳлсизлиги, у хур туғилган экан, албатта, хур яшаши зарурлигига Эътиборни тортаркан:

Тириксан, ўлмагансан,
Сен-да одам, сен-да инсонсен.
Кишан кийма,
Бўйин эгма,
Ки, сен ҳам хур туғилғансан!...¹⁸

дейди. Шоир руҳиятидаги ана шу эркпаратлик уни келажак кунларга умид кўзлари билан қарашга унладиди. Унинг вужудида хур туғилиб, тутқун яшаб ўтмаслик учун кураш руҳи, туйғуси түғён қиласди. Шунинг учун ҳам Чўлпондек ватанпарвар, халқпарвар,adolatgўй кишиларни йўқ қилиш золим ва сотвар, адолатгўй кишиларни йўқ қилиш золим ва сотвар, адолатгўй кишиларни йўқ қиласди. Ҳолбуки, Чўлпон қинларнинг мақсадига айланди. Ҳолбуки, Чўлпон

¹⁷ Ўша жойда.

¹⁸ Ўша жойда.

МИЛЛАТЧИ ЭМАС, ТОМ МАЙНОДАГИ МИЛЛАТСЕВАР ЭДИ. У ҲЕЧ ҚАЧОН БИР МИЛЛАТНИ ИККИНЧИСИГА ҚАРШИ ҚҮЙМАГАН. БАЛКИ МАЗЛУМ ХАЛҚНИНГ КҮКСИГА ЭРК ВА ИҚБОЛ ШАБАДАСИ ТЕГИШИНИ ОРЗУ ҚИЛГАН. МИЛЛИЙ ШОИР СИФАТИДА МИЛЛАТ ТАҚДИРИ, РАВНАҚИ, ОНА ЮРТ МУСТАҚИЛЛИГИ ВА ОЗОДЛИГИНИ ЙИЛАГАН.

Чүлпон лирик қаҳрамони билан Ойбек лирик қаҳрамони руҳиятидаги уйғунлик мана шу ўринда ҳам күзга ташланади. Ойбек "Кече туйғуси" шеърида лирик қаҳрамони руҳиятидаги ғамғинликни ҳаётдаги "мангу ҳасрат, мангу ғам", қалблардаги "алам-фарёд, күзлардаги ёш" туфайли деб билади,adolатсизлик ва юрт ноchorлигидан фарёд чекади:

Босиқ уйлар, ииқиқ томлар устида
Гизли-гизли хаёлотлар йиғларди.
Йўқчиликнинг, йўқсиликнинг юртида
Мангу алам, мангу ҳасрат инграрди.
Эски, чурук чолдуворнинг ичидан
Юксаларди кўкка тилсиз бир фарёд.
Кулоқ сезмас, кўнглим тўйди дардиндан
Шикоятлар тўла оловли бир дод.¹⁹

Шеърда воқелик билан хаёлотни, манзара билан ҳолатни, сир билан қисматни мувоғиқлаштириш ва яхлит шаклда тасвирлаш ҳамма шоирнинг ҳам қўлидан келадиган иш эмас. Энг аввало, Ойбекнинг маҳорати эса масалани санъаткорлик билан амалга ошира билганида кўринади. Шеърхон нигоҳида "босиқ уйлар, ииқиқ томлар" суврати қанчалик аниқ гавдаланса, у "гизли-гизли хаёлотлар" йиғисига ҳам шунчалик самимий ишонади. Улкан йўқотишлар ва талофатларга маҳкум этилган юрт қиёфаси

Йўқчиликнинг, йўқсиликнинг юртида,
Мангу алам, мангу ҳасрат инграрди,

деган сўзларда бутун миқёси билан акс эттирилган. Ҳатто "мангу алам, мангу ҳасрат" ингроги бир қадар вахимали эшитилади. "Эски чурук чолдуворнинг ичидан" кўкка юксалаётган тилсиз бир фарёд эса қайғунинг қора бўёқларини янада қуюқлаштиради. Бундай вазиятда фақат хаёлот эмас, хотира ҳам йиғлаб, руҳ қувончларидан ажралади:

Хаста қалбим шу ҳолларнинг ичидা
Нима учун йиғламасин, куймасин?
Ҳар кун, ҳар чоқ шу фарёллар кўнглимда
Қандай қилиб руҳим қувнаб ўйнасин?²⁰

Бу саволлар аччиқ ҳақиқатдан туғилмагандага уларнинг таъсири, албатта, ўзига яраша бўларди. Чўлпон кўнглига мурожаат этиб, "Кишин кийма, бўйин эгма", — деб хитоб қилган ва ҳур яшашни ёқдаган эди. Бу орзу Ойбек лирик қаҳрамонига ҳам бегона эмас. Инсон руҳияти тушкунликка қанчалар асир бўймасин, нурга, эркка, яхшиликка интилади. Шу маънода ёш Ойбек лирик қаҳрамонининг ҳам қалби, руҳияти шодлик, қувончга ташна. Буни қондириш учун у ўзини умиднинг бағрига отади:

Йўқ, йўқ руҳим, бир оз ўйна, бир оз кул!
Яқин кунда юрагингдан ғам кетар.
Чолдуворни қоплар гўзал чечак, гул...²¹

Кўринадики, Ойбек лирик қаҳрамони Чўлпон лирик қаҳрамони сингари руҳиятини эзган ҳақиқатларни образли ифодалашга журъат топа билган. Зеро, шеър ўтмиш эмас, балки шоир нафас олаётган кунлар ҳақида. Курашлар оқибатида вайронага айланган юрт, хор-зорликдан боши чиқмаётган халқ, нурга ташна ҳаёт, эркка чанқоқ қалб ҳақида. Шулар билан бир қаторда унсиз алам, фарёд ила келажакдан яхшилик, эзгулик кутганлар тўғрисида.

¹⁹ Ойбек. Мукаммал асарлар тўплами. 1-жилд. 15-бет.

²⁰ Ўша жойда.

²¹ Ўша жойда.

Чўлпоннинг "Қўзгалиш", "Кишан", "Бас энди" шеърлари лирик қаҳрамони руҳий дунёсидаги исён-корлик ижтимоий, сиёсий ҳаётдан норозилик заминида дунёга келган. Бу шеърларда эркинлик учун курашишга даъват этган лирик қаҳрамоннинг жисмонан озод бўлган кишининг руҳий эркинликни қўлга киритгандагина ҳақиқий инсон сифатида яшашга ҳақли эканлигини қайта-қайта таъкидлаши бежиз эмас. Шоирнинг "Қўзгалиш" шеъри 1922 йилда ёзилган. Шеър шу давргача "инқилоб", озодлик ҳақида бизнинг миямизга сингдирилган фикрларни алғов-далғов қилиб ташлайди. Зеро, тарих саҳифалариша шунчаки назар ташлаганда ҳам шеър дунёга келган даврда "инқилоб" учун кечилган қонли жанглар асорати барҳам топмаганлиги, фуқаролар урушининг эса тўхтамаганлигини инкор қилолмаймиз. Уруш — қон тўкиш демак. Қон тўкилтак, ўз-ўзидан маълумки, юртда, ҳар бир хонадонда мотам. Мана шу эмасмикан Чўлпон лирик қаҳрамони қалбидаги интиқом туйгусини қўзғаб, руҳидаги исён жунбушларини дадил ошкор этишга мажбур қилган?!?

Эй! Сен мени ҳақир кўрган, тубан деган афанди!
Эй! Устимда бир умрга хўжа бўлмоқ истаган,
Эй! Бўйнимга кишан солиб, ҳалокатга судраган,
Кўзларингни заҳарлатиб ўйнатмагил, бас энди!²²

Бу ерда лирик қаҳрамон фақат ўз номидан эмас, жамият мөддий неъматларини яратा�ётган меҳнаткаш омманинг ҳам номидан сўзлашга журъат этаётир. Чунки шоир яхши билардик, ҳаётнинг энг яхши неъматларини, Ўрта Осиёнинг бойликларини текинга ўзлаштираётганлар улардан осонгина воз кечиш ҳам эди. Ҳатто Ҳалқ Комиссарлари Кенгашининг

²² Чўлпон. Яна олдим созимни. 442-бет.

"Туркестанские ведомости" газетасининг 1917 йил 1 декабр сонида босилган "Русия ва Шарқнинг барча меҳнаткаш мусулмонларига" хитобномасида: "...Бундан буён сизларнинг урф-одатларингиз, сизларнинг миллий ва маданий муассасаларингиз озод ва дахлариз деб эълон қилинадир. Ўз миллий ҳаётларингизни эркин ва бемалол улоштира берингизлар. Сизларнинг бунга ҳақингиз бор... Сизлар ўзларингиз ўз ватанингизнинг ҳокимлари бўлишингиз лозим,..."²³ — дейилиб, унинг пастига миллий ишлар бўйича ҳалқ комиссари И. Жугашвили-Сталин ва СНК раиси В. Ульянов-Ленин қўл қўйган бўлса-да, анча вақтгача ерли ҳалққа ҳокимиятни беришни истамовчилаш ҳаракатдан тўхтамади. Натижада, ўлкада ўрнатилган шўро ҳокимияти раҳбарларининг адолатсиз сиёсати сабабли ерли ҳалқ вакиллари ўз норозилигини билдириб, ҳақиқат қарор топиши, ҳар ким ўз она ерига эга бўлиши ҳақидаги фикрлар билан кўтарила бошладилар. Бунга мисол сифатида "Туркестанский вестник"нинг 1917 йил 9 декабря босилган, Тошкент шаҳар Думасининг сўнгги йигилишида сўзлаган мусулмон депутати Ибн Ямин Ёнбевнинг қўйидаги фикрларини келтириш кифоя: "Хозирги ҳокимият (Ф. Колесов ва бошқалар) тан олинган демократиялиги даргумон. Ушбу ҳокимиятнинг мусулмонлар номидан гапириши эса қипқизил ёлғон... Мазкур ҳокимиятнинг асл кучи тўпва пулемётлардир, лекин биз мусулмонлар, бу кучва пулемётлардир. Тарих ушбу соҳта ҳокимиятнинг куч руҳимиздир. Тарих ушбу соҳта ҳокимиятнинг амалини қоралайдиган вақт албатта келажак!"²⁴ Оламилини қоралайдиган вақт албатта келажак! Оламилини қоралайдиган вақт албатта келажак!

²³ Ўзбекистон адабиёти ва санъати. 1990 йил, 27 июл.

²⁴ Ўша жойда.

ни ўзида мужассам этган эди. Бу хужжатлар "Құзғалиш" шеъри фақат Чүлпоннинг эмас, балки бутун халқдаги қайрилмас күч — руҳий исённинг акс-садоси эди, деган холосани янада мустаҳкамлайди.

Кишанларинг занг босгандир, сергак бўлким, узилур,
Томиримда қўзғалишнинг ваҳший қони гупурди.
Эски фикр, анъаналар энди буткул узилди.
Ё битарман, ёки сенинг салтанатинг бузилур!
Эй! Сен мени кул ўрнида ишлаттувчи афанди!
Титра, қўрқим, боғлиқ қулинг бош кўтарган күч энди!²⁵

Бу мисраларда қўзғалган, шиддатли руҳнинг овози акс этган. Лирик қаҳрамон ғазаби, нафрати шударажада кучлики, унинг йўлини ҳеч нарса тўса олмайди. Шу ҳолатда у ҳар қандай ишга қодир. Ундаги мана шу қодирлик хусусияти қалбida инсоний фурури уйғоқ ҳар бир киши вужудига, туйгуларига түғён болиб, ўзликни асрар, ҳимоя қилиш учун сафарбар эта оладиган қудратга эга. Негаки, шеър орқали етиб борадиган исённинг устиворлигига ҳар бир эркпарвар қалбда маълум замин мавжуд бўлади.

"Кишан"да ҳам лирик қаҳрамон изтироблари, аламли туйгулари ниҳоятда кучли ифода этилган. Лекин бу ерда ички түғён "Қўзғалиш"даги сингари шиддат билан эмас, балки сал бошқачароқ йўсицида ривожланади. Мисралар руҳнинг маҳзун сувратига айланиши асносида ўкувчи қалбida кучли ҳаяжон, түғён'кулоч ёзади.

Кишан, гавдамдаги излар буқун ҳам битганий йўқдир!
Темир бармоқларингнинг доги буткул кетганий йўқдир!²⁶

Бу ердаги руҳий изтиробнинг рангларини нима билан қиёслаш мумкин?! Бу сарғайган, аммо сўлмаган руҳни қандай овутиш лозим?! Кўринадики, ...

лирик қаҳрамон шундай ҳолатдаки, гўё унинг дунёдан, ҳаётдан илинжи қолмаётгандай. Қаёққа юрса, унга халқ қўл-оёғига урилган кишанлар кўринади, уларнинг совуқ овози эшитилади. Оқибатда, лирик қаҳрамон қалбida исён ва интиқом қад ростлайди. Чўлпон шеърлари бағридан, лирик қаҳрамон руҳий оламидан нур илип бўлиб ўтиб келаётган бир умидбахш руҳ "Кишан"нинг лирик қаҳрамони қалбини ҳам нурга солади.

Кулф бирлан сенинг эркингда кўп йиллар қолиб кетдим...
Фақат ҳар тебранишдан кутулишликни умид этдим!
Кишан, гавдамдаги доғинг ҳануз ҳам битганий йўқдир!
Фақат буткул кутулмоққа умидим энди ортиқдир!..²⁷

Умидбахш руҳ ҳар доим лирик қаҳрамонни янада дадилроқ ҳаракат қилишга, туйгуларини кучлироқ ошкор этишга, исёнкорлик қувватини бошқа дилларга кўчиришга даъват этаверди. Бундай хусусият Чўлпоннинг "Бас энди!" шеърида янада ёрқинроқ намоён бўлади. Шеър субъектив туйгу ва кайфиятнинг маҳсули эмас. Балки олам, ҳаёт, инсон қадри, эрки учун кураш ҳақидаги қарашларнинг, фикр ва холосаларнинг тажассумидир. Эзилган, лекин курашда сўлмаган ва ўлмаган, аксинча, ноҳақлик орган сайин унга қарши кучдана бошлаган руҳнинг нийдесидир. Лирик қаҳрамон "кўзидаги сўнгги ёш, кўлидаги сўнгги тош, кўнглидаги сўнгги интилиш, кучидаги сўнгти талқиниш" иборалари остидаги маъно билан бутун миллатга қарши курашга чорлаш мақсадидан узоқ. Балки у миллатидан қатъи назар, эзувчи кимсаларга ошкора сочилган халқ газабининг рамзи эди.

Чўлпонни қоралаш керак бўлганда нопокларга, юрагида Ватан, миллат туйфуси сўнганларга "сўнг-

²⁵ Чўлпон. Яна олдим созимни. 442-бет.

²⁶ Ўша асар. 447-бет.

²⁷ Ўша жойда.

ги" сўзи жуда кенг маънода қўл келганлиги аниқ. Бу сўзнинг нотўғри талқин қилиниши оқибатида Чўлпон бошига йиглоқи, бадбин, шўроларга қарши, буржуа шоири, ҳалқ ва озодлик душмани сифатидаги маломат тошлари ёғдирилди. Афсуски, шеърнинг тоғаси бутунлай бошқа — эрк ва иқболга ёр бўлиш, яхшиликка етиш, ёруғликка чиқиш орзусининг мевасидир. Даврнинг долғали, фалаёнли онлари лирик қаҳрамон руҳий дунёсини шу қадар ўзгартирганки, натижада, у энди мавжуд ҳаёт бағрида бошқа яшай олмайди. Энди унинг ўша руҳиятини, вужудини алғов-далғов қилиб ташлаётган туйгулига эрк бермай иложи йўқ. Шу боисдан "сўнгги" сўзига ўзининг бутун руҳий қудратини, тафаккур қувватини сингдирали. Агар шеърдаги поэтик ибораларга тўғри, адолат билан ёндашиладиган бўлса, лирик қаҳрамон руҳини сўндириувчи эмас, балки уни янада юксалтирувчи сўнгти ёш — тўкилаётган кўз ўшларниң охиргиси бўлиши шарт. Чунки она ҳалқи бундан кейин йиглаб эмас, кулиб яшапи керак. Унинг кўлидаги сўнгги тош — бу душманга отилган, отилажак тошларниң энг охиргиси. Бундан сўнг душман ҳам бўлмасин, қўлларга тош ҳам олинмасин. Сўнгти интилмак, талшинмак — булар фақат муҳолифларга, ҳалқ озодлиги, мустақиллиги душманларига қарши курашиб натижасида мақсадга етмоқ туйғуси. Хуллас, "сўнгги" сўзи лирик қаҳрамон руҳиятининг севимли, ишонгани, сунгани — она ҳалқининг озодлигини, мустақиллигини қўлларига бергиси келмаётганлар хукмонлигининг охирги нафасларига якун ясаш ҳақидаги ҳукмидир.

Кўлимда сўнгти тош қолди,
Ёвимга отмоқ истарман!
Кўзимда сўнгти ёш қолди,
Амалга етмак истарман!...²⁸

²⁸ Ўша асар. 467-бет.

Агар шоир ҳаётининг ниҳояси, сўнгти дақиқалари ҳақида ёзганида, "кўз ёш" тўкканида "Амалга етмак истарман!" демаган бўларди. Мабодо Чўлпон ҳаётдан умидини узиб, бадбин кайфият билан сўнгти кунларни кечираётган бўлса, унга амалга — мақсадга интилмоқнинг, етмоқликнинг нима кераги бор? Бошқача айтганда, агар кишининг кўнглида орзузи — интилиши ва мақсадлари мўл бўлса, у ҳаётдан воз кечиши ҳақида умуман ўйламайди. Чўлпон лирик қаҳрамони ҳам бутун кучини, ақлий ва руҳий кудратини аниқ мақсад сари йўналтирган шахс тимсоли. Хуллас, "Бас энди" шеъри лирик қаҳрамони руҳий дунёсини тўғри тушунмоқ, қалбida кечаётган теран ҳолатларни англаб етмоқ керак эди.

Чўлпоннинг уччала шеърида ҳам лирик қаҳрамоннинг ижтимоий ҳаётдан норозилик туйгулари жуда теранлик билан ифодаланган. Унинг руҳий оламидаги исён ранглари ниҳоятда тиниқлаштирилган. Шоир ана шу рангларга шу қадар ҳаётийлик ва ҳаққонийлик бахш эта олганки, ўқувчи ҳам хаёлан ўша даврда яшаетгандай, ўзини Чўлпон лирик қаҳрамонига замондоидай ҳис қиласи. Бу туйгуни юзага чиқарган замин, аслида, руҳият — психологик тасвирини мукаммаллигидир. Агар Чўлпон шеърларидаги руҳий олам манзаралари тасвирига баҳо берадиган бўлсак, уларниң аксариятида лирик қаҳрамоннинг ҳаётга бўлган рост, ҳаққоний муносабатлари очиқ руҳий фалаён тарзида акс эттирилган дейиш керак бўлади. Шу боисдан улар руҳий оламида кечган ички эврилишлардаги исён, кураш, интиқом ранглари ўқувчи туйғу ва тафаккурида ҳам шундай бўёқларни яратишга қодир кучга айланади. Албатта, ҳар қандай буюк шоир ҳам ҳамма вақт оғир ҳаёллар, қайгули саволлар ва маҳзун ҳолатлар бағрида яшамайди. Унинг кўнглидаги ўқинч ҳасрат, қайгуҳислари вақти-вақти билан умид, ишонч ва шодлик

туйгуларига ўрин бўшатади. Аввало, ана шу сабаб туфайли Чўлпоннинг "Бас энди!" асаридан кейин дунёга келган "Созим" шеъридаги лирик қахрамон барча дилсиёҳликлар, фам-аламларни бир қадар унтиб, яхши ҳаёт орзусини изҳор қиласиди. Аммо бу даврда орзудаги ҳаётга эришиш осон эмас эди. Узоқ муддат мобайннида илдиз отган худбинлик, манфаатпарастлик, босқинчилик туйгуси бир ҳалқ ёки миллатнинг беш-ён йиллик кураши билан мағлуб бўлмоғи даргумон эди. Буни ўзича теран ҳис қила билган Чўлпоннинг бир умр эл-юрт севгиси билан яшаб ўтиш мақсади шеърларида акс-садосини топди. Унинг лирик қахрамон руҳиятини исёнга чулғаган, эл-юртига муҳаббат туфайли ёлқинланган кураш ва меҳр туйгулари шоир қалбини тарқ этмади. "Мен ҳам севаман" шеърининг лирик қахрамони фикр-туйгуларидан бу жуда яхши англашилади:

Кўнглим қуруқ эмас, яна севги бор,
Фақат бу севгига алданиш йўқдир.
Хорган кўзларимда хаёл яна бор,
Фақат у хаёллар нурдан тинцидир.
Энди ҳар нафасда яна куяман;
Фақат Мажнун бўлиб элни севаман,
Унга хурмат билан бўйин эгаман,
Бошимни у учун дорга қўяман!..²⁹

Ҳақиқатан ҳам Чўлпон хаёллари "нурдан тиниқ" шоир. У том маъноси или хаёл ва сир шоири. Унинг хаёллари ишқ осмонида қулоч ёзаркан, биз уни эли-кўрамиз. Алишер Навоий "Лайли ва Мажнун" достонида:

То тутди жунун йўлин Навоий,
Ватанга бўлди раҳнамойе, —

²⁹ Ўша асар. 478-бет.

дейди. "Жунун йўли" — айнан Мажнунлик йўли. Ватанни севиши йўли. Чўлпон ана шу буюк йўлнинг ўз давридаги ёлғиз йўлчиларидан бири эди. Шунинг учун у ҳеч иккимасдан Ватан учун бошини дортга тикиш ҳақида сўзлаётир. Ба бу фикр Чўлпоннинг тилидан ғоятда самимий ва ишончли эшитилаётир. Чўлпон "инқилоб" фалаба қилгач, озодлик, баҳтга Эришдик деб бонг урган, ўлкада содир бўлаётган ҳодисаларнинг туб ижтимоий-сиёсий моҳиятига етмай туриб, уни яхшилик деб баҳолаган шоирларга нисбатан бошқача йўлдан юрди. Ҳар хил баландпарвоз шиорлар, ёлғон ваъдалар унинг лирик қахрамони руҳиятига жуда қаттиқ таъсир ўтказди. Тенг хукуқли жамият қурамиз деб аждодлар тафаккур нурларидан бино бўлган манбаларга зиён етказилаётганлиги уни афсуслантириди ва ихлосини сўндира бошлиди. Бу эса шўро хукуматининг жойлардаги вакиллари сиёсий саводсизлиги, жоҳиллиги оқибати эканлигини Чўлпон яхши тушунарди. Балки шунинг учундир Чўлпон лирик қахрамони бу давр ижтимоий воқелигини, сиёсий аҳволини чуқур мушоҳада қилиб, "инқилоб", озодлик сўзларининг ҳаётдаги салмоини чамалаб туриб, уларга баралла олқиши айти олмади. Бугунги кун ҳаёти эса ўшандада Чўлпон нақадар ҳақ бўлганлигини тасдиқлаб турибди.

Чўлпон лирик қахрамони руҳиятига изтироб солган яна бир ўтли саҳифани аёл озодлиги масаласи ташкил этади. Бу масалани 20-йилларда қалам тебратган деярли ҳеч бир шоир ижоди четлаб ўта олмади. Аёл ва миллат, юрт эрки ва аёл озодлиги — булар бир-биридан ажралмайдиган ва мутлақо ажратиб бўлмайдиган тушунчалардир. Аёлни қуллик ва қарамликка маҳкум этган жамият ҳеч вақт эркин жамият бўла олмайди. Чўлпон шеъриятида Аёл қисмати ва ҳурлиги етакчи гоя ва мавзулардан бирига айланганлитининг бош сабаби ана шунда. Бу ўринда

яна шуни таъкидлаш лозимки, Чўлпон учун кўп ҳолатларда Аёл — Ватан, Ватан — Аёлнинг бир тимсоли эди. Бу эса хотин-қизлар тақдири ҳақида ёзган бошқа бир қатор шоирлардан Чўлпонни ажратиб турвчи ва шеърларига ижтимоий, фалсафий, ҳатто, сиёсий салмоқ бағишлиовчи хусусиятлардан эди. Чунки қайта-қайта таъкидланганидек, инсон эрки ва унинг истиқболи масаласига икки хил нуқтаи назардан ёндашиш ҳаётда ҳам, адабиётда ҳам мавжуд бўлиб, Чўлпоннинг бу соҳада эгаллаган ўрни ҳам замондошлариникуга нисбатан қарама-қарши қутбда эди. Шу маънода шоир шеърларига мурожаат қилинса, улар лирик қаҳрамонининг Шарқ аёлини тутқунлик қафасига солган омиллар ҳақида ўйлаб, уларни эркин ҳаёт бағрига чорлаб, "инқилюб" фалаба қиласа-да, унинг имкониятлари ҳамма жойда, ҳаммага баробар бўлмаётганилигидан изғироб чекаётганилиги кўринади. Шоирнинг "Шарқ қизи", "Мен ва бошқалар", "Наврӯз кунида", "Қиз қўшиғи", "Ер асиралари", "Паранжи", "Келинчак", "Эркин сингилга" сингари шеърлари бунинг ёрқин мисолидир.

Чўлпон "Шарқ қизи", "Мен ва бошқалар" шеърида ўз фикр ва қарашларини озодлик йўлларига қарайвериб, кўзлари толган, унга стишдан умидиди узмаётган, фақат орзу-истаклар билан кўнглини овутиб яшаётган аёл қисматидан сўзлайди. Ҳаётини бошқаларга қиёс қилиб, дард-аламлардан вужуди ёниб кетаётган, эркинликка зор қалбнинг оху-зорини, руҳиятининг маҳзун ҳолатини мисраларга жойлади. Бу айниқса, "Мен ва бошқалар" шеърида жуда аниқ ифода этилган.

Агар бу шеър руҳият тасвири нуқтаи назаридан баҳоланадиган бўлса, уни тутқунлик ва эрксизлик азобини мукаммал идрок этган руҳият нидоси де-йиш лозим бўлади. Мана шеърнинг илк мисралари:

Кулган бошқалардир, йиғлаган менман,
Ўйнаган бошқалар, инграган менман,
Эрк эртакларини эшиттан бошқа,
Куллик қўшиғини тинглаган менман...³⁰

Фоявий-бадиий даражаси юксак ҳар қандай шеър ҳаёт қарама-қаршилиги, турмуш зиддиятлари ва қисмат мураккабликларидан туғилади. Чўлпоннинг мазкур шеъри бу фикрнинг ёрқин далили ва исботидир. Унда бир-бирига мутлақо тескари тақдир, ҳолат тасвири берилган. Шеър бошиданоқ, гўё кўпчиликка дуч келгандай бўламиз. Булар соҳта шодлик бандалари, яъни "кулган"лар. Аммо бу кимсаларга муносабат билдираётган ким? У ёлғиз шахс. Балки унинг кучи ҳам "йиғлаган менман", дейишидадир. Шеър бошидаги фавқулодда зиддиятли моҳиятни шоир сўзма-сўз чуқурлаширади. "Куллик қўшиғини тинглаган" лирик қаҳрамон томонида туриб, нега "ўйнаган бошқалар" эканлигини ҳам, "эрк эртаклари"дан асосий муддао нималигини ҳам аниқ тушунамиз. Тушиниши билан чегараланмасдан, инсон эрки, озодлиги ва умуман, ҳурликнинг ижтимоий, сиёсий, ахлоқий мантифи тўғрисида хаёлларга бериламиз. Лирик қаҳрамоннинг ўша бошқалар ва ўзи ҳақидағи оддий ва содда туюлган фикрларига олам-олам мазмун сингдирилганлиги ҳамда озодликдан маҳрум даврнинг нурсиз қиёфаси жонлантирилганлигидан қойил қоламиз. Бу эса Чўлпоннинг ҳар бир оғриқли муаммога унинг ижтимоий, сиёсий, маънавий моҳиятини тўла ҳис қилган ҳолда, чинакам шоирона қалб ва руҳ билан ёндашиш маҳоратининг мевасидир. Шеърнинг маъно меҳвари айни ўша "бошқалар" ва "мен"дир:

Менда-да қанот бор, лекин боғланган...
Боғ йўқдир, шоҳ йўқдир, қалин девор бор.

³⁰ Ўша асар. 413-бет.

Сўзлари садафдек, товуши найдек
Куйим бор... уни-да деворлар тинглар.
Эркин бошқалардир, қамалган мемман,
Хайвон қаторида саналган мемман.³¹

Лекин шеърда аёл озодлиги масаласидан ташқари умумий поэтик гоядан англашиладиган яна битта ҳақиқат мужассам. Бу ички ҳақиқат — бутун бошли бир миллат ҳаётига завол етказётган мустамлақачилар ва улар сиёсатига қарши исён ҳақиқати эди. "Бошқалар" тимсолида шоир бизга "озодлик" олиб келгандар ва улар тўқиган эртаклардан алданганлар образини умумлаштирган бўлса, "мен"нинг тимсолига бутун элу юртнинг фожиаси мужассам этилган.

Агар ўша даврдаги шоирлар, айтайлик, Ф. Гулом, Ҳ. Олимжон, Уйғун шеъриятида аёл озодлиги муаммоси қандай ёритилганлигини хотирласак, бу масалани ҳеч бир шоир Чўлпончалик кенг миқёсда ва ўта таъсирчан тарзда ечиб беролмаганлигига амин бўламиз. Аммо Ойбек тажрибаларига нисбатан бошча ёндашиб ва баҳо беришга тўғри келади. Чунки Ойбекнинг бу мавзудаги айрим шеърлари F. Гулом, Ҳ. Олимжон, Уйғун шеърларига маъно, мундарижа ва услубий характеристи жиҳатидан жуда яқин турса ҳамки, улардан баъзилари, жумладан, "Ўзбек қизига" шеъри лирик қаҳрамони фикр ва мушоҳадалари билан Чўлпоннинг "Наврўз кунида", "Қиз қўшифи" шеърлари лирик қаҳрамони қараашларида яқинлик кўзга ташланади. Ойбек "Ўзбек қизига" шеърида ўзбек қизи ва лирик қаҳрамон туйғуларини бир-бирiga уйғун ҳолда акс эттиради. Яъни ўзбек қизининг юзи, кўзидағи қайғу-аламни, қуйларидаги маҳзунликни лирик қаҳрамон гёё кўриб, ҳис қилиб тургандай. Шу боис умри тутқинликда, ичкарида

ўтаётган қиз қалбининг оҳи, мискин руҳиятининг сўлғин манзаралари лирик қаҳрамон қалби ва руҳияти орқали ўтиб, ўқувчига етиб боради.

Нечун сенинг юзларингда
Қайғу-алам ўти тошар?
Ёниқ, маҳзун куйларингда
Қалб эзувчи бир нола бор.
Кўкда кезган эрк күшларин
Нағмасини тинглолмадинг.
Зулматларни оташлар-ла
Ёқиб, эркин қучолмадинг.³²

Лирик қаҳрамон ўзбек қизига ана шундай бир кайфият, руҳий изтироб билан мурожаат қиласар экан, "Бугун ортиқ баҳор ўлган" ўлка қучогида яшаса-да, ҳали "боқчалардан узоқда, юзлари япроқ каби сўлган" қизни ана шу баҳорнинг боғларига чорлайди. Ўзининг бу баҳор боғларидан руҳиятига, туйғуларига кўчган рангларидан, озодлик чамани суруридан баҳраманд бўлолмаётган ўзбекнинг гулчехра қизлари руҳиятига, қалбига ранг бергиси, қисқаси, уларни паранжи, ичкари балосидан қутқарив, қайноқ ёшлиқни жўшқин — тошқин ҳаёт бағрида озод яйратгиси келади. Шоир шеърда паранжи сўзини тилга олмайди, аёлларни унга гирифтор қилган кишиларни қораламайди. Аммо лирик қаҳрамон ўзбек қизларининг чөхрасида акс этган руҳий ҳолат тасвирини бериш билан уларни шу аҳволга солганларга, зулматга беркитганларга нисбатан ўқувчидаги фикр уйғотга олади.

Чўлпоннинг "Наврўз кунида" шеъри билан Ойбекнинг "Ўзбек қизига" шеърида ички уйғунлик бор дедик. Дарҳақиқат, Ойбек лирик қаҳрамони сингари бу шеър лирик қаҳрамони тутқин аёл эмас, балки шоирнинг ўзи. У эркка эриша олмаган ўзбек хотин-

³¹ Ўша жойда.

³² Ойбек. Муқаммал асарлар тўплами. 1-жилд. 28-бет.

қизларининг ҳаётидан афсусда. Чунки ўзбек хотин-қизлари узоқ йиллар давомида ҳам озодлик меваси-нинг таъмини тотишга мушарраф бўлолмади. Ҳали аёллар қалбида:

Неча юз йил кишсанларда энтиккан
Қашшоқ, йўқсил, туткунларга эрк берган,
Ўзбек қизи: "Бошқаларга эрк берган,
Менга қани эркинг?..." - деса на деяр?³³

деган савол билан яшамоқда эди. Чунки шоир айтганидек, ўзбек элида ҳали эрк шамолнинг йўлини тўсиш учун тиш-тирноғи билан ёпишаётганлар кўп. Шу боисдан озодлик йўлида қанчадан-қанча хотин-қизларнинг бегуноҳ қони тўкилди.

Наврўз куни эрксизларга эрк берар,
Ўзбек қизи эркли кунда бўшолмай,
Зиндан каби тор уйидан чиқолмай,
Қалин, оғир деворларни йиқолмай,
Борлигини кент дунёга отолмай,
Чин эрк кунин кута-кута телмирар...³⁴

Дарҳақиқат, шоир айтганидек, ҳатто, қадим-қадимдан эрксизларга эрк, маҳзунларга қувонч баҳш этган Наврўз кунида ҳам озод нафас ололмаган ўзбек аёли, қолаверса, бугун ўзбек жалқи ҳали "Чин эрк кунини кута-кута телмирмоқда" эди.

Чўлпоннинг "Қиз қўшиғи" шеъри ҳам туткунлик қафасидан қутулиш вақти етса-да, юzlари қалин-қизнинг дардлари, руҳий изтиробларига йўғрилган. Чунки озодлик моҳиятини тушуниб ёки тушунмай муносабатда бўлишидан қатъи назар, ҳали халқ, айтин-қизларнинг паранжи ташлаб, очилиб юришла-

³³ Чўлпон. Ўша асар. 412-бет.
³⁴ Ўша жойда.

рини тасаввурига сиёдира олмаганлар. Уларнинг аёллар озодлигини тан олиб, паранжи ташлашига рози бўлганлари эса жаҳолат хуружидан чўчишган. Паранжисиз кўчага чиққан аёл лаънатланган, кўрқитилган, жонига қасд қилинган ва унинг таъсиридан сақлаш учун бошқа аёллар янада баландроқ, қалинроқ деворлар ичига олинган. Уларни тергашиб, таъқиб қилиш кучайган. "Қиз қўшиғи"нинг лирик қаҳрамони худди ана шундай аҳволга тушган хотин-қизларнинг вакили:

Ўксук кўнгил куши
Тушди қафасга,
Сира етолмайдир
Эркин нафасга.
Қора кунлар тушди менинг бошимга.³⁵

Аёлнинг ушбу куйларидаги мунг ёруг кунларга етолмаганликдан, у ҳақдаги орзулари янада қаттиқроқ бўғилиб, оқибатда қалбига, руҳиятига фам-аламлар чуқурроқ кириб бораётганлигидан далолатdir.

Аёл озодлиги муаммоси кўтарилган шеъларидан кўринаётирки, Чўлпон ҳам асосий эътиборни амалда эмас, балки сўздагина берилаётган тенглиқдан норозиликларини ифодалашта-қаратишиган. Шеълар моҳиятига аёли озод бўлмаган Ватаннинг озодлиги саробдек гап деган ғоя мантиқан сингдириб борилган. Бу эса аёл руҳий оламида кечаетган исёни туйгуларни бадиий акс эттириш орқали рӯёбга чиқарилган.

Чўлпон ва Ойбек лирик қаҳрамони руҳий дунёсининг бойлиги жиҳатидан бошқа шоирларнинг лирик қаҳрамонларига ўхшамайди. Бундоқ қарапланада, бу икки шоирнинг баъзи шеълари ижтимоийсиёсий ҳаёт муаммоларидан йироқ, соғ лирик асарларга ўхшаб туолади. Аслида эса уларнинг бундай шеъларида лирик оҳанг ва бўёқлар ижтимоийсиёсий ҳақиқатлар заминини очишга хизмат қилади.

³⁵ Ўша асар. 476-бет.

Чүлпоннинг "Мен шоирми?" шеърига мурожаат қиласылыш. Шеърда Чүлпон, аввало, ўзининг руҳий дунёси ҳақида ўйлади. Хаёлот оламида ёлғиз қолган лирик қаҳрамонни борлиқдан руҳияти ўзи истаганича таъсирланмаётгани, озиқ ололмаётгани афсуслантиради. Лекин лирик қаҳрамон хаёлот оламининг баъзи нуқталарида шундай ҳодисага дуч келадики, бу ҳақда "Бир гўзал ҳолатни кўриб тураман. Лаззатга гарқ бўлиб, ўлиб тураман", — дейди. Шоирнинг мана шундай руҳий ҳолатида ажойиб лирик асарлар дунёга келиши ҳақиқат. Бундай шеър эса фикр ва туйгуларнинг салмоғи ҳамда ранги, оҳангти, юқсак бадиий даражаси билан ўқувчини сехрлаш қудратига эга бўлади. Натижада, шеър лирик қаҳрамони руҳияти билан ўқувчи руҳияти ҳеч қандай тўсиқларсиз уйғунлашиб кетади. Бу эса шеъриятнинг инсон маънавий дунёсини бойитишдаги аҳамияти беқиёс даражада юқсак эканлигини кўрсатади. Шеърни шу даражага кўтариш учун ижодкор маънавияти ПОК, қалби тоза туйгулар кони, ҳиссий ва руҳий дунёси лиҳоятда бой, гўзалликни, эзгуликни эъзозлай олувчи инсон бўлиши керак.

Чўлпон ҳар бир шоирда ана шундай фазилат ва истеъдод бўлишини истайди. Акс ҳолда дунё гўзаллиги шеърда бетаъсир, шунчаки бир ҳодиса сифатиша — гўзалликка дуч келганида уни қалби билан севиб, тушуниб, ҳис қилиб тасвирлай олмаса, у шоир эмас, балки у одамлар руҳиятига киришдан ожиз қаламкаш эканлигини таъкидлайди. Шўнинг учун ҳам Чўлпон гўзаллик билан руҳан учрашганида доимо уни бор-бутунича шеърга сололмай, рассомдек сувратини чизиб беролмай қолишидан қўрқади, ҳислар мўйқаламида чизилган ана шу гўзалликнинг тасвирларидан кўнгли тўлмайди.

Шу ожиз ҳолимда шоирманни мен?...
Шоирлик менда бир соями, дейман,
Ҳар бир тушунчамни ёза олмагач,
Рассомдек хаёлга чиза олмагач,
Ҳақир борлигимга кўп афсус ейман.³⁶

Бу ўз ижодидан қониқмаслик туйгуси, шоирнинг истеъдод имкониятларидан янада унумлироқ фойдаланишга, гўзалликни, инсон руҳиятини янада чуқурроқ идрок этиш ва уни шеърга айлантиришга бўлган ноёб интилиш эҳтиёжидан яралган мисралар.

Шоирнинг "Дамлар" шеъри "Мен шоирми" асаридағи руҳга ҳамоҳанг. Бу асар шоирнинг яна ўз қалби, руҳияти, хаёллари оламига саёҳатидай туюлади. Чўлпон шоир учун энг азиз, муҳим, қадрдан дамлар борлиги, фақатгина, шу дамлар унга ҳақиқий шеър — руҳий санъатни кашф этиш бахтини ато қилиши мумкинлиги ҳақида ўйлади.

Дарҳақиқат, ижод дардида ўртанаётган шоир учун бир нафаслик ҳолат ёки фурсат ҳал қилувчи аҳамият касб этиши сир эмас. Ана шу дамнинг иштиёқида яшаган Чўлпон лирик қаҳрамони дейди:

Дам бўлурки, қалбим тонгнинг шамоли
Қаршисида қалтираган япроқдек
Аста-секин титраб кетар... мен ҳам тек,
Жим қоламан унга қулоқ солгали,
Бугун эсим, сезгим билан толгали...³⁷

Ана шундай ҳолатта тушган лирик қаҳрамон, бир пасда бу ҳолатдан чиқиб кетиши, хаёлида жонланган, руҳий дунёсида ўзлигини намоён этаётган нарса ёки ҳодисадаги гўзалликни ҳис қилиш сезгисидан ажралиб қолиши мумкин. Агар бу ижод жаренида бўлса, ёзилаётган шеър битмай қолиб, у бир

³⁶ Ўша асар. 535-бет.

³⁷ Ўша асар. 483-бет.

умр тугал намоён бўлиш имкониятидан маҳрум бўлиб, чала туғилган гўдакдек ногирон яшashi мумкин. Мабодо шундай ҳолат содир бўлса, бу шоир учун катта маънавий йўқотишидир. Чўлпон буни ниҳоятда теран ва нозик ҳис қилган:

Баъзан хаёл этагини тутқизмас,
Ёт ерларда ўз бошича йўқ бўлур.
Шунда эс ҳам қалб тилига тушунмас,
Боши қотар, кўпопланур, тўнгланур.
Шунда бирдан файбдан товуш: "Эй шоир,
Куруқ қолдинг саодатли дамдан!" дер,
"дамдан!" дер...³⁸

Инсон руҳий дунёси сирларини ана шундай англап, Чўлпон асарларида психологиязмнинг яшовчанини ва соғ ҳолатда рўй беришини таъминлаган.

Чўшоннинг "Галдир" газали руҳий ҳолатнинг ёркин ва жозибали манзараси сифатида қимматлидир. Газал лирик қаҳрамон руҳиятининг тиниқ кўзрангларицир. Дугор ва куй бирлди, яна уларга лирик қаҳрамон руҳиятининг уйғунлашиб кетиши начи қалбига шундай куйиладики, унинг таъсири бошқа ҳар қандай таъсирлардан қуратлироқдир.

Мен дугор бирлан туғишган, кўхна бир девонаман,
Ул туғишоним билан бир ўтда доим ёнаман.
Дилларида йам тўла бечораларга ёрман,
Вақти хуш, гам кўрмаганлардан тамом безорман.
Мен дугорнинг ҳар ерига беркиниб олсан агар,
Пардаларнинг ҳар бири бергай бўлак камдан хабар.³⁹

Бу мисраларга қараб лирик қаҳрамоннинг "Кайфиятига эш бўлмай илож йўқ. Зеро, шойрнинг ущбу

газали дунёга келган кезлар ҳалқ ҳаётининг ниҳоятда мураккаблашган дамлари бўлса ажаб эмас.

Она ҳалқи, она юртининг забун аҳволи ҳар қандай фидойи фарзандни, аввало, курашга бошлайди. Агар у ана шу курашда ёлғизланса, унга маънавий, руҳий қудрат бахш этувчи булоқлар кўзи ёпилса, унинг жисмонан қовжираши учун замин пайдо бўлади. "Галдир"нинг лирик қаҳрамони ҳолатига қараб туриб, ана шу фикр ҳақиқатдай туюлади. Буни лирик қаҳрамон забун ҳолатининг ижтимоий илдизлари деб айтиш мумкин. Ана шу ижтимоий илдизлар ўз навбатида унинг маънавий, руҳий илдизларини янада чуқурлаштиргандай кўринади. Чунки шоир бу даврда курашавериб бир қадар чарчаган, курашларининг натижасини кўролмай, тушкунлик гирдо бида қолганга ўхшайди.

Аҳли ғамлар мен каби мажнунсифат "галдир" бўлар, Шул сабабдан банданинг номини "галдир" кўйдилар... Йўқ ишим ҳоким, амалдор, шоху ҳоқонлар билан, Биргадурман доимо ҳамдард бўлғонлар билан!⁴⁰

Лекин бунда Чўлпонни тушкун, бадбин кайфият тарғиботчиси сифатида айблаш сўқирлик бўлурди. Зеро, шоир ўз кайфияти, шахсий кечинмаларини, руҳий ҳолати манзарларини унга ижтимоий-сиёсий ҳаётнинг таъсири бўлиш ёки бўлмаслигидан қатъи назар мисраларга муҳрлашга тамоман ҳақли.

Чунки ҳар бир инсон ҳаёт бағрида, чеки-чегараси йўқ ҳодисалар гирдобида яшайди. Одамлар, ҳодисалар бир-бирига таъсирсиз бўлмайди. Таъсирлар қувонч-бахш этиши ёки гам келтириши табиий. Ҳаётнинг қувончбахш дамлари инсон руҳиятида унчалик узоқ из қолдирмаслиги мумкин. Аммо кўнгил гамга чўмган дамлар, қалб қийналган, юрак ўртанган онлар инсон руҳини яралashi, унинг доғлари эса

³⁸ Уша жойда.

³⁹ Уша асар. 518-бет.

битмаслиги аниқ. Бу унинг табиати билан боғлиқ ҳодиса. Шунинг учун инсон руҳияти кўп ҳолларда ғамгин куйга, ғазалга ёки сокин манзарага тез уйгунлашиб кетади. Чўлпоннинг "Галдир" шеъри худди ана шу ҳолатнинг меваси сифатида нафис санъат — шеъриятнинг нодир дурдоналари қаторидан жой олишга ҳақли.

Чўлпоннинг "Оғриганда" шеърида ҳам ғамгин руҳ устивор. Лирик қаҳрамон бемор, унинг фақат жисми эмас, руҳи ҳам хаста. Нега шундай? — деган саволнинг туғилиши, табиий. Жавоб эса аниқ. Яъни бу хасталик ("Галдир" ҳақида билдирилган фикрларга ҳамоҳанг) лирик қаҳрамоннинг руҳан ўлқадаги нотинчлик, ҳокимият, ғоя ва маслак учун олиб борилаётган курашлар оқибатида вайронага айланган она юрт, она ҳалқ ҳаётига қоришаётган ғам-аламга уйғуллигининг асорати:

Бўғик, қисиқ бу кўнгил кучли ўт билан ёнадир,
Бу ўт орасида юртнинг хаёли жонланаидир...⁴¹

Кўринадики, шоир руҳан бемор, лекин унинг дардманд қалби ва руҳи эл-юрт хаёли билан оғрилалутказилган тунлар охирида отадиган тонгни бекатиб, қуёш нурини эл бошига мўл-кўл сочганини ғамгин руҳ ҳукмрондай кўринади. Аммо ана шу руҳ нурли, илохий бир қудратдан озиқ олганки, натижада, ўзини эл-юрт озодлиги учун курашда холис бир ҳолатда намоён этган. У ана шу хусусияти билан "Галдир"даги ғамгин руҳдан зоҳирсан фарқ қиляндай кўриниши мумкин ва "Галдир" лирик қаҳрамонини ижтимоий ҳаётдан узоқлиқда айблашта асос

бўладигандай туюлади. Йўқ, бундай бўлиши мумкин эмас. Негаки, "Галдир" лирик қаҳрамони ҳеч қачон ўзини эл-юрт ғамидан узоқда тасаввур этмаган. Зоро, шеърдаги:

Дилларида ғам тўла бечораларга ёрман,
Вақти хуш, ғам кўрмаганлардан тамом безорман⁴²

мисраларининг ўзи лирик қаҳрамон маънавиятининг поклиги ва руҳиятининг уйгоқлиги, уни ижтимоий-сиёсий ҳаётнинг ташвишлари бир он бўлсада тарк этмаганлиги белгисидир.

Хуллас, Чўлпоннинг инсон руҳий ҳолатининг соғ манзаралари ҳисобланган ушбу асалари ўзининг фикран теранлиги, бадиий пухталиги, таъсирчанлиги билан шеъриятимиз ҳазинасининг ноёб дурдоналарида ҳисобланади. Зоро, Чўлпоннинг бу шеърларидаги лирик қаҳрамоннинг ҳис-ҳаяжонлари, туйгулари, тафаккур оламида кечган қарама-қарши жараёнларни исён, дард билан англатиши психологик тасвирнинг теранлашувига ниҳоятда муҳим шароит яратган.

Чўлпон сингари Ойбек ижодининг бу даврида ҳам шундай шеърлар учрайдик, улар сиёсатдан бутунлай четлашган руҳиятнинг маҳсулидай туюлади. Аслида-ундай эмас. Шеърнинг дунёга келишига замин бўлган воқелик ўқувчидан ўзини маълум даражада пинҳон тугиб туради. Зукко ўқувчи ана шу шеърда учрашгани — руҳий юксаклик ёки тушкунлик илдизини ўзи топиб олади.

Ойбекнинг ана шундай асалари билан танишиш яна бир марта шеър руҳий дунё ва унинг тўлғонишилари маҳсули экан, унда намоён бўлувчи ҳолатлар шоир қалбига, руҳиятига ташки оламнинг қай даражада таъсир ўтказишига боғлиқ деган хуло-

⁴¹ Ўша асар. 429-бет.

⁴² Ўша асар. 518-бет.

сага олиб келади. Бинобарин, шеър ташқи олам таъсири туфайли лирик қаҳрамон вужудида кечган руҳий жараёнларнинг — ички оламнинг бадиий инъикоси демакдир. Масалан, яшнаб, очилиб турган гул ҳар бир кишининг кайфиятига боғлиқ ҳолда унда турлича таассурот қолдириши мумкин. Агар кайфият кўтаринки бўлса, гул унга бекиёс даражада гўзал, хушбўй ҳамда нафосатли кўринади ва агар у шоир бўлса, дарҳол гулнинг гўзаллигини шеърга муҳрлаши мумкин. Унинг акси бўлса-чи? Унда шоир қанчалар истеъдодли бўлмасин, у гулнинг гўзаллиги ҳақида битта мисра ҳам яратади олмаслиги, табиий. Ёки қулоф уриб, яшнаб турган гулнинг гўзаллиги ҳақида эмас, балки, сўлган, қовжираган ёхуд хазон урган гул ҳақида шеър ёзиши мумкин. Эҳтимол, ана шу яшнаб турган гул, унинг сўлғин руҳига бир қадар тириклик ато этиши, ёмон кайфиятдан бир оз бўлсада, ҳолос бўлишга кўмаклашиши ҳам мумкин. Демак, қандай бўлишидан қатъи назар, ташқи олам инсон ички оламига, яъни руҳий дунёсига ўзининг ўёки бу ҳолатдаги таъсирини ўтказади. Шу маънода Ойбекнинг соф лирик шеърларининг дунёга келишида ижтимоий-сиёсий ҳаётнинг ботиний қатламлари борлитини айтиш керак. Бунга юқорида Чўлонбўлган эдик. Ойбекнинг ана шундай шеърлари лича, табиат ўёки куз фасли кўринишлари билан уйғулик топған ҳолда намоён бўлиши ҳам фикри-мизни далиллайди. Мисол учун шоирнинг табиат манзараси чизилган икки шеъри ҳақида тўхталадиган бўлсак, юқорида айтилганидек, киши кайфияти, руҳига қараб, ташқи дунё, ундаги ҳар қандай предмет ўёки ҳодиса турлича маъно, хусусият касб этиши мумкинлигига гувоҳ бўламиз. Шоирнинг "Фарғона оқшоми" шеърида тасвири этилган, шоир

кайфиятига монанд оқшом — кеча унинг руҳиятида нурсиз манзаралари билан намоён бўлади. Атрофнинг ойдинлиги, тўлин ойнинг нур сочиб туриши ҳам лирик қаҳрамон руҳиятига заррача бўлса-да, ёрқинлик олиб киролмаган. Қуёшнинг "Қип-қизарид сўниши" оқибатида "Бир ҳузунли кўлка" чор-атрофни қамраб олган. Шоир назарида тоғлар гүё кўклам кўрмагандай тақир, боғлар эса лирик қаҳрамон руҳиятидек бўм-бўш. Улар шоир кўнгли сингари "сирли йиглар" эди. Аслида Фарғонанинг ойдин оқшомини, табиатини шундай тасвирилаш мумкинмикан? Табиатининг гўзалликда тенги йўқ Фарғона — йилнинг тўрт фаслида ҳам ўзига хос бир нафосатга бойлиги билан ажralиб турадиган водий. Лекин шоир эътибор берган, кузатган онда унинг руҳиятига, ҳолатига боғлиқ равища ана шу гўзаллик, нафосат сезилмай қолган. Шунинг учун ҳам кечаси ойнинг кўқдан "кумуш нурин" ерга сепиши ҳам лирик қаҳрамон учун "Харобалар — вайроналиклар устидан сўлғин боқиши" бўлиб туолади. Демак, мана шу шеър дунёга келган вақтда лирик қаҳрамон ниҳоятда тушкун руҳга уйғун бўлган. Бу онда лирик қаҳрамон руҳий дунёси бошқа бир таъсир дойрасида турган ва Фарғона оқшоми гўзаллигидан чекинган, оқибатда, бу гўзаллик унинг тасаввурида сурурсиз, завқсиз бир шаклда гавдаланган. Қалб нурсизлигидан нурсиз оқшом ҳақидаги шеър дунёга келган. Бу ташқи таъсир, албатта, "харобага — вайронага" айланган Ватанинг "сирли йиги"лари эди.

Энди шоирнинг лирик қаҳрамон руҳий ҳолатини табиат тасвири фонида очувчи бошқа — руҳий юксаклиқда дунёга келган "Кўринишлар" шеърига эътибор берайлик. Бу шеърда ҳам шоир тоғларга мурожаат қиласиди, қуёшни тилга олади. Қуёш ботгач, чўккан оқшом тасвирини чизади. Лекин бу ерда лирик қаҳрамон руҳий ҳолати, унинг манзараси "Фарғона оқшоми" шеърида тасвири этилган, шоир

ми" шеъридагига бутунлай тескари. "Фарғона оқшоми" да лирик қаҳрамон руҳиятига қараб, "ўксиз тоғлар, ич-ичидан йиглаётган бўм-бўш боғлар" тасвири ўқувчи кўз олдида намоён бўлади. "Кўринишлар" да эса улар:

Оппоқ қорли кўркам тоғлар
Боқишилари руҳни боғлар
Кўксинадир чечаклари,
Оҳ, на гўзал узун тоғлар.

Оқшом ўлса күёш ботар,
Сўнг кулишин ҳар ён отар,
Борлик ўзбек қизи каби
Гул юзига чачвон тутар.⁴³

мисраларида сингари дилбарлик, нафосат ва чирой касб этади. Демак, бу ҳар қандай лирик шеър шоир руҳий дунёсининг, маълум бир пайтдаги ҳолатининг маҳсулӣ деган фикрнинг яққол далилидир. Бу ерда Ойбек лирик қаҳрамонига дунё гўзалик либосига ўранган ҳолда ўз таъсирини ўтказган. Айни пайтда бу таъсирини ана шундай қабул қилиш учун унинг руҳиятида маълум ижобий ҳолат бўлган. Агар лирик қаҳрамон руҳиятида гўзаликни ўз ҳолича қабул қилиш учун ана шундай ҳолат юзага келмаса, кин. "Кўринишлар" нинг лирик қаҳрамони "Фарғона лай бошқа – кўтаринки ҳолатда бўлганки, унга тоғзиёдрөқ бўлиб кўринган. Натижада, табиат гўзалигининг таъсири домида бир муддат асир бўлган қаҳрамон тоғларни гулу чечаклар огушида, борликни қўёш ботаётган пайтда, чўкаётган оқшомнинг сехрли манзараси ичра кўради. Яна бу борлик унинг

руҳиятига ниҳоятда яқин, уйғун ўзбек қизи тимсолини кўз олдига келтиради. Ҳатто, борлиқни бағрига яширган тун — кеча ҳам шоир руҳиятига салбий таъсири ўтказмайди. Балки у лирик қаҳрамонга "ўзбек қизининг гул юзидаги чачвон"дек туолади. Бу ерда, ҳатто, шоир шу даврда яратилган хотин-қизлар озодлиги учун курашувчи шеърларида қоралаган чачвонни ҳам ижобийлаштириб юборган.

Ойбек лирик қаҳрамон руҳий оламини теранлик билан тасвир этувчи шеърларни 20-йилларда жуда кўплаб яратган. Уларнинг ҳаммасини бу ерда таҳлилга тортиш қийин. Шундай бўлса-да, куз фаслининг шоир руҳий ҳолатига таъсири натижасида дунёга келган учта шеъридаги лирик қаҳрамон ҳолати, кечинмалари, туйғу ва ҳаяжонларини қисқагина қиёслаб кўрайлик. "Яна куз" шеърида шоир куз тасвирини бериб, "Ҳар нарсадан дардли юз" кўрганлигини айтади. Демак, куз лирик қаҳрамон кайфиятига кўтаринкилиқ эмас, балки ҳазинлик бахш этган. "Куз сезгиси" шеърининг лирик қаҳрамони "Ҳар томонда қалтираб аста ерга бош қўяётган" япроқларни кўриб, табиатдан чекинаётган "гўзал чоғлар"ни излайди. Ўзининг ҳам қалбига, руҳиятига ўрнашиб бораётган сокинликни сезади. Лекин лирик қаҳрамон руҳиятида, туйғуларида сокинлик хукмон бўлишини истамайди.

Боғда мен тентирар эканман сездим.
Қалб фақат навбаҳорни йўқладайдир.⁴⁴

дэя жўшқинлик, кулф урган гўзалик огушида яшаш иштиёқини билдиради. "Яна куз" шеъридаги лирик қаҳрамонга қараганда "Куз сезгиси" лирик қаҳрамони ҳаётда доимо гўзалик, қувончга интилувчан. Ойбекнинг мана бу шеъридаги лирик қаҳрамон ҳам ниҳоятда ҳаётсевар, яшашта чанқоқ:

⁴³ Ўйбек, Муқаммал асарлар тўплами, 1-жилд. 42-бет.

⁴⁴ Ўша асар. 104-бет.

Кузнинг ҳазин, гўзал палласи
Япроқлардан ерларда гилам.
Бир дам ўтири, кўнглим ғунчаси,
Балки қургай кўзларимда нам...
Тўқимайман бирон сафсата
Куз, муҳаббат, ҳаёт баҳсидан.
Бизнинг учун олтин манзара
Сўзлар буюк руҳлар баҳтидан.
Бир дам ўтири, севгилим, кувнай
Кузнинг ҳазин завқини сурай.⁴⁵

Юқорида таҳлили берилган шеърларда у ёлғиз эди. Ёлғизлик уни бир томондан эзса, кузги сокинлик руҳиятига ҳазинлик бахш этади, хазонрезгилик унинг ҳолатига янада кучлироқ таъсир кўрсатади. Натижада, лирик қаҳрамон руҳиятида, туйғуларида куз ноҳуш из қолдиради. Ушбу шеърда эса у ёлғиз эмас. Негаки, унинг кўнглиниңғорзуси, қалбининг истаги — муҳаббати — севгилиси ёнида. Шу боисдан куз унинг учун табиатнинг "гўзал палласи", ана шудамда гўё япроқлар тупроқни титраб-қалтираб ёпмайди, аксинча, ерни майин гиламдек қоплади. Куз қашф этган "олгин манзара" унга "сўзлар буюк руҳлар баҳтидан". Ҳатто, шоир ижтимоий ҳаётнинг ўта мураккаб зиддиятларидан чекаётган руҳий изтиробларини унтиш, муҳаббат қудратидан қалбига қувонч истаб, "кўзларидаги намнинг қуриши"га умидворлик билдиради. Лирик қаҳрамонга беҳад "кўнгил ғунчаси"нинг таъсири унинг куз ҳақидаги қарашларини, унга муносабатини шунчалар ўзгартириб юборган, ҳаёт ташвишларини унтишдан умидворлигини оширган. Шоирнинг "кўнгил ғунчаси" иборасини ишлатишнинг ўзи ҳам муҳаббатнинг лирик қаҳрамон қалбидан, руҳиятидан куз-

⁴⁵ Ўша асар. 159-бет.

нинг сарғайган рангларини ҳайдаб; унга баҳор тароватини, нафосатини олиб кирганлигининг белгисидир. Бундан кўринадики, ташқи таъсир, хоҳ у табиатдан, хоҳ жамиятдан бўлсин, инсон руҳиятини ўзгартириш қудратига эга. Зеро, куз ҳақида битилган шеърлар битта шоир қаламига мансуб. Лекин унинг лирик қаҳрамонлари руҳий ҳолати ҳар қайсида ҳар хил намоён бўлади. Демак, объектив борлиқ субъектга ўзига хос бир равища таъсир этадики, у субъект қалби, тафаккури қатларидан ўтиб, руҳий оламида турлича ранглар қашф этиши мумкин экан. Бу ерда Ойбек руҳият тасвирининг ўзига хос йўлларини топган. Яъни лирик қаҳрамон руҳий ҳолати ҳақида умумий тасаввур бериладики, натижада, ўқувчи уни шундай ҳолатга солган ички түфён, ҳиссиёт-ҳаяжонларни, бундан ташқи кўринишда акс этиши мумкин бўлган белгиларни лирик қаҳрамоннинг сўзлари орқали тасаввур қила олади.

Ойбекнинг юқоридаги куз таъсиротларидан яралган соф лирик шеърларини кузатиш шуни кўрсатадики, улар қанчалик лирик қаҳрамоннинг оний лаҳзадаги руҳий тўлғонишлари, ниҳоятда шахсий туйғулари тасвиридек туюлса-да, унинг туб моҳиятида кўзга кўринмас, бағоят зукколикни талаб қиласидаги ижтимоий-сиёсий маънолар ётибди. Буни ўша шеърлардаги куз фасли моҳияти ва кўринишлари билан боғланиб кетган "Ҳар нарсадан дардли юз", "Ҳар томонда қалтираб аста ерга бош қўяётган япроқлар", "Балки қургай кўзларимда нам"... сингари мисралари ёки қалбига, руҳиятига ўрнашиб бораётган сокинлик ҳақидаги фикрлари магзига яширган маънолар исботлаб туради.

Чўлпон ва Ойбек ижодидаги сиёсий муҳит таъсирида туғилган ёки ундан айрича дунёда бунёд бўлган дейилган шеърларда ҳам ижтимоий ва руҳий эркинлик учун курашувчи лирик қаҳрамон мавжуд. Бунда

лирик қаҳрамон руҳиятини теран очиш, унинг сиру синоати, имконият ва қудратини тадқиқ этиш муаммоси асосий ўринда туради. Чунки ана шу муаммонинг ечими — инсон руҳиятининг имкониятларини бадиий қашф этиш, ҳар бир ўқувчи руҳиятининг ҳам ана шундай имкониятларини юзага олиб чиқиш, уни ҳалқ, миллат ва жамият тараққиёти ҳамда келажаги йўлида курашларга, яратишларга хизмат қилдириш мұхим ижобий натижаларни вужудга келтириши мумкин.

Хулоса қилиб айтганда, Чўлпон ва Ойбекнинг эрк ва мустақиллик тантанаси учун кураш пафосидаги шеърлари лирик қаҳрамони руҳияти манзаралари ўша давр ва ҳалқ руҳияти, кайфиятидан айрича дунёга келган әмас. Бу қаҳрамонларни давр шеърияти қаҳрамонларидан фидойилик, курашчанлик, жасоратлилик ва ҳақиқаттўйлик сингари фазилатлар жуда каттағоявий ҳамда маънавий масофаларда ажратиб туради. Бу масофалар мөҳиятида Чўлпон ва Ойбек лирик қаҳрамонларининг руҳий уйғоқлиги, уларнинг инсанинг руҳий эркинлиги учун курашувчанлиги ётади. Зеро, инсон руҳан әркин бўлмаган жамиятда, дунёсида ана шу ҳақиқат мухрланиб қолган. Шу босиёсий ҳаётидан юз берган ниҳоятда кучли пўртана-қолган, маънавий ғолиблик шоҳсупасига чиқишига келдилар ва улар шеъриятимиз олтин саҳифаларини агадул-абад нурлантирувчи кучга айландилар.

Демак, ушбу бўлимда кўтарилиган масалалар умумлаштирилган ҳолда хулосаланадиган бўлса, айтиш жоизки, 20-йиллар ўзбек шеъриятида руҳият тасви-

рининг, яъни психологик тасвир маҳорати чукурлашувининг бир қатор омиллари ёки бошқача қилиб айтганда ривожланиш тамойиллари мавжуд бўлган. Улар "инқилоб" ҳалққа нима берди деган муаммони ечиш; миллат тақдири учун кураш; Ватан мустақиллиги ва озодлигининг ҳаққоний мөҳиятини очиш; истиқлол орзусини аёл эрки билан уйғунаштириш; руҳий ҳолатнинг соғ манзараларини яратиш жараёнида ўзларини намоён қилишди. Ушбу психологик тасвир тамойилларининг дунёга келиш ва ривожланиш манбаи 20-йилларда кўпроқ Чўлпон ва Ойбек шеърияти бўлган экан.

1.2. СИЁСАТ, ШЕЪРИЯТ ВА ЛИРИК ҚАҲРАМОН ҚИСМАТИ

20-йилларнинг охирларида шеъриятга кириб, мустаҳкамлана бошлаган социалистик қурилиш мавзуси 30-йиллар адабиётида етакчилик қилди. Мамлакатни индустрлаштириш, яъни кўплаб саноат корхоналари, завод, фабрикалар қуриш ҳамда бойлар, якка хўжаликларни тугатиб, яхлит, жамоа хўжаликларини барпо этиш шўро давлати олдида турган энг мұхим вазифа деб белгиланди ва улар социализм қурилишининг энг асосий замини, энг зарур омиллари сифатида темир қонунлар билан мустаҳкамланди. Янги жамият қуришнинг беш йиллик режалари тузилди. Барча соҳани ана шу режаларни муддатидан илгари бажаришга чорловчи шиорлар, чақириқлар босиб кетди. Гўё бутун ўлка қайтадан тирилиб, янги ҳаётнинг "жўшқин нафаси" билан яшай бошлади. Мана шу масалалар адабиётнинг ҳам асосий тасвир обьектига, бош мақсадига айланди. Гўё адабиёт ҳам ўз "беш йиллик режалари"ни ишлаб чиқиб, уларни давр руҳига ҳамоҳанг ҳолда бажармаслиги мумкин эмасдай бўлиб қолди. Бу билан бадиий адабиёт ўзи-

нинг сиёсий ўйинларда фаол иштирок этаётганлигини сезмай қолди. Натижада, сиёсатлашган адабиёт соғ бадиий адабиётдан ажралган ҳолда ривожлана бошлади. Айниқса, шўро ҳукумати бадиий адабиёт ва унинг келажаги ҳақидаги қарорлари орқали унинг сиёсатлашувини таъминловчи чора ва тадбирларни амалга оширишни қонунлаштириб борди. Шу негизда янги шўро адабий сиёсати дунёга келди. Бу сиёсатнинг ҳукмронлиги туфайли бадиий адабиёт бошқа ўзанга тушиб кета бошлади.

Агар шеъриятдаги руҳий дунё тасвири, лирик қаҳрамоннинг воқеликка муносабати нуқтаи назаридан 30-йиллар шеъриятини ўргансак, унинг 20-йиллар шеъриятига қараганда бироз камбағаллашганлигини кўрамиз. Чунки 30-йилларда шўро сиёсати ниҳоятда кучли босимга эга бўлди ва натижада шеъриятда инсон, унинг қалби, руҳий олами, бу оламнинг ташқи борлиқдан оладиган таъсири ва уни акс эттириш масаласи бироз четга чиқиб қолди. Инсон ички дунёси тадқиқи ва тасвири ўрнига социалистик қурилишлар, қишлоқ хўжалигига эришилган ва эришилмаган ютуқларни мадҳ этиш адабиёт олдидаги энг долзарб муаммога айланди. Бадиий адабиётда яратилган қаҳрамонларга эътибор берилса, уларнинг бир қисми қалби темирга айлангандай, туйгулари турғуллашгандай, ҳатто, улар йиглашни, бирон-бир нарсадан, ҳодисадан таъсирланишни эсидан чиқаргандай, инсон инсонлигини унугандай, ишда ҳам, оиласда ҳам доимо меҳнатда "баҳт, зафар, шон-шараф" қутиш орзузи билан яшагандай туюлади. Адабиётни, шеъриятни қамраб олган бу ҳол, албатта, давр сиёсатининг талаби туфайли эди. Бундан шундай холосага келиш мумкинки, агар ҳар бир давр шеърияти ҳаққоний баҳоланса, келажак авлодда адабиётимиз тарихи, таракқиёт босқичлари ҳақида тўғри тасаввур уйғотилган бўлади. Шу маънода 30—50-йил-

лар шеъриятини кўздан кечириш, шўро адабий сиёсатининг оқибатларини ўрганиш, унга бугунги кун талаб ва эҳтиёжларидан келиб чиққан ҳолда муносабат билдириш, давр ва лирик қаҳрамон нуқтаи назари, руҳий дунё тасвирининг кўринишлари, дарражалари ҳақида фикрлашиб олиш ўринлидир.

Минг афсус билан айтиш керакки, 30-йилларда руҳониятдан йироқ шеърлар бадиий адабиётда ўз ҳукмронлигини ўрната бошлади. Бундай нуқсонлар, ҳатто, Чўлпон ва Ойбек ижодида ҳам аста-секинлик билан пайдо бўлди. Чунки ҳукмрон сиёсат давр руҳини шундай истило қилган эдики, натижада, у бутун бир жамиятни ўзига сажда қилдиришга эришди. Нафақат ҳалқ, жамият, балки унинг маънавий бойиш манбай бўлган адабиёт ва санъат ҳам сиёсат чизган чизиқдан чиқа олмай қолди. Оқибатда, у ҳам ўзлигини унугиб, ҳақиқий санъатнинг, адабиётнинг сиёсатдан бутунлай айрича яшамаса-да, асл қиёғасини сақлаши зарурлигини эсдан чиқаргандай бўлди. Буларнинг барчаси ҳалқ қалбida социализм деган, бугунга келиб қўл етмас кенглилка чиқиб кетган жамиятга интилиш туйғусини муқимлаштириди. 20-йиллар шеърияти қалбига исён солиб ижод қилган Чўлпоннинг ҳам ана шу муҳитга мослашишдан бошка иложи қолмади. Бу шоирнинг ўзи тан олган ҳолда минг афсус билан ёзган "Сомон парча" шеъридаги лирик қаҳрамоннинг руҳиятидаги сўниш тасвирида жуда яхши ифода этилган:

Топширдим ўзимни муҳитнинг эркига...
Муҳит гирдобида бир сомон парча,
Бир похол чўпидек оқиб бораман.
Ҳар амал, ҳар ишни "ҳақ" деб бораман,
Вазминим қолмади бир узук қилча...⁴⁶

⁴⁶ Чўлпон. Яна олдим созимни. 481-бет.

Кўринадики, лирик қаҳрамон ўз қалбида, тафаккурида муҳрланган тушунча ва қарашларга қарши бориб, онгли равишда ҳақиқатнинг либосини кийган ноҳақликини "ҳақ" деб тан олишга, ўз эркини муҳит эркига бўйсундиришга мажбур бўлган. Қолипга солинган даврнинг, унга "раҳнамо" сиёсатнинг кучлилигини инкор қилолмаган, яккалиқдан лоқайдлик гирдобига тушган қалбнинг, интиқом туйғуси, исёни "чақмоқдек" сўнган руҳнинг бу манзарасидан фурурли қалбларнинг изтиробга тўлиши аён:

Муҳит кучлик экан, этдим бўйнимни,
Чақмоқдек ялтираб ўчиш йўқ энди.
Ёлтон хаёлларга кўчиш йўқ энди,
Оқишининг йўлига солдим куйимни.

На исён, на тўлқин, на тўфон, на ўт!
Кўзимда оғир бир таслим нури бор.
Ай, ўтли кечмишм, юзингни беркит!
Сенда шайтонларнинг ҳақсиз зўри бор⁴⁷

Бу мисралар Чўлпон мағрур руҳининг тугёнили тўйгулар гирдобида ёнган, курашган, интилган кунларига сўнгсиз азоб, афсус билан нуқта қўяётган дайд туюлади. Чунки лирик қаҳрамон руҳияти шу қадар эзгин, мискин-ки, у бутун ҳаётга қўл силташ даражасида. Зоро, уни муҳит, мағкура шу аҳволга солтан. Бу эса давр руҳининг курашчан лирик қаҳрамоннинг қайрилмас руҳини сўндиришдек шафқатсиз ва кучли бўлганлигини кўрсатади.

Чўлпоннинг қалами давр шамоллари таъсирида "тан" олиш, "таслим" бўлиш туфайли анча йиллар маҳсулдор бўлолмади. Балки у даврон довулларидан ўзини панага олгандир. Балки уни матбуот ва йифилишларда бошига тўхтовсиз отилган маломат тошлиари бошқаларга ўхшаб, даврни мадҳ этувчи асар-

лар ёзишга мажбур этгандир. Балки 1927 йилнинг 4—5 октябрида Ўзбекистон КП МКнинг бириничи котиби Ақмал Икромовнинг "Мафқуравий жабҳадаги кураш ва маданият ходимларининг вазифалари" мавзудаги маъruzасида айтилган Чўлпонни қораловчи фикрларнинг ниҳоятда оғирлиги сабаб бўлгандир. Балки Чўлпон Курултой ҳайъатига арзнома билан мурожаат қилиб, ўзига қўйилган сиёсий айбларнинг ҳаммасини рад этганди, Курултойдан ҳайдаб чиқарилганлиги туфайлидир. Хуллас, Чўлпонга етказилган маънавий зарбалар уни бошқача йўл танлашга мажбур этди. Чўлпон давр таъсиридан четга чиқолмай қолди. 30-йиллар эса юқорида айтилганидай, шундай давр бўлди, ҳар қандай қайсар, қудратли руҳни таслим этиб, ўз измига соладиган дараҷада кучга кирди. Чўлпон лирик қаҳрамони руҳи ҳам давр талабларига мослашишга мажбур бўлди. Мана шу мослашув адабиётшунослигимизда яқин вақтларга қадар улкан ижобий ҳодиса сифатида баҳоланиб, шўро ҳокимиятининг қудрати билан боғланган ҳолда Чўлпон ижодининг гуллаган даври деб олқишиланди. Бу унинг онгидаги ижобий янгиланишнинг, "дунманлиқ" йўлидан қайтиб, дўстлар сафига қўшилишининг белгиси деб мақталди. Афсуски, Чўлпон ижодидаги бу жараён унинг сўлғин руҳиятининг манзараси сифатида нурсизланиб, сўнаётган юлдзани эслатади. Чунки Чўлпон ҳам англабми, англамайми, истабми, истамайми замонани мадҳ этувчишлар сафига қўшилди. Унинг шеърияти ҳам сафдошлиари, ижодкор дўстлари шеърияти сингари ҳаётдан узилиб, муаллақ қолди. Лирик қаҳрамон нуқтати назарида ҳаёт кўркамлашиб, унинг ҳақиқий, машиққатларга кўмилган жараёнларини кўриш, идрок қилишда ожизлашди. Бу ҳолнинг меваси сифатида 1935 йилда Чўлпоннинг "Соз" тўплами дунё юзини кўрди. Бундаги шеърлар бўғилган истеъдоднинг та-

⁴⁷ Ўша жойда.

хир түхфаси эди. Уларнинг муҳитнинг қўлида "таслим" бўлган лирик қаҳрамоннинг руҳсиз, эҳтиросли туйғулардан, ҳиссиётдан бегона, шовқинли сўзлари йиғиндисига айланғанлиги ўқувчини ачинтиради. Хуллас, 30-йиллар шеъриятига чукур кириб олган сиёсий руҳ Чўлпон шеъриятида ҳам ҳукмронликка эришиди. Чўлпон "Соз" тўплами муқовасида "Бир неча йил қантаргач, яна олдим созимни..." мисрасини келтиради. Бу эса орадан ўтган йиллар унинг созини даврга мослаганлиги, замонага созлаганлиги белгисидир. Демак, йиллар Чўлпон лирик қаҳрамони қалбини дарддан, руҳиятини туғёндан айирди. Давр шеъриятида сезиларли из қолдираётган темир қалбли лирик қаҳрамондан унинг фарқи қолмади. Бу лирик қаҳрамоннинг ҳам куйи "ғалаба сари" мардонавор интилаётган, беш йилликларни янгидан-янги меҳнат зафарлари билан яқўнлаётган "қаҳрамон"-ларни мадҳ этишдан иборат бўлиб қолди.

"Янги мен" шеъри лирик қаҳрамонини мутглақо бошқа руҳ, бошқа дунёқарашли, ҳаётни пардаланган нуқтаи назар билан мушоҳада қилаётган Чўлпонники дейиш мумкин. Бу "мен"нинг нуқтаи назарини ўрганиш шуни кўрсатадики, у ҳақиқий туйғуларини йўқотган ҳолда, фақат "завқли меҳнат, озод Ватан, баҳтиёр ҳалқни" мадҳ этишга киришиб кетган; аввалгилик, ўзига ҳақиқатан ҳам Ватан озод, ҳалқ баҳтлими деган савонни беролмаган; ҳалқнинг мамлакат пахта мустақиллиги учун сафарбар этилиб, қулга айлантирилганлиги, меҳнат билан топган бир бурда нонини сал эркинроқ чайнаган меҳнаткашнинг қулоқ сифатида юртидан бадарға қилинаётганлиги унинг руҳиятига таъсир этмаган; алдов сиёсати туфайли ҳалқнинг бутун табиий, тарихий, маънавий бойликларидан мосуво бўлаётганлиги эътиборини тортмаган қабилидаги шафқатсиз хulosани илгари суришга асос беради.

Тўғриси, булар ҳақда нафақат Чўлпон ёхуд бошқа шоирлар, балки ҳеч ким ўйламагандир. Балки ўйлаган бўлса ҳам, фикр ва туйғуларини аввалгилик ошкор қилишга ожизлик қилишгандир. Чунки бутун ҳалқнинг, шу қатори Чўлпоннинг ҳам кўзларини, қалбини, ақлини партия ва ҳукуматга ишонч, садоқат тушунчаси мажбуран бўлса-да, банд қилиши шарт эди. Мамлакатда ҳукм сурган сиёсат құдратли кучга айлангани боис Чўлпон сингари исёнкор руҳли, теран ақлли, кенг фикрли кишиларни ҳам турли тазиқиқ ва таъқиб йўли билан мажбурлаб ёки алдаб, ўз амрига бўйсундира олди. Натижада, бу сиёсат Чўлпон лирик қаҳрамонини ҳаётдан узоқлаштириб, руҳсиз одамга айлантириб ташлади. Шу маънода унинг "Бизнинг Ватан", "Биринчи Май", "Норин дарё", "Ўн олтинчи", "Куз", "Диёrim" сингари шеърларини қалдан, руҳдан узоқлашган шеърлар деса, тўғри бўлади. Лекин барибири, ушбу шеърлар моҳиятига мантиқан назар ташланса, улар замирида қайсар, бўйсунмас бир руҳ яширингандай, бир кун келиб, яна исён билан бош кўтарадигандай тасаввур пайдо бўлаверади.

Бир вақтлар адабиётшунослиқда "сиёсий лирика" деган атама бор эди. Шунга асосланиб, сиёсатдан туғилган лирика олқишиланар, қўкларга кўтариб мақталар эди. Ҳақиқатни айтганда, ҳукмрон сиёсатни адабиёт орқали қайта тарғиб этиш ҳалқни иккинчи марта чалғитишдан бошқа нарса эмас экан. Демак, жамият бошқарувининг нотўри олиб боришига фақат сиёсат эмас, балки адабиёт ҳам қисман айбдор. Шу маънода Ойбек шеъриятининг лирик қаҳрамони дунёқараши, руҳий дунёси ва унинг воқеликка муносабати масаласини ўрганадиган бўлсак, у ҳам мамлакатда бошланган ҳар бир янгилликка хоҳ у ҳалққа фойда келтирисин, хоҳи зарар, аммо қандай бўлишидан қатъи назар, унга катта

иционч ва эътиқод билан қараганилигини кўрамиз. Равшан бўладики, худди Чўлпон сингари Ойбек лирик қаҳрамони руҳиятига ҳам сиёсатнинг кўлкалари шафқатсиз бостириб кирган.

Ойбекнинг бу давр шеърларини кузатар эканмиз, унда маълум даражада ҳукмронлик қилган темир образи эътиборни торгади. Бу образ фақат Ойбек эмас, балки F. Гулом, Ҳ.Олимжон, Миртемир, Файратий сингари шоирлар шеъриятида ҳам кенг маънода талқин этилди. Шоирнинг "Беш йиллик план" шеъри лирик қаҳрамони ана шу темирнинг қурбонларидан бири. Унинг кўзлари фақат кўкка, олдинга тикилган. Лирик қаҳрамон нуқтаи назаридан ҳаётни, инсонни темирлаштириб юборган маъдан — муқаддас бир нарса. Гўё у — халқнинг бугуни, келажаги, орзу умиди, бахтини белгиловчи қўдрат. Шу боисдан шеър қаҳрамони битта тирик жон — инсон сифатида чарчашиб, дам олиш нималигини билмайди, ҳаёт ҳақидағи инсоний ўйлар ундан йироқлашган, фақат темирга сажда қилиш билан банд:

Биз тоғларнинг қалбини тешиб ёрамиз,
Озод ўлка темирдан кийим кияжак.
Чексиз ҳудудларимиз, қирғоқларимиз
Душманларга оловдан халқа тизажак.⁴⁸

Кўринадики, атрофга, одамларга шубҳа, ишончизлик туйгуси билан қарашиб, дўст-душманга ажратиш сиёсати 30-йилларнинг фожиасига айланган. Натижада, атрофдагилардан хавфсираб, ҳадик олиб яшаш ҳаётда аста-секин ўз ҳукмини ўтказган ва у ўн йилликнинг охирларига келиб, мамлакат бошида қора қуюндеқ чарх урган.

Бу йиллар ҳаётида рус олими И.В. Мичуриннинг "Биз табиатдан инъом-эҳсон кутиб ўтирумаймиз, бал-

ки уни ўзимизга бўйсундирамиз" деган мазмундаги назарияси ҳаётда чуқур илдиз отди, фикр ва хаёлотда мустаҳкам ўринашди. Ҳатто, бу таълимот билан бадиий адабиёт ҳам қуролланди. Мана Ойбекнинг ана шу таълимот билан қуролланган қаҳрамонининг ҳаётга қарашлари қандай шаклланди, руҳий дунёсида қандай ўзгаришлар юзага келди:

Янги ҳаёт томирига маъдан қуямиз,
Болға билан конларнинг бағрин тұымиз.
Табиатнинг күчлари бизга бўй эгар,
Тиз чўкмаймиз ҳеч кучга: биз жўшқин денгиз.⁴⁹

Дарҳақиқат, шўро сиёсатнинг қатъий талаблари туфайли ҳаёт томирларига маъдан қуийилди ва у темирланиш даражасига етказилди. Оқибат нима бўлди? Темир одамлар пайдо бўлиб, халққа раҳнамолик қила бошлиди. Бугунга келиб эса табиат эмас, инсон унинг олдида тиз чўкишга мажбур бўлди. Бу пайтда ҳеч ким, ҳатто, халқнинг зиёли фарзандлари ҳам орқага қайрилиб қараб ёки келажак ҳақида жиддий ўйлаб, сиёсатга қарши боролмади. Аксинча, олиб борилаётган сиёсатни ҳамма учун йўлчи юлдуз дея мақташга мажбур бўлишди. Ана шундай пайтда яна Ойбек "Темир ҳақида" шеърида:

Мамлакат, биласиз, темирга ташна,
Темирсиз яшолмас,
"Темир!" дер мамлакат,
Темирда куч ва нашъя.⁵⁰

деб ёзди.

30-йиллар шеърияти лирик қаҳрамони руҳиятининг темирлаштириш даврига монандлашганлиги, унга мос равищда фикр юритганлитига Ойбекнинг яна "Шоир билан суҳбат" шеърини мисол қилиб кел-

⁴⁹ Ўша жойда.

⁵⁰ Ўша тўплам. 261-бет.

тириш мумкин. Ушбу шеърда Ойбек "ишқ учқунидан туйгулари тошган", "булбулларга эш бўлиб куйлаган" шоирни гўё "фош" этади. Шу билан бирга унинг аста-секин ана шу туйгулар уммонидан чекиниб долғали, "Кўмир, темир, пўлат, фишт тўлқинлари кони"га кириб бориб, даврига мослашганини олқашлади.

Ойбек шеърда "қайноқ ҳаёт бағрига" кирган қаҳрамонининг дунёқарашини мақтар экан, албатта, унинг қалб, руҳ эҳтиёжларидан ажралиб бораётганлиги билан ҳисоблашмайди. Аммо қалбидан, руҳидан айри вужуднинг ҳиссиз-ҳаяжонсиз, туйгу ва тафаккурсиз, хуллас, жонсиз жисм — тошдан фарқи йўқлигини Ойбек ҳаммадан яхши биларди. Лекин бу шеърида эса унга суҳбатлашаётган шоир дўсти — лирик қаҳрамонийинг "баҳорни талоқ қўй"иши жуда маъқул. Мана ўша қаҳрамоннинг янги замон тарбиясини олган қалби, руҳий олами манзараси:

Кампир ойга меҳр бердим
Мен осмон даласини.
Ўқдек кўкракка тердим
Кунлар галабасини.
Талоқ қўйдим баҳорни,
Лекин ҳар кечя яна,
Бош қўяди кўксима,
Кувласам-да у — ёрни.
Ой ҳам баъзида йўқлар:
Ёзув столимга жим
Енг учини узатар.
— Бу сўнг ишваси...", дедим.⁵¹

Булар давр талаби, сиёsat ҳукмига бўйсунган адабиётнинг ютуғи эмас эди. Қисқаси, бадиий адабиёт,

шеърият ўзининг Абдулла Қаҳҳор айтмоқчи "атомдан ҳам кучли" маънавий қудратини даврга қурбон беришга мажбур этилди.

F. Фуломнинг 30-йиллар ижоди сермаҳсуллиги билан ажралиб туради. Унинг бу даврда ёзилган "Турксиб йўлларида" шеъри ўтмиш ва янги замонга ташланган нигоҳнинг, тарих йўллари бўйлаб одим ташлаётган лирик қаҳрамоннинг ҳар икки даврга муносабати, ана шу муносабат замирида шаклланувчи нуқтаи назари мевасидир. Лирик қаҳрамон ўз даври билан бирга одимлаётган фарзанд. У ўз тарихи ва бошқа ҳалқлар тарихининг зукко билимдони. Ўтмишда рўй берган қонли ҳодисалар, хор-зорликда яшаганлар ҳаёти, босқинчилар талон-тарожи, хуллас, барча-барчаси лирик қаҳрамон хотирасида даҳшатли, ваҳимали бир тарзда намоён бўлади. Хотиralар бағрида бугунга қараб келаётган йўллар манзарасини чизаётган лирик қаҳрамон фикри, ўйини бошқа "бир фотиҳ"нинг "шукуҳ-ла ҳайқириб" келиб, ҳукмронлик қилаётгани инсоният тарихидаги энг буюк ҳодиса сифатида банд этади. Бундан ифтихор ҳисси жўш уриб кетган лирик қаҳрамон:

Биз,
Ер куррасини бошини тангидик
Ва тарихнинг томирларига қўйдик
Эриган темир.⁵²

деб ҳайқиради. Зоро, бу ҳайқириқ юқорида кўрганимиздек, фақат F. Фулом лирик қаҳрамонига хос эмас эди. У барча соҳаларда ҳам бутун мамлакат миқёсида ҳоким эди. СССР дея чегараланган кенглик, яъни шўролар мамлакатида тарих юзига оёқ қўйиб, миллий маданиятлар, обидаларни вайрон этиб, ягона социалистик маданият яратиш, инсоният тафакку-

⁵¹ Ўша асар. 284-бет.

⁵² Фулом F. Муқаммал асарлар тўплами. 1-жилд. Тошкент, 1983. 54-бет.

рининг дурдоналари — тарихий, адабий, илмий китобларни араб ёзувида бўлгани учун ислом динининг тарғиботчиси сифатида куйдириб, янги адабиёт, янгича илм-фан кашф этиш, шоир айтганидай "тарихнинг томирларига эриган темир қуиши"га бўлган тамойил катта кучга айланди. Бу даврнинг — ваҳшиёна бошқарилаётган давлат машинасининг иши бўлиб, у одамларни ҳис-туйғулардан, ёрқин хотиралардан, миллий рух, заминдан ажратиш йўлида олиб борилаётган гоявий-сиёсий тарбия, тарғибот ва ташвиқотнинг ҳосиласи эди. Бу "тарбия" шу даражада "юксалдики", унинг миллий маданият ва тилларнинг қўшилиб кетиши ва ягона ўшро маданияти ва тилининг дунёга келиши тўғрисидаги назарий асослари "Халқлар отаси" томонидан "қатъий ва мукаммал" даражада кашф этилди. "Тарбияланган" халқ — ўз эркимга эга бўлдим деб ишонган халқ Ватанга, партияга, энг асосийси, "доҳий"га садоқат билан ҳизмат қилишни саодат деб билди. Унга қарши боришини хаёлига ҳам келтирмади. Энг тўғри йўл унинг йўли деб тушунди. Акс ҳолда, Ф. Гуломдай Шарқ халқлари тарихи, тили, адабиёти ва санъатининг зуко билимдони "Турксиб йўлларида" шеърида тарих тасвирида қора бўёқларни қуюқлаштиргмаган, аксинча, унинг бағрини нурлантириб турган бекиёс ақл, тўйғу, тафаккур, маънавият эгаларидан ифтихори ни кучлироқ ошкор этган бўларди.

Faфур Гуломга нисбатан шоир-тарихчи дейиш ҳам, тарихчи-шоир иборасини қўллаш ҳам ўзини теппа-тeng оқлади. У "Тарихчи бўлмасдан улкан шоир бўлиш қийин", — деган фикрнинг ҳақиқатлигини исботлаган ижодкорлардан. Унинг шеърларида тарихий руҳ жонлилиги, улуғворлиги, кўнгилга қандайдир бедорлик бағишлиши билан ажralиб туради. Тўғри, юқорида таъкидланганидек, шоир тарих ҳақида сўзлаганда ёки сўз воситасида тарихий ман-

зараларни яратганда баъзан қора рангларни анча бўрттириб юборади. Замон мадҳига берилиб, ўтмиши ортиқ даражада камситгандай кўринади. Аммо унинг фикрлари шеърхоннинг тарихий туйғусига тўқсинглик қилмайди, балки уни ҳар қандай ҳолатда халқ ва юрт тарихига кенг ва чуқур қарашга чорлайди. Умуман, тарихий мавзудаги шеърларнинг инсон қалбига таъсири ва шу асосда пайдо бўлган ҳолат ва руҳий ҳаракат миллий шуурнинг чуқурлашувига яқиндан ёрдам беради. Faфур Гулом санъаткор сифатида ана шу сирни яхши билган. Шунинг учун бу улкан шоирнинг замонавий мавзудаги шеърларидан ўрин олган тарихга доир "қистирма" ва лирик чекинмалари психологик тасвирининг муҳим бир "элементи" тарзида хизмат қиласи.

F. Гуломнинг "Яловбардорликка" шеъри тўғрисида ҳам юқоридаги сингари фикрларни айтиш мумкин. Лекин шеър лирик қаҳрамонининг қалби кураш, "интиқом" туйғулари билан тўла. Ўзининг илгарироқ туғилмаганидан, инсоният тақдирини ўзгартирган курашларда иштирок этолмаганидан афсусда. Унинг мақсади фақат ўз мамлакатини эмас, балки бошқа мамлакатларни ҳам социализм йўлидан бошлаш, "Фаҳшнинг, қалбаки сурурнинг кўриги" бўлган Америка ўрнида "ёруғ дунё" қуришдир. Шуни айтиш керакки, 30-йилларда ёқ, Американи назарга илмаслик, унга таназзулга юз бурган капиталистик мамлакат сифатида қараш ва айблаш бир одатга айланди. Бу қараш халқ тафаккурини шу вақтга қадар заҳарлаб келди. Гўё биз Америкадан ҳамма соҳаларда жуда ўзиб кётдик. Бу фикр, вақт кўрсатаяптики, ҳеч қандай асосга эта эмаслиги ва нотўғрилиги туфайли яхши ният, мақсадлар сари интилиши йўлида адапшишларга олиб келди. 30-йилларда Америка тўғрисидаги қарашлар "қатъий", муносабатлар "аниқ", яъни "Нима бизга Америка" эди. X. Олим-

жоннинг "Нима бизга Америка?" шеъри худди ана шу мажруҳ даврнинг меваси, дунёга келган йилларининг асл нафаси эди. Унда давр гояси, сиёсати, рухи тўла мужассам. Натижада, шеърда узоқ йиллар мобайнида эришилган Америкадаги ривожланиш, тараққиёт йўққа чиқарилган ҳолда ўн тўрт йил ичida шўро ҳукумати эришган ютуқлар ундан бекиёс даражада устун қўйилади. Тўғри, ҳеч ким, айниқса, эҳтиросга бой шоир ҳалқи ўз Ватанини бошқа ҳеч бир юртдан кам кўрмайди, аксинча, юқори қўяди, у эришган кичкинагина бир ютуқни дунёни ҳайратга соладиган даражада юксак деб билади, ўз ҳалқини эса ақлли, билимдон, маданиятли деб кўкларга кўтаргиси келади. Бу унинг юрагида ўрнашган, қонида кезувчи фарзандлик туйғуси туфайлидир. Лекин бу туйғу инсонийлик тушунчасининг мантиғига биноан бошқа юртлар ва ҳалқларни камсит- маслик, аксинча, уларни ҳурмат қилган ҳолда юзага олиб чиқилиши керак. Чунки ҳар кимнинг Ватани, ҳалқи ўзига ниҳоятда азиз ва қадрли. Аммо ҳалқимиз онги, қалби юқорида айтилганидай, капиталистик дунёга, мамлакатларга нисбатан бошқача қараш, улардан ўзини устун қўйиш фикри, туйғуси билан тўлдириб ташланган эди. Шунинг учун барча маънавий бузилишлар, ўғрилик, фаҳш, чириш, пулпастлик, жабр-зулм, ишсизлик, турғунлик ва ҳоказолар фақат шулардан, "ёмон кўрилган" мамлакатлардан изланди. Жамиятдаги салбий ҳодисаларни улар таъсиридан деб тушунилди.

"Нима бизга Америка?" шеърининг эртага келажак баҳт ҳақида тўлиб-тошиб гапирувчи лирик қаҳрамони "Тарих кўрганми?" шеърида ҳам шундай қиёфада намоён бўлади. Унинг фикри-зикрида гигант қурилишлар, заводлар, цехлар, уларда қуйилаётган темир машиналар яшайди. Гўё инсон, ҳатто, унинг қалби ҳам ана шу машиналарга айланган. Шеър ли-

рик қаҳрамони фақат машиналарни алқайди, лекин уни яратадиган инсонга, унинг ҳис-туйгуларига, руҳий оламига муносабати кўринмайди. Мана шу инсон омилиниң иккинчи ўринга туширилиши, унинг темирчалик қадри йўқлиги давр фожиасининг асосий белгиси бўлди. Бу эса шеъриятда фожиа тариқасида эмас, балки юксалиш, гуллаб-яшнаш белгиси сифатида ўз ифодасини топди. У фақат "Қувиб ўтмак ашуласини Бутун жаҳон бўйлаб бошлаймиз", - деб бонгурди. "СССР кўкида порлаган қувиб ўтмакликнинг зўр шуъласини" олқишилаш билан банд бўлди. Агар бу йиллардаги ҳаёт манзарасини тарихий ҳақиқат нуқтаи назаридан кўз олдимишга келтирсан, 30-йиллардаги қилинган "иш"ларни, чиндан ҳам "Америка хаёл қилмаган"дир. Лекин буларнинг ҳеч бири "Эртанги порлоқ баҳтнинг" белгиси бўлолмаганлиги маълум. Мамлакатда олиб борилган маккорона сиёсат ҳамманинг фикрини чалғитиши баробарида кўзни боғлаб, сеҳрлаб ташлаганлиги, ҳалқнинг нияти поклиги, кўнгли тозалиги, меҳнаткашлигидан фойдаланиб, келажакни даҳшатли бир заминда барпо этишга уринганилити бугун ҳеч кимга сир эмас. Шу боисдан 30-йилларда сиёсатнинг кучли босими таъсирида дунёга келган шеъриятнинг бугун салмоғи енгил. Профессор Н. Каримов Ҳ. Олимжоннинг бу давр шеъриятини тадқиқ этар экан, "Шубҳасиз, Ҳамид Олимжоннинг "Нима бизга Америка?", "Тарих кўрганми?", "Ўлим ёвга", "Жабҳа бўйлаб" каби қатор асрлари бугун ўз қимматини йўқотди"⁵³, деган адолатли фикрларни илгари сурғанда ниҳоятда ҳақ эди. Ўша йилларда аксарият шеърларнинг бош мавзуси темирларни мақташ, муштумзўрни қарғаш, ҳалқни пахта

⁵³ Каримов Н.Ф. XX аср ўзбек адабиёти тараққиётининг ўзига хос хусусиятлари ва миллӣ истиқол мағкураси// Филол. фан.доктори... дисс. автореф. Тошкент, 1993. 31-бет.

мустақиллиги учун сафарбарликка даъват қилиндан иборат бўлиб қолди. Ҳатто, шеъриятда муҳаббатни куйлашга кулгили ҳодиса сифатида қараши ҳоллари бўлди. Ойбекнинг "Шоир билан сухбат" шеъри лирик қаҳрамонидек, F. Гуломнинг "Сельмашнинг бир дегрез шоири" шеъридаги лирик қаҳрамони: "Тракторнинг шўх куйига Шеърим жабдуғ бўла олса, Ўзимда йўқ севинарман Трактордай қаҳқаҳли!" - дейди ва муҳаббат туйгуларини куйлаган шоир устидан кулади:

Муҳаббатнинг "илоҳи"дан
Ўқ еган бир шоирни
Хазонрезгиликда кўрдим,
Ҳар япроқ бир капалак,
Мажруҳ тани.
Топган сўзи:
— Оҳ фалак!
— Тур, ҳез, — дедим.
Аранг шивирлаб лаби:
-- Сен сўкишда
Бир оддий дегрез, — деди.⁵⁴

Бу ўша йилларда инсон туйгуларини, руҳиятини зимдан емираётган темир қонунларнинг "олижаноб хизмати" самараси бўлди. Темирни, темир қонунларни юксакка кўтарган ҳукмрон сиёсат, фоя юракларни темирга айлантирмаслиги, туйгуларни турғунлик ботқоғига отмаслиги, руҳларни мажруҳ этмаслиги мумкин эмасди. Шеър инсон қалбидан узоқлашдими, унда ҳеч қандай руҳий манзара тасвири бўлмайди, лирик қаҳрамон қалбининг вөқеликка нисбатан акс-садоси эшитилмайди. F. Гулом айтганидай, унда фақат "тракторнинг куи, қаҳқаҳаси" жаранглайди, ўз даврининг "тайласини" бураётган, қўлида қалами билан станокда ишлаб, унинг овозини шеърга солаётган "ҳам шоир, ҳам кадр"-

⁵⁴ Гулом F. Муқаммал асарлар тўплами. 1-жилд. 90-бет.

нинг, "давр ўғлининг" фақат ютуқлар ҳақидаги ҳиссиз-ҳаяжонсиз ифтихори бор овози билан оламга жар солади. "Бизда байрам ҳой, шонли байрам!" шеърининг лирик қаҳрамони эса "Техника, фан, онг, курашдан силжимаган кўзлари", "кўнглим ғами" деб четга чиқмаган умиди, бош чизиқдан "ўнг" ва "сўл"га боқмаган ҳис, "шуури" ҳақида гапириб туриб, "Най навосин тингламоққа қўлда йўқ оним менинг", — дейди. Бундан лирик қаҳрамон тирик инсонга хос қалбдан, унинг қудрати ҳисобланган ҳис-туйгулардан, вужуди руҳдан тамоман ажралгандай кўринади. Бу эса инсон фарзандини шундай ҳолатга гирифтор қилган муҳитнинг қиёфасини равшан намойиш этади. Соғ лирикага қарши кураштан адабий сиёсатнинг пучлигини далиллайди.

30-йиллар лирик қаҳрамони фақат ишчи эмас, балки у пахтакор ҳам. У F. Гуломнинг "Кўклам марши" шеърида айтилганидай, "Зарбдор қадамлар-ла Кўҳна қишлоқларни бузган Харьков трактори сингари, муштумзўрликнинг пайини қирқишига", "Янги қалъалар олишга, кўрғонлар солишга, янги жаҳонлар қуришига" отланган, "миллион тонна пахта" учун "Тракторларла коллектив қишлоқлар сари Пахта далаларига қараб" юриш бошлаганларнинг типик вакили. Бундай қаҳрамонлар яратишни ўша пайтда адабиётдан "Мамлакат пахта мустақиллиги учун кураш" тоғасининг "ижодкори" — "Халқлар отаси" бошқараетган сиёсат талаб қилган эди.

Ҳ. Олимжоннинг 30-йиллар ижодида ҳам завод, фабрика, ишчи мавзусига нисбатан қишлоқ ҳаёти, колхозлаштириш мавзуси устунлик қиласи. Унинг лирик қаҳрамони иложи борича тезроқ муштумзўрларни тутатиб, қандай қилиб бўлса-да, мамлакатта кўплаб пахта етказиб бериш фикри билан банд. Унинг хаёлида ҳамиша "муштумзўр кўкрагини эзиз, ер қалбини ағдараётган" трактор яшайди. У ишчилар, са-

ноат корхоналари, гигант қурилишлар, бу борада социалистик мамлакат құчаёттган зафарлар ҳақыда еру самони ларзага соладиган овоз билан сўзламасин, бориб-бориб унинг сўzlари шу куч, шу зўриқиши билан пахтакорни мақташга келиб тақалаверади. Шоирнинг "Темир қонун", "Ўлка сафарбар", "Мудофаа кунларида", "Биз енгдик", "Тайёр трактор", "Бахтлар водийси", "Маҳорат" деб аталган жуда узундан-узоқ шеърлари бунга мисолдир.

"Ўлка сафарбар" шеъри пахта мустақиллиги учун сафарбарлик эълон қилған Ўзбекистоннинг, пахтакорнинг қучайдын зафар, ғалабаларидан мағрур бонг уради. Чеки-чегараси йўқ меҳнатни кўкларга кўтарган, уни бахт деб билган шоирлар ўша "бахт"нинг зил-замбили юки остида елкалари яғирлашиб⁵⁵, беллари бевақт букилиб кетаёттган дехқонни дунёда энг бахтиёр инсон деб тасвирлади. Бу тасвирда кўринган пахтакор "Беш йилликни тўрт йилда тўлдиражакмиз!", — деб кўкрак керади. "Райпарткомга" югуради, "Марказқўмга сим қоқади". У ўзини, ўзлигини унутган ҳолда ҳаётини пахтага бағишлайди. Лекин алданниб яшаётганлигини асло тушунмайди. Кўзлари боғлиқларини сёзмайди. Аксинча, ҳам пахта етиштиради, ҳам:

Режамизнинг

шу раҳмсиз,

ўтқир учини

Муштумзўрнинг

кўкрагига

аямай қадаб,

Большевикнинг

бу пахтазор

водийларида,

Ҳар кўсакни бир ўқ каби

кулдиражакмиз!⁵⁵

дея ўзини синфий кураш оловига урди. Лекин бу оловнинг хато ёқилғанлиги, битта ҳалқнинг турли гуруҳлари орасида душманлик уруфининг сочилиши жамият тараққиётига, колхоз қурилиши ривожига салбий таъсир этиши ҳақыда фикри уйғонмайди.

"Ўлка сафарбар"даги лирик қаҳрамон "Мудофаа кунларида" шеърида янада курашчан, янада мағрур, ҳаётидан ниҳоятда рози бир қиёфада кўринади. Жангарилик лирик қаҳрамоннинг ҳаёти мазмунига айланниб қолгандай туюлади. Унинг гояси "одимларини синфий душманнинг кўкрагига, ёв тилагига янада қаттиқроқ босиши, душманнинг сўнг томирдарини узиш, бойликлари, ерларини кўлидан чиқариш", бу ёв, душман — "муштумзўрни зах босган девордай титратиш" эди. Унинг идеали "Донбассда кўмир ялаб қаҳ-қаҳ урган"лар, "шўролар даласида трактор бурган"лар, "пахтазор водийнинг нашъасин сурған"лар, "дунёнинг белларига қизил боғлаган"лар, "курилиш кўргонини ҳирс билан кучоқлаган"лар эди. Бу иборалар остидаги ҳайқириқлар шеъриятни мажруҳ этган, уни ҳақиқий ҳаёт бағри ва инсон қалбидан йироқлаштириб — машиналар ичига бекитишгача ётган даврнинг фожиасидан дарак берарди. Шеърнинг лирик қаҳрамони голиблигини "мағрур машиналарсиз", "шу пўлат, чўян машиналарсиз" тасаввур этолмади. Унинг юрагини инсоний туйфу, дард, орзумидлар тўлдира олмади. Чунки шеърият одамлар билан дилдан сўзлашмади, унинг суҳбаётдошлари халқ — инсон эмас, балки "Беш йилликнинг севгиси" билан яшади, буни "ҳар дўст юракка янги ҳаёт ишқи каби" солиши учун курашди, "пўлат каби юракларни" олқишилади. "Биз енгдик! Биз енгдик! Енгажакмиз биз!" — деб ҳайқирди, бонг урди. Мана 30-йиллар биринчи ярмида дунёга келган Ҳамид Олим-

⁵⁵ Олимжон Ҳ. Мукаммал асарлар тўплами. 1-жилд. Тошкент, 1979. 107-бет.

жон шеърияти лирик қаҳрамонининг ҳаётга муносабати ва руҳий оламининг манзаралари.

Ойбек, Ҳ. Олимжон, Ф. Гулом сингари истеъдодлар қаламини маълум муддат бўлса-да ўтмаслаштиришга эришган давр Уйғун шеърияти лирик қаҳрамонини ҳам bemalol ўз измига сола билди. Уйғуннинг бу давр шеърияти лирик қаҳрамони тили ҳам меҳнат, темир, фабрик, завод, курилиш, трактор сингари сўзлар билан бойиди. Чунки давр созини ҳамма бирдек чалишга мажбур эди. Шоирнинг "Назир отанинг газаби", "Бугун ва эрта", "Кунларимиз бизнинг", "Чевар қиз", "Хаёлингда кезар икки нарса" каби шеърлари даврга жўровоз бўлди. Аммо Уйғун шеърларида темир образи қанотларини унчалик кенг ёймагандай, лирик қаҳрамон қалбини босаётган зангнинг ранги ҳам унчалик қуюқмасдай туюлади. Шундай бўлса-да, бу ижоднинг руҳини ҳам замондошлар шеъриятида етакчилик қилган foялар белгилади. Лирик қаҳрамон руҳий дунёсидан чекиниб, давр талабини адо этиш Уйғун шеъриятининг ҳам биринчи вазифасига айланди. Шоирнинг "Назир отанинг газаби" шеъри колхозчи деҳқон онгига илоҳий бир ўсимлик, туганмас баҳт рамзи сифатида сингдирилган пахтани мадҳ ётишга бағишланди. Шунинг учун ҳам лирик қаҳрамонни пахта терими-га салбий таъсир қиласиган ҳар қандай ҳодиса газабга солади. Табиатни инсон измига соламиз, деган қараш "жуда кекса", "кўзлари хира"лашган Назир отанинг ҳам шуурини банд этган. Назир отанинг кўкка қараб айтган гаплари 30-йилларда халқ миясига қўйилган пахта мустақиллиги учун кураш гоясидан туғилган лирик қаҳрамон "фалсафа"сиdir. Буни халқ қалбиди, тафаккурида мажбуран уйғотилган туйғу ва қарашлар билан бирга ишонтириш йўли билан тарбияланган эътиқоднинг белгиси ҳам дейиш мумкин. Демак, халқ онгига муттасил равишда ўтказилган

таъсир натижаси Уйғуннинг Назир отаси сўзларида ўзининг жуда яхши ифодасини топган:

"Эй!

Менга деса агар тош ёғмайдими!
Барibir, пахтани терамиз!
Бир дона ҳам кўсак қолдирмасдан,
Хукуматга тўплаб берамиз!...⁵⁶

Бундай қарашиб, гоя, пахта йўлига жон баҳш этиш туйғуси ватанпарварлик белгиси сифатида улуғланиб, инсонни ўйлаш, уни тушуниш, яъни инсонпарварликдан минг баравар устун қўйилган ҳолда мёҳнаткаш омма қалбига, руҳига сингдирилган.

Уйғуннинг бу шеъри дунёга қелганидан то ҳозиргача ўзбек боласининг бадиий адабиёт орқали пахтага муносабатини шакллантириб, уни итоатли пахтасевар сифатида тарбиялашга ҳисса қўшиб келди.

Ҳар бир шоир давр фарзанди сифатида унинг руҳи билан яшайди. 30-йилларда ҳозиргидек халқ, она замин манфаати эмас, балки социализм манфаати масаласи ҳаётда ҳам, адабиётда ҳам етакчилик қилди. Бугунга келиб, халқ манфаатидан устун қўйилган борилган фақирона курашлар натижаси қониқарли бўлмагач, келажакни шу вақтга қадар босиб ўтган йўлларимизда содир этилган барча хатоликлардан асраш туйғуси жунбушга келди. Шунинг учун ҳозир 50 йил давомида мақталиб келинган асарлар бугуни ўқувчини қониқтирмаяпти. Гёё барча қилинган ижтимоий-сиёсий ҳаётдаги хатоликлар сингари булар ҳам бир адабий хатодек кўриняпти. Ваҳоланки, ўтмиш хатоларданми ёки ютуқлардан иборатми, барабирир ундан воз кечолмаганимиздек, унинг гояла-

⁵⁶ Уйғун. Танланган асарлар, 1-жилд. Тошкент, 1964. 75—76-бетлар.

ридан, адабиёти ва санъатидан ҳам юз ўтириб кетолмаймиз. Ўтган йиллар давомида яратилган адабиёт, санъат асарлари бизнинг маънавий мулкимиз бўлиб қолаверади. Авлодлар унга ўзининг ҳаққоний баҳосини беради, лекин ҳеч қачон рад этолмайди. Зоро, ҳеч ким ўзлигидан, ўзининг миллий, маданий заминидан айри яшолмайди.

Яна Уйғун шеъриятига қайтадиган бўлсақ, унинг "Бригадир Карим" шеъри ҳам фидойи, умрини пахтага бахшида этган, аммо ҳаётидан рози кишилар ҳақидаги асадир. Шеърда асосан бригадир Каримнинг безовта, беҳаловат чопишлари тасвири намоён бўлади. Чунки давлатга пахта топширишда унинг райони орқада, бунга табиат ҳам, чигит, ўғит ҳам айбор эмас, фақат пахтакор айбор, у "латта"лик, сусткашлик қўлмоқда, меҳнат яхши уюштирилмади. Мана бу пахтакор раҳбарнинг нуқтаи назари, маънавий, руҳий олами манзараси. Пахта турганда пахтакор учун қайгуриш кимга ва нимага керак? Майли у хуфтонгача далада юриб, ярим кеча уйига келиб, оби-ёвғонини иҷиб, энди бир пас мизғиган бўлсин. Барибир у сахар туриб, далага бориши лозим. Чунки:

Мамлакат бизларга ишонсан!
Биз шалвираб ишни хуржун қиласлийлик!...
Бу қандай гап! Бу жуда оғир!
Бу уят! Бу номус! Бу мумкин эмас!⁵⁷

Бу 30-йиллардан бўён раҳбарлар онгига мўқимлашиб келган, руҳий оламини забт этган "пахта, шуҳрат" касаллигининг асосий белгиларидан бири эди. Ўзбек шеъриятидаги лирик қаҳрамон руҳий дунёсини нурсизлантирган бирдан-бир омил ҳам ҳаётий, ижтимоий муаммоларга ана шу нуқтаи наzarдан ёндашиб ва уларнинг ечимини излашга интилиш бўлди. Шеърларнинг лирик қаҳрамонлари пах-

⁵⁷ Ўша асар. 1-жилд. 79-бет.

такор қалбига кириб, унинг дард-армонларига ҳамроуз бўлиш ўрнига, меҳнатига шон-шараф айтишдан чарчамади. Офаринлар ёмғири остида қолган дехқон хурсандчилигидан бутун жону жаҳонидан кечиб, ўзини пахтага бағишилади. Уни бурч, виждон қадар улуғлади. Шу боисдан ҳам мана шу ўзбек халқидаги соддалик, ишонувчанлик, садоқатлилик, саиммийлик фазилати вақт ўтиб, ўзининг бошига фожиалар силсиласига айланган ҳолда ёғилди.

Шуни ҳам айтиш керакки, шоирлар лирик қаҳрамонлари хатти-ҳаракатлари, уларнинг интилиш ва умидлари тасвирига рангни фақатгина хаёлдан эмас, ҳаётдан ҳам олишган дейилса, хато бўлмас. Масалан, Уйғуннинг "Бригадир Карим" шеъридаги Карим образини ҳаётийликдан бегона деб бўлмайди. Чунки бригадир Каримлар кўнглида мамлакат "ишончи"ни сақлаб, "ишонч"га ишонч, садоқат билан интилиб яшашди, меҳнат қилишди, халқни ҳам сафарбар этишди. Каримларни бугун бутунлай қоралаб бўлмайди. Чунки улар тарбиясида мавжуд сиёсат катта роль ўйнади. Улар раҳбарлик қилиб, далада кётмон чопмаса-да, барибир халқ билан бирга туриб, бирга ётди. Унинг асосий мақсади режани бажариш. Мукофот, даромад, моддий рағбатлантириш масаласини ҳал қилиш эса юқорироқда турган раҳбарлар вазифаси.

Хуллас, "Бригадир Карим" шеърида пахтакор ҳаётининг аниқ манзаралари акс этган. Шоирнинг Каримга муносабати равшан. У бригадирнинг ҳамма ҳаракатларини кўллаб-куватлайди, бошқаларни ҳам шундай фидойиликка даъват этади. Лекин пахтакор ҳаётининг ҳаққоний манзараларини яратар экан, шоир оғир, бетиним меҳнатдан, унинг жисмоний толикиши, қалби, маънавий олами ҳақида ўйлашдан узоқда туради. Бу шеърда ҳам пахта меҳнати биринчи ўринга олиб чиқилди. Инсон тақдир, қисма-

ти, маънавий даражаси ҳақидаги масалалар четда қолди. Кўринадики, 30-йиллар шеърияти 20-йиллар шеъриятига (Чўлпон ва Ойбек шеърлари назарда тутилади) нисбатан инсон қалби, руҳий, маънавий дунёси масалаларидан бир мунча узоқлашиб кетган. Унда бутун ҳалқни ишонтирган ҳукмрон мафкуранинг руҳи яшади. Акс ҳолда инсоннинг темир эмас, балки онгли, туйгули мавжудот эканлиги энг асосийси, унинг руҳий дунёси мавжудлиги масаласи иккинчи ўринга тушиб қолмаган бўларди. Шунинг учун ҳам бу давр шеъриятининг катта қисмини сиёсийлашган шеърият дейиш мумкин.

Иккинчи Жаҳон уруши даври шеърияти лирик қаҳрамони воқеликка муносабати нуқтаи назаридан олдинги даврлар шеъриятидан фарқ қиласди. Ватан озодлиги учун кураш энг асосий масала сифатида қаралди ва уруш жароҳатларининг азоби дунёга келтирган туйгулар шеърият бағрини куйдирди. Аммо урушдан кейинги давр яна адабиётга турғунликни туҳфа этиб, унинг бор кучини "халқлар отаси"ни шарафлаш (бу уруш даврида ҳам кучайган эди), пахта мустақиллиги учун курашни давом қилиришга даъват, партияни, пойтахтни улуғлаш, сиёсатни тарғиб этиш сингари масалаларни аks эттиришга йўналтириди. Шу боисдан бу ерда 30-йиллар охири ва уруш даври шеъриятига тўхталишдан олдин юқоридаги шеърларга руҳдош, аммо урушдан сўнг ва 50-йилларда яратилган асарлардаги лирик қаҳрамон, руҳий-маънавий олами ҳақида фикрлашиш маъқул кўринди.

Уруш қаддини дол қилган меҳнат аҳлининг юрак зарблари, дарду армонлари, орзулари қайта тикланиш шеъриятига кўчолмади. Яна унда қора меҳнатни мадҳ этиш биринчи ўринга чиқди. Зоро, ҳалқ, аввало, "инқилоб" галабаси учун олиб борилган курашлар ва ундан сўнг бошланган фуқаролар уруши,

босмачилик ҳаракати деб аталган, аслида миллий озодлик учун курашчилар ва шўро тарафдорлари ўтасидаги жанглар, чет эл интервентлари уринишлари туфайли ўлкада юз берган вайронгарчиликлардан она тупроғини тозалаш учун фидо бўлган эди. Шунда ҳам адабиёт қўпинча унга дардоплил қилмасдан, балки унинг меҳнати ва курашининг асл мақсади, моҳиятига нисбатан ташқи белгиларини чизишга ҳаракат қилди. Орадан ўн йил ўтмай, фашист босқинчилари ўзи билан меҳнаткаш элга олдингидан ҳам даҳшатлироқ ўлим, очлик, чексиз кулфатлар олиб келди. Яна ҳалқ курашлар оташгоҳида қоврилди, аммо енди у яшаши, бунинг учун бошини қора меҳнат қаърига уриши керак бўлди. Шеърият бу даврда ҳам яна унинг ўзини, қалбини кемираётган дардларини, орзу-интилишларини четлаб ўтиб, меҳнатини мадҳ этишда давом этди. Шу ўринда таниқли адабиётшунос олим Озод Шарафиддиновнинг урушдан кейинги ва 50-йиллар шеърияти ҳақида 1956 йилда ёзилган "Лирика ҳақида мулоҳазалар" мақоласида кўтарилган масалага мурожаат этиш лозимга ўхшайди. Мунаққид давр шеъриядаги нуқсонларни тўғри эътироф этган ҳолда "Бундай камчиликлар ичиди энг характерлиси шундаки, шоирлар кўпинча ўз қаҳрамонини ва унинг меҳнатини фақат ташқи белгилар орқалигина кўрсатади: меҳнат процессида қаҳрамон нималарни ҳис қилаяпти, нималарни ўйлаяпти, ўз меҳнати натижасида у маънавий жиҳатдан қандай такомиллашяпти деган саволлар шеърларда жавобсиз қолмоқда"⁵⁸, — деб ёзган эди. Дарҳақиқат, бу давр шеъриятида яна меҳнаткаш ҳалқ ўтда куймас, сувда оқмас, жони темирдан бунёд бўлган қалбсиз, руҳсиз бир одам

⁵⁸ Шарафиддинов О. Замон. Қалб. Поэзия. Тошкент, 1962. 51—52-бетлар.

қиёфасида кўрина бошлади. Натижада, урушдан сўнгти шеъриятда руҳият тасвири янада сусайди. Унда Сталин, партия, Москва — пойтахт, пахта, чет эл таассуротлари, халқлар дўстлиги ва бошқа шунга ўхшаш мавзулар етакчилик қилди ва мақтов, олқиши туйгулари ифода этилди. Яна олиб борилаётган сиёсатга сифиниш ҳар қачонгидан ортиқ давом этди. Мавзулар инсон қалби, руҳияти билан боғлиқ ҳолда ёритилишдан узоқлаша борди.

Пахта Ўзбекистонда юқорида айтилганидек, 30-йилларда муқаддаслаштирилиб, унга сифиниш шундан бошланди. Бу кўрганимиздек, шеъриятда ҳам ўз ифодасини топди. Пахта мавзуси уруши даврида ҳам эътибордан четда қолмади. У ўзбекнинг ҳаёти мазмунни ва фаровонлиги даражасига кўтарилиди, мақтади. Лекин унга сарфланашётган қуч, баҳш этилаётган соғлиқ ва умр ҳақида ўйлаш ҳам лозим эди. Бинобарин:

Пахталар гуллагандага колхозларнинг даласи
Кўм-кўк кўкда Сомончи йўлидай мавжланади.
Шунда булбул нағмаси, қизларимиз ялласи
Йигитларнинг гурури айниқса авжланади⁵⁹

сингари F. Фулом қаламига мансуб, ҳаёт ҳақиқатидан йироқ, соҳта кўтаринкилик ва ташвиқот эҳтиёжи ила битилган сатрларнинг жўн ва саёзлиги кўпчиликни ажаблантиргасди. Пахтакор қасбининг машаққатларини билмаган одам шеърдаги тасвиirlар билан танишганида дехқоннинг даладаги меҳнат жараёнини худди дам олиш боғларидаги сайрдай тасаввур қилиши мумкин. Чунки "булбул нағмаси", "қизлар ялласи" шунга ундейди. Шу боисдан ҳам бундай шеърларнинг меҳнат жараёнидан ва шу жараён билан боғлиқ инсон қалби, руҳий дунёсидаги ўзгаришлардан

⁵⁹ Фулом F. Муқаммал асарлар тўплами. 2-жилд. Тошкент, 1984. 88-бет.

ажралганилигини таъкидлаш лозим. Улар инсонга эмас, пахтага сажда қилиш даврининг меваси. Буни шеърдаги "Пахта учун гоятда юқори сидку ихлос. Худди тирик жон каби тилайдилар саодат", — деган фикрлар ҳам тасдиқлайди. F. Фулом юқоридаги фикрларини "Бизнинг пахтамиз" шеърида ҳам давом эттиради. Лирик қаҳрамон назарида пахта — ўзбек халқи учун баҳт манбаи. Унинг ҳаётини пахтасиз тасаввур этиш мумкин эмас:

Пахта деса, кўз олдига келади ўзбек,
Ўзбек деса, кенг пахтазор бўлар намоён.⁶⁰

Демак, ўзбек деганда улуг, қадими, тарихи ниҳоятда теран бир миллат эмас, балки пахта ва пахтакорнинг тушунилиши, унинг инқирозга юз буриши ва ном-нишонсиз йўқолишига олиб келадиган ҳам сиёсий, ҳам маънавий замин бўлиши мумкин эди. Бундай нуқтаи назар, қарааш халқнинг нафақат жисмоний, балки маънавий, руҳий қашшоқланишига ҳам маълум даражада асос бўлиб хизмат қилди. Шунинг учун ҳам шеърдаги лирик қаҳрамон билан ҳозирги давр шеърияти лирик қаҳрамонининг масалага муносабати, нуқтаи назари бир-бирига бутунлай тескари. Бунда фақат юқорида қайта-қайта айтилганидек, шоирларни айблайвериш балки бир ёқламаликка олиб келар. Бу аслида маъмурий-буйруқбозлик тизимининг оқибати эди. Қандай бўлишидан қатъи назар, F. Фуломнинг 50-йиллардаги ижодининг кўпчилигини минбар шеърлари ташкил этади. Уларда лирик қаҳрамоннинг ўз хоҳиши, юрак амри, руҳий ташналиқ билан айтган гаплари ва ҳисстуйгулари бадиий тасвирини жуда кам учратиш мумкин. Уларнинг кўпчилигига лирик қаҳрамон ички дунёси эмас, балки унинг воқеликка муносабати кўтаринки сўзларда ўз ифодасини топади.

⁶⁰ Фулом F. Ўша асар. 185-бет.

Үйгүннинг бу давр шеъриятида ҳам худди шунга ўхшаш хусусиятлар устун. Унинг лирик қаҳрамони ҳамиша қувноқ, ҳар доим гуллар оғушида, баҳор боғларида гулгун ҳаёт гаштини суриш, истиқбол ҳақида жўшиб-тошиб куйлаш хаёли билан банд. "Партия кўзи билан келажакка қараймиз", — дея ишонч билан сўзлаган лирик қаҳрамон "Келгуси наслларга баҳтли, тинч, порлоқ ҳаёт Баҳт баҳш этиш муддаомиз, эзгу саодатимиз", — деб бонг уради. Кўринадики, Үйғун лирик қаҳрамони ҳам ҳаёт ҳақиқатидан узоқлашган. Зоро, бундай олиб қараганда лирик қаҳрамоннинг орзулари рӯёбга чиқса, у миљлат манфаати учун қилинган катта хизмат бўларди. Аммо лирик қаҳрамоннинг бу сўзлари шу вақтда кечётган ижтимоий, сиёсий ҳаёт мантифи билан боғлиқ ҳолда ўрганилса, уларга замин бўлувчи маънавий манбанинг саёзлиги кўриниб қолади. Ахир, 50-йиллар боши қайта оёқлантирилган 37-йилнинг қора кўлкаси эди. Халқ эндиғина юртини уруш қултепаларидан тозалаб, қаддини тиклаётган бир пайтда 30-йилларда табиатга, бегуноҳ одамларга бошланган тажовуз яна ўз давомини бошлади. Аммо сиёсатдонлар бу ҳодисаларни қаҳрамонлик намунаси, коммунизм қуриш учун курашининг олий нишонаси деб баҳолади. Буни ўзича мушоҳада қилган Үйғун лирик қаҳрамони:

Олий техникамизнинг қурдати беҳисобдир,
Истасак ўзгаради табиат, оби ҳаво.
Истасак чўлда гулзор, истасак даштда дарё
Ташна, оч саҳроларнинг дардига бўлур даво⁶¹

деб фахрланади. Агар бу қаҳрамон — шоир одамлар қалбига, рухиятига яқин бўлганида ҳаёт қатламлари, давр манзараларига чуқурроқ разм соглан бўлар-

⁶¹ Үйғун. Танланган асарлар, 1-жилд. 430-бет.

ди, воқеликка, даврни ичдан емираётган дард ни-досига қулоқ тутарди. Истеъодини сиёсатга қурбон қилмаган сўз санъаткорининг "Киши руҳининг инженерлари" (М.Горький) эканлигини эсдан чиқармай ижод қиласарди. Яна бир нарсани унутмаслик лозимки, юқоридаги фикр битта Үйғун лирикасида эмас, балки деярли бутун шўро адабиётида етакчилик қилган ғоя сифатида социалистик жамият инқизозига замин ҳам тайёрлади.

Бу йилларда Үйғун шеърларига хос баҳтиёрик, шодликни куйлаш хусусияти Зулфия шеърияти учун ҳам бегона бўлмади. Аммо унда ҳаётдаги бари қувонч ва ғалабалар аёл назаридан ўтган ҳолда ифода этилиши, аёл нуқтаи назари ўз аксини яққол ториши лозим эди. Аммо Зулфия ҳам урушдан сўнгти даврда ўзбек ҳалқи, айниқса, хотин-қизлар эришган "мехнат ютуқлари"нинг, этиштирган пахта хирмонларининг, машина рулида, станоклар қошида кўрсатган "жасорат"ларининг ҳақиқат заминидан йироқ мадҳиясини яратди. Унинг лирик қаҳрамони аёлга бундай эрк ва баҳтни ато этган партия ва ҳукуматга, Москвага ўзининг чексиз миннатдорлик туйгуларини изҳор этиб борди. Шоиранинг "Дўстимга" шеъри аёлнинг бошқа бир "баҳти кулган" аёлга ҳавас туйгуларидан яралган. Лирик қаҳрамон дўстига — бутун ўзбек аёли тимсолида тасаввур қилаётган дўстига унинг умр йўлларини бир-бир эслатади. "Октябр баҳш этган буюк қонун" туфайли этишган ёргу кунлари-ю, ақли-заковати билан меҳнатда эришган зафарлари ҳақида гурурланиб гапиради:

Ҳаётнинг борлиги, бари сеники,
Ҳар қайга узатсанг етади кўлинг.
Сенга кеча-кундуз нур ўзи ҳамдам,
Тўғридир, ёрқиндир ва кенгдир йўлинг.⁶²

⁶² Зулфия. Асарлар. 1-жилд. Тошкент, 1985. 117-бет.

Бу олқышлар дунёга келгандарда юксакларга күтариб мақталғандыр. Олқышлар остида қолған аёл, ўз шаңнига айтилған мақтовлар ҳәєти ҳақиқатига қанчалик мөс келиш-келмаслигидан қатын назар, колхозчи бўлса далада ётиб қолишгача, ишчи бўлса становини қучоқлаб тонг оттиришгача борган бўлса, ажаб эмас. Бу билан нафис жон жисмоний қурби етадими-етмайдими, бундан қатын назар, оғир меҳнатларни эркаклар қўли билан ўз зиммасига бутунлай ортирган бўлса, эҳтимол. Чунки аёл шеърлар, қўшиқларда куйланётганидек, далада, завод-фабрикада эрлар билан баравар меҳнат қилиб, режани ошириб бажарувчи, шу билан бирга бола-чақа, уйрўзгор ишларини ҳам ўз вақтида уддаловчи, ҳорибтолмас, қирқта жоннинг этасига айланди. Бу ишлар унинг ақдини, тафаккурини кун-кундан "ўстирди". Гўё уни ҳеч нарса безовта қилмайди. На оғир меҳнат, на соғлиқ! Ўзбек аёли — Зулфия шеърларида ва бутун адабиётда мадҳ этилған аёл ана шундай ўтда куймас, сувда оқмас қахрамон! Аслини олганда аёлнинг ўзини ўтга, сувга уришга мажбур қилған ана шу ёвуз куч — ёлғон мақтовлар, алдовлар бўлди. Чунки бўндай мақтовли ҳәётнинг асоси ёлғон-яшиқлар устига қурилған эди. Шунинг учун ҳам аёлнинг қалбига кириб бориш, руҳий оламини ўрганиш, унинг инсон сифатидаги дардларига шерик бўлиш масаласи юзага қалқиб чиқмади. Ҳақиқатни айтганда, урупдан кейинги даврда аёлга баҳт дарров кулиб боққани йўқ. Унинг баҳт ҳақида ўйлашга вақти ҳам бўлмаган. У нозик қаддини дол қилиб етказган пахтасидан битта чит кўйлак кийици орзуси билан яшаган. Ўзбек аёлининг орзу-армонлари мўл эди. Аммо у мақтовлар ёмғири остида тўрт тарафга чопавериб, қўлларини чўзавериб, истаганига етолмай, охири мажрухланиш даражасига тушиб қолди.

Зулфиянинг "Бизнинг оналар" шеъри лирик қаҳрамони — аёл. У аёл сифатида аёлнинг қалби, руҳиятини жуда чуқур тушуниши, ҳис қилиши, табиий. Лекин бу нарса шеърда кўринмайди. Аёл бўлиб, аёл дардини, армонини, ҳәёт уни қанчалар имтиҳон қилаётганлигини айтиш унинг маънавий бурчи эди. Аммо лирик қаҳрамон бу масалаларни четлаб ўтган ҳолда яна аёлни қаҳрамон даражасига кўтараверади. Унинг ҳәётини ўзича нурга ўраб, ўқувчига тақдим қиласаверади. Бу аёлнинг жисми-жони пўлатдан ҳам мустаҳкам эканки, у ҳеч чарчамайди-толмайди, руҳий ва жисмоний оромни эмас, балки кечаю кундуз фақат меҳнатни қўмсади, шу билан ўзини дунёдаги энг бахтиёр аёл ҳисоблади. Яна шу ўринда О. Шарафиддиновнинг ўз вақтида давр шеърияти ҳақида адолат ва жасорат билан айтилған қуидаги фикрлари бизнинг 40 йил кейинги кузатишларимизга асосий замин ва мадад бўлади: "Ўз қаҳрамонининг ҳәётига аралашмайди, бу ҳәётнинг иштирокчиларидан бирига айланмайди, ўзини қаҳрамон ўрнига қўйиб кўрмайди. Бир сўз билан айтганда, тасвирланётган нарсани чуқур ҳис этиб, ўз шахсий ҳәётининг узвий қисмига айлантириб юбормайди".⁶³ Дарҳақиқат, мана шеър қаҳрамони — аёлнинг қодирлик салоҳияти ҳақида шоиранинг фикрлари:

Иссиқ, юмшоқ, чевар қўлидан
Сўйлаб кетар ҳар қандай мотор,
Фабрикада оғир саноатда
Унинг янги номи новатор.⁶⁴

Агар аёл бир умр мотор, станок билан ишлайдан бўлса, унда "иссиқ, юмшоқ" қўл нима қилсин?! Унинг қўллари қадоқланиб, эркаксифат қўлга ай-

⁶³ Шарафиддинов О. Замон. Қалб. Поэзия. Тошкент, 1962. 53-бет.

⁶⁴ Зулфия. Асалар. 1-жилд. 177-бет.

ланди деса, шоира ҳақиқатни айтган бўларди. Дарвоқе, Зулфиянинг бу қаҳрамони 50-йилларда яшаган, меҳнат қилган аёлнинг тимсоли. Аслида бу даврда ўзбек аёли шоира тасвирилаганидек фаол бўлдими кан?! Агар у ана шундай фаоллик билан яшаб, ишлаган бўлса, унинг аёллик бурчини уддалашга вақти қолдими кан?! Балки мана шу мақтovларнинг шеърият, матбуот орқали дўлдай ёғилиши туфайли бориб-бориб, ўзбек аёли аёллик нафосатидан маҳрум бўлиш даражасига етгандир. Агар ўзбек аёлининг, айниқса, паҳтакор аёл тушган жисмоний, руҳий даражаларнинг маънавий илдизлари фақат Зулфиянинг ижодидан эмас, балки 50-йиллар бадиий адабиётидан изланса, ундан ўқувчининг ихлоси қайтиши мумкин. Аммо аёл маънавий, руҳий ва жисмоний өжизланишининг илдизларини очиш масаласига кейинги йиллар шеъриятида эътибор-кучайди. Бу масала А. Ориповнинг "Юзма-юз" асарида, О. Матжоннинг "Гаплашадиган вақтлар" шеърий қиссасида тेरан очиб берилди ва бошқа истеъоддли шоирларнинг асарларида ҳам жиддий таҳлил этилди. Зоро, бугунги аёл фожиасининг, умуман, инсон фожиасининг ижтимоий илдизларини ахтарғанимизда эса йўлимиз яна ҳар доимгидек давр сиёсатига бориб тақалаверади. Натижада, сиёсат ҳалққа аниқ, тўғри йўлини топишига халақит берган бўлиб чиқади. Демак, давр руҳи, мамлакатда хукмронлик қилган сиёсий мафкура адабиётни, санъатни доимо ўз измидан чиқармаслик учун уринган. Шеъриятни инсон қалбидан узоқ яшashi учун ҳамиша замин тайёрлаб турган. Уни қалб, руҳият манзараларини эмас, балки даврнинг соҳтакорлик билан чизилган манзарасининг аксига айлантиришга жиддий ҳаракат қилган.

Бу масала урушдан сўнгги ўзбек адабиётининг тараққиётини ўрганган профессор Н. Каримовнинг эътиборини бундан йигирма йиллар муқаддам ўзига

жалб этган ва "...адабиёт ўз ихтиёрида бўлган ҳаётни ҳамиша ҳам тўғри тасвир эта билмади, меҳнат мавзуи бир ёқлама тус олган ҳоллар ҳам бўлди. Кеча демай, кундуз демай меҳнат қилувчи қандайдир автоматлашган кишилар образи пайдо бўла бошлиди",⁶⁵—деб ёзган эди. Дарҳақиқат, мұнаққид кузатишлари, фикр ва холосалари давр сиёсатига боғланмай, шеърият таҳлилидан келиб чиқсан бўлса-да, унинг моҳиятида лирик қаҳрамонни ўз измидан чиқармаган ўша шахсга сифиниш даврининг зарарли ва ўта кучли таъсири мантиқан умумлаштирилган.

* * *

Шеърият юқорида эслатиб ўтилганидек, 30-йилларнинг охирларига келиб, ўз бурчини қайтадан ҳис қила бошлаган эди. Мана шу ҳиссиёт уни айни пайтда ҳалокатдан сақлаб қолди. Лирик қаҳрамон нуқтай назарини банд этган суврати мукаммал, аммо сийрати мавҳум шахс ўрнида руҳан уйғоқ, қалби, маънавий олами ўксаклик даражаларини ошкор этувчи инсон сиймоси қад ростлади. Бу фикрни Ойбек, Ҳамид Олимжон ижодида баҳорни, гўзалликни, муҳаббат, Ватан меҳри ва чиройини тараннум этган лирик шеърларнинг пайдо бўлганлиги билан тасдиқлаш мумкин. Уларда сиёсатлашган, замонасоз шеърлардан фарқли ўлароқ, лирик қаҳрамон қалб диалектикасини очишига интилиш устивор. Ойбек "Наъматак" шеърининг дунёга келиши шоир лирик қаҳрамонининг қайта — руҳан тирилганлиги белгиси бўлди. Шеър она тупроқнинг меҳридан бино бўлган дилбар, нағис гўзаллик ҳақида. Лирик қаҳрамон қалбига туйгулар оташини ташлаган, руҳиятига қанот бахш этган бу гўзаллик — наъматак эди. Наъматак

⁶⁵ Каримов Н. Урушдан кейинги давр ўзбек совет адабиёти. Тошкент, 1982. 98-бет.

гулларининг гўзалигидан лирик қаҳрамон шунчалар таъсиранганди, натижада, у вужудига ажойиб бир ларза олиб кирган ҳаяжонини, ҳислари ва туйгуларини жиловлашга ожизлик қилиб қолган. Ана шу ондаги лирик қаҳрамон ҳолати ўқувчи вужудига, руҳиятига, туйгуларига ҳам кўча бошлайди. Уларнинг руҳий ҳолатида ажралмас уйғунлик пайдо бўлади:

Нафис чайқалади бир туп наъматак
Юксакда, шамолнинг беланчагида.
Куёшга кўтариб бир сават оқ гул,
Виқор-ла ўшшайган қоя лабида.
Нафис чайқалади бир туп наъматак...⁶⁶

Табиатнинг гўзал бу манзараси тасвирида силлиқ ва ясама, ялтироқ сўзлар, иборалар, ортиқча бўёқдорлик йўқ. Лекин унда ҳис-туйғунинг рангин бўёқлари ниҳоятда бой ва қудратлики, у қалбни ўз измига сола билади. Зеро, "Виқор-ла ўшшайган қоя лабида" қуёшга "бир сават оқ гул" кўтариб, нафис чайқалаётган наъматакнинг "рақси" ҳам шу даражада фусунлики, шу фусун, ҳатто, "ваҳшний тошларга" ҳам ўзгача чирой ва кўрк бағишлайди. Шеърдаги ҳар бир сўз ва тимсол рамздан ҳақиқатга, воқеликдан хаёлга йўл очади. Ҳақиқатда ҳам, мана бу сатрларда гёй шоир мусавирикка ўтади:

Майин рақсига ҳеч қониқмас кўнгил,
Ваҳшний тошларга ҳам у берар фусун.
Сўнмайди юзида ёрқин табассум,
Яноқларни тугиб олгин бўса-чун
Куёшга тутади бир сават оқ гул!⁶⁷

Гўзалиқдан масрур, унинг шавқи билан тўлонган қалбнинг, руҳнинг манзараси бор бунда. Шундай бўлгач, у билан ошно бўлган ўқувчи, ал-

⁶⁶ Ойбек. Муқаммал асарлар тўплами. 2-жилд. 21-бет.
⁶⁷ Ўша жойда.

батта, лирик қаҳрамон ҳолатини кечинади. Ўзини наъматак ўсаётган тоғлар бағрида ҳис қиласди. Қояларга қўл чўзгиси, наъматакнинг оппоқ гулларидан завқлангиси келади. Вужудини табиат соғинчи қамрайди, қалби қувончдан күёшга "бир сават оқ гул тутиб нафис чайқалган наъматак" дек чайқалади. Севинчдан қалбининг тубларига гўзалик пойида "юмюм йиглаётган кумуш қор"га ўхшаш бир оқлиқ, поклиқ чўкади:

Пойида йиглайди кумуш қор юм-юм...
Нафис чайқалади бир туп наъматак...
Шамол инжуларни сепар чашмадек,
Бошида бир сават оқ юлдуз-чечак,
Нозик саломлари нақадар маъсум!⁶⁸

Бу мисралар маъсумликка мадҳиядай ўқилади. Чунки Ойбек бу шеърида она тупроқ, она табиатнинг беқиёс гўзалигини жонлантира олган. Фарзанд учун киндик қони тўқилган тупроқнинг мұқаддаслигини ҳис қилиш катта, беқиёс бир бахтдир. Ойбекнинг "Наъматак" шеъри лирик қаҳрамони ана шундай бебаҳо бахтга мушарраф инсонлар рамзи. Шулар ҳақида ўйлаганда И. Ҳаққуловнинг: "Ойбек шеърлари — бу поэзияда эришилган ПОКЛИК"⁶⁹, — деган фикрлари нақадар ҳаққоний эканлигига ишонч ҳосил бўлади. Айни шу даврда Х. Олимжоннинг "Ўрик гуллаганда", "Ўзбекистон", "Чимён эсадаликлари", "Ишим бордур ўша охуда" сингари бир қатор шеърлари ҳам дунё юзини кўрдики, уларнинг лирик қаҳрамони ҳам гўзалик ва Ватан меҳрига ўйғун қалблар тимсоли даражасига кўтарилган.

"Ўрик гуллаганда" 30-йиллар шеърияти лирик қаҳрамонининг қалби рангин туйғулардан, гўзалик қаҳрамонининг қалби рангин туйғулардан,

⁶⁸ Ўша жойда.

⁶⁹ Ҳаққулов И. Абадият фарзандлари. Тошкент, 1990. 182-бет.

ликни ҳис қилиш, ундан қувониш баҳтидан бутунлай маҳрум бўлмаганлигини кўрсатади. Унинг соғинган баҳоридан, севган табиатидан қайта шеър топганлиги кишини қувонтиради. Темирлар ҳақида ги темирдан совуқ шеърларни ўқийвериб чарчаган ўқувчи вужудида ажиз бир туйгулар силсиласини, руҳиятида ойдинлик, енгилликни ҳис қилиб, лирик қаҳрамон билан бирга баҳор боғларига отиласди, "хаёlinи гулга ўрайди", баҳт ҳақида ўйлади, ҳаётнинг хуш бўйларидан қонади, опроқ гулга бурканган ўрик билан суҳбат қуради, булбуллар розини тинглайди. Аммо шулар ҳақида ўйлаганда кишининг қалбида бошқа бир ўжар туйғу ҳам бош кўтаради. Бу 37-йилнинг баҳори манзараси-ку, шу баҳор тароватидан илҳом олган лирик қаҳрамон руҳий дунёсининг ранглари-ку! Ҳа, шундай! Лекин 37-йил ҳалқнинг асл фарзандларини қурбон берган машъум йил эди. "Душманлар"дан қутилиш эвазига фаровон, гуллаб-яшинаган ҳаётта етиш мумкинлиги қулоққа қуильмоқда эди. Шу боисдан ҳам Ҳамид Олимжон бошқа бир шеърининг лирик қаҳрамони:

Толеим шулким, Ватанда бир гулистон танладим,
Бахтни топган эл билан жондош бўлиб отдим одим,
Йўлдан озганларга ҳеч бир бўлмадим мен қайғудош,
Шул сабабдинким, менинг бағримда жой олмиш қуёш⁷⁰

дея ўз баҳтиёрлигини куйлаган эди. Аммо шоирнинг "Ўзбекистон" шеърини 30-йиллар адабиётининг гўзал намуналаридан бири дейиш мумкин. Мана-шу асаргина бу давр шеърияти, хусусан Ҳ.Олимжон лирик қаҳрамони қалбида она тупроқ, унинг меҳрини ҳис қилиш, табиатини севиш, меҳнаткаш ҳалқини ардоқлаш, юртида алла айтадиган жувонлари кўплигидан қувониш туйгуларининг бутунлай беморли-

⁷⁰ Олимжон Ҳ. Муқаммал асарлар тўплами. 1-жилд. 223-бет.

гини эмас, балки бедор ҳам бўлганлигини намойиш этади.

Шеър лирик қаҳрамони қалбида муқаддас она тупроққа меҳр туйғуси ниҳоятда баланд. У одамлар билан мулоқотда, уларнинг қалбини, сўзларини тинглайди, руҳиятига, тафаккурига бойлик олади, эртакларига қулоқ тутади. Демак, у ўзининг миллий, маданий заминига қайтаёттир. Бу дамда унинг учун одамлар шу қадар дилкаш, табиат гўзал, эртаклар оромбахш, қўшиқлар мунаварки, буларнинг бари "ўхшаши йўқ" бир ҳилқат. Буларнинг бари "Ўзбекистон" шеъри лирик қаҳрамонининг руҳий дунёси, маънавий оламининг она заминга таянган ҳолда бойиб бораётганлигини кўрсатади. Бундай бойликни ўқувчи ҳали Ҳамид Олимжон лирик қаҳрамонида шу даражада мукаммал учратмаган эди.

Бунда булбул китоб ўқиёди,
Бунда қуртлар ипак тўқиёди,
Бунда ари келтиради бол,
Бунда қушлар топади иқбол,
Бунда қорнинг тагларида қиши,
Баҳор учун сўйлайди олқиши.⁷¹

Бу мисралардаги ташхис, яъни жонлантириш шу қадар табиий ва самимийки, шоир мадҳ этаётган ўлкада булбул китоб ўқиши, қор тагларидаги қиши баҳор учун олқишилар айтишга заррача иштибоҳ турдирмайди.

Демак, ҳақиқий истеъодод этаси даврнинг тегирмонига тушишга мажбур бўлса-да, унда бутунлай янчилмас ва руҳиятида гўзаллик ва санъат шукухининг асл сиймосини сақлаб қолар экан. Шу боисдан Ойбек, Ҳ.Олимжоннинг юқоридаги шеърларида лирик қаҳрамон руҳий олами давр пўртналари ва тўфонлари ичра бир оз хираланганд бўлса-да, аммо

⁷¹ Ўша асар. 246-бет.

истебод құдрати — илохий құдрат туфайли у яна ча-рақлаң күринади.

Уруш даврида ўзбек шеърияти муқаддас она замин ва она халқа нисбатан меҳр булоғига айланди. Бундай шеърларда 30-йилларнинг нафаси деярли йўқ даражада. Кўрдикки, Ойбекнинг "Наъматак", Ҳ. Олимжоннинг "Ўзбекистон" шеърлари лирик қаҳрамон руҳий дунёсининг гўзал бир манзараси сифатида адабиётнинг аслига томон қайтаётганигининг белгиси бўлди. Бундай хусусият шоирларнинг уруш даври шеърияти учун ҳам муштараклик касб эта бошлади.

Уруш ўзининг совуқ нафаси билан шеъриятни ҳам гўзаллик, қувонч туйғуларидан маҳрум этиб, унинг ўрнига жудолик, мусибат йўқотишлардан гирён бўлган кўнгиллар рангини мухрлади. Ана шу фожиадан четда қолмаган лирик қаҳрамон руҳий оламида ҳам сўниқ ва қайгули манзаралар ўрнашиб олди. Аммо шу билан бирга муқаддас тупроқ озодлиги учун жантларда ғалабага ишонч туйгуси шеърларнинг бағрини тарқ этмади. Бу даврда, айниқса, Ойбек, Ф. Гулом, Ҳ. Олимжон, Миртемир, Уйғун, Зулфия сингари шоирлар лирик қаҳрамонлари ўзлари мансуб миллатнинг руҳиятини англаб, улар тимсоли даражасига кўтарилиши адабиётимизнинг энг катта ютуғи бўлди. Ойбекнинг уруш мавзусида ёзилган асарлари орасида "Ер" шеъри ўзида она тупроқ соғинчи, унга фарзандлик меҳрини бутунлай бошқача мужассам этганлиги билан ажralиб туради. Шеърда лирик қаҳрамон руҳий дунёсига уруш суронлари солган ларза очиқ кўринмайди. Аммо у баҳор чоғи она заминни қучоқлаң, унинг юрак зарбларини тинглаган фарзанднинг нигоҳларида, гўзалигидан завқ олган, меҳрига қонган қалбининг тебранишларида сезилиб туради. Лекин шу билан бирга фарзанд қалбига, руҳиятига оқиб кираётган

гўзаллик завқи, унга ҳар қачонгидай оламларга сиф- мас қувончлар баҳш этолмаслигини ўқувчи яхши англайди. Чунки қаерлардадир худди мана шундай тароватли ва гўзал замин узра жаҳаннам оловлари ёнмокда, у ернинг фарзандлари туғилиб ўғсан заминини қувонч билан қучаётгани йўқ. Балки унга алам, фарёд билан бағрини бермоқда ёки она ер узра абадият ўйқусига бош кўймокда. Агар ҳар бир халқ ўз ери озодлиги, тинчлиги билан чекланиб, ўзгалар фамига қалб дарласини очмаса, у ерлардаги жаҳаннам оловининг унинг она тупроғига ҳам туташиши қийин эмас. Лирик қаҳрамон қалбидаги ранглар тинчиқлигига соя солаётган, оҳанглар жарангини бўғаётган, руҳий дунёсига хос гўзалликни хирадаштираётган нарса мана шу эди. Шунинг учун ҳам ў жанг жадаллар тафсилоти билан эмас, балки юрт боғлари баҳори соғинчи билан яшаб туриб:

Танҳо кезиб, мириқиб думалаб,
Соғинч билан ерни ўпамен.
Дейман: кўп соз меҳрли она,
Кучогингта бир кун қайтамен...⁷²

дейди. Лирик қаҳрамоннинг ушбу фикрларида бутун-бугун шеърлардаги мазмун ихчам ва таъсирчан қилиб ифода этилган. Яъни унда азиз тупроғини тарқ этиб, ўзга тупроқни озод қилиш, фарзандларини бағрига қайтариш учун отланган инсон иродаси мантиқан ифода этилган.

Ойбекнинг бу давр шеъриятида ҳам бошқа шоирлар шеъриятига нисбатан воқеликка психологик аспектда ёндашиш, унга лирик қаҳрамон руҳий олами марказидан туриб қараш хусусияти кўзга яхши ташланади. Бундай шеърларда уруш бошларга солган боткулфатлардан қалбига ғам тоши ниҳоятда оғир боткулфатлардан қалбига ғам тоши ниҳоятда оғир бот-

⁷² Ойбек. Муқаммал асарлар тўплами. 2-жилд. 113-бет.

ган, фашизмни бутун борлиги билан қарғаётган, ғалабага бўлган ишончини айюҳаниос солиб айтмаётган эзгин, ғамгин кишилар руҳий дунёси намоён бўлади. Бу руҳ ўқувчи руҳиятига ҳам кўчади. Мунгли онларда беадад дард билан яшаётган қалблар манзараси очилади. Мана шоирнинг шундай шеърларидан бири:

Олмалар тарам-тарам,
Боғларнинг ҳусни тўлган,
Чаман рангта бой, кўркам,
Ёлғиз нимадир бўлган...
Кўзлар жилваси ўзга, ...
Кўшиқларнинг шўхи оз.
Бир "уҳ" кирар ҳар сўзга
Хоргин, ғалати бу ёз!
Уфқуларнинг бети қон,
Йиллар ташир дард, ҳижрон...⁷³

Бундай мисраларни ватандошлирига руҳдош, улар қалбини ниҳоятда теран англаган шоиргина яратиши мумкин. Шеърдаги "нимадир", "ғалати", "уҳ", сўзлари бошқа аниқловчиларсиз ҳам уруш нафасини, унинг лирик қаҳрамон ва бўтун халқ руҳиятидаги вазмин ва ҳазин кайфиятини ифода этаётир. Охирги мисрадаги "Йиллар ташиб" келаётган "дард, ҳижрон" сўzlари орқали лаънати уруш, қиреин, ўлим, жудолик ҳақидаги хабар нафаси сезиляпти. Улар ўқувчи кўз олдида жаҳаннам мисоли жаңгоҳларни гавдалантирган ҳолда унинг бағрига солган, аммо битмаган жароҳатлари жабрини тортиб, танҳо кезаётган, руҳи "ҳоргин, ғалати ёз"дек ҷарчоқ лирик қаҳрамоннинг ҳолатини намоён этади. Бундан Ойбек уруш вақтида бошқалар қатори халқни жангга отлантириш ўрнига, уларнинг руҳини туширувчи шеърлар ёзган экан, қабилидаги хулоса келиб

чиқмаслиги керак. Зоро, Ойбек шеърлари лирик қаҳрамони кайфияти умумхалқ кайфиятидан ажралган эмас, аксинча, унга уйғун эди. Фронтга кетганлар ўрнини билдириласлик учун ўн ҳисса ортиқ меҳнат қилаётган одамлар қалбига "Ғалаба бизники!" дейиш билан кира олиш, улардаги дардларга малҳам бўлиш жуда қийин муаммо. Шунинг учун ҳам Ойбек ҳайқирикли мисралар эмас, балки халқ қалбига мос сўзлар билан ҳамдард, ҳамроҳ бўлиш мумкин деб билади.

Ватан ҳимояси, ватанпарварлик туйғуси уруш даври нафаси билан яшаган ҳар бир кишининг қалбини бедорликка ундаиди. "Она-Ватан чорлайди" (Родина-мать зовёт) плакатининг одамларга маънавий таъсири шунчалар қудратли бўлдик, ҳар бир одам, тирик жон она ва Ватан туйғусини бир-бирига уйғунлаштириб, муқаддаслаштириб, ҳар нафасда уларга сифиниб яшади. Қасос ва интиқом туйғуси билан ёнди. Бу туйғулар шеъриятга кўчди, Ватан сиймосига айланди. Бу сиймо эса жангга кираётган ҳар бир йигитга руҳий мадад бағишилади. Шу маънода Ойбек яратган "Йиглаётган Ватан" образининг ибратли таъсири ниҳоятда қудратлидир. Онанинг кўз ёшини кўриш фарзанд учун қанчалик оғирлигини хис қилмоқнинг ўзи ниҳоятда мушкул. Аммо "йиглаётган Ватан" аҳволини тасаввур этиш ундан ҳам минг чандон оғирроқ. Бу шеърнинг лирик қаҳрамони шундай бир мунгли, ғамгин, ғазабнок ҳолатдаки, буни тасаввур этмоқнинг ўзи ўқувчини қийин аҳволга солиб қўяди.

Йиги келмайди сира,
Фазабдан қақраган кўз.
Бу йўлларнинг яхидек
Лабимда қотибди сўз...⁷⁴

⁷³ Ойбек. Ўша асар. 115-бет.

Бу ердаги ҳар бир сўз моҳияти, мантиғи ниҳоятда чуқур фалсафий теранлик касб этади. "Фазабдан қақраган кўз"нинг ўзи юракдан йиғлаётган давр руҳини чизувчи ғоятда куюқ бир поэтик рангдир. "Ях" сўзи вужудини ғазаб туйғуси тўлдирган, тили калимага келмай, қотиб қолган лирик қаҳрамон ҳолатини бениҳоя теранлик билан очиб беради.

Қошлар, киприклар қирон —
Юраман хушсиз, ҳайрон.
Қорним оч, эсга келмас
Халтамдаги гиштдек ёён...⁷⁵

Мана нурлар, ранглар оламидан жудо бўлган лирик қаҳрамон руҳий дунёсининг қалб оғриғи билан чизилган манзараси. Бу манзаранинг юракка олиб кирадиган титроғи, руҳга кўчадиган рангларининг таъсирини таърифлаб бериш ниҳоятда мушкул. Ватан тупроғини омонат босиб, ундаги вайронгарчилардан ўзини йўқотган, унугтан ҳар бир фарзанднинг ҳолати ўқувчини ўз комига олади.

Куйган уйларда увлар
Қиши қуони бетиним.
Танҳо кезаман. Йиғлар
Юрагимда Ватаним...⁷⁶

Йиғлаётган Ватанинни юракда олиб, вайроналар оралаб кезиши, бу лирик қаҳрамон руҳиятидаги бутунлай тушкунлик, умидсизлик белгиси эмас. Балки буни Ватан учун нажот излаб, умид билан юз кўришишга интилиш нишонаси деб қарашиб керак. Балки Ойбекнинг ушбу шеъридаги мана шу йиғлаётган Ватан образи бошқа шеърлардаги "Ватан учун олға" мазмунидаги чақириқларга нисбатан бекиёс даражада таъсирчан кучга эга бўлгандир. Ватанинг

⁷⁵ Ўша жойда.

⁷⁶ Ўша жойда.

она тимсолида фарзанд қалбида йиғлашидан ортиқ ғамгин манзара бўлмаса керак.

Ойбек шеърда ана шундай ҳолат, кайфиятни чизар экан, бу билан ўқувчи қалбига янада чуқурроқ кириб боради. Унинг лирик қаҳрамони жангчи ёки фронт орқасида меҳнат қилаётган ишчи ёхуд дехқон қалбига "Йиғлаётган Ватан" образи билан йўл олади. Ватан кўзида бундан кейин ёш эмас, балки қувонч кўриш истаги, иштиёқини оловлантиради. Чунки шеър ниҳоятда теран руҳий ҳолатнинг, маънавий оламнинг маҳсулидир. Зукко ўқувчининг Ойбекнинг уруш даврида яратилган барча шеърларида "Йиғлаётган Ватан" сиймосини мантиқан илғаб олиши осон. Чунки шоир Ватан кўз ёшларининг маъносини ҳасос қалби, бедор руҳияти билан англаб етган фарзанддир. Шу боисдан унинг лирик қаҳрамони руҳий дунёси манзарлари замондошлари лирик қаҳрамонлариникига нисбатан жуда муҳим фарқланишларга эга.

F. Фуломнинг "Халқ отланди", "Мен яхудийман", "Софиниш", "Бизнинг кўчада ҳам байрам бўлажак", "Биз енгамиз" сингари шеърлари уруш даври ўзбек шеъриятининг етук намуналари сифатида фашизма қарши курашга отланган ҳалқларга маънавий мадад бўлди. Бу шеърларнинг лирик қаҳрамони шоир мансуб бўлган ўзбек ҳалқининг тимсоли сифатида она-Ватан, муқаддас тупроқни оёқ ости қилмоқчи бўлган босқинчиларга нисбатан ғазаб оловлари ичра кўринди. "Халқ отланди" шеърида у ўғлини жангга жўнатған ота қиёфасида намоён бўлади. Лекин лирик қаҳрамон руҳий дунёсида кечаетган мураккаб жараёнлар очиқ кўзга ташланмайди. Унинг ўғлини жангга жўнататиб айтган сўzlари фашизм устидан ғалабага, дўстликни улуғлашга, ҳалққа, Ватанга садоқатли бўлишга даъватдан иборатдир. Аммо шоирнинг "Софиниш" шеъри лирик қаҳрамони маънавий

дунёси, руҳий оламида кечәётган жараёнлар ўқувчи қалбиди, руҳиятида ҳам худди шундай жараёнларни кўзгаб юборади. Шеърдаги оталик меҳри, туйғуси, дарди дунёда уруш жабрини тортаётган барча оталар учун ҳам хослигини ўқувчи дил-дилдан ҳис қила билади. Чунки қайси ота ёки она ўғлини жон олиб жон берилаётган жангтоҳга жўнатиб, тинч ўтира олади?! Улар қайсинасининг қалбини соғинч ҳисси ўртамайди, қайсинасининг юрагини ҳар хил шубҳа, гумонлар қиймаламайди?! "Соғиниш" шеъри ана шундай дардли туйғулар тажассуми сифатида қалбга, руҳга ларза солади. Бу шеър ҳақида Мақсад Шайхзода шундай ёзган эди: "... бу ҳасратномаFaфур Фуломнинг шоҳ ғазали дейишта лойикдир. Қаранг, нақадар мукаммал хаёл, порлоқ тасаввур, нақадар мардлик ва шу билан бирга, юрак йигиси оғушта бу байтларда"⁷⁷. Дарҳақиқат, лирик қаҳрамоннинг:

Не қилса отамен, мерос ҳиссиёт...
Жоңдан соғиништа унинг ҳаққи бор.
Кутаман узоқдан кўринса бир от,
Келаяпти, дейман кўринса губор⁷⁸

кечинмалари, руҳий ҳолати жудолик дардида ёнаётган қайси бир отанинг юрагини четлаб ўта олади?! Лирик қаҳрамон оталар ғамини оталарга хос мардлик, босиқлик билан тортар экан, ўзининг дардига малҳам излаётгани аниқ. Зеро, оталарнинг кўзлари йигламайди, балки юраклари йиглайди. Бу юракларнинг кўз ёшлари бутун вужудни куйдиради, руҳга ёнгин солади, лекин унинг олови ташқаридан кўринмайди. Кўринмайди-ю, аммо у олов, оташнинг бир заррасининг қуидагича ифодаси руҳларга, ву-

⁷⁷ Гулом F. Асарлар. Беш жилдлик 1- жилд. Тошкент, 1964. 18-бет.

⁷⁸ Гулом F. Мукаммал асарлар тўплами. 2-жилд. Тошкент, 34-бет.

жудларга ўзидан ҳам кучлироқ оташ солмоғи муқаррар:

Кечқурун ош сузсак бир насиба кам,
Қўмсайман бировни — аллакимимни,
Доимо умидим бардам бўлса ҳам,
Баъзан васвасалар босар дилимни.⁷⁹

Лекин лирик қаҳрамон шеърнинг охиригача ноумид кайфиятда қолмайди. Яхши умид, холис ниятни руҳиятига, қалбига ҳамроҳ тутиб сўзлайди. Эртанги кунига яхши тилаклар билан мурожаат этади. Томирларида оқаётган қонуний меросликни фарзандида сақланишини, она ерга муҳаббат туйғусининг ўғли қалбida мукимлашиб қолишини истайди. Отабоболаридан мерос қолган боғ — туғилган тупроғининг эгасиз қолишини истамайди. Отанинг бу руҳий ҳолати, кечинмалари жудолик дардида ўртangan вужудларда бирдек кечувчи ҳолат, ҳамма оталар қалбининг қатларидан сизиб чиқадиган ҳақиқат. Лирик қаҳрамонда мана шу хусусиятларнинг мужассамлиги, унинг қалб тили билан сўзлаши, ўз руҳий ҳолатини бошқаларга ҳам юқтира олиш фазилати шеърда ниҳоятда чуқур психологик тасвири мавжудлигини кўрсатади.

F. Гуломнинг "Соғиниш" шеъридаги бўй хусусият — руҳий дунёнинг теран тасвири унинг машҳур "Вақт" шеърида яънада мукаммалдашди. Бу мукаммаллик лирик қаҳрамон қарашларидаги, фикр ва ўйларидаги, ҳаётга муносабатидаги, мушоҳадаларидағи фалсафийликнинг теранлашуви билан боғланиб кетади. Бу асар лирик қаҳрамони ўзигача бўлган шеърият лирик қаҳрамонига нисбатан ниҳоятда фикрларидан қаровчи шахс. Умр лаҳзаларининг қиммати унинг онгига бири-биридан қизиқ, мураккаб, фал-

⁷⁹ Ўша жойда.

сафий тушунчаларни, қарашларни шакллантирган. Инсоннинг ҳаётдаги ўрнини йўқ ёки бор қилувчи дамлардаги ҳолати лирик қаҳрамонни ниҳоятда қизиқтиради, макон ва замон ҳақида ўйлатади. Ҳаётдаги ҳар яхши ёки ёмоннинг тақдирини белгиловчи онлар, лаҳзалар қадрини англаган лирик қаҳрамон:

Азиз асримизнинг азиз онлари,
Азиз одамлардан сўрайди қадрин.
Фурсат ғаниматдир, шоҳ сатрлар-ла
Безамоқ чогидир умр ўафтарин.⁸⁰

деган фикрда қатъий туради. Лирик қаҳрамон ўйларининг ҳаёт ҳақиқатлари билан уйгунлашган ҳолда намоён бўлиши ўзбек шеъриятидаги фикрий ва руҳий теранликнинг чуқурлашиб бораётганлигини белгиловчи хусусиятдир.

Уруш мавзусида ёзилган, ҳалқни сафарбарлик, ватанпарварлик руҳида тарбияловчи шеърлар қаторига Уйгуннинг "Ватан ҳақида кўшиқ", "Ватан" сингари шеърларини ҳам кўшиш мумкин. Шоирнинг "Ватан ҳақида кўшиқ" шеъри ўша вақтда фронтда жанг қиёётган аскардан тортиб, мактаб остонасида ичкари кирган ҳар бир ўқувчининг ёдидан жой олганлиги аниқ. Чунки бундай жарангдор шеърлар ўша даврда ҳалқимиз руҳини кўғариш, уни фалабага даъват этишда жуда муҳим вазифани бажарди. Ундаги:

Ватан — она сўзи нақадар лазиз!
Сенсан ҳар нарсадан мўътабар, азиз,
Хурматингни сақлар ҳар бир ўғил, қиз.
Муқаддас, мўътабар улуғ Ватаним,
Шарафлар, шонларга тўлиғ Ватаним,
Ўлсам айрилмасман кучоқларингдан.⁸¹

⁸⁰ Фулом F. Муқаммал асарлар тўплами, 2-жилд. 61-бет.

⁸¹ Уйғун. Танланган асарлар. 1-жилд. 165-бет.

мисралари ўқувчи қалбида ватанпарварлик туйғусига куч бера олади. Тўғри, унда чиройли сўзлар, ўхшатиш ва қиёслашлар жуда кўп ва улар ўринли ишлатилган. Лекин ана шу чиройли сўзлардан иборат мисраларга инсон руҳиятининг қудрати теран сингдирilmagan. Шунинг учун ҳам шеър қанчалик сержаранг ва сержило бўлмасин, у руҳиятдан ташқарида тураверади. Инсон руҳиятига сингиб кета оладиган қудратли сўзлардек ёки қисқагина бир шеърдек таъсирчанлик каشف этолмайди. Уйғун лирик қаҳрамони Ойбек ёки F. Фулом лирик қаҳрамонидан ана шу жиҳати билан фарқ қиласи. Аммо "Ватан ҳақида кўшиқ"да лирик қаҳрамон руҳий дунёси маизараси чуқур очилмаган бўлса-да, у foявий-бадиий жиҳатдан пишиқ асар. Унинг пишиқлигига руҳият тасвирининг саёзлиги путур етказа олмаган. Уйғуннинг "Жангчиларга", "Кўзгал дединг", "Хайрлашув", "Қасос", "Назир отанинг газаби", "Фронтдан ҳат", "Ленинград", "Бир қадам ҳам ортга силжиш йўқ", "Бағишилов", "Фармонингдаман", "Армиям" каби яна бир қанча шеърларида Ватан, ҳалқ озодлиги учун сафарбарликка даъват кучли. Уларнинг ҳар бир мисраси шиорлардек жарангдор. Бундай хусусияти билан улар уруш даврида одамлар қалбига чуқур таъсир қилгандир, уларни жангга ёки завод, фабрикага, колхоз даласи, пахтазорга чорлагандир. Аммо гап уларнинг инсон руҳиятига кира олиш қобилиятининг даражалари ҳақида кетаяпти. Уйғуннинг "Назир отанинг газаби" шеъри уруш даври шеърияти ҳақида ёзилган ишларда юқори баҳоланади. У энди 30-йиллардаги пахтакор сиймосида эмас, балки уруш даврининг жангчиси сифатида намоён бўлади. Кўринадики, Назир ота ватанпарвар, унинг муқаддас Ватанига оёқ кўйган душманларга нафрати бекиёс. Лекин барабири, бу шеърда шоир лирик қаҳрамон руҳий дунёсини кераклича очиб беролмаган. Ёки шоирнинг

"Ленинград" шеърини олиб қарайлик. Бу шеърда ҳам она-Ватанга беқиёс муҳаббат мужассам. Ўша даврда қалбиди яшайтган "инқилоб" бешигига нисбатан эъзоз, ардоқ ўз ифодасини топган. Лирик қаҳрамон унга:

Душман топтаёлмас сени ҳеч қачон.
Чунки лашкаринг кўп, кучинг беҳисоб,
Сен билан биргадир бутун мамлакат,
Чунки зулумотга қул бўлмас офтоб⁸²

деб мурожаат этади. Лекин бу шеър лирик қаҳрамони ҳам "Йиглаётган Ватан"ни қайбиди асраган, у билан танҳо дардлашаётган лирик қаҳрамон эмас. Худди шунга яқин хусусиятлар Ҳамид Олимжоннинг урӯш даври лирикасининг бир мунча қисмига ҳам хос. Унинг "Галаба қўшиғи", "Қўлингга қурол ол!", "Йигитларни фронтга жўнатиш", "Хат", "Москвани мен биламан", "Бўл омон", "Гвардиячиларимизга салом", "Шарқдан Фарбга кетаётган дўстга", "Ватан", "Шинель", "Қамал қилинган шаҳар-тепасидаги ой" шеърлари уруш даврида дунёга келган. Бу шеърлардаги бош мақсад Ватанини босқинчилардан озод қилишга даъват бўлди. Уруш даври адабиётининг бош мавзуси ва мақсади ҳам шу эди. Ҳамид Олимжон шеърларида кўпинча сафарбарлик руҳи ҳукмрон. Масалан, шоирнинг "Қўлингга қурол ол" шеърини олиб қўрайлик. Бу шеър руҳи ҳалқ қалбиди ўзининг инсоний, фарзандлик бурчини адо этишга сафарбар этувчи туйгуларни уйғотишга йўналтирилган.

Бўлсин десанг дунё сенга кенг,
Қолсин десанг қўлингда эркинг,
Бўлай десанг сен одамга тенг,
Бўлмай десанг ёвларга ҳаммол:
Қўлингта қурол ол⁸³

⁸² Ўша асар. 1-жилд. 194-бет.

⁸³ Олимжон Ҳ. Муқаммал асарлар тўплами. 1-жилд. 256-бет.

деб мурожаат этади. Бу мурожаатда инсон эрки, Ватан озодлиги учун курашга даъват мужассам.

Ҳ. Олимжоннинг "Ватан" шеъри лирик қаҳрамони туғилган заминига бўлган меҳрини унинг гўзаллиги, қудрати, саҳовати таърифи замирида ифода этади. Бир кун келиб, "ёвлар оёғига бош қўйишига" ишонч билан фикрини якунлайди. Лекин шеърда лирик қаҳрамон қалбидаги туйгулар, ҳиссиёт ва ҳаяжонлар рангининг, руҳий дунёсида кечайтган жараёнларнинг ёрқин ифодаси кўринмайди. Бу Уйғун шеърларидаги лирик қаҳрамонни эслатади. Биз қанчалик ахтармайлик, Ҳ. Олимжон уруш даври лирикасида Ойбек лирик қаҳрамонига хос ички мушиҳада, қалб кўзи орқали кўриш ва ҳис қилиш фазилати камдек кўринади. Бу, албатта, ташқи воқеиликни ички дунёдан — руҳият қаватларидан ўтказиш кейин уни бадиийлаштириш масаласидаги маҳоратга боғлиқ. Шунинг учун ҳам уруш мавзусида дунёга келган асарларни Ойбек шеърияти билан қиёслаганда ундаги Ватан меҳри билан ёнаётган лирик қаҳрамоннинг руҳий дунёсига ўхшаш дунёни излашнинг анча мушкуллиги кўриниб қолади. Лекин шундай бўлса-да, Ҳ. Олимжон шеърлари уруш даврида фронтдаги жангчилар учун ҳам, "фронт орқасини мустаҳкамлаётган меҳнат аҳли учун ҳам илҳомбахш манба бўлди. Галабанинг маънавий заминини тайёрлашда катта аҳамият касб этди.

Бу даврда Ҳ. Олимжон шеърларига ёндош Зулфия шеърияти — аёл қалби овози ҳам эшитилиб турди. Шоиранинг "Менинг Ватаним"да фарзанд, "Палак", "Қўлимда қуролу устимда шинель"да вафодор ёр, "Йигитларга" шеърида севимли кишисининг жангдан омон қайтишини бесабрлик билан кутаётган аёллар сиймосидаги лирик қаҳрамони уруш азоблари ҳақида ўйлайди. "Менинг Ватаним" шеърининг лирик қаҳрамони туғилган тупроғини жонидан ҳам

азиз севади. Унинг боғлари, тоғлари, дала-ю қирлари мафтуни. Аммо ҳозир у халқ қатори Ватаниннозод этиш учун сафарбар. Шеърда лирик қаҳрамон руҳий дунёси манзаралари эмас, балки воқелик тағсилоти фақат муаллиф баёни орқали ўқувчига етиб боради. Зулфиянинг уруш мавзусидаги барча асарлари ана шу услубда яратилган. Уларда лирик қаҳрамон қалбининг мураккаб ва сирли манзаралари теран кашф этилмайди. Унинг қалби, руҳий оламида уруш дунёга келтирган нурсиз, шу билан бирга умид ва ишонч яратган нурли туйгулар ранглари чуқур очилмайди.

Жамият ёки шахс ҳаётида юз берган жиддий бурилиш, албатта, бадиий ижодга, айниқса, шеъриятга тез таъсир ўтказади. Бундай вақтда лирик қаҳрамоннинг мавжуд воқеликка муносабатини ҳаққоний акс эттирувчи асар дунёга қелиши эҳтимолдан холи эмас. Ана шу асарда биз излаган руҳий дунё тасвири бўлиши ҳам, бўлмаслиги ҳам мумкин. Бу содир бўлган воқеанинг шоир — лирик қаҳрамон руҳий дунёсига қай тарзда ва даражада таъсир ўтказганлигига боғлик. Кўрдикки, уруш жаҳон ҳалқлари қалбига жароҳати ҳеч қачон битмайдиган доғлар солди. Бу шеърият мисолида олиб қаралгандা, ана шу абдул-абад малҳамга муҳтоҷ доғнинг лирик қаҳрамон қалбиди, руҳиятида қолдирган изларининг ниҳоятда чуқурлиги кўринади.

Зулфиянинг бошига уруш оғатлари эл қатори ёғилиб, ҳали унинг юракка солган яралари очилиб турган пайтда, ҳаёт унга умри абад бағрини куйдирувчи иккинчи бир кулфатни ҳам раво кўрди. Бу Ҳамид Олимжоннинг фожиали вафоти эди. Мана шу фожиа Зулфия лирик қаҳрамонига уруш олиб келган фожиаларга нисбатан беқиёс даражада кучли таъсир қилди. Натижада, унинг ларзага тушган, ниҳоятда изтиробли руҳий олами манзаралари кўчган

шеърлари дунёга келди. Шулардан бири — "Баҳор келди сени сўроқлаб"dir.

Бу шеърда Зулфия лирик қаҳрамони ўзини бутунлай бошқача, фоже бир ҳолатда намоён этади. Унинг кўзлари ҳаётда йилт этган нурни кўрмайди. Гўё атроф зулмат ҳукмида. Ана шу пайтда унинг шоири севган баҳор ўлкада жамол очади. Баҳор Зулфиянинг лирик қаҳрамонидаги тушкун кайфиятни кўтариш ўрнига уни янада тушкунлаштиради. Чунки баҳор унинг ёдида севимли кишисининг ёдини сувратлантиради. Ана шу пайтдаги лирик қаҳрамон ҳолати, руҳий дунёсидаги кучли портлашлар манзараси инсон қалбининг ғамдан ҳам, шодликдан ҳам айри яшай олмаслигини кўрсатади. Агар ана шу ғам ёки шодлик унинг шахсан ўзиники бўлса, унинг бадиий ифодаси янада теранроқ намоён бўлади. Чунки ўз ғамини, дардини сўзлаётган қалбдаги туйгулар ранги билан ўзгалар кулфатини гапираётган қалб туйгулари манзараси бир-биридан фарқланади. Шу боисдан Зулфия лирик қаҳрамони шеърда баҳор ва ҳаётдан бевақт кўз юмган ёри ҳақида юрагига оташ тўлиб, олов туташиб сўзлайди. Руҳий дунёсини остин-устун қилаётган исёйлар ранги бирин-кетин шеърга айлана боради. Шоир севган ва ўз навбатида шоирни севган фасл — баҳорнинг жонлантирилиши ҳамда унинг сўроқларига лирик қаҳрамоннинг:

Қандай жавоб айтай, лолдир тилларим,
Баридан тутдим-у, келдим қошингта.
У ҳам ғаминг билан кезди афтода,
Боқиб туролмайин қабринг тошига⁸⁴

деган жавоби — дил фарёди унинг бошига тушган фожианинг нақадар оғирлигидан, руҳий дунёсининг қанчалар тушкун ва эзгинлигидан хабар беради. Бун-

⁸⁴ Зулфия. Асалар. 1-жилд. Тошкент, 1985. 93-бет.

дай ҳолатда дунёга келган шеърнинг ўқувчи руҳиятига таъсири ҳам жуда кучли бўлади. Лирик қаҳрамон ўз ҳолатини бемалол ўқувчига ўтказа олади. Унинг дардлари билан нафас олган ўқувчи узоқ вақт руҳий тушкунлик гирдобида қолади.

Юқоридагилардан кўринадики, уруш даври шеърияти воқеликка муносабати нуқтаи назаридан олдинги даврлар шеъриятидан фарқ қиласди. Ватан озодлиги учун кураш энг асосий масада сифатида шаклланади. Уруш жароҳатларининг азоби дунёга келтирган туйфулар шеърият бағрини куйдиради. Аммо унда ҳам олдинги даврлардагидек, руҳият тасвири чукур илдиз отолмади. Бунинг сабаби балки шеъриятнинг ўзи амал қилиб келаётган анъаналар доирасини тўла маънода ёриб чиқолмаганидадир. Балки шоирларнинг лирик қаҳрамон руҳий дунёсини мукаммал ёритиш маҳоратини тўла эгаллай олматаңлигидадир. Балки шахсга сифиниш кишанлари лирик қаҳрамон руҳиятидаги жараёнларни бу даврда ҳам занжирбанд қилишга қодирлигини кўрсатганлигидадир. Шу боисдан шоирлар халқ дардини бағриға олган, улар билан бирга ёниб, бирга куювчи лирик қаҳрамонларга кўра, "халқлар отаси" — буюк Сталинга олқишилар айтuvчи лирик қаҳрамонлар яратишга кўпроқ ҳаракат қилдилар. Сталин шахсига сифиниб ёзилган асарлар бу даврда, айниқса, кўпайиб кетди. Бу ҳам шуро адабий сиёсатининг ниҳоятда маҳсулдор бўлганлигини кўрсатади. Лекин қандай бўлишидан қатъи назар, руҳий дунё тасвири Ойбек шеърларининг, Ф. Гулом ва қисман Зулфия асарларининг бағрини ёритишга муваффақ бўлди. Аммо у давр шеъриятida юқори даражада намоён бўйлмади. Воқелик тафсилоти руҳий дунё кўзгусида эмас; балки кўпроқ лирик қаҳрамон баёни, хабари орқали ўқувчига стказилаверди. Шунинг учун ҳам Ойбек шеърларидаги лирик қаҳрамон қалбининг туй-

гулари, руҳий дунёсининг уруш туфайли туғилган манзаралари билан танишган ўқувчининг бошқа шеъриятга қониқмаслик туйфуси билан қарashi, шубҳасиз. Улардан Ойбек шеърлари нафасини излаши, табиий. Не иложки, шеърият шу вақтга қадар оқиб келган ўзанини ўзgartира олмади. Бу унинг урушдан кейинги ва 60-йилларгача бўлган даврдаги манзарасида ҳам кўринади. 50-йилларнинг ўрталаригача шеърият руҳига шахсга сифиниш даврининг, бадиий адабиётда конфликтсизлик назарияси учун курашнинг руҳи ўз хукмини ўтказиб келди. Яна унда офаринбозлик кайфияти кучайди. Ҳатто, теран тафаккур, соҳир истеъдод эгаси, руҳан пок Ойбек, зукко ва донишманд F. Гулом ижодида ҳам замонага ҳамроҳ, ҳамовоз шеърлар яна пайдо бўлди. Бу ҳакда Ойбек ижодининг фаол тадқиқотчиси, профессор Н. Каримов ҳам: "Афсуски, у (Ойбек — Ж.Ж.) 1937-58 йилларда авж олган вуљгар социологизм тазиқида ўзбек шеъриятида эгаллаган ана шу маррадан чекиниб, соҳта ватанпарварлик пафоси билан тўла шеърлар ёзишга мажбур бўлди"⁸⁵, — деб ёзган эди. Аммо "Улуг доҳийга", "Теримчиларга", "Дил тўла сёвгимиз сенга партиям!" сингари шеърлар Ойбекнинг бу давр ижодининг моҳиятини белгилай олмайди. Улар даврнинг бош кўтарган сиёсий бўронлари таъсирида дунёга келган шеърлардир. Шуларга қарамасдан Ойбек ижодини ҳамишагидек, руҳий тераңлиқнинг мевалари безаб турди. Улар инсон руҳий олами қирраларининг сермаъно ва сержило тасвирлари билан мукаммаллик касб этди. Бундай шеърларида Ойбек замондошлидан фарқли ўлароқ, лирик қаҳрамонини ҳаётга, одамлар қалбига яқинлаштиргди.

⁸⁵ Каримов Н.Ф. XX аср ўзбек адабиёти тараққиётининг ўзига хос хусусиятлари ва миллӣ истиқлол мафкураси// Филол.фак.доктори ... дисс. автореф. Тошкент, 1993. 21-бет.

Инкор этиш мумкин бўлмаган ҳақиқат — 40-йилларнинг охири ва 50-йилларнинг аввалида оммавий қатоғоннинг қайта бошланиши Ойбек бошига ҳам ўз кўланкасини ташлади. Машъум қунлардан ортирган хасталик шоирнинг қаламини қўлидан туширишгача борди. Аммо Ойбек улкан қалб қатларида қайнаб, тошаётган маъюс, ғамгин ҳислар, туйфуварини қофозга муҳрлай олди. Бундай асарлар сон жиҳатидан кам бўлса-да, лекин улар буюк қалбнинг, сўнмас руҳнинг ранг ва оҳанглари сифатида ўқувчи руҳий оламига маънавият нахрининг бебаҳо бойлигини олиб кириш қудратига эга бўлди.

Шоир ички дунёсининг тиниқ бир қўзгуси деб аташ мумкин бўлган шеърнинг қўйидаги мисралари бунга ёрқин мисолдир:

Хастамен... Фикрга, туйфуга тўлиб -
Ой менга ҳамқадам — сөкин юрамен,
Соғайсан бир куни ёзамен тўйиб,
Ҳисларга қалбимни қўшиб ёзамен...
Тўйиб ёзажакмен бир кун соғайсан...⁸⁶

Ноҳақлик қурбони даражасига етган, лекин ҳали зарблари бакувват қалбнинг — инсон руҳиятининг ушбу бетакрор, ўткир ранглари кўзга ёш, юракка алам тўлдиради. Бир умр Ватани, ҳалқига садоқатини ёзган, уларнинг маънавий ўтмишини эъзозланган, ундан нур олиб, замондоши руҳий дунёсини ёритишга интилган инсоннинг ушбу аҳволи ҳар бир ўқувчи қалбидаadolatsiz даврон ва унинг раҳнамоларига нафрат уйғотмай қолмайди. Қаранг, хаста юракнинг зарблари шунчалар залворсиз, вужудни тўлдириб турган руҳнинг ранглари шунчалар сўнинк. Мана шу сўниклик шоирнинг ўша давр ҳаётидан озина бўлса-да, хабардор кишида давр ҳақида бир қадар тасаввур уйғота олди. Лекин бу ерда давр, сиё-

сат ёвуэлигини фош этувчи сўзлар, иборалар йўқ. Аммо ўша давр сиёсатини билган ўқувчининг Ойбекдек буюк қалбли инсон иродасини букиш, истеъодини сўндириш, маънавий хазинасининг бекиёс бойлиги бўлмиш асарларидан ҳалқни шафқатсизларча бенасиб этишга бўлган уринишларни англаб этиши қийин эмас. Чунки лирик қаҳрамон — шоир тушган руҳий ҳолат шу қадар исёнкор ҳамда шу қадар маъюс ва тушкун бир тарзда ифода этилганки, ана шу қарама-қарши туйфулар курашидан дунёга келган руҳий манзара хаста, мискин, шу билан биргаликдаadolat, ҳақиқат учун кураш туйфусидан, орзу-умидидан ҳали бегона тушмаган инсонга хосдир. Бу ҳаётнинг гирдобларига ҳар доим тушиб, чиқиб турган, қалбида инсоний туйфулари тирик ҳар бир инсоннинг руҳий дунёсига ниҳоятда яқин манзарадир. Шунинг учун ҳам лирик қаҳрамоннинг шеърдаги руҳий ҳолати унинг ўзига руҳан яқин кишилар учун ҳамиша тушунарлидир. Ёхуд Ойбекнинг бошқа бир шеъридаги ушбу мисраларни ўқисак, уннадаги руҳий изтиробнинг кучи ва таъсиридан четда қололмаймиз. Шоир ёзади:

Тош экан бошим,
Ҳеч ёрилмади -
Ёнилди минг тош.⁸⁷

Бу оддий гап эмас, кўп умри курашларда ўтган инсоннинг ҳаётий, фалсафий хулосасидир. Бу ноҳақ отилган тошларга бардош бера олган иродали қалбнинг, қудратли руҳнинг ҳақиқатидир. Зеро, бошга отилган тошларга бардош бериш ҳамманинг ҳам қўлидан келавермайди. Фақат қалбидаги ҳақиқат күёшидан йўлини ёрита билган кишигина бунинг удласидан чиқиши мумкин. Ойбек лирик қаҳрамони буни ҳайқириб айта олди:

⁸⁶ Ойбек. Мукаммал асарлар тўплами. 2-жилд. 239-бет.

Кўнглимда ҳақиқат
Бир он сўнмади
Гўё зўр қуёш!⁸⁸

Ойбек бошқа бир шеърида инсоният босиб ўтган йўлар, ҳаётда рўшнолик кўрмай яшаб кетганлар, тарихнинг аччиқ сабоқлари ҳақидаги хулосаларини ифодалар экан, бу масаланинг лирик қаҳрамон — инсон руҳий ҳолатини қай даражада ўзгартира олишини ва буни ўқувчи руҳиятига худди шундай кўча билишини жуда яхши англәтган ҳолда иш тутади. Аммо бу англаниш билвосита эмас, балки бевосита, шоирнинг руҳий тўлғонишларига фикрий, ақлий теранлигининг уйғуналашуви натижасида юзага келади. Бу эса Ойбекнинг ўз руҳий дунёсидан ўқувчи руҳий дунёси билан ҳамкорлик қиласидан нуқталарини топиб ижод қилганини кўрсатади. Зеро, ҳеч бир одамнинг ҳаётда ноҳақликка дуч келмай яшаши амри маҳоддир. Аммо унга қарши курашда ҳам бир хил йўл танлай олиш жуда қийин. Шунингдек, ҳеч бир инсонни ўз тарихи, аждодлари маънавий мероси, ўтмишида тўклилган қонлар, кўз ёшларнинг сабаблари қизиқтирумай қолмайди. Шу боисдан ўз халқи тарихини ақл кўзи билан кўриб, чин дилдан ҳис қилган инсоннинг — лирик қаҳрамоннинг ҳар бир сўзи ўқувчининг қалб мулкига айдана боради.

Агдarsam тарихни — асрлар қат-қат,
Асрлар ортидан эшитдим нола.
Инсоннинг кўргани зулм ва ҳасрат.
Қўёшнинг нуридан қани бир тола?!
Гар боссам йиғлади тупроқ — Жўржоний —
Ўртанган гулхандан бир кафт кул экан.
Қиличдан қуйилган Улуғбек қони
Юлдузлар кўз ёшига қоришган...⁸⁹

⁸⁸ Ўша жойда.

⁸⁹ Ўша асар. 311-бет.

Бу — хотира шеър. Тарихий хотираси бедор шоиргина бундай шеърларни яратишга мушарраф бўла олади. Шеърнинг лирик қаҳрамони ўтмишга гўё муаррих нигоҳи билан назар ташлайди. Лекин унинг тарихни мушоҳада қилишида ўзига хос бир донолик бор. Шунинг учун унинг эшитган ноласи ва "Инсоннинг кўргани зулм ва ҳасрат", — деган хукм-хуносаси шеърхоннинг фикр-қараашларидаги турғунликка кутилмаган бир таъсир ўтказади. Бу бежиз эмас, албатта. Шеърда Ойбекнинг аждодлар руҳига хаёлан уйғуналашган руҳияти сўзламоқда. Тарихий ҳодисалар замирида даврнинг манзараларини, чеккан машаққатлари, инсон қалбини, руҳини эзиб келаётган адолатсизликлар оқибатини мантиқан умумлаштироқда. Бу теран фалсафа тарихни эмас, балки замон қиёфасини очишга йўналтирилган. Ҳаётнинг олдин оқсан ўзанларини ўзгартириб бориш сабабларини, давр муаммоларини тарих баҳонасида чуқур бадиий таҳдил этишга қаратилган.

Бу даврга келиб, даврон ўзининг бутун моҳияти ва мазмуни билан Ойбекка кафтдаги бир томчи сувдек аниқлик касб этди. Чунки давр ким истеъодоли, ҳақиқатпарвар, руҳан уйғоқ ва халқсевар бўлса, ўзининг қуюқ соясини унинг боши устига тўплаган. Токи, унинг кўзи, қалби, руҳи, тафаккури нурдан маҳрум бўлсин. Токи, у келажакнинг нурсиз бир қиёфада туғилишига ўз ҳиссасини қўшсин. Мана шу ҳақиқатни теран англаган Ойбек лирик қаҳрамони, ўтмиши ва бугунги қунини яхшилашта бехуда сарфланган кучидан қолган бир заррасини келажакни огоҳ этишга йўллагиси келади. Ўзининг ҳорғин, хаста вужудини асраб турган ана шу руҳ жасоратининг манзараларини шундай чизади:

Йўқми бу фалакнинг қирғоги, кети?
Мунча кўп дунёда муаммо, чигал!

Ажойиб қонундир қүёш маҳраки,
Асрлар тутуни қачон бўлғай ҳал?!⁹⁰

Ечилемас жумбоқлар, жавобсиз саволлар ичра қолган лирик қаҳрамон руҳий ҳолати тасвири ўқувчига туганмас сабоқ бўладиган даражада.

Аммо Ойбек лирик қаҳрамонидаги мискин руҳ унга замондош шоирлар шеърияти лирик қаҳрамонида кўринмайди. Масалан, Ойбек ва Уйғун лирик қаҳрамонлари руҳий олами қиёсий буни яхши далиллай олади.

Уйғуннинг урушдан сўнгти шеъриятида юқоридаги фикрларнинг такоридек туюлса-да, яна айтиш керакки, унинг бутун ижодига ҳос бўлган воқеликка кўтаринкилик билан ёндашиш, мадху санога кўпроқ ўрин бериш хусусияти барқарор бўлди. Унинг лирик қаҳрамони доимо баҳт, шодлик, баҳор, гул, булбул билан ҳамнафас, ҳамроҳ яшади. Ҳолбуки, ҳиссиз, дардсиз, руҳсиз вужудларнинг ҳукмронлиғи диёнатли фарзандлар истеъдоди билан гуллаши мумкин бўлган ҳаётда исмсиз жафоларни тургуналаштиришга интилди. Уринишларини мамлакат, ҳалқ равнақи йўлидаги фидойилик деб талқин этишга кўпчиликни осонгина мажбур ётди. Шунинг учун ҳам Уйғун лирик қаҳрамонига гўё ҳаётда ўз мудҳиши изини қолдираётган ноҳақ жафолар кўринмагандай, сезилмагандай.

Шод туғилдим, шод яшайман, гәм,
Забт этолмас қалбимни бир зум.
Дўстлар ҳатто ўлганимда ҳам
Лабларимда қолар табассум.⁹¹

Бу сўзларни айтаётган лирик қаҳрамон гўё Ойбек лирик қаҳрамони яшаган давр ва шароитда эмас,

⁹⁰ Ўша асар. 328-бет.

⁹¹ Уйғун. Танланган асарлар. 3-жилд. 411-бет.

балки бутунлай бошқа дунёда яшагандай туюлади кишига. Кўринадики, ҳар иккала лирик қаҳрамон руҳий дунёси, ҳаётга муносабати бир-бирига қарама-қарши қутбда туради. Зоро, улар битта давр, муҳит, жамият фарзандлари. Аммо уларнинг ҳаётда, адабиётда тутган йўллари бир-бири билан унчалик туташмади. Қарава интилишлари ҳар хиллик касб этди. Бу, албатта, ҳар бир адабнинг истеъдоди, тафаккур олами, дунёқараши, нуқтаи назари, туйфулар дунёсининг даражалари билан боғлиқ ҳодисадир. Шу билан бирга ушбу даражалар кенг маънода олганда адабиётнинг, ҳақиқий ижоднинг ҳаёт билан ҳамнафаслигини, истеъдодли қалбнинг маънавий-руҳий дунёси такомилини ҳам кўрсатади.

Хуллас, шўро сиёсатининг авж нуқтага кўтарилиган даври, яъни 30—50-йиллар ўзбек шеъриятининг босиб ўтган йўллари, унинг ҳаёт ва инсон муаммоларига муносабати, жамият, давр сиёсати таъсирида қолиб кетиш оқибатлари, лирик қаҳрамон нуқтаи назарида воқеликнинг тажассум топиш даражалари, руҳий олами манзаралари ҳақидаги фикрларни якунлайдиган бўлсак, то 60-йилларгача бу манзара рангларий бой ва маънодор бўлолмади. Зоро, 20-йилларда лирик қаҳрамон руҳий олами бутун шеъриядада эмас, балки айрим истеъдодлар — Чўлпон ва Ойбек ижодида ўз бойлигини, гўзаллигини ва қудратини на мойиш эта олди. Лекин бу гўзалликнинг умри узоқча чўзилмади. Даврнинг қудратли сиёсати унинг йўлларини кесиб кўйди. Шу боисдан 30-йилларнинг охирларигача лирик қаҳрамон тамоман сиёсатнинг таъсирида қолди. Шу маънода, ҳатто, инсон руҳий дунёси манзараларини теран акс эттириш иқтидорига эга бўлган Чўлпон ва Ойбек шеърияти ҳам бу даврда бироз камбагаллашиб қолди.

30-йилларнинг охирларига келиб, мамлакатда қатағон даври авжига чиқса-да, лирик қаҳрамон ру-

ҳий дунёсида жонланиш, бедорлик жараёни бошланди. Аммо бу рух үйғоқлиги, унинг гўзаликка ўралган манзараси билан қиёслагандада ўқувчи руҳиятида оғриқли бир ҳолатни вужудга келтиради. Лирик қаҳрамон руҳий дунёсидан даврнинг халқ истеъдолди фарзандлари бошига ағдарган қора кунларнинг ранглари жой ололмади.

Давр ва лирик қаҳрамон муносабати, унинг руҳий дунёси, нуқтаи назари масаласи ҳақида гап кетганда уруш даври шеъриятининг ўзига хос қирралари ҳақида тўхтамасдан бўлмайди. Бу давр лирик қаҳрамони фақат Ватанни босқинчилардан озод қилиш туйғуси билан яшайди. Мана шу туйғу Ойбек, F.Гулом шеърларида маънавий теран, қалбан пок инсон руҳий дунёсининг чуқур манзаралари нинг яралишига сабаб бўлди. Лекин бу хусусият бутун шеъриятда урушдан сўнг унчалик ёрқин кўринмади. Чунки бу давр ҳам лирик қаҳрамон руҳий дунёсини шахсга сифиниш, партияга, пахтага сажда қилиш масаласининг қайта юзага кўтарилиши билан камбағаллаштириди. Шеърият кўпинча масалага инсон қалбини, руҳини четлаб ўтган ҳолда ёндаша бошлади. Бу фикрни бутун шеъриятга нисбатан қўллаш жоиз бўлса-да, аммо Ойбек ижоди бундан мустасно эди. Ойбекнинг лирик қаҳрамони бу даврда ҳам ўзининг руҳан бой инсон тимсоли эканлигини намойиш этди. Унинг руҳида Ватан ва халқ меҳри яшади. Ана шу меҳрли қалб, руҳият даврнинг бешафқат зарбаларидан яраланган оғриқли, дардли манзараларини чиза олди. Ўқувчи қалбига, руҳиятига ўзининг манзараларини айнан кўчириш иқтидорини кўрсата билди. Даврнинг инсон бошига ёғдираётган оғатлари хаста лирик қаҳрамон руҳий оламида ўзининг нурсиз изларини ўйиб қолдирди. Ойбекнинг бу давр шеъриятидаги руҳий манзаралар қанчалик дардчил бўлмасин, улар инсон қалбига

ниҳоятда яқиндир. Руҳиятнинг тиниқ аксига айланган бу асарлар бугунги шеъриятнинг илҳом манбалари дандир Чунки улар соҳта сўз бўёқлари билан эмас, балки инсон қалби, туйғуларининг ранглари орқали чизилган руҳият манзаралари эди.

Шеърият қалбидаги руҳсизлик чуқурлашганда инсонни инсон сифатида тўла тасаввур этолмади. Унинг сувратини чизди, лекин сийратини англашда адашди. Аммо, хайриятки, халқнинг манқуртлик гирдобига тортилиш сабабларини илғашга интилувчан авлод шеъриятга кириб келди. Улар қалбida журъат, руҳиятида исён кўз оча бошлади. Бу авлод давр, унинг бемаврид, фақат бирёқлама эсаётган шамоллари измига тушмай, унга қарши туриш туйғуси билан ёнди. Шу боисдан ҳам улар яратган шеърият лирик қаҳрамонининг қалби, руҳий олами ниҳоятда бой бўлиб, у давр билан руҳан зиддиятга кириша билди.

1.3. РУҲИЙ УЙГОНИШ ТАМОЙИЛИ ВА ШЕЪРИЯТДА ЯНГИЛАНИШ ЖАРАЁНИ

Собиқ иттифоқда 30-йилларда кучга кирган шахсга сифиниш иллатига 50-йилларнинг иккинчи ярми, яъни коммунистик партияниң XX съездидан сўнг барҳам беришга қарор қилинди. Шахсга сифинишнинг даҳшатли оқибатлари, аввало, инсон маънавияти такомилига соя ташлашда кўринди. Натижада, маънавий инқирозга учраган жамиятнинг моддий жиҳатдан емрилиш палласига кирмоғи муқарарлиги ҳаётда ўз исботини топди. Инсон маънавияти тарбияси, такомили билан бевосита алоқадор бўлган адабиёт ва санъатнинг, юқорида кўрганимиздек, кўпинча ўзлигидан чекинган ҳолда зоҳир бўлишида шахсга сифинишнинг "хизматлари", сиёсий талаб ва йўриқлар алоҳида роль ўйнади. Ҳаёт юзидағи парда

кўтарилигач, жамият турмушида яхшиликка бурилиш йўли очилгандай бўлди. Бадиий адабиётда юзага келган ижобий хусусиятлар ҳам очиқ кўзга ташланади. Шеърият бағрига 30-йиллар охири ва уруш даври лирик қаҳрамони маънавиятида пайдо бўлган шуълалар оқими қайтадан кириб келгандай туолди. Яъни лирик қаҳрамоннинг ҳаётга қарашларида, инсон қалби, руҳий оламига муносабатларида тийраклик сезилди. Натижада, шеъриятда лирик қаҳрамон руҳий оламини қайта кашф этиш, бошқача қилиб айтганда, руҳий уйғониш сари қадам кўйилди. Бу ҳодиса 50-йилларнинг охири ва 60-йиллар бошида бадиий адабиётда тириклик сувини ичган асарларнинг пайдо бўлиши билан белгиланди. 60-йилларнинг ўрталаридан бошлаб эса, ўзбек шеърият оқимининг бошқача ўзанлар аҳтараётганилигидан, унинг шиддати ва ички, исёнкор тошқинларидан дарак бера бошлади. Бу ўз навбатида онгдаги қуллик кўникмаларини парчалашга, шеърни тўла маънода инсон қалбига яқинлаштиришга интилишда кўзга ташланади. Бундай ҳаракатлар Э. Воҳидов, А. Орипов, Р. Парфи, О. Матжон сингари бир қатор искеъдодли ёшлиар шеъриятининг хос фазилатига айланди. Чунки уларнинг ижод тажрибасида ташқи воқеликнинг "жилваси" эмас, балки инсон қалбининг энг чукур қатламларидаги туйгу ва сирлар билан қизиқиши устиворлик қила бошлади. Инсоннинг инсонлигини тушуниш, унинг ички олами, руҳий дунёсининг ҳақиқатларини билиш, улкан ижтимоий ва маънавий ҳодисаларнинг моҳияти ва заминини кашф этиш сари интилишларнинг самаралари аста-секин намоён бўлди. Психологик тасвир — моҳият эътибори билан самимий, жозиба куч-куввати юқори, сержило ва ҳис-туйғуларни ҳам сўзлата оладиган тасвир. Бундай тасвирида ўқувчининг кўнглига

таъсир ўтказмайдиган юзаки ва умумий гапларга ҳожат қолмайди. Сўз, фикр, туйғу уйғунликда бир яхлит ҳолат ва мақсадга хизмат эттирилади.

60-йиллардан эътиборан шеъриятда психологик тасвирнинг янги босқичга кўтарила бошланишига Ойбек, Ҳ. Олимжон, У. Носир, F. Гулом тажрибалари билан бир қаторда жаҳон шеърияти анъаналари ҳам самарали таъсир ўтказди. Шу маънода А.Орипов шеърияти адабиётимизда алоҳида мавқега эгадир.

А. Орипов лирик қаҳрамони ниҳоятда фикрчан, куюнчак, туйғулари теран, дардчил, ғамзада, уйғоқ руҳли инсон тимсолидир. Бу хусусиятлар шу давргача бўлган шеърият лирик қаҳрамонида ўзига хос равишида бундай ёрқин кўринмаган эди. Унинг ҳаёт ва инсон муносабатлари ҳақидаги тушунчалари, қарашлари ниҳоятда чуқур. У шунчаки яёма одам шаклидан қалбли, юракли, дард-армонлари, орзу ва умидлари қатланиб кетган руҳли инсон сифатида намоён бўлади. Шоирнинг "Темир одам" шеъри ҳаётдаги темир одамлар — ҳиссиз, ҳаяжонсиз, туйғулари ўлик, руҳи сўнник, дардсиз кимсаларнинг ҳокимлигидан зада қадбнинг манзарасидир. Зоро, бу даврда ҳаётга теранлик билан қараш эмас, балки унинг юза қисмидаги жимиirlab, кўзни олувчи саробсифат ишларга баҳо бериш одат эди. Одамлар қалбига қулоқ солиши эмас, балки "бахт, ютуқлар"дан эсанкираганларнинг ҳангомаларини тинглаш, уларга қўшилиб бақириш услуби устивор эди. Ҳаётнинг тацвишу ғамларидан гапириш, инсон қалбипинг дардли туйғуларига ҳамроз бўлиш, улар ҳақида сўзлаш жиноят билан баробар саналарди. Шунинг учун ҳам А. Орипов лирик қаҳрамони ҳаётда темирдай совуқ, тилсиз, туйғусиз, орзусиз одамларнинг кўпайишига йўл кўймаслик учун курашади. Буларнинг кўпайиши инсоният инқизори эканлигини ҳис қилиб, бонг уради. Уларнинг вужудида ҳам инсоний руҳ уйғо-

ниб, ўз қалбини туоб яшашини истайди. Мана лирик қаҳрамон қалбига темирсифат одамлар етказган озорнинг, руҳиятига солтан изтиробнинг ранглари:

Устоз, қалби йўқдир унинг ҳам, ҳайҳот.
На нафрат, на ишқни танламас у ҳам,
Унинг ҳам кўзида чақнамас ҳаёт,
Мунис боқишиларни англамас у ҳам.
У ҳам тўлғанолмас, инграмас, кулмас,
Йиғлаган гўдакни юпатолмағ ул.
У ҳам ўлдузларнинг ҳидини билмас,
Бағрини тирнамас сўлаётган гул".⁹²

Бў парчада акс этган одам ички қиёфасининг ҳеч бир нуқтаси ўзини жонли инсон деб ҳис қилган кишининг маънавий, руҳий оламига заррача яқинлаша олмайди. Чунки у инсонга хос энг олижаноб туйгулардан маҳрум бўлган, ўзлигини, қалбини йўқотган одам. Бундай одамлар инсоният тарихининг барча босқичларида яшашган, ҳаёт ва инсон, жамият ва шахс муносабатларига ҳамиша раҳна солиб, ижтимоий ҳамда маънавий тараққиёт йўлига тўғаноқ бўлишган. Жамият, тузум, маънавий ва моддий инқизорзларнинг бош айборларидан бўлишган. Улар ҳамиша голиб бўлишмаган, албатта. Бундай шахслар қайси бир маънода фош этилган ҳам. Темир қалбли шахслардан эҳтиёт бўлишга даъватни, айниқса, А. Орипов маҳорат билан айта олган. Чунки шоир шеърда, аввало, руҳ кучига суюнади, унинг қудрати билан жамиятни инқизор сари бошлаётган, маънавий парокандаликка замин тайёрлаётган меҳрсиз, завқи йўқ, ҳиссиз, туйгулари ўлик, руҳий дунёси нурсиз кимсалардан огоҳликка чақиради. Улар етказадиган маънавий зарарни ўлчашга ҳеч қандай тошу тарози топилмай қолини хавфидан кўрқади. Шоирнинг ҳадиги, ҳайқиши бесос чиқмади. Шеър ёзилган-

дан бери ўтгиз йилча вақт орадан ўтиб, ҳалқимиз келажаги темир одамлар қўли билан битилгани ошкора айтиладиган бўлди.

А. Ориповнинг бу шеъри руҳий қашшоқ одамлар ҳақида. Зеро, уларнинг руҳсиз вужуди, ақли, тафаккури қанчалик мукаммал бўлмасин, барибир улар инсон қалбига йўл топиш бахтидан маҳрум, ҳар қандай жамиятда ортиқчалик қилувчи, нокерак шахслар ҳисобланади. А. Орипов ана шу таҳлитда бир жамиятда яшаб, турлича мақсад ва моҳият учун курашган руҳли ва руҳсиз инсонлар дунёқарashi, қалб манзараси ҳамда тафаккур тарзини бадиий кашф этар экан, ана шулар таъсирида лирик қаҳрамон руҳий дунёсида юзага келган жараёнлар рангини қуюқлашибтиришига интилади. Натижада, шоир шеърларида руҳият тасвири теранлашиб, унинг ўқувчи қалбига таъсири тобора кучая боради.

Лирик қаҳрамон руҳий дунёсини теран очиш, шу жараёнда давр руҳининг ҳам қабатларини ёритиши, инсон қисмати ва тақдири ҳақида чуқур мулоҳаза юритиши, ҳаёт қонуниятлари тўғрисида ўйлаш, уни яхшилашнинг маънавий чораларини излаш, инсон қалби сувратининг тиниқ чизгиларини бериш масаласи шоирнинг бош мақсадига айланди. Бу эса шеъриятни юксалтирувчи асосий омил сифатида ниҳоятда зарур эди. А. Ориповнинг ана шу мақсад йўлида яратилган асарларини чинақам бадиий кашфиётлар деса, муболага бўлмайди. Бу кашфиётлар шоирнинг бахти сифатида келажакка етадиган бебаҳо, бетакорр маънавий бойликдир. Мана шу бойликнинг бир зарраси шоирнинг 1964 йилда яратган "Юзма-юз" асаридир. У теран тафаккур ва туйғунинг, меҳр ва эътиқоднинг юксак намунаси, шоирнинг ўз ибораси билан айтганда, "эҳтиёж фарзанди" дир. Асар гояси мәрказида инсон, янада аникроқ қилиб айтганда, ўзбек ҳалқининг қисмати ва тақдири масаласи тураладиган.

⁹² Орипов А. Йиллар армони. Тошкент, 1984. 59-бет.

ди. Бу, аввало, А. Ориповнинг туйғу ва тафаккуроламида инсоният тарихи, бугунни ҳақиқатларни көзтага туфайлидир. Шу боисдан ҳам шоир ана шу нуқтадан туриб, инсоният идеали — "Буюк коммунизм мавзуз" сидан сўз очади. Тарихнинг бағридан, бугуннинг заминидан оқиб чиқувчи — инсоннинг ҳурлик ва фаровонлик учун интилишлари, бу борада чеккан азобандуҳлари, кураш ва адасишилари, турли даврларда юз берган қатағонлар мантиқан ёритиб борилади ва инсоннинг орзулари қурилажак Коммуна асридаги на рёёбга чиқиши айтилади. Аммо бу шоир айтмоқчи бўлган энг асосий, бош гап эмас эди. Ҳўш, шоир шеър орқали айтишни мақсад қилган бош муддао нимадан иборат? Бу муддао, аввало, ўзи киймай ўзгларга кийдирган, ўзи учун "бенасиб таом" пиширган заҳматкаш ва жафокаш ҳалқни ҳимоя этишга даъват ва унга ўзлигини англатишдан иборат эди. Буларни шоир инкор қилиб бўлмайдиган даражадаги поэтик фикрларда баён этади. Зеро, давр бундай ҳақиқатгўйликка ниҳоятда қарши эди. Аммо шоирдаги руҳий қувват ва самимий исён билан ҳисоблашмаслик мумкин ҳам эмасди. Шу боис вужуд ичра исён кўтарган баркамол руҳ шоирни туйғу ва тафаккурнинг юксак нуқталаридан туриб, ҳалқ қисматига доир аччиқ ҳақиқатларни тапиришта имконият яратади.

Бир қараңда А. Ориповнинг инсоният ўтмиши ва ўтиб кетган даҳолар ҳақиқати гаплари аввалдан ҳаммага маълум фикрлардай туолади. Бу ҳақда мунаққид Н. Худойберганов "Чўққилар чорлайди" китобидаги "Камолот" мақолосида фикр юритиб, ўтмишга "мурожаат асар мукаммаллигига салбий таъ-

сири кўрсатганлигини таъкидлайди.⁹³ Аммо "Элга фарзанд инсон элнинг гапин дер" фикрини асарнинг асосий мақсади этиб танлаган ҳолда шоир ўтмиш фонида бугуннинг ҳаққоний манзараларини тиниқ рангларда чиза бориб, ўзининг руҳий жасорати ва бадиий маҳоратидан ўқувчини ҳайратга солиб қўяди. Айни пайтда дунёга пахтаси билан довруғ таратадиганлиги учун олқишиланаётган ҳалқ сохта "шон-шухратлар"га кўмиб ташлананаётган, унинг дарёдай оқаётган "бахти"дан, ниҳоятда фаровон ҳаёт кечираётганлигидан оламга жар солинаётган эди. Нега Абдулла Орипов бу шону-шавкат, бахтиёрликни кўрмади ва англамади? Нега ҳасратидан чант чиқиб, қўкка ўрлади? Аслида бахти, шуҳрати-шони нимадалигини меҳнаткаш ҳалқнинг ўзи билармиди? Асосий масала мана шунда эди. Пахтакор бу "бахт"га заҳар ютиб, оғу ичиб, бор-йўқ бойлиги — соғлигидан кечиб, келажакка берадиган насли-насаби ҳақида ўйламай, алданган ва алданаётганлигини англамай, ҳийлаюнайрангларга ишониб, садоқат билан меҳнат қилиш "эвази"га эрищаётган эди. Давр ва даврон эгалари ўзбек пахтакорини сўзда "Арши аълога" чиқариб қўйган ана шундай бир пайтда А. Орипов уларнинг асл қиёфасини очиб ташлаган ҳолда ҳалқнинг қалби ва онгига ҳақиқат нурини олиб киришга интилди.

Соддадил, покиза кўнгилли ҳалқини юрак-юрагидан севган шоирнинг — лирик қаҳрамоннинг қуидаги фикрлари шу қадар самимий ва сеҳрлидирки, унинг қудратини таърифлаш ниҳоятда мушкул:

Юлдузлар, билмайсиз менинг ҳалқимни,
Бундайин заҳматкаш ер юзида кам.
Елда тиним бордир, унда йўқ тиним,
Шундай ишпарастдир у мунистинам.⁹⁴

⁹³ Қаранг: Худойберганов Н. Чўққилар чорлайди. Тошкент, 1975. 249—250-бетлар.

Мисраларда шоирнинг қалбидан жимгина оқаётган меҳр нурлари тасаввурда жонланиб, ўзининг ниҳоятда ёрқин ва улуғворлигини намоён эта боради. Ахир "элга фарзанд" инсон учун бу ниҳоятда яқин туйғу. Уни қалбида ҳис қилған киши нега халқини бир фарзандчалик севмаслиги, унинг қисмати учун күймаслиги, тақдирiga ачинмаслиги керак?!

Мен уни ўйлайман тун-кеңаларда,
Она халқим, дейман, меҳрим оқар жим.
Кўзимга баъзида кўринса жанда
Кўнглим тўлиб кетар, инграйман, халқим...
Халқим, мозий ўтди, толе кўрмадинг,
Пиширдинг, ўзингта бенасиб тা�ом.
Кийтиздинг бирорвга, ўзинг киймадинг,
Юлдузни кашф этиб ном олдинг: авом!⁹⁵

Шоирнинг халқ ўтмиши ҳақида айтган бу фикрлари ниҳоятда замонавий. Бу ерда миллий рух ва характер маҳорат билан ёритилған. Ўзбек халқига мудом эш бўлган меҳнатсеварлик, камтарлик, камсукумлик, донишмандлик ва бу билан мақтамаслик фазилатлари ниҳоятда ҳаққоний улуғланган. Аслида булар ҳар қандай комил инсонни ёки бутун бир халқни гўзал ва мукаммал кўрсатувчи фазилатлардир. Аммо буни тушуна билмоқлик лаёқати ҳаммага хос бўлавермайди. Балки шу вақтгача халқимизга хос покиза хулқ ва хислатларнинг юзига ҳасад ва худбинликнинг пардалари атайнин тортиб қелинганлиги ёки кир мақсадларга мослаб, бошқача талқин қилинганлиги шунданлар. Шу боисдан ҳам А. Ориповдай она халқини жондан севган фарзанднинг вужуди қалбига тушган алам оташида ёнмаслиги, руҳиятида босилмас исён қўзғалмаслиги мумкин эмас эди. Дарҳақиқат, бу руҳий исён шоирни давр билан юзма-юз қилди. Дарвоқе, биз А. Орипов ушбу асарни яра-

⁹⁵ Ўша жойда.

тишда давр билан юзма-юз туриб, ҳақиқатни ҳимоя этган деймиз.

Аммо 70-йиллар танқидчилигига бу масалага ойдинлик киритилмай қолганда туолади. Таниқли мунаққид Н.Худойбергановнинг юқорида айтилган мақоласидаги "...асарга "Юзма-юз" деб ном берилиши ўзини оқламайдигандай таассурот қолдиради. Нега юзма-юз? Ким билан? Бу муаммолигча қолиб кетган",⁹⁶ — деган фикрларига қўшилиш қийин. Агар 70-йиллар мағкурасидан чекинган ҳолда, ҳаққонийлик нуқтаи назари билан асар ўрганилса, шоирнинг ким билан юзма-юз туриб, кимни ва нимани ҳимоя этганлиги жуда аниқ кўринади. Бироқ, кейинчалик илгари сурилган атоқли мунаққид М. Кўшжоновнинг: "Биз шоирни ҳаёт билан, ундаги ёруғлигу, баъзан кўзга ташланиб турадиган қора дөғлар билан юзма-юз кўрамиз,"⁹⁷ — деган фикри А. Орипов шеърияти таҳлилига бошқача нуқтаи назардан қарашиб зимилигини таъкидлади.

Тарихни орқага қайтариб, унинг нуқсонларини тузатаман дейиш бемаънилиқдир. Аммо бугунни-чи? деган савол эса ҳар бир давр фидойисининг хаёлини банд этиши, табиий. Бу ўша пайтда А. Ориповни ҳам ниҳоятда ўртаган савол бўлган эди. Бугуннинг дардларини даволаши, наҳотки, мумкин бўлмаса, деб қийналди шоир. Ҳарчанд азобланиб, изланмасин барча саволлари бежавоб қолаверди. Хулоса эса демак, бугун ҳам даволаниш давридан ўтган экан, уни соғломлаштирувчи ҳозиқ табиб йўқ тарзида шаклланди. Шоир учун энди нажотни фақат келажакдан умид қилмоқ қолади, холос. Келажак эса бугундан бошланади. Коммуна асрига нажоткор сифатида талпин-

⁹⁶ Худойберганов Н. Чўққилар чорлайди. Тошкент, 1975. 251-бет.

⁹⁷ Қўшжонов М. Онажоним шеърият. Тошкент, 1984. 14-бет.

ган шоир халқининг — мунис онаизорининг шўр пешонаси ўша пайтда нур кўришига умид боғлайди. Ана шу жараёнда лирик қаҳрамон халқининг келажигит пойдевор — бугунги ҳаётининг қатларига сингиб кетади ва чувалган ўйлар гирдобида қолади. Бу ҳаётнинг нурсиз манзараси шоир руҳиятига аста-аста кира бошлайди. Шунда лирик қаҳрамон руҳий дунёси манзаралари ниҳоятда мураккаб бир ҳолатда кўринадики, уни ўзида ифода этаётган сўзлар ўқувчи қалбига ҳам шундай мураккаб туйғулар тўлқинини олиб киради. "Яна ҳисларимга кел, деб ёлбордим" мисрасининг ўзи бундан кейин давом этажак фикрнинг моҳиятини, намоён бўлажак руҳнинг ҳолатини англатиб қўяди. Шоир хаёлот оламида "танҳо тентирав" экан, унинг кўз олдидан "Миллион эгатларга сочилган ўзбек" тақдири ҳеч қаёққа силжимайди. Ана шунда исёнкор руҳнинг қудрати тасаввур қилинганидан ҳам кучлироқ кашфини топа боради. Тилида "шўх қўшиқни янгратиб", дилида йиглаётган инсоннинг ички дунёси манзараси ўқувчини янада қаттикроқ ўзига боғлаб ташлайди:

Гарчанд пахтазорга боқаман мен ҳам
Ва лекин дилимда ташвиш бор менинг.
Майлига, шўх қўшиқ янграсин тилда,
Рангпар сингилгинам, ўйлайман сени.
Кузги райҳондайин маъюс ўсдинг сен,
Табиат бермади билагинта куч.
Ўзингдай одамга қаллиқ тушдинг сен,
На соғлиқ, на ёрдан ялчимадинг ҳеч.⁹⁸

Пахтакорнинг "бахтли ҳаётини" куйлаш расм бўйлан замонда шоирнинг пахтазорга ташвиш билан боқиши даврон соҳиблари учун ниҳоятда бегона ва кутгилмаган ҳодиса эди. Дарвоқе, ҳеч нарсадан ялчимаган халқнинг — сингиллар рангининг сўлғин, ру-

ҳининг синиқлиги — бу уларнинг умр мазмунини, манзарасини тўла очиб ташлайдиган ташбеҳлардир:

Мен сени ўйласам синглим — рангпарим,
Гоҳо тўлғонаман сўзсиз ҳасратда.
Сен унда тер тўксанг, синглим жигарим,
Мен нечун юраман ахир ишратда?⁹⁹

Бу мисраларда лирик қаҳрамон руҳининг ташқи олам билан мулоқоти ва ички қарама-қаршиликлар гирдобида азобланиш манзаралари акс этган. Ана шу руҳ изтироби, исёни аста-секин кўзлари боғланган ўқувчининг қалбига кўчади. Натижада, кўз ҳам, қалб ҳам лирик қаҳрамон руҳининг исёнидан учқун ола бошлайди. Хаёл ва ҳаётнинг бошқа-бошқа эканлигига ишонади. Бирдан унинг кўз олдидан офтобнинг "заррин нурлари остида" меҳнат "завқини, гаштини сурис" ишлайтган дэҳқон эмас, балки қуёшнинг беаёв жазирасида шўрлаган пешонасидан тер тўкиб, оғир меҳнатдан вужуди қақшаган, руҳи чўккан жабрдийда инсон гавдаланади. Сочини бошига чамбарак қилиб, шўх қўшиқлар куйлаб, басма-басига "оқ-олтин" тераётган қувноқ, юзлари нақш олмадек тарам-тарам қизлар эмас, балки "кузги райҳондай маъюс", нимжон опа-сингиллар, оналар пайдо бўлади. Хаёллари тўзиган, ҳаёт ҳақиқатини англаған ўқувчи кўз олдида ўзининг — халқининг кундалиқ яшаш тарзи бор бўйича, намоён бўлади. Ана шунда ўзлигидан чекинтирилган, манкуртга айлантирилаётган, кўникувчан, қисматга қул, нажот етмаса миллат сифатида инқирозга маҳкум халқ тақдири уни ташвишли ўйлар гирдобига тортади:

Йўқ, рангпар бўлмасин ҳеч ким ҳам, йўқ, йўқ!
Сингиллар полvonдай юрсинлар бардам

⁹⁸ Орипов А. Йиллар армони. 79-бет.

⁹⁹ Ўша жойда.

Ва лекин табиат бермайди хуқуқ
 Полвон деб уларни унутмоқса ҳам...
 Сенинг қаторингда она ҳалқ бордир:
 Сен каби меҳнаткаш, сен каби суюк.
 Унинг ташвишини унутмоқ ордир,
 Уни унуганлар — тўнкадир, куюк.¹⁰⁰

деган ҳайқириқдан титраган қалб ўзини йўқотмасликка ҳаракат қиласди. Қандай қилса, ҳалқининг дардларига малҳам бўлиб, унинг кўнглини кўтара олиши мумкинлигини ўйлади. Она ҳалқини бошига кўтаргиси, уни фурбатлардан ҳалос қилгиси келади. Аммо қаёққа қараса, темирлар... кўндаланг ва типпа-тиқ турган темирлар. Шоир "Темир одам" шеърида инсоният учун катта хавф деб таърифлаган, шулардан огоҳ бўлишга чақирган темир қалбли одамлар кўзларини, йўлларини, ҳатто, ўйлари ва туйгуларини тўсаётгандай бўлади. Ана шундагина ўқувчи шоирнинг "Гоҳо тўлғонаман сўзсиз ҳасратда" деган мисраси моҳиятини тўла тушунади. Булардан кўринадики, шоир руҳий дунёси ниҳоятда кенг ва ниҳоятда бой, ҳамиша уйғоқ. Унинг ташқи оламдан таъシリланиши шу қадар кучли ва одамларга ўтказадиган таъсири, берадиган озифи ҳам шунчалар бекиёс. Лекин шоирнинг фикрлари яна бориб, "Коммуна асри"га тақалаверганидан бошқа мулоҳаза, яъни шоир лирик қаҳрамони шу борища давр деворларини бузганича орқага қарамай кета олармикан, деган мазмунда пайдо бўлади. Ана шунда юксак руҳли, исёнкор қалбли шоир Чўлпоннинг "Муҳит кучлик экан эгдим бўйнимни" мисраси хаёлга келади. Аммо масаланинг яна бир томони борки, бу ўқувчини ҳар қандай иккиланишлардан ҳалос қиласди. Биламизки, 60-йилларда коммунистик жамият қурилишига ҳеч ким шак-шубҳа билдираган ва ундан

¹⁰⁰ Ўша жойда.

туйғу ҳаммага бирдек бегона бўлган. Шунинг учун ҳам бугун саробга айланган коммунистик жамият қуриш орзуси ўша даврда ҳамма қатори А. Орипов учун рўёбга чиқадиган ҳақиқат эди, "Дедим: Коммунадан баҳт топар дунё" сўзлари шоир умидининг ниҳоятда улуғворлигини кўрсатади. Чунки шоир рўшиноликни бутундан кутиш умиди пучлигини англайди ва яхши қунлар келажакда жамол очишига умид қиласди.

Айни пайтда лирик қаҳрамон ҳалқ келажаги йўлида "авлод"дан — замондошлиридан мадад излайди. Аммо шоирнинг бундай истаги кўпинча саробга айланади:

Худбин тенгдошимга қарайман ғамгин,
 Кўлмак давра кўрсан эзилар кўнглим.
 Ҳалқим келажагинг ўшалармикин
 Ҳалқим шундайларга қолмасин кунинг.¹⁰¹

Бу авлодидан нажот истаб талпинган руҳнинг ёнғин тушган ҳолати. Унинг қанотларини бепарво, лоқайд, фақатгина руҳсиз вужуд билан яшаётган, фуурсиз авлод — тенгдошлар қайириб ташлаяпти. Ноумидлик гирдобига тушган лирик қаҳрамон маъюс руҳи билан сұхбатга киришиб, ўзини нўноқ ва ношудликда, ожизликда айблайди. Аммо ана шу айбловлар сўнгидаги камсуқумлик билан айтилган:

Фақат бир нарсани яширмас қалбим:
 Менинг юрагимда бордир Мұҳаббат!
 Сени, она ҳалқим, севаман жондан,
 Сенинг ташвишингни ташвиш им дейман.
 Нима қилолардим? Фойдам кам гарчанд,
 Бироқ мен ўзимча ғамингни ейман.¹⁰²

¹⁰¹ Ўша асар. 80-бет.

¹⁰² Ўша жойда.

сўзлари лирик қаҳрамоннинг нақадар маънавий камолотга, руҳий қудратга эга инсон тимсоли эканлигини кўрсатади. Туйгулари кўлмак авлод билан бирга яшаса-да, аммо халқига нисбатан улкан муҳаббатини асрай олган инсон ҳамма даврларда ҳам улуғларнинг улуғи саналган. Унинг руҳий камолоти олдида замонлар ҳамиша бош этган.

А. Орипов лирик қаҳрамони халқига муҳаббатини кўксига муштлаб, баланд минбарлардан туриб, бақириб айтаётгани йўқ. У қалбидаги буюк туйғуни шундай фарибона, мискин бир ётарзда айтадики, бу ҳолат ўқувчини ўз қалбини тоғ қилиб, лирик қаҳрамонни ана шу тоғ чўққисига чиқариб, унга бош эгиш туйғусига асир этади. Негаки, шоирнинг мунгли ва мунис изҳори халқига нисбатан эъзоз ва эътибори баланд, фурур ва номуси уйғоқ ҳар бир қалбга чақин сола билади.

Ҳокисорлик — А. Орипов лирик қаҳрамонининг бош фазилати. Шунинг учун ҳам "Юзма-юз" асари нинг лирик қаҳрамони туйғулари, руҳий изтиро́бларини ўзиникига айлантира билмайдиган ўқувчи топилмаса керак. Зоро, эзгулик асар лирик қаҳрамонининг шиори. Шоирнинг: "Она халқ бахти деб ҳар вақт, ҳар қачон, Истайман, бир сафда турса одамлар", - деган эзгу умиднинг этагидан ушлагани бејиз эмас. Шунинг учун ҳам А. Орипов лирик қаҳрамониadolat, ҳақиқат учун ҳамиша разолат билан юзма-юз туришдан қўрқмади. Унинг "Майлига со-зимни севмас давралар" мисраси мағрур жаранглади. Замондошларини яхши кунлар ҳимоясига чақириб: "Мен сизни кутаман, ушбу шеърим ҳам ўшанда этади ниҳоясига!", — дейди. Демак, бу шоир қалби ҳамиша бедор ва йўлда эканлигига, ўзининг давр билан юзма-юз туриши умрининг охиригача давом этишига ишора эди. Зоро, шоирнинг фақат "Юзма-юз" асарида эмас, балки бутун ижодида ҳақиқат учун

ёниб яшашдан, курашишдан қайтмаганлиги, юрагини халқ муҳаббати, вужудини исёнкор руҳ тарк этмаганлиги кўриниб туради.

А. Орипов "Юзма-юз"да руҳий таҳлилнинг энг юқори нуқталарига кўтарилди. Лирик қаҳрамон ўз руҳиятининг тадқиқотчисига айланади. Ҳар бир фикрини руҳ кўзгусида кўради. Руҳ юксаклигидан туриб, у хоҳ тушкун бўлсин, хоҳи кўтаринки, ҳаёт ҳақиқатини баён қиласди. Айтиш мумкинки, шоирнинг ушбу асарида шеъриятга хос психологизм — руҳият тасвири тўла намоён бўлади. Чунки унинг ҳар бир мисрасида ёрқин руҳ сувратланади. Ҳислар-ҳаяжонлар, туйғулар тўлқини ҳар бир сўз бағрини ёритиб туради. Ундаги маъно юкларини янада кучайтиради. "Кўзимга баъзида кўринса жанд; Кўнглим тўлиб кетар, инграйман, халқим..." мисраларидаги ярадор руҳ манзараси ниҳоятда азобли, оғриқли туйғуларга қалбни ошно этади. Кейинги мисрадаги ҳар бир сўз инсон руҳининг кўз ёшлиридек туолади. Зоро, "инграйман халқим..." сўзлари орқасида турган бутун бир халқ ўтмишини ва бутунини кўриш, англаш туйғусини кўксига нажотга зор ўтаетган қисматлар учун йиглаётган руҳнинг ёшлари озиқлантириб туради. Шеърда тарих ва замон воқеа-ҳодисалари, келажак ҳақидаги ўйлар шунчаки баён қилинмайди. Аксинча, улар ҳақида айтилган ҳар бир сўзда бир олам дард, алам, шу билан бирга умид туйғула-ри мужассам. Шунинг учун ҳам шеър лирик қаҳрамонини уйғоқ руҳ сиймоси дедик.

"Юзма-юз" А. Ориповнинг она халққа меҳрининг ўчмас ёдгори сифатида қадрли асардир. Унда инсон шаънига фақат Мехр отлиғ буюк туйғу жаранглайди. Аммо ҳаёт — зиддиятлар макони бўлган ҳилқатда шоирнинг меҳр уммонини чайқатадиган кучлар йўқ эмас эди. Шоир уларни ҳам халқим деб суйган, ардоқланган. Лекин халқ тўнини ёпинган кимсалар ҳеч қачон меҳрга меҳр билан жавоб қайтаришмаган. Ана шулар

халқини севган ва севилган фарзандининг йўллари-ни тўсишга, униб-ўстирмасликка, истеъдодини бўғишга уринувчилар бўлди. Бу эса маълум муддат шоирни, нафақат шоирни, балки унинг бошига тушган кулфатдай оғир азобни кўтариб яшашга мажбур бўлган ҳар кимни ҳам тушкунлик ботқоғига судраб, руҳиятига маъюслик олиб кириши аниқ. Шунинг учун ҳам А. Орипов ижодида тушкун руҳ манзараларини ниҳоятда маҳорат билан чизган шеърлар дунёга келиб қолди. Улар — соф психологик асарлар. Уларда лирик қаҳрамон қалби, руҳиятидағи ҳар бир қўзгалиш мисраларга муҳр этилган. А. Ориповнинг "Ўйларим" шеъри худди ана шу заминда бино бўлган. Шеър — маҳзун руҳ манзараси. Дўстларидан, инсон деб эъзозлаган яқинларидан зарба олган шоир қалби, руҳиятининг ранглари шеърда тўла мужассам. Қалбда бош кўтарган ҳис ва туйғуларнинг бўрони сўзларни титратади. Халқини севган, унинг қалбини, дардларини англаган дардлош фарзанднинг замон нокаслари отган тощдан яраланган туйғулари, руҳ куши ўқувчи қалбига ҳам мунг олиб киради. Ана шунда наҳотқи, покиза туйғулар булоғига ҳеч ким талшинмаса, меҳр, самимиятга ҳеч ким ташна бўлмаса, қандай замонда яшаяпмиз ахир, юрагимиз қани, бизни ташлаб кетдими, наҳот?.. деган ўйлар ҳар бир инсоний қадрият нималигини англаган қалбга ларза солиши ҳақиқат. Айни пайтда бу қалб шоир лирик қаҳрамони ҳолатидан чиқиб кетолмай қолади:

Олти ойким, шеър ёзмайман, юрагим зада,
Ниманидир ахтараман — шеърдан ҳам улуг,
Ниманидир ахтарман — нондан азизорқ,
Дунё ўзи бепоён-ку, рангларга тўлуг,
Бироқ менинг кўзларимдан ранглар ҳам йироқ.
Инжик руҳим май истайди гоҳи-гоҳида,
Фақат унинг оғушида топаман ором.¹⁰³

¹⁰³ Ўша асар. 129-бет.

А. Ориповнинг "Юзма-юз", "Ўзбекистон", "Ўзбекистонда куз" ва шунга ўхшаган шеърларида жон қадар эъзозланган инсон — ҳалқ сиймоси бошқа бир қатор шеърларида бир мунча сурурсиз кўринадики, бу албатта, шоир "инжик руҳи"нинг маҳсули. Шоир руҳининг "инжик" ҳолати, юқорида айтилганидай, бутун ҳалқ эмас, балки меҳр-мурувватсиз, бевафо, қалби ва руҳи тош қотганлар хатти-ҳарақати туфайлидир. Инсоният жамияти пайдо бўлибдики, улар яшайди. Ахир Навоийдек даҳо руҳини:

Меҳр кўп кўргуздим, аммо, меҳрибоне топмадим,
Жон басе, қилдим фидо оромижоне топмадим

дея йиглатганлар ҳам шулар бўлишган.

А. Орипов қалбини кемираётган, вужудини оловга отаётган, руҳининг қанотларини қайириб ташлаётган ўйларини қофозга туширар экан: "Кўз олдимда шу қадарли пок эди одам, Гёё нурдан яралганди инсон деган зот", — дейди. Ҳаётда эса шоирнинг ишончини оқламай қоладиган ҳолатлар кўп эди. Шоир "Юзма-юз"да айтганидек, "кўлмак давралар"-ни ҳосил қилувчи "худбин замондош" йўқ эмас эди. А. Орипов улардан огоҳ бўлишга даъват этган. Мана шундайлар туфайли шоирнинг меҳри Ватанга чексизлик касб этса-да, уни ҳеч қандай куч барбод қила олмаслигига ишонса-да, аммо бутун инсонга — ҳалқ-қа бўлган меҳрининг парчаланиб бораётганлиги ала-мидан куйиниб, дунёга сифмай кетаётганлигидан сўзлади. Халқининг бирлаша олмаётганлигига мақсадлар, фикрлар бир хиллиги, умуман ягона эътиқоднинг йўқлиги сабаб бўлаётганлигига ишонч ҳосил қиласди.

Кўз олдимда событ турар фақат шу Ватан,
Кулбаси ҳам кенглик қадар чулғайди мени.
Туйғуларим фақаттина унга берар тан,
Юртим, мен ҳам умрим қадар севгайман сени...

Таъна қилмай ахир севгим мукофотини
Инсон учун минг оташда куяр эдим мен...
Мен инсонни бир инсондай севарадим, лекин
Нечун кўпдир ҳалитача разил одамлар...
Кўзларимга гоҳ кўринар телба мисоли
Мен бир вақтлар сажда қилган ҳазрати инсон.¹⁰⁴

дейди шоир "ўйларим" шеърида. Шеърда ҳаёт ҳақиқати акс этган. Дарҳақиқат, лирик қаҳрамоннинг ихлоси ва ишончини оқламаганлар, биргина унинг эмас, балки бутун бир ҳалқнинг ҳаётини издан чиқариш хавфини туғдираётган эди. Чунки улар учун ҳалқ ҳам, юрт ҳам, унинг келажаги — иқтидорли фарзандлари ҳам ҳеч нарса эмас. Шунинг учун ҳам шоирнинг тутқин руҳи илоҳиётга сифинади. Ахир, у одамларни севиб, ишониб нимага эришди?! Зоро, инсон фарзанди гўдаклик тасаввурода буюк Ишонч туйғусини маҳкам сақлайди. Шу боисдан шоир гўдакнинг вужудига шундай руҳни ато этган илоҳий кудратта:

Гар бор бўлсанг жавоб бер, эй илоҳий құдрат,
Наҳот гўдак ишончини ёзисан қорга?!¹⁰⁵

деган мурожаати замирига жуда катта бир ижтимоий маънени мужассам этадики, ундаги мантиқ ва моҳият ниҳоятда теран.

Дарвоқе, гўдак ишончи — ниҳоятда покиза. У қиёс этилаётган қор ҳам шунчалар тоза, беғубор. Булар орасида шундай бир нафис ботиний ва зоҳирий ўҳшашлик мавжудки, уни шоир ниҳоятда усталик билан илғайди ва бадиий тасвири этади. Лекин А.Орипов бу боғланиш замиридаги улкан бир ажralишни ҳам топиб айтадики, унинг моҳиятида инсон қонидага сақланиб қолган қабоҳат, разолатта қўл бериш туйғусининг мазмуни мужассам. Зоро, қор оқлиги

ва поклигича сақланиб туролмайди. Унинг кирланиши ва эриб кетиши, табиий. Шоир қорнинг мана шу ҳолатидан алданган, ишончи қорга ёзилган гўдак — инсоннинг аччиқ қисматининг, руҳий инқизорозининг мантиқий асосларини топади. Шеър дунёга келган давр қиёфаси очиладиган бўлса, унга усти ялтироқлик ва ичи қалтироқлик жуда хос эди. Аммо, ўз вақтида уни бундай сифатлаш, асло мумкин бўлмаган. Сиёсатнинг темир панжалари анча бақувват бўлиб, А.Ориповдек истеъдодларнинг қудратли руҳини кишланлаб ташлашга қодир эди.

Олти ойким, руҳим шундай учмиш танадан,
Олти ойким, мени хаёл эзар беомон,
Олти ойким, аллакимлар пана-панадан,
Тош отади дарвозасиз қалбимга томон.¹⁰⁶

деб куйинган лирик қаҳрамон ўзини шеър ниҳоясида кўзда ёши билан кулишга зўрлайди. Ҳар бир уй дарвозасиз бўлмаганидек, инсон қалбининг ҳам "дарвозасиз", яъни эгасиз яшаш мумкин эмас. Қалб шахсга тааллуқли экан, шахс мавжуд бўлса, қалб ҳам тирик, эгалик ва "дарвозали" бўлади. Аммо шоир "дарвозасиз қалб" ҳақида гапиргандা, ўз иродаси измидан чиқсан руҳ ҳақида фикрлайти. Демак, лирик қаҳрамон қалби ҳиссиз, туйғусиз, руҳияти нурсиз. Ҳаяжонсиз, туйғусиз қалб, руҳсиз вужуд — инсонга мансуб эмас. Хулоса шуки, А. Орипов лирик қаҳрамони умидсизлик, тушкунлик ва чорасизлик гирдобида, нажотга муҳтоҷ. Муҳтоҷлик уни ҳаётнинг турфа ўйинларига, эркин бўлолмаган руҳини ҳаёт қафасларига кўниктиришишга мажбур қиласди:

Не тонг, ахир фарзандмиз-ку шу замонага,
Ахир она сийнасидан фарзанд тонолмас.

¹⁰⁴ Ўша асар, 131-бет.

¹⁰⁵ Ўша жойда.

Кўл кўтариб бўлармиди ахир онага,
Зотан, унга кўл кўтарган — фарзанд саналмас.¹⁰⁷

дэя ҳоргин руҳи, бенаво қолаёзган қалбини "кувноқ қўшиқлар" куйлаш учун чоғлашга ҳаракат қиласди. Олдин одамлардан алданганлигидан дард чеккан шоир, энди қалбини, руҳини ўзи алдаш учун ўзидан маънавий куч ахтаради. Лекин шоир лирик қаҳрамони руҳи ҳар қандай алдовлардан устун келувчи руҳ эди.

Агар шеър — руҳ маҳсули, руҳий дунё манзараси сифатида тадқиқ этиладиган бўлса, шоир бу шеърида ҳам психологик тасвирнинг мукаммал намунасини яратган. Чунки лирик қаҳрамон ўз-ўзини, ҳаётини таҳлил этиш жараённида ижтимоий, маънавий ҳаёт манзараларини ҳам маҳорат билан ёритади. Ана шу жараёнда руҳининг қабатларини бирма-бир оча борадики, натижада шеър билан, ундаги руҳ билан мулоқотга киришган ўқувчининг ҳаётни, одамларни билиш, ўрганиш иқтидорида терәнланув жараёни бошланади. Унинг дунёга қарапи, воқеликка муносабатида муҳим ўзгаришлар содир бўлади. Дунёни таниши, билиши чуқурлашади. Энг асосийси, ўқувчидаги ҳам руҳий бедорлик пайдо бўлади, борлиқни руҳият элагидан ўтказишга интилиш ҳусусияти шаклланади. Ҳаётта, одамларга шунчаки эмас, **балки улардаги ички имкониятларниң қиррадорлигини анлаб**, муносабатда бўлиш туйгуси тарбия топа боради. А.Ориповнинг бундай маҳзун руҳли шеърлари ўқувчининг замонадан меҳрини совитади, келажақдан умидини уздиради дегувчилар, шоир чайқалган қалбини янада кучлироқ чайқатишга, ҳориган руҳини янада ҳолдан тойдирив ташлашга уринувчилар, фаразгўй кимсалар кам эмас эди. Ҳаёт

учун ҳам, инсоният учун ҳам бундай одамлар "фалсафаси"нинг заминсиз жойда пайдо бўлганлигини ва унинг пучлигини англаш эса осондир. Ҳаётни, инсон қалбини, руҳини чуқур тушуна билиш иқтидоридан маҳрум кимсалар кўзига А.Орипов шеърияти босиб келаётган "бало"дай туюлганлиги шундан. Зоро, А.Ориповнинг "Ўйларим" шеъридаги теран маъно, мантиқ ҳеч бир уйғоқ руҳли инсонга бегона ўйлар эмас эди.

Шоир руҳият, кайфият одами деб бежиз айтилмайди. Зоро, бу таъриф унинг инсон сифатида ҳаётдаги ўрнини, шоир тарзидаги адабиётдаги мавқеини, ундаги руҳий барқамоллик қудратини белгилайди. Шоирдаги руҳий тушкунлик қалбини тўлқинлантирадиган бирон-бир кичик ҳодиса туфайли ўша заҳотиёқ, руҳий кўтарикилик билан алмашиниши мумкин. Лекин бу алмашинув мутлақ бўлолмайди. Гўзаллик олдида инсон, айниқса, шоир ўзлигини унтиб, унинг бир бўлагига айланиб қолиши ёки унинг нафосати оламида бир зум бўлса-да, эриб, йўқолиб кетиши мумкин. Ана шу лаҳзада шоир руҳиятидаги ҳар қандай тушкунлик ўз маъносини йўқотади. А.Ориповнинг "Гўзаллик" шеъри лирик қаҳрамонида мана шу ҳолатни жуда аниқ кузатиш мумкин. Лирик қаҳрамон руҳий ҳолати манзараларига эътибор беринг:

Кузнинг рутубатли оқшоми эди,
Боғлар сокишигина чекар эди оҳ.
Руҳимда бир хазон айёми эди,
Ажиб гўзалликка дуч келдим ногоҳ.¹⁰⁸

Хўш, лирик қаҳрамон руҳини "хазон айёми"дан олиб чиқсан, қандай қудрат экан? Сўзсиз, у "ажиб гўзалликдир". У лирик қаҳрамон руҳини мунгли айём

¹⁰⁷ Ўша тўплам. 132-бет.

¹⁰⁸ Ўша тўплам. 172-бет.

бағридан бир зумга бўлса-да, тортиб олди. Ана шунда "хазон айёми"да жунжикиб, ўзини озод тутолмаган руҳият бирдан юксакликнинг аршига чиқиб кетади. Унинг кўз олдида гўё баҳор гул ёзди, юрагидаги ғам-алам чекиниб, ўрнини қувонч, шодлик туйғулари тўлдиради. Лирик қаҳрамоннинг Гўзаллик ҳузурида бандига айланган руҳи вужудни "самовий ҳислар" оғушига тортади. Демак, ҳаёт гирдобрарида ожизланган инсонни, унинг руҳиятини изтироблар гирдобидан гўзалликкина қутқаришта қодир. Кўринадики, дардли туйғулардан эзилдан қалбни гўзалик ҳаётга қайтара олди, унинг руҳига тириклик сувини ичирди. Хулоса шуки, инсон — шоир юксак ва озод руҳ билан тирик. Инсон руҳий дунёси шу қадар мураккаб ва ранг-барангки, уни бир хил қолипларга солиб, бир хил ўлчовларга сифдириб бўлмайди. Унинг сири-синоатини ўрганишга инсоннинг билими ҳам, кучи ҳам етмаслиги ҳақиқат. Абдулла Ориповнинг "Паҳлавон Маҳмуд мақбараси қошида" шеърида "Самовий ҳисларга тўлганда руҳим...", — деган мисра бор. Абдулла Ориповни кўп шоирлардан ажратиб турувчи ва шеърларининг сеҳр-жозибасини таъминловчи асосий хусусият ҳам аслида ана шу — руҳониятида самовий ҳисларнинг мавжудлигидир. Зоро, ҳақиқий шоир нечоғлик замин фарзанди бўлса, ҳунчалик само одами ҳамdir. Шунинг учун Машраб "Руҳи жоним аршига етди, мен ўзим оғмониман", — деган. Шу учун Абдулла Орипов руҳига мурожаат этиб: "Юксак фазоларга чарх ургил мудом", — дейди. Руҳ эҳтиёжидан туғилган шеърнинг мусиқаси ҳам, ранг ва манзаралари ҳам бошқача бўлади. Абдулла Ориповнинг "Баҳор кунларида кузнинг ҳавоси" сатри билан бошланадиган шеъри худди шу маънода дикқатга молик:

Баҳор кунларида кузнинг ҳавоси,
Танимни жунжитар оқшомти шамол.

Нега мунча ғамгин найнинг навоси,
Нега қалбим тўла ўқинч ва малол?¹⁰⁹

Лирик қаҳрамоннинг бу ҳолати ниҳоятда сирли. Бу шеър ўсмирликда қариган одамнинг қисматини эслатади. Чиндан ҳам "Баҳор кунларида кузнинг ҳавоси" сатри ғалати бир эслатма характерига эга. Лекин шеър ташқи борлиқ кўзгусида ўзлигини ҳаққоний идрок этган инсон қалби ва руҳи тасвирига бағишлиланган. Бу шеър Абдулла Ориповнинг Ватан ҳақидаги энг яхши шеърларидан биридир:

Атрофимда ётар ғарib бир виқор,
Билмам, нега ўчди қалбим сафоси.
Нима ҳам қилардим, на иложим бор,
Баҳор кунларида кузнинг ҳавоси.¹¹⁰

Ҳамма сир ана шу "Атрофимда ётар ғарib виқор"-да. Агар шоир шу "ғарib виқор"ни билмаган ва кўрмаганида қалб сафосидан ажралиш ҳақида ҳам сўзламасди.

Юқорида А. Ориповнинг 60-йиллар ижодига мансуб бир неча шеъри ҳақида фикр билдиридик, халос. Зоро, шоирнинг бу давр шеъриятида лирик қаҳрамон руҳий дунёси жуда теран очилган. Бу теранлик шеърларни руҳият тасвири муаммоси нуқтаи назаридан таҳлил этиш учун ниҳоятда бой манба. Ағусски, мавзу доирасида фикр юритишга мажбурмиз. Зоро, А. Орипов шеърияти жуда катта ва теран тадқиқотни талаб қилувчи адабий бойлийдир.

Кўрганимиз шеърларда ижтимоий, маънавий ҳаёт муаммолари жуда бой руҳиятнинг таҳлилидан ўтган. Аммо шеърлар лирик қаҳрамони руҳий ҳолати даражалари бир-биридан жуда катта фарқланишга эга. Бир қарашда улар бир-бирини инкор қиладигандай ҳам туюлади. Аслида эса улар бир шоир қаламига мансуб.

¹⁰⁹ Ўша асар. 173-бет.

¹¹⁰ Ўша жойда.

60-йиллар шеъриятидаги руҳий уйғониш, лирик қаҳрамон оламининг қайта кашф этилиши — руҳий дунё тасвирининг чуқурлашувини Р. Парфи ижоди мисолида ҳам жуда яхши таҳлил этиш мумкин. Р. Парфи шеъриятида лирик қаҳрамон руҳий дунёси ранглари бир қараңда дарров кўзга ташланавермайди. Руҳнинг сирли товланишларини англаш, сўзлардаги маъно қирраларини тушуниш учун ўқувчи кўпроқ ўйлашга, шеърдаги руҳий тасвирининг маънавий, ижтимоий илдизларини ахтаришга мажбур бўлади. Чунки шоир асл мақсадиин пардалаб, рамзий тимсолларга ўраб, ўқувчи фикрига ҳавола қилишга интилади. Масалан, шоирнинг қуйидаги мисраларини олиб қарайлик:

Она менинг ҳақим кўп
Мозийдан, ҳозирдан ва келгусидан
Она менинг ҳақим кўп
Айниқса ўзимдан.¹¹¹

Шеър дунёга келган пайтда шахсга сифиниш фойи этилиб, гёё унинг иллатлари ҳаётдан суриб чиқарилган дейилса ҳам, аслида ўша иллатнинг бошқача кўринишилари жамиятни қамраб олаётган, миллатлар равнақига қўйилаётган тўсиқларнинг янги турлари яратилаётган эди. Бошқача қилиб айтганда, тарих юзига янгича "услуб"да қора ранглар чадланган, бутун эса ниҳоятда усталик билан пардозланган, келажакнинг эса "порлоқ" эканлигидан башорат бериллаётган эди. Шоирнинг эса бунга ишончи йўқ. Ундаги уйғоқ ва зийрак руҳ бунинг ҳақиқатдан ниҳоятда узоқлигини англайди, ҳис қиласи. Шунинг учун ҳам у инсониятнинг замонларда ҳақи бисёрлигини айтади. Ана шу ҳақиқат лирик қаҳрамон вужудини куйдирувчи руҳий исёнга айланган. Шу босидан у:

¹¹¹ Парфи Р. Қайтиш. Тошкент, 1981. 43-бет.

Биринчи — ёнишлар
Иккинчи — ёнишлар
Учинчи
Йўл эса узун
Оҳ узун...¹¹²

дейди. Лирик қаҳрамон ҳақиқат учун курашларда руҳнинг босқичма-босқич ёнишларининг ниҳояси кўринмай, мақсадга этиш орзуси мавҳумлашаётганлигига, "Йўл эса узун" дейиши билан озодлик истаган ана шу руҳнинг қафасдан қутулиши мушкулигига ишора қиласи. "Она менинг ҳақим кўп Куёшдан, Гуллардан ва сендан" мисраларида лирик қаҳрамоннинг тутқун руҳияти манзараси янада равшанлик касб этади. У вужуд зиндонига қамалган, "куёшдан — ҳурликдан", нурдан маҳрум. У ҳаётдан, гул ва гўзалликдан баҳра ололмайди. Озод бўлиб, фарзанд сифатида меҳр бергани — она заминига эркалик қилиб, ўз истагича унинг бағрида яйраб юролмайди. Хуллас, "муҳит кучлик" (Чўлсон) эканлигига лирик қаҳрамоннинг имони комил. Р. Парфининг шеърида А. Орипов "Юзма-юз"ида зоҳир бўлган исёнкор руҳ бор. У ҳам А. Ориповдек халқини, Ватанини севади. Аммо бу туйгу шеърда очиқ намоён бўлмайди. Шоир руҳий дунёси тўғри тушунилганнагина ўша туйгу ўзини тўла намоён қиласи.

Р. Парфи — услуби мураккаб шоир. Унинг шеърларида ҳар доим ҳам қофиялар, туроқлар тартибига риоя қилинавермайди. Аммо у мазмунни бутун сақлаган ҳолда шаклдан эркин фойдаланади. Мана шу эркинлик замирида руҳий жараёнлар манзарасини маҳорат билан чизишга, давр муҳитининг асл қиёфасини очишга, воқеликнинг туб мазмунини ўқувчига етказишига эришади. Р. Парфи шеъриятининг тадқиқотчиларидан, профессор Н. Раҳимжонов ёзгани-

¹¹² Ўша асар. 43-бет.

дек, "...ҳаёт материалининг ўзини эмас, балки унинг лирик қаҳрамон маънавиятига таъсирининг кечинмалар, туйгулар тарзидаги манзарасини чизади. Шу боисдан ҳам шоирни руҳият мусаввири дегинг келади".¹¹³

Р. Парфи ҳам А. Орипов каби ҳаётни фақат баҳт, севинч оғушида кўролмайди. Чунки бу шоирнинг ҳаётнинг пардаланган ва пардозланган мазмунини, "гўзаллиги"ни яхши англаб етганилигидан эди. Шу боисдан у кўпчилик замондошлари "тўлиб-тошиб, энтикиб, қувониб" куйлаган "бажтиёр" ҳаётни бутунлай бошқача шакл ва мазмунда идрок этди. Сабаби шоирнинг руҳи бедор, гафлатдан узоқлигидир. Шу боисдан у бор овоз билан дунёга жар солинаётган довруғу шонлар ҳақида сўз очиш журъатини ўзидан тополмади. Унинг шеърларига давр қанот беролмаган руҳ чўқаверди. А. Орипов каби Р. Парфи шеърияти ҳам турли хил найзалар билан қаршиланди. Яқин-яқинларгача уни "ийелоқиликда, ношуд ва ношукурликда айблаб, "ғазаб" билан гапиравчилар", ҳаётни тушунмасликда, пессимизмга берилганликда қораловчилар топилиб турди. Зоро, халқимиз "баҳти, қувончи" кўкларга олиб чиқилган бир пайтда Р. Парфининг "Шодлик" шеъридаги лирик қаҳрамоннинг фикрларини ким ҳам маъқуллар эди?!

Қора осмон қайгули осмон
Қовоғидан қор ёғади Жим
Унингсиз ҳам шодлигим — ёлғон
Унингсиз ҳам йўқдир шодлигим.¹¹⁴

Лирик қаҳрамон кайфияти, унинг руҳиятидаги нурсизлик "қора осмон" — қуёшсиз осмон билан қиёсланаяпти. Руҳиятининг нурсизлигига сабаб ҳаётда лирик қаҳрамон излаган шодлик, қувонч йўқ-

¹¹³ Раҳимжонов Н. Шеърият сехри. Тошкент, 1986. 11-бет.

¹¹⁴ Парфи Р. Қайтиш. 59-бет.

лиги, ғам, ташвиш, алам эса бисёргидир. Нимага шундай? Бу саволнинг жавобини шоир ўзи аста-аста бера бошлади. Шодлик туйгуси билан мулоқот бошлаган руҳ:

Сен мендан ранжима гўзалим
Бетимсол шодлигим
Ахир биласан-ку
Маъсум бу кеч
Машъум бу кеч
Қассоб — бу кун.
Қасос — бу кун

дайди. Бу ерда уқиши ўқувчининг ўзига ҳавола этилган улкан маъно — даврнинг мазмуни, мундарижа-си бор. Зоро, шўро Конституцияларида барча халқ ва миллатлар тенг ҳуқуқли, ҳар томонлама эркин деб эълон қилинган. Аслида миллатлар озодмиди? Улар устига фақат озодликнинг соҳта либоси ёпилиб, унинг остидаги машъум жараёнлар беркитилмаганмиди?! Ана шу ҳақиқатни ҳар бир фидойи фарзанднинг идрок этиши, табиий эди. Р. Парфининг ҳар қандай ҳамду санолардан ўзини чеклаган ҳолда ниқобланган "Қассоб" кунлар ҳақида ўқувчи билан мулоқотга киришиб, "Қасос" кунларининг муқаррирлигига ишорати ҳам бунга энг яхши далиллар. Агар шоир ноҳақ бўлса, унинг:

Эширипсанми
Йиғӣ товушин
Сўйилган озодлик
Хириллар¹¹⁵

деган гапларининг ҳақиқатлигини одил ҳакам — вақт исботламаган бўларди. "Сўйилган озодлик"ни шу вақтга қадар ҳар соҳада "баркамол" кўрган халқимиз ўзликни англач, алданган ишончи учун афсус чек-

¹¹⁵ Ўша жойда.

масмиди. Хурликка талпиниб, етолмай йиқилғанларнинг руҳи исён бошламасмиди. Бинобарин, мана шундай кунлар қаҷондир етиб келишини англаган лирик қаҳрамон "Кўллари боғланган Шодлик сени ўйлаб ғамга ботаман... Сени мен чорлайман кел бери", — дейди. Лирик қаҳрамон бу билан бутун халқнинг, инсониятнинг руҳий эркинликка чиқиши истагини билдиради. Р. Парфи шеърияти ҳақида чуқур тадқиқотлар олиб борган шеъришунос олим Б. Акрамов: "...зарурат туғилганда, даврнинг башарий мұаммоларига ҳам шахс тақдиди өрқали жавоб қайтаради. Бу, айниқса, Р. Парфининг аксари ҳиссиётини ботинида сақловчи — ички түгёни билан ажralиб турувчи қаҳрамонига хос хусусиятдир",¹¹⁶ — деганда шоир истеъдодининг ана шу қирраларини назарда тутган. Зоро, руҳий озодлик бор жойда инсон ҳар нарсадан — ғаму ташвишдан, азобнинг турфа хилларидан ўзини асрани, яхши яшащ учун бутун имкониятларини ишга солиши мүмкін. Агар инсон руҳи тутқинликдан қутуломаса, ў табиатнинг ҳеч нарсага қодир бўлолмаган бир мавжудоти сифатида ожизлик ичра қолиб кетади.

Умуман олиб қараганда, Р. Парфининг 60-йиллар ижоди А. Ориповлар қаторида ўзбек шеъриятини уйғотиш учун олиб борилаётган курашлар сәфидан ўз ўрнини топаётган эди. Шуні ҳам айтиб ўтиш керакки, бу ижод шеъриятимиз бағриға оралаб бораётган бедор руҳнинг ҳамма ҳам татий олмайдиган меваларидан эди.

А. Орипов, Р. Парфи шеърларига хос руҳий бедорлик, ҳаёт рангларини аниқ ажратса билишлик хусусияти Э. Воҳидов шеъриятида бошқачароқ кўринади. Унинг лирик қаҳрамони ҳаётдан қувонч, ях-

шилик ахтаради. Ўзи учун шодликнинг рангларини қашф этади. Фам, ташвишлар ҳақида гапиргиси келмайди. Барига шукrona айтиб яшаши ўзининг бурчи деб билади. Бу лирик қаҳрамонда уруш жабрини, тикланиш даври азобларини тортавериб, фамнинг қора юзини кўрса ҳам кўрмасликка олиб, яхшилик, севинч, тинч, баҳтиёр кунларга етиш орзусида меҳнат қилаётган инсон сиймоси мужассам. Зоро, ҳар бир инсон ўзича бир сирли олам. Ҳар бирининг руҳий дунёси ўз ҳолича мураккаб. Бирор куйиниб яшаши хоҳлайди, бирор суюниб. Ҳар бир нарсадан қувонч изловчи қаҳрамон — Эркин Воҳидов лирик қаҳрамони. Бу билан шоир лирик қаҳрамонини замон маддоҳи ёки давр шамолларига қараб юрувчи шахс тимсоли сифатида тушуниш, мутлақо нотўғри. Маддоҳлик унга бетона хусусият. У ҳаётни мақтайди, аммо бу билан уни соҳта рангларга бўяш сари юзланмайди. Э. Воҳидов лирик қаҳрамони руҳий дунёси давр руҳидан айри яшамайди. Ичидаги норозилик туйгуларини дарров тўкиб ташлайвермайди ҳам. Шунинг учун ҳам бу шеъриятнинг ҳамиша нозик лиризмга уйғунлигини айтмай бўлмайди. Э. Воҳидов лирик қаҳрамонида ҳам инсонийлик туйғуси, яъни инсонни қадрлаш, улуғлац туйғуси кучли. Инсон унинг учун ҳар нарсадан азиз. Шоирнинг "Бир томчи ёш" шеърининг лирик қаҳрамони ана шундай кишилар тимсоли. У ҳар қандай жисмоний азобларга бардош беришга қодир, аммо руҳий азоб гирдобига тушиш унинг учун кўтариб бўлмас дард.

Чўққидан бир кичик тош юмаласа,
Тоғни қулаттудек сурон қилади.
Кўзингдан бир томчи ёш юмаласа,
Тоғдай юрагимни вайрон қилади.
Агар кўксим узра қуласа бирдан,
Тутмоққа қодирман тоғлар тошини.

¹¹⁶ Акрамов Б. Оламнинг бутунлиги. Тошкент, 1988. 172-бет.

Ҳайҳот, кўтаролмам киприкларингдан
Узилган бир қатра қайғу ёшини...¹¹⁷

Саккиз мисрадан иборат бу шеърда инсон руҳий дунёсининг тиник ранглари акс этган. Зеро, А.Орипов, Р.Парфи шеърияти лирик қаҳрамони руҳий оламида ҳам инсон қадри, эъзози мужассам. А.Орипов шеъриятида бу қадр учун кураш ниҳоятда кескин ва очиқасига олиб борилади ва жамият моҳияти билан уйғуллаштирилади. Р. Парфида эса у рамзлар замира га яширинади ва унинг даражаларини англаш зуко ўкувчининг ўзига ҳавола этилади. Замондошлидан фарқли ўлароқ, Э. Воҳидов лирик қаҳрамони руҳий дунёсидаги кураш жараёнлари лирик кайфият замирида шаклланган фалсафий теранликда умумлашади.

Э.Воҳидовнинг "Ўзбегим" қасидаси 60-йиллар шеъриягининг кўрки бўлди. Аммо асарни давр унчалик хушламади. Чунки унда ўзлигини унутмаган, тарихини эъзозлаган, ҳатто, унга сифинган ҳолда бугунини унингсиз тасаввур қўйлолмайдиган фарзанднинг ифтихори мужассам эди. Зеро, бу йилларда миллатларнинг ўзаро яқинлашуви ва бир-бира га қўшилиб кетиши, миллий тилларнинг ҳам тақдидири шундай бўлиши башорат этилиб, мамлакатимизда ягона миллат ва умумий тил дунёга келиши ҳақидаги назариялар авж нуқтага кўтаришган эди. Агар кимки, тарихи, маданияти, илмий, адабий мероси анъаналари билан фахрланиб, бир сўз дегудай бўлса, унинг миллатчиликда айбланиши табиийгина эмас, балки қонуний эди. Ана шундай пайтда Э. Воҳидовнинг "Ўзбегим" фахрияси даврнинг "байналминал-чилик" фоя ва таълимотларига қарама-қарши кутбда дунёга келди. Э. Воҳидов "Ўзбегим"-най ёзиш билан ўзининг ёки бутун бир халқнинг

миллатчилик кайфиятини тарғиб қилишни хаёлига ҳам келтирмаганлиги аниқ. Аммо асар миллатини севишга қодир ҳар бир ўзбек қалбида ўзлигини англаш туйғусини уйғотиш қудратига эга.

Менга Пушкин бир жаҳону
Менга Байрон бир жаҳон,
Лек Навоийдек бобом бор,
Кўксим осмон, ўзбегим.
Қайга бормай, бошда дўппим
Шуҳратим, қадрим буюк,
Оlam узра номи кетган
Ўзбекистон, ўзбегим.¹¹⁸

мисралари қайси бир ўзбекнинг қалбига қувонч баҳш этиб, руҳиятига қувват бермайди?! Бу мисралар замирида ўзбекнинг бутун маънавий бойлиги, тарихлар бағрини нурлантирган шони-шуҳрати, қадри-қиммати, миллат сифатидаги фазилатлари-ю, камолоти ҳақиқатлар мужассам. Шундай бўлгач, байналминалчиликнинг соҳта либосини ёпинган, қон-қонигача миллатчи шахсларнинг, кўрқоқ амалдорларнинг шоир қалбига тош отиб, руҳиятининг қанотларини қирқишига уринишлари табиий эди. Лекин нима бўлганидан қатыи назар, Э. Воҳидов лирик қаҳрамони руҳий дунёсининг энг тоза ва тиник манзараларидан саналмиш "Ўзбегим" қасидаси келажак замонларда ҳам ўз гўзаллигини йўқотмайдиган, қадри балаңд асардир.

Хулоса қилиб айтганда, 60-йилларда шахсга сиғиниш оқибатларига барҳам бериш қисқа вақт давом этган бўлса-да, ўша жараёнда бошланган ўзбек шеъриятидаги уйғониш руҳият тасвирининг чукурлашуви билан характерланади. Инсон қалбини, руҳияти рангларини англаш ва уни шеъриятга муҳр

¹¹⁷ Воҳидов Э. Сайланма. 1-жилд. Тошкент, 1986. 147-бет.

¹¹⁸ Ўша асар. 337-бет.

лаш, бу билан бадий адабиётнинг инсон ҳаёти ва фаолиятидаги мавқенини тиклашга интилиш кучайди. Бундай дейилишига сабаб, асрлар давомида инсон руҳиятининг кўзгуси сифатида камолот касб этган ўзбек шеърияти такрор бўлса-да, айтиш керакки, "инқилоб"дан сўнг ўзлигидан анча чекиниб, сиёсат измидан чиқолмай қолди. Натижада, унинг инсон маънавий маданиятини шакллантиришдаги ўрни бир қадар хиралашди. Бу эса жамиятда маънавий парокандаликни келгириб чиқарди. Адабиётнинг инсон ҳаётигагина эмас, балки сиёсат ва ижтимоитетга ўтказадиган самарали таъсири йўқолиш даражасига тушди. Маънавий парокандалик юз берган мамлакатда ижтимоий-сиёсий чалғишиларнинг муқаррарлиги тасдиқланди. Халқ, жамият ҳаётида юз бериши мумкин бўлган инқизоз хавфини олдиндан сезган шеърият А. Орипов, Р. Парфи, Э. Вохидов сингари истеъодлар қалбининг, руҳининг огоҳ этувчи шиддатли ҳайқирифига айланди. Инсон эъзози, қадри масаласи энг биринчи ўринга қўйилди. Унинг руҳий дунёси кашфига қайта бошлиди. Бу адабиётнинг, шеъриятнинг ёдига тўрт-беш аср муқаддам кечган кунлари ёдени солиш сари интилиш эди. Демак, шеърият у кунлардаги мавқенини бирданига эгаллай билмаса-да, унинг ёди билан қаддини тикласа, инсон қалбida инсоф, диёнат, адолат туйғусини уйғотиш, руҳиятида гўзал манзаралар яратиш сари қадам қўйган бўларди. Бу ўз-ўзидан маълумки, ҳаётда соглом руҳни барқарор этишининг ўзи эди.

Иккинчи боб

70—80-ЙИЛЛАР ШЕЪРИЯТИДА ПСИХОЛОГИК ТАСВИР ВА БАДИЙ МАҲОРАТ

Ўзбек шеъриятида лирик қаҳрамон 70—80-йилларга келиб, ниҳоятда фаоллашди. У олдинги даврлардагидан фарқли ўлароқ, ҳаётий мушоҳадаларини чуқур масъулият билан изҳор қиласидиган, сиёсий буйруқлар ижроси эмас, балки инсон омили ҳақида кенг кўламда ўйладиган бир тарзда ўзлигига қайта бошлади. Бошқача қилиб айтганда, унинг ҳаёт оқимига, инсон тақдирига муносабати олдинги даврларга нисбатан бутунлай ўзгача намоён бўлиб, унда исёнкорлик, курашчанлик хусусияти юзага қалқиб чиқа бошлади. Шоирлар лирик қаҳрамон руҳияти тасвирида бадий маҳоратнинг турфа имкониятларидан фойдаланган ҳолда унинг ҳаётнинг барча мураккабликлари-ю, зиддиятларига ҳаққоний муносабатини акс эттиришга интилдилар. Бу бир томондан, шеъриятнинг бадий бақувватлигини, унинг ривожини таъминласа, иккинчи томондан, ҳаёт ва инсон муносабатларининг бадий инъикосидаги сохталиқдан шеъриятни халос этиш, ҳақиқатнинг рангларини унинг бағрига олиб қириш ва унда муқимлаштириш борасидаги бекиёс жасоратнинг боши бўлди. Бинобарин, шеърият ва унинг лирик қаҳрамони ошкоралик неъматидан бутунлай маҳрум бўлса-да, ўз қалбida исён билан бош кўтариб келаётган курашчан кайфият — руҳиятнинг рангларини чуқур ифода этишининг йўлларини излашга тушди. Чунки у шу пайтгача, аксар ҳолатларда, маълум қолипларда яшашга мажбур бўлиб, ўзининг ички имкониятлари ва кучини инсоният хизматига йўналтиришдек

кудратини намойиш қилишдан бир қадар маҳрум эди. Мана шу фожиани англаш жарёнида шеърият бугун имкониятини ҳаётни, жамиятни ичидан емираётган, инсонни инсонийликдан маҳрум этиб, уни манқуртлаштиришга уринаётган омилларни фош этишга багиашлашга киришди. Шеъриятдаги бу йўналиш ўзини расмана, очик-ойдин кўрсата олиши мумкин бўлмаган ҳақиқат эди бу пайтда. Аммо бадиий адабиёт, айниқса, шеърият шундай бир сир-синоат, сехр манбаики, уларни англаш, фаҳмлаш иқтидори унинг ҳақиқий кашфиётчилари ва шайхдоларига насиб этгувчи баҳтдир. Мана шу баҳт соҳиблари шеъриятга бадиият тили билан ҳақиқатни айттиришга муваффақ бўлдилар. Бунда шоирлар бугун учун ботиний, тарих учун зоҳирий алам чекдилар. Ана шу ботиний ва зоҳирий курашлар уйғунилигига келажак тақдири ҳақида хulosса ясашга интилдилар. Ҳаёт ҳақиқатини бадиий ҳақиқат билан уйғунаштириш натижасида замона учун ниҳоят зарур бўлган мантикий, умумлашмалар, хulosалар чиқардилар. Чунки шоирларни тарих қисмати, бугуннинг аҳволи, келажак тақдири чукур ўйлашга мажбур қилди. Зеро, ҳар бир халқ ёки миллат ўзининг дунё юзидан изсиз йўқолиб кетишини истамайди. Аксинча, ўзининг миллат сифатида ривож топишини орзу қиласди ва шунинг учун бор имкониятини сарфлайди. Қисқаси¹, ҳар бир миллат ўз келажагининг бугунидан яхши бўлишини истайди. Шу маънода ўзбекнинг шоири, зиёлиси ёхуд руҳияти уйгоқ ҳар бир фарзанди яхши келажак ҳақида ўйлашга ҳақлидир. Ҳўш, руҳий уйғониш палласига кирган ўзбек шеърияти лирик қаҳрамони макон ва замон тушунчаси ҳақидаги қарашларини қандай изоҳлай билди, деган савол туғилади. Бунга шундай жавоб бериш мумкинки, бу давр лирик қаҳрамони маконда замонлар диалектикасини яратиш ва шу асосда яшаётган куни учун ниҳоятда мухим бўл-

ган хulosаларни илгари суришга интилди. Бошқача қилиб айтганда, тарих, замон ва келажак бирлиги замираиди миллат, Ватан қисмати ва тақдири ҳақида ҳақиқатни айтишга қарор қилди. Бу фикрга аниқлик киритиш жараёнида шу даврга қадар шеърият лирик қаҳрамони замонлар бирлиги — тарих, замон ва келажак ҳақида ўйламаганми, деган саволнинг ҳам пайдо бўлиши муқаррар. Дарвоқе, ўзбек шеъриятынинг лирик қаҳрамони бу ҳақда олдин ҳам ўйлаган. Бу ҳақда ўйламайдиган адабиётнинг бўлиши мумкин эмас. Аммо унинг хulosаларини узоқ йиллар мобайнида ҳукмронлик қилган сиёсатнинг ҳақиқатдан чекинган овозининг акс-садоси ўзига жўровоз бўлишга мажбур этди. Чунки тарихни қоралаш, замон юзини бўяб кўрсатиш, келажак ҳақида мавҳум фикрларни илгари суриш, жамият, тузумнинг инсон ҳаётида юзага келтираётган кечириб бўлмас хатоларини инкор этиш мазкур сиёсатнинг бош мақсади бўлған. Бу мақсад то 60-йилларгача бадиий адабиётнинг бош гоясини қатъий белгилаган ҳолда ўз измидан чиқармай келган. Бу ҳақда юқорида ҳар бир давр шеърияти, ҳар бир шоир ижодиёти таҳлили жараёнида фикр билдирилди.

70—80-йиллар шеърияти ҳақида жиддий тадқиқотлар яратган И. Ҳаққулов: "Шеъриятимизга етмисинчи йилларда ва ундан кейинроқ кириб келган ёшлиар ижоди адабий танқид олдига янгидан-янги муаммоларни кўндаланг қўймоқда, бошқача назар, шеър таҳлилида ўзгача маънавий-руҳий ҳолатларни ҳисобга олишни талаб этмоқда"¹, — деб ёзган эди. Дарҳақиқат, тадқиқ этилажак ушбу давр шеърияти маънавий-руҳий ҳолатлар тасвирини ўзида теран музжассам этган ва шу заминда уйғонган, ўзлигига қайтган шеърият бўлди.

¹ Ҳаққулов И. Бадиий сўз шукуҳи. Тошкент, 1987. 254-бет.

Шеъриятни уйғотишда Э. Воҳидов, А. Орипов, Р. Парфи, О. Матжон, М. Аъзам сингари навқирон авлоднинг жасоратли хизматлари кам бўлмади. Нега? Чунки ўзбек шеърияти 60-йиллардан бошлаб, уйғониш палласига кирган эди. Буни Э. Воҳидов, А. Орипов, Р. Парфи шеърияти лирик қаҳрамони руҳий оламида кеча бошлаган жараёнлар мисолида кўрдик. Шеъриятнинг уйғонган даврида лирик қаҳрамонлар руҳий дунёси янада бойиши билан биргаликда улар сафи кенгая борди. Шеъриятни уйғотган нарсалар ҳаётни, инсонни қисман эмас, кўпроқ, тўлароқ уйғонишга даъват этди. Аввало, тарихга муносабат ўзгарди, замон юзидағи пардага қўл чўзилди. "Иллатсиз" саналган жамиятдаги иллатларни фош этиш кучайди. Инсон тақдири, келажаги учун кураш бошланди. Бу эса давр шеъриятини юксалтирувчи, унинг қалб, руҳ маҳсули эканлигини муҳрловчи масалалар сифатида адабиётни янги ўзандан оқишига йўллади. Ишнинг бу бобида ўзбек шеъриятининг уйғонган даври ва унинг лирик қаҳрамони руҳий олами манзараларида тарих, замон ва келажак бирлигининг акси тадқиқ этилади. Шунингдек, жамият ва шахс муносабати, шу жараёнда шахснинг — зиёли, руҳан бедор лирик қаҳрамоннинг бутун кучини, аввало, ҳалқни, унинг қалbidаги имон-эътиқод, ишонч ва виждон ҳиссини, Ватан меҳрини, Эрк — Истиқлолга ташналиқ туйғусини уйғотишга баҳшида этиш фазилатлари ўрганилади. Чунки шеърият бағрига уйғониш бонгини олиб кирган, юқорида номлари саналган авлоднинг сафлари тўлишиб борди. Булар У. Азимов, Ш. Раҳмон, Х. Даврон, сингари бир қатор ёшлар эди. Улар Ойбек, Чўлпон, Фитрат, Коҳдирийлар анъаналаридан руҳий озиқ олган, ҳалқига, Ватанига садоқатли ва улар келажаги учун ўзларини маънавий масъул деб билган иқтидорли шоирлар сифатида фидойилик қилдилар.

Шеъриятдаги уйғониш — бу руҳиятнинг уйғониши демакдир. Руҳ уйғоқлиги эса инсониятнинг ҳақиқат, адолат, ўзлик сари интилишининг самарасидир. Савол туғилади: Нега шоирлар бу даврга келиб, тарихга, миллий анъаналар, урф-одатларга кўпроқ мурожаат қиласиган бўлиб қолиши? Нега? Сабаби, руҳан уйғонган шеърият англаб етди, ҳалқ ўз тарихидан, миллий анъаналари заминидан узилиб кетаяпти. Улардан айрилган ҳар қандай миллат, кела-жакдан маҳрум ва ҳалокатга маҳкум. Агар олди олинмаса, булар бутун бир ҳалқ учун тузатиб бўлмас фожиа бўлиши мүқаррар. Буни яхши англаған лирик қаҳрамоннинг руҳий бедорлиги ҳалқни гафлатдан кутқариш йўлидаги бонг бўлди.

Дарвоқе, бу даврда тарихга, миллий анъаналарга фақат зимдан эмас, балки очиқласига отиб келинган тошлар ёмғири кучайди. Натижада, руҳий безовталиқ қўзғалиб, ҳар бир виждони уйгоқ қалб изтиробга тўлди. Уларда курашчанлиқ туйғулари, аввалио, зимдан, кейинчалик ошкора ҳаракатга келди. Бу ҳаракатлар маҳсули — курашчан шеърият маълум мақсадни кўзлаб, ҳаётни мураккаблаштираётган муаммоларнинг маънавий ечимини излашга ниҳоятда қаттиқ кириши. Инсоннинг руҳан озодлиги, руҳий эркинликдан баҳраманд шахснинг жамият тараққиётидаги ўрнининг бениҳоя баландлигини бадиий акс этириш, ғамондошини ҳақиқат билан юз кўришиши ўзараша бу давр шеърияти лирик қаҳрамоннинг бош мақсадига айланди.

2.1. ТАРИХ, ЗАМОН ВА ЛИРИК ҚАҲРАМОН МАЪНАВИЙ ОЛАМИ

Тарих, замон ва келажак тушунчаларини бир-бираидан жуда узоқ ёки бир-бираига жуда яқин масофалярда тасаввур этиш мумкин. Мабодо, бу учта замон

бир-бири билан ижтимоий, сиёсий ва маънавий, иқтиёсий ҳаётнинг маълум муаммолари нуқтаи назаридан уйғунлаша олмаса, бу уларнинг узоқлиги, ораларига ўтиб бўлмас тўсиқлар қўйилганлиги белгиси. Агар бу вақт тушунчалари юқорида айтилган масалалар хусусида, умуман, ҳаётий заруратнинг бош омили сифатида макон ва замонда бир-бири билан диалектик равишда боғланса ёки уйғунлик касб этса, бу уларнинг бир-бирига яқинлиги, ажралмаслиги аломати. Ўтган йиллар мобайнида мана шу уйғунликнинг зоҳир бўлмаслиги учун баъзан зимдан, баъзида очиқасига курашлар давом этди. Оқибатда, жамият фақат моддий эмас, балки маънавий таназзул билан ҳам юзма-юз бўлиб қолди. Инсон маънавий камолотининг бош манбаи адабиёт ва санъат ҳам олдин айтилганидай, сиёсатнинг акс-садоси сифатида маданий мерос, миллий анъаналардан айрича яшашга йўналтирилди. Руҳий уйғониш даврига келиб, у ўз хатосини аংглади ва олдингига нисбатан бошқача йўналишига тушиб олди. Бунда асосий эътибор давр дардини айтиш ва замонанинг бўғилиб чиқаётган нафасини ростлашга қаратилди. Бошқача, айтганда, инсоннинг инсонлигини ҳимоя этиш, унинг моддий ва маънавий ҳаётини яхшилаш учун кураш бошланди.

Шоирлар халқимиз тарихи саҳифаларини вараклашга интилиб, ундаги ҳар битта ҳодисадан замон-буғуни учун фойдали томонларни изладилар. Унинг ёрқин саҳифаларидағи нурлар йўналишини буғунига буриб, маънавий қашшоқлик комига тушиб бораётган замондош қалбига, шуурига нур олиб кириш учун интилдилар. Тарихнинг ҳар бир қатлами даврга сабоқ бўлиши учун қурашдилар. Тарих фонида буғуннинг манзарасини ёритиб, халқ қалбида адолатсизликка қарши кураш, ўзлигини танишга интилиш туйгусини тарбиялашга ҳаракат қўйдилар. Бун-

дай асарларнинг кўпчилиги инсон руҳий дунёсининг кашфлари даражасига кўтарилиган асарлар бўлади. Шунинг учун ушбу бўлимда психологизмнинг зоҳир бўлиш ҳоллари — лирик қаҳрамон руҳий дунёси манзаралари, унинг юксалиш даражалари масаласи ҳар уччала вақт — тарих, замон ва келажакнинг ўзаро муносабатларига ойдинлик киритиш замирида дунёга келган асарлар мисолида ўрганилади.

Ўзбек адабиётининг истеъодли вакилларидан Э. Воҳидов, А. Орипов, Р. Парфи, О. Матжон, У. Азимов, Ш. Раҳмон, Х. Даврон ва бошқалар шеъриятида тадқиқ этишга кўл урилган масала ўзини кенг миқёсларда намойиш этади. Шоирларнинг тарихга мурожаати замондоши олдида турган муаммоларнинг ечими нуқтаи назаридан пайдо бўлганлиги сир эмас. Улар тарихий ҳақиқатларга сунгандан ҳолда даврнинг аччиқ, аламли ҳодисалари ҳақида фикр юритади. Чунки ҳали замона иллатларини очиқ-оидин фош этиш раем бўлмаган эди. А. Ориповнинг 1971 йилда яратилган "Мўмин Мирзо" шеърини олиб қарайлик. Бу шеър ўз-ўзидан, шунчаки дунёга келган эмас. Шеърнинг шоир шахсий ҳаёти билан боғлиқ томонлари бор. Шоир Навоий замондоши шоҳ Ҳусайн Бойқаронинг набираси Мўмин Мирзонинг фожиали ўйламига мурожаат қилишга ўзида эҳтиёж сезган, албатта. Бу эҳтиёж шоир руҳиятига озор берган ҳодиса туфайли дунёга келганлиги аниқ. Айтиш мумкинки, Мўмин Мирзо беш аср олдин жаҳолатнинг масъум, бегуноҳ қурбони бўлди. Бунга давр, сиёсат, ўзаро нотингчлик, тахт учун курашлар сабаб деб билдик. 70-йилларда-чи? Ахир, шоирнинг лирик қаҳрамони инсон ҳуқуқлари поймол этилиши мумкин бўлмаган замонда яшаётган эди-ку? Ҳа, расман шундай. Аслида-чи? Аслида замонамизда беш аср олдин яшаган ёмонликлар бошқача, силлиқ либосларда ҳаёт кечириб, қаердаки истеъодли, ақлли, фидойи, виж-

донли кишилар бўлса, уларнинг пайини қирқиши, агар уларни жисмонан ҳалок қилолмаса, руҳан ўлимга маҳкум этиш борасида ниҳоятда маккорона фоллик кўрсатаётган эди.

Сен-ку йўқсан, аммо қотиллар яшар,
Ҳамон гўдакларга қилич қайрашар.
Қачон пок бўларкан булардан башар,
Мўмин Мирзо укам, сени ўлдирдилар.
Беш юз йил берида эсладим бирпас,
Лекин бу бехуда мотаминг эмас,
Қалбимни ўргатди аллақандай сас...
Мўмин Мирзо укам, сени ўлдирдилар.²

Шоир қалбини ўргатан сас — бу "адолатли" замонанинг қотиллклари шарпаси эди. Бу ҳақда ҳеч кимга очиқласига гапириш имкони берилмаган вақтда шоир тарих ҳақиқатига суюнган ҳолда, даврнинг ҳақиқатини айтишга журъат қиласиди. Бу эса лирик қаҳрамон қалбининг ниҳоятда изтиробли туйгулари, руҳий оламининг ғамзадә ҳолатлари орқали юзага чиқади. Ўқувчи ана шу туйгуларнинг, руҳнинг ғамзада ҳолатини ўзида ҳис қилган ҳолда ҳаёт қатламларида тахланиб ётган ноҳақликлар ҳақида ўйга толади.

Абдулла Ориповнинг бу шеърида лирик қаҳрамон воқелик ҳақида чуқур фикр юритади ва аңа шу жараёнда ўзининг руҳий изтиробларини ниҳоятда теранлик билан ифода этади. Бу айниқса, ҳар тўртликни хulosаловчи "Мўмин Мирзо укам, сени ўлдирдилар", мисрасида ёрқин акс этади. У, бир томондан, лирик қаҳрамон руҳиятининг маҳзун суврати сифатида ўқувчи қалбига туйгуларнинг оғир тошини чўқтирса, иккинчи томондан, уларга исён ҳам ташлайди. Ана шу оғир туйгулар зарбидан уйғонган исён давр моҳиятини фош этувчи ҳукмдай тулоди. Чунки бу ҳукмнинг илдизлари тарихдан униб чиқ-

қан бўлиб, унинг бугунги кунда ҳақиқатни, поклик ва адолатни бўғаётган хиёнатнинг қўлларини қирқишига шайланган тифдай ўткирлигини сезиш қийин эмас. "Қалбимни ўргатди аллақандай сас..." бу ҳам ниҳоятда қийналган, ҳар хил маънавий зарбалардан чарчаган руҳнинг садоси. Руҳиятни ўртаган ҳодиса, бевосита юқорида айтилганидек, замона қотиллигининг белгиси. А. Орипов ўзининг адабиётшунос С. Жумабоева билан "Шеър-заковат" мавзуидаги сұхбатида: "Мўмин Мирзо"да ҳам ўтмишдан ибрат ва замонга қиёс қидиргандирман"³, — дейди. Шоир шу ерда "қидиргандирман" сўзини қўллади. Бу сўз замона зуғумидан зада — безовта руҳли лирик қаҳрамонни гўё бир оз бўлса-да, ҳимоялаш учун айтилгандай. Дарҳақиқат, шундай. Буни зукко ўқувчи асл маъносида — "қидиргандирман" деб ўқиши, шубҳасиз.

А. Ориповнинг "Эски қудуқ" шеъридаги лирик қаҳрамон эса ўзидағи қониқтириш мумкин бўлмаётган маънавий эҳтиёжни қадимий ривоятга таяниб айтишга эришади. Аммо бу ерда лирик қаҳрамон "Мўмин Мирзо"дагига нисбатан анча журъатли.

Ҳамма биладиган ривоят булдир:
Эмиш Искандарнинг бор экан шохи.
Уни яширолмай сартарош кургур
Кудуқقا айтибди, шулдур гуноҳи.
Яшаб келмокдаман ўзимга кўра,
Ўтган-кетган сирдан кўнглим эрур тўқ.
Лекин недир менга етишмас сира,
Балки етишмайди у эски кудуқ.⁴

"Мўмин Мирзо" 70-йиллар маҳсулли бўлса, "Эски қудуқ" 80-йиллар меваси. Хўп, 70-йилларни тургунлик даври дедик. Ахир, 80-йилларнинг ўрталаридан бошлиб юртимизни ошкоралик шабадалари оралаб

³ Орипов А. Эҳтиёж фарзанди. Тошкент, 1983. 124-бет.

⁴ Орипов А. Ишонч кўприклари. Тошкент, 1989. 116-бет.

қолди. Шундай бўлса-да, негадир, лирик қаҳрамонга сир айтадиган "Эски қудуқ" етишмайди?! Демак, бундан шундай хulosа чиқадики, ҳали эркинликнинг, ошкораликнинг ўзи эмас, балки хабари етиб келган экан бизга. Бўлмаса, лирик қаҳрамон, "кўнгли"ни тўйдирган сир-асрорларни ривоятларга мурожаатсиз рўй-рост айтган, ўкувчи билан сирлашган, дардлашган бўларди. Ошкора дардлаша олмаслик туйғуси лирик қаҳрамонни руҳан қийнайди. Қалбини очолмаслик, тўлиб кетган кўнглини тўкиб соломаслик унинг руҳий дунёсига" сўлғинлик, баъзида ноумидлик туйғусини олиб киради. Чунки шоир дардини эшитадиган "дардкаш"ини тополмаяпти, қисқаси, бунга йўл берилмаяпти. Бу шеърда лирик қаҳрамон ривоятдан сўз очиб туриб, энг охирги мисрадагина, руҳий дунёсидаги сўлғин манзарани ифода этади. Шунгача унинг ғоявий мақсади воқеалар тафсилотининг қисқа ва мантиқли баёнига сингдириб борилади.

А. Орипов лирик қаҳрамони бу шеърида анча журъатли кўринади, дедик. Аммо унинг "Айтишув" шеъри шу пайтгача "Эски қудуқ" излаб сарсон бўлаётган "лирик қаҳрамоннинг қалбида ортиқча сақлаб туриш имкони қолмаган дарднинг, ҳақиқатнинг вулқонига ўхшайди. Чунки шоир асарда аждодлар ва авлодлар айтишуви замирида тарих ва замонни юзмайоз қиласди. Мана шу замонлар учрашуви бугунги ўкувчига хато қўйилган қадамларнинг ҳеч нарса билан ўтчаб бўлмайдиган маънавий ва моддий зарари ҳақида бениҳоя қимматли сўзни — ҳақиқатни ошкора қиласди. Бу айтишувнинг ҳар бир байтида юз очган ҳақиқат тарих ва замон ўртасидаги боғланишга қанчалик хиёнат билан ёндашилганлигини кўрсатади. Тарихга хиёнат бугуннинг фожиаси эканлигини анлатади.

Дарвоқе, мустабид тузим даврида тарихий ёдгорликлар, инсон ақл-заковатининг ўлмас ҳайкалла-

ри — Самарқанд, Хива, Бухоро обидаларига бўлган авлодларнинг ҳар қандай муносабати улар заволига хизмат қилди, халос. Авлодлар лоқайдлиги, худбинлиги, меҳнатга, ижодга муносабатининг салбийлиги оқибатида аждодлар анъаналарига паст назар билан қараш, уларни давом эттириш ўрнига, қолилларга солиб қўйиш ёки рад этиш ҳоллари юз берди. Бу эса кейинги авлодни енгил-елпи ҳаётга ўргатди, ҳар қандай ижодий фикрлашдан маҳрум этди. "Айтишув"нинг қуидаги мисралари лирик қаҳрамон руҳиятига тушган исён оловининг учқунлариdek чақнайди. Ундаги фикрлар бугунги виждони, руҳи уйғонган замондошнинг қалбига чўф бўлиб ботмаслиги мумкин эмас.

Аждодлар:

— Ипакни ҳам етиштирдик қадим замонлар,

Авлодлар:

— Бизлар эса у ипакдан эшдик арқонлар.⁵

Бу мисраларда гўё замонанинг барча соҳалардаги инқирозларининг бутун моҳияти ўзининг рамзий тажассумини топгандай. Чунки бу ерда гап фақат оддий ипак тўғрисида эмас, балки аждодларимиз яратган моддий ва маънавий бойликлар, табиий гўзалликларнинг бизгача етиб келадиган, яна "қанчадан-қанча авлодларга куч бағишлийдиган ва уларни бир-бiri билан ажралмайдиган даражада боғлаш қудратига эга бўлган" нафис ҳамда мустаҳкам ришталари ҳақида кетаяпти. Ахир асрлар давомида ўз рангларини йўқотмаган асл ипаклар — гўзалликларни, мадданий ва маънавий хазиналарни биз аждодлар даражасида яратса олмаяпмиз-ку? Аксинча, уларни эъзозлаб, бу рангин ипаклардан қалбимизга, руҳимизга нафис ва назокатли либослар сифатида фой-

⁵ Ўша асар. 120-бет.

даланиш ўрнига, улардан арқон эшдик. Арқоннинг эса нимага ишлатилиши маълум нарса. Қандай даҳшат! Бу гаплар эҳтироснинг меваси эмас. Балки ҳаёт қатламларидан юзага қалқиб чиқиб, давр, замон юзига тушган кетмас доғлардек, кўнгилни хира қилаётган ҳақиқат. Бу ҳақиқатлар шу вақтга қадар коммунистик сиёsat ўйинлари билан бекитиб келинди. А. Орипов лирик қаҳрамони ана шу ўйинлар ҳақида кўп қайғурди. Уларни чеклашнинг маънавий чораларини излади, ночор аҳволга тушганда юқорида кўрганимиздек, ўзига, ҳаттू, "Эски қудук" этишмаётганилигидан изтироб чекди. Замон зайлар билан эса айтишув йўлини топиб, дардларини ошкора тўкиб ташлашга имкон топди:

Аждодлар:

— Тил яратдик, ёзув туздик гўзал ҳамда бой.

Авлодлар:

— Биз уларга музейлардан топиб кўйдик жой.⁶

Бу ерда айтилган ҳақиқатни лирик қаҳрамон қалбини, аслини олганда, ҳалқнинг асл фарзандлари руҳий дунёсини чексиз азоблар қаърига отган фожиадарнинг энг даҳшатлиси дейиш тўғри бўлади. Тилни унугиши — дилни унугиши демак. Дил эсдан чиқдими, демак, бу, аввало, ўзликни унумоқ, Ватан меҳридан бенасиблик, уни тайнимаслик, қолаверса, барча миллий ўзига хослийлардан маҳрум бўлмоқлиkdir. Ўзлик, миллий ўзига хослик — бу ҳар бир ҳалқнинг, миллатнинг бошқаларга ўхшамаган руҳий камолоти, маънавий юксаклигини кўрсатувчи бош фазилат. Демак, А. Орипов лирик қаҳрамони бехуда даҳшатга тушмаган.

Хуллас, аждодларимиздан қолган маънавий бойликларимизнинг музейларда сақлаш даражасига эти-

шига, тилимизнинг ғарип аҳволга тушишига, аввало, шу тилнинг эгаси бўлмиш ҳалқнинг фаоллик кўрсатган вакиллари, омманинг алданган ишончи айбдор. Шу боисдан, шеъриятдаги уйғоқ руҳ гоҳ А. Ориповники, гоҳ О. Матжон, гоҳида бошқа фидойи сўз санъаткорлари лирик қаҳрамонлариники сифатида ўзини кўрсатишга журъят этди.

Хуллас, А. Ориповнинг ушбу шеъри унугиши тарих ва лоқайд замон мулоқоти ёки фидойи, руҳи авлодларга ҳамиша ҳамроҳ боболарнинг безътибор, бемеҳр, фуурсиз набиралар билан суҳбати шаклида бағоят тарбиявий аҳамиятга эга. Шеър руҳий дунё манзаралари муаммосини теран инкишоф этиш хусусиятига эга. Зоро, унда воқеалар ҳикоя қилинади, аммо унинг замиридан оқувчи руҳ исёни, нафақат тафаккур оламига, балки қалб, руҳ дунёсига фалаён солади. Лирик қаҳрамон воқеаларни вазминлик билан ифода этади. Лекин-руҳиятидаги оғриқ, азобни ҳис қилишни ўқувчи ихтиёрига ташлайди. Ўзини қийнаётган туйгуларни эҳтиросли тарзда ошкор қилишга шошилмайди. "Эски қудук"да ҳам, "Айтишувда" ҳам худди ана шу услуб қўлланилган. Аммо лирик қаҳрамонлар руҳий дунёсидаги изтироблар рангини ўқувчига англатиш жараёнида фарқланиш мавжуд. Бунга сабаб ҳар бир асада лирик қаҳрамоннинг воқеликка муносабатидаги ўзига хосликдир. Ёки бошқача қилиб, адабиётшунос Б. Акрамов сўзлари билан айтганда, А. Орипов ҳамиша "руҳий олам сирларини тадқиқ қилишни кўзда тутиб ёзганлигидир".⁷

Тарихга суюниб, давр, замон ва келажак ҳақида фикр юритиш, бутуннинг муаммолари ечимини ахтариш, энг муҳими инсонни тушуниш ва уни ҳимоя этиш шоир Омон Матжон шеъриятининг ҳам

⁶ Уша жойда.

⁷ Акрамов Б. Оламнинг бутунлиги. Тошкент, 1988. 157-бет.

асл моҳиятини, лирик қаҳрамони бош мақсадини белгіловчи ҳодисадир.

Агар эътибор билан кузатилса, Омон Матжон ижодининг кўпчилик қисмida тарихга мурожаат замирида юзага келган бир ҳозиржавобликни кўришимиз мумкин. Шоир асарларида тарихга суюниш баробарида учта муҳим ғоявий мақсадни кўзлайди. Буларнинг биринчisi — миллат, Ватан тарихига мурожаат орқали замондошига тенгсиз маънавий ҳазиналарни бунёд этиб кетган аждодларини танитиш; иккинчisi — улар қонида бобр-момолари қолдирган бебаҳо мерос — анъаналар руҳини уйғотиш; учинчisi — келажакка ана шу маънавий ҳазиналардан қолган дурдоналарни авайлаб етказишга даъватдан иборатдир. Буларга шоир ишончли умумлашмалар яратиш, лирик қаҳрамон руҳий дунёсида кечётган жараёнларнинг миллий рангдорлигини янада ёрқинроқ тасвиrlаш орқали мушарраф бўлади. Унинг лирик қаҳрамони замон ва келажак ҳақидаги фикрларини аксар ҳолатларда тарихга суюнмасдан айтишга шошилмайди. Чунки у ҳар бир ҳалқ униб, ўсгани миллий заминидан вақтинча узилса-да, абадул-абад узилиб кедмаслигини жуда яхши тушунади. Миллий руҳ, миллий туйғунинг ҳеч қачон изсиз йўқолмаслик фазилатини эъзозлайди. Шунинг учун ҳам Омон Матжоннинг тарихга таянган қандай асари бўлмасин, унинг ҳар бир инсон ақл ва тўйғусига уйғунлашиб кетадиган ранг ва оҳанглари доимо ўзининг устиворлигини кўрсатиб туради.

Омоқ Матжон юқорида таъкидланганидек, она ҳалқ, юртнинг бугуни ҳақида ўйлаганида, унинг руҳий дунёсини ҳалқининг талон-тарож қилинган маънавий бойликлари, қадрланмаган маданияти, эъзозланмаган инсоний хуқуқлари, туйғулари ҳақидаги қайгулар ранги чулғайди. Лирик қаҳрамон ўкувчиси қалбida хавфли вазиятларда омон қолиб,

бизгача этиб келган фан, маданият, адабиёт намуналарини қадрлаш, ҳозирги кунимизнинг нурсизланган саҳифаларига ундан нур олиш, ҳаётга файз киритиш, меҳрсизланган қалбларга меҳр улашиш, келажакка бугуннинг бағрида кўз очган тоза руҳ билан интилиш туйғуларини уйғотишга интилади.

Омон Матжоннинг "Тақлид" шеъри лирик қаҳрамони фикрлари ниҳоятда фалсафий. Тарих ҳам, замон ҳам ўзининг қиёфасини унинг мантқиҳи хуносаларида топа олади. Ҳалқимизнинг тарихи, тақдири, унинг миллий маданияти қисмати, бугунги маънавий даражалари ҳақидаги аянчли, афсусли фикрлар ва мушоҳадалар ўқувчини ҳам чукур ўйлашга мажбур этади. Натижада, лирик қаҳрамон руҳиятидаги сўлғинлик ва изтиробнинг илдизлари очилади ва даврни фожиага олиб келаётган омиллар фош бўла бошлайди. Ана шу жараёнда руҳият оламига оралаган ларза туфайли тақлидга қурилган ҳаётимизнинг издан чиқиши сабаблари тарих баҳонасида ошкор бўлади.

Шеърда миллий руҳ ниҳоятда устивор. Чунки шоирнинг айтмоқчи бўлган барча фикрлари бир миллатнинг тарихи ва бугуни қиёси замирида юзага чиқарилади. "Кўруқ нусха олиш, бесамар тақлид"нинг бирон бир ҳалқ ёки миллат ҳаётига аралашуви унинг равнақи эмас, бадки инқирози учун хизмат қилишини ҳаётда юз берган фожиалар тасдиқлади. Буни шоир "Тақлид" лирик қаҳрамонининг тарих ва замонга муносабати замирига даврдан бир мунча илгари кетган ҳолда жо қилган эди.

Омон Матжон шеърда ижтимоий, миллий руҳни кучайтириш жараёнида адабиёт ва санъатда тезкорлик билан пайдо бўлаётган қаҳрамонларга эътиборни қаратади. Ҳалқда миллий туйғуларни тарбияловчи санъат асарларининг камлиги маънавий қашшоқликнинг асосий замини эканлигидан афсусланиб:

Ҳар кун янги кино,
янги китоблар —
Қаҳрамон устига янги қаҳрамон.
Негадир йўқ эди улар ичида
Алпомиш, Фиротлар, Маҳмуд Паҳлавон⁸

дейди. Дарвоқе, Алпомишу Маҳмуд Паҳлавонлар борлигини, уларнинг халқ маънавий маданияти тарихидаги ўрнини замондош қалбига, руҳиятига сингдириш, бошқа руҳда яратилган ўнлаб бадиий ёки кино асарларидан фойдалироқ эканлигини "коммунизм қурувчилари"га исботлаш на ҳожат эди? Зоро, замон, сиёsat фидоий кишиларни ана шу нарсаларни исботлаш ва ҳаётда ўз тасдифини топдириш учун қанчадан-қанча куч сарфлашга мажбур этди. Тақлидчилик фожиасининг асоратлари ҳақида фикр юритган лирик қаҳрамон қалбини қийнаган, руҳиятига изтироб олиб кирган яна бир ҳақиқат мана бундай эди:

Навоий, Машрабни ўқишини у пайт
Эскилтік, сарқит деб ёзган эканлар.
Бир жоҳил сўзи-ла бутун бир халқнинг
Оғизга қора қулф осган эканлар.
Менинг шеърларимда антик дунёдан
"Уришқоқ тангрилар томпанд макон,
Сўзнинг Яссавийдек камтар пирлари
Кезаркан ўз жойи бўлиб ломакон".⁹

Бу ерда ҳам О. Матжонга замоннинг дардини айтиши учун тарих мададга келган. Шоир шўролар даврида ҳар бир миллатнинг ўтмиш адабиёти, санъатига бўлган адолатсиз муносабат бошқа энг катта ҳатоларини келтириб чиқарганлигини кўрсатишга ҳаракат қиласди. Зоро, куйинчак шоирнинг афсус ва

надоматли ўйларини шеър орқали айтиб қолишига ҳаракати бежиз эмас эди. Чунки ҳар бир шоирга дунё тарихига оид нимаики йилт этган нарса бўлса, уни кўкларга кўтариш имкони сўздагина яратилган ва унинг ижодига шу тахлит йўналиш ҳам берилган эди. Лекин шу билан бирга улар ўз миллатининг фахрли фарзандларини, ўтмишини улуғлаш хуқуқидан зимдан маҳрум ҳам этилган эди. Бунга биргина Аҳмад Яссавийдек буюк инсоннинг халқимиз маънавияти тарихидаги хизматларини рад этиб, ҳатто, унинг номини ҳам "маконда ломакон" қилиш йўлидаги урунишлар мисол бўла олади. Шоирнинг биргина Яссавий ҳақидаги фикрини бутун адабиётимиз, маданиятишимиз тарихининг юлдузлари қисматига нисбат бериш мумкин. О. Матжон улар ҳақида, умуман, ижобий фикрлаш мумкин бўлмаган вақтда ана шундай журъат билан сўзлашга эришид ва замондаги маънавий қашшоқлик, ташналиктининг униб чиқсан замини қаердалигини топиб айтди. Энг оғир фожиа шундаки, жамиятда маънавий чўллар яратадиганлар "марҳаматидан" ўзи ҳам баҳрамандлиги туфайли хорижда Ватан, миллат соғинчидан бир умр кўнгли гирён яшаётган юртдошининг маънавий эҳтиёжини қондиролмади. Бу, ҳатто, халқнинг энг зиёли, ардоклий фарзандлари — шоир ва адилларига ҳам ўз миллий маданиятини дунёга танитиш журъати, аслида имкони етицимаётганлитига ишорадир. Демак, ҳали шоирлар ҳам ўз қалбига, руҳиятида миллий туйгуларни ҳар томонлама ошкор ва изҳор этиш жасоратини етарли даражага кўтара олмаган эканлар. Буни шоир ўз ижодидан тўхтамай намуналар ўқиган ҳолда "Тўғриси, Огаҳий,Faфур Гуломни унча ўқий олмас эдим ёдимдан", — деб тан олиб, ўз ҳолига ачинмаган бўларди. Ёки:

Бир жойда ногаҳон қалқиб тўхталсам,
Мезбоним бир луқма ташлади ёмон:

⁸ Матжон О. Сени яхши кўраман. Тошкент, 1981. 143-бет.

⁹ Уша асар. 144-бет.

"Бирон пластинка обкемабсан-да...
 Майли, Ҳалимахон... Майли, Ҳожихон..."
 Тамом!
 Қадаҳларга тегмадик бошқа.
 Мөхрсиз жимликда қолдик икков кож,
 У пақир солғанди қудукқа ташна —
 Пақир бүш — дангирлаб чиқди, ноилож?¹⁰

Лирик қаҳрамон руҳиятида надоматли манзаралар яратган бу ҳолат ҳалқни шу ахволга солған жамиятнинг асл моҳияти ҳақида ўқувчини чуқурроқ ўйлашга мажбур этади. Яна гап ўша маънавий тарбиянинг йўқлигига, яъни ҳалқнинг тарихидан, маданий меросидан ажратиб қўйилганига бориб тақалаверади. Бу ийсон камолатида, ҳатто, одамларнинг бир-бири билан муносабат, мулоқотида ўзининг заҳарли изларини қолдирмай иложи йўқ. Шунинг таъсири миқин, кейинги вақтларда одамлар, ҳаттоки, яқин кишилар ўртасида ҳам меҳр-оқибатнинг йўқлигидан нолишлар кучайди. Лекин бунинг илдизлари униб чиқкан бўшлиқ — маънавий ташниалини яратганларга қарши кураш жуда суст кетди. Қаранг, ҳатто, мана шу чанқоқлик, фариблик бир-бири билан йиғлаб кўришган, бир миллатга мансуб қалбларнинг, руҳиятларнинг ҳам ана шу ташниалик туфайли "мөхрсиз жимлик"нинг даҳшатли комига тушиб қолиш манзараси ниҳоятда фоже ҳолатdir. Шунинг учун ҳам шеър лирик қаҳрамони қалбида ғамгин, ўқинчли, аламли туйгулар ҳоким. Унинг руҳий дунёсида акс этган олам ранглари нурсиз. Ҳаётда уни қувонтирган нарсалар гўё шу дамда изсиз йўқолган. Дарҳақиқат, шундай. Чунки у дунёда энг қадими маданиятга эга ҳалқнинг вакили сифатида фахрланиш ўрнига, улардан жудо бўлганлиги, маънавий фариблиги ва қашшоқлиги билан танилиб ту-

рибди. Ортиқ чидаш мумкин бўлмаган бу фоже дарднинг давосини ахтарган шоир она тарихига ёлбориб, ундан нажот сўрайди. Етишган нажотдан қалби, руҳиятига нур олиб, ноҳақлик забт этган замонага маломат тошларини отади. Замондошлари қалбida миллий туйғу, миллий руҳнинг сўнаётган шамларини қайта ёндириш, шу билан келажакни огоҳ этишга интилади.

"Тақлид" — руҳият оламининг теран тасвиридир. Воқеалар оқимини гоҳ тарих, гоҳ замон бағрига буриш жараённида шоир лирик қаҳрамон руҳий дунёсида юзага келган ўзгаришлар таъсирини ўқувчи руҳиятига аста-секин ўтказиб боради. Бу шеърда руҳий таҳлилни чуқурлатиб бориш билан амалга оширилади. Лирик қаҳрамон воқеалар тафсилоти баёни давомида тарих ва замонни бир-бирига боғловчи фоже нуқталарга кўтаришган вақтдагина ўзининг ички дунёсида кечеётган руҳий зилзидаларни ошкор этади.

Омон Матжон лирик қаҳрамонининг ватанпарварлик, туғилган масканни озод кўриш, келажакда унинг эркини бўғувчи зотларнинг бўлмаслиги учун кураш туйгулари тасвири асардан асарга теранлашиб, ранг ва оҳангларидаги ўзига хослик чуқурлашиб борди. Бу эса лирик қаҳрамон руҳий дунёсида кечеётган жараёнларнинг ўқувчи олдида янада очиқ ва равшан намоён бўдишига имконият яратди. Натижада, лирик қаҳрамон туйгулари, ҳисларининг ўқувчи қалб кечинмалари, ҳис ва туйгулари билан уйғуллашиб кетишига тўсқинлик қолмайди. Зоро, она юрт, она ҳалққа меҳр туйгуси бўлмаган, Ватан, миллат тақдири ўзини ҳеч қачон қизиқтиргмаган киши бундай шеърларни тушуниш туйгусидан узоқ бўлади. Лекин Омон Матжоннинг "Илҳом париси" шеъри лирик қаҳрамони руҳий дунёси сувратлари билан танишган ҳар қандай инсон қалбида туғилган юрти ва юртдошларига нисбатан меҳр туйгуларининг ўй-

¹⁰ Ўша асар. 144—145-бетлар.

ғомаслиги мумкин эмас. Чунки унда миллат қонидаги тарихан қариндошликтининг нозик қирралари бадий кашф этиладики, бу халқ тарихининг ёрқин афсоналаридағи қаҳрамонлар ва уларнинг курашлари тарихи билан боғлаб тасвириланади. Мана шу тарих кафтида замонни қўйиб, уларни бир-бирига мантиқан қиёслаган шоир бугуни учун ниҳоятда зарур хулосаларни илгари суради. Ватанинг, халқнинг бутун ҳам тарихда ўтган қаҳрамонлардек элсевар, эркесвар фарзандлари бўлишини истайди. Уларнинг эса Ватан тақдири, халқ қисмати учун курашда Алпомишдай "қўшиққа айланиб" қолишини, ҳеч бўлмаса, Машрабдай қалб, руҳ исёнини ошкор этишларини орзу қиласи ва шунга чорлайди. Бу лирик қаҳрамоннинг умидлари, исёнкор туйғулари тасвирида очиқ намоён бўлади.

Башпорат айтолоса замон зайлидан,
Феруза бўшлиқдан илгаса хабар,
Ҳар гул япрогидан ўқиса достон,
демак, шоир қалби — илоҳий самар...¹¹

мисраларида Омон Матжоннинг инсон руҳининг қудрати ҳақидаги фикрлари мужассам. Дарҳақиқат, руҳият илоҳиёт билан боғлиқ ҳодиса. Шунинг учун ҳам ружли инсонларда одам қалбини, ҳаёт қатламларидаги жараёнлар моҳиятини тушуниш, халқнинг бутуни ва келажаги ҳақида қайғура билиш истеъоди бошқаларга нисбатан кучли бўлади. Истеъодод ҳам аслида "илоҳий самар"нинг ўзидир. Шоир:

Мухтор элчилари менинг руҳимнинг
Ҳаётнинг ҳар жабҳа — қабатинда бор:
Шахбоз юракларнинг қанотидир у,
тушкун кўнгилларга ҳамшира ва ёр¹²

¹¹ Матжон О. Дараҳтлар ва гиёҳлар китоби. Тошкент, 1984.
8—9-бетлар.

¹² Ўша жойда.

деганда руҳиятининг ҳаётга уйғунлиги ҳақида гапиради. Ҳаёт мураккаб, унинг қабатлари баоят кўп. Бу чексизликда юз берувчи ҳодисалар бениҳоя. Албатта, битта инсон руҳияти ана шу бениҳоя ҳодисаларнинг барчасидан хабар топиши, улар билан бирга яшаси қийин. Лекин шоир менида — лирик қаҳрамони сиймосида барча руҳи, виждони, гурури уйғоқ қалблар мужассам. Шоир яхши билади, якка шахснинг ўзи ҳаёт тарзида, унинг оқимида, одамлар онги ва дунёқарашида бирданига инқилоб қила ойласлигини. Инқилоб бутун бир халқ ёки миллатнинг иродаси билан амалга ошиши мумкин. Шу боисдан шоир, аввало, тарих бағрининг қабатларига сингиб, унинг манзур ва машхур томонларига ўқувчи эътиборини тортади. Унинг томирларидан замон қалбига нур ипларини тортишга интилган ҳолда: "Қонимнинг тарихи бўйлаб, фидойи, қўшинлар келмоқда йиқила-тура", — дейди. Мана шу "йиқила-тура келаётган қўшинлар" — булар, аввало, аждодлар руҳининг қондаги яшовчанлиги, бедорлиги, авлодларга зарур бўлганда мададкор бўлишга қодирлиги белгисидир. Бу биргина Омон Матжон лирик қаҳрамонининг шахсий ўйлари, фикрлари эмас. Балки улар узоқ йиллар давомида шаклланган элнинг бутунги виждони уйғоқ, руҳи тийрак фарзандлари қонида ўзини тиклашга мұваффақ бўлган тарихий ҳақиқатлардир. Бу ҳақиқатнинг яна бир кўзгуси шоирнинг "Вавилон қалъасининг ҳароғ бўлиши" шеъридир. Бир қарашда Вавилон қалъаси тарихининг бизнинг замин ва замон учун аҳамияти борлигини тасаввур этиш қийин. Лекин шеърни ўқиши жараёнида ўқувчи кўз олдида лирик қаҳрамон руҳий дунёси манзараларининг бирин-кетин шакллана бориши, бу тарихий ҳақиқатнинг сабоқлари бутунги кун учун ниҳоятда зарурлигини равшанлаштиради. Чунки Вавилонни ҳам бефаросат ҳукмдорлар ва бемеҳр, лоқайд мироблар

хароб этишган экан. Мана шу лоқайдлик, элу юртга меҳрисизлик балоси бугун янада авжта чиқиб, замондоіши руҳи, қалбини кишанлаб ташлаётганилигидан хулоса чиқарған лирик қаҳрамон:

Фарғоний, Оғаҳий, буюк мироблар
Таёғин чизиги — абадий дарё.
Бугун бир миробнинг бир хатосидан
Юртим манглайида кўш ажин пайдо.¹³

дейди ва тарих сабоқларидан давр дардларига малҳам излайди. Хатолар таҳтида "олға" бораётган замон йўлларини орта эмас, балки тўғри ўзанларга буришга интилади. Мана шу жараёнда лирик қаҳрамоннинг "юрти манглайида пайдо бўлган кўш ажин"нинг — Аму ва Сирдарё сувининг режасиз исроф қилиниши ҳамда Орол деңгизи қурий бошлиши фожиасининг ижтимоий, сиёсий, маънавий илдизларини очиб ташлаётганилигини англаш қийин эмас. Бу очиқ айтилмаган пахта яккаҳокимлиги, ўзбек деҳқонининг мамлакат/пахта мустақиллигини таъминлаш учун манқуртга айлантирилаётганилиги, миллатнинг келажаги учун эмас, балки унинг чексиз-чегарасиз, уқубатли меҳнати эвазига келаётган даромадни ўзлаштириш учун кураш асосий мақсад Эканлиги, оқибатда халқ ҳамма нарсадан соғлик, маънавий ва моддий бойликлардан мосуво бўлаётганилиги масалалари билан бўғланиб кетади. Бундай ноҳақликлар шеър лирик қаҳрамони руҳий дунёсида сўндириб бўлмас исённи бошлаган. Натижада, у тарихий фожиа фонида замонавий фожиа даҳшатлари ҳақида бонг уради. Лирик қаҳрамон қалбидан отилиб чиққан:

Тарихим — Вавилон, Тилим — Вавилон.
Тупрогим — Вавилон, Ерим — Вавилон.

Боғларим — Вавилон,
Гулим — Вавилон.

Кўшиғим — Вавилон, Шеърим — Вавилон.¹⁴

фарёдининг қоп-қора ранглари, ўкувчи руҳий дунёсини ҳам қоплаб олади. Оқибатда, у айни пайтда тушиб қолган аҳволининг ниҳоятда фожелигидан даҳшатта тушади. Ажралаётган барча нарсаларини ўрнига қайтариш мумкинлигига ишонч туйгуларини қалбидиа уйғотишга интилади. Ларзага тушган руҳиятига таскин тополмай қийналади. Иложисизлик унинг келажак ҳақидаги тасаввурларини туманларга чулгайди. Чунки тарихи, тили, тупроғи — Вавилонга айланган, яъни улардан мосуво бўлаётган ҳар қандай инсон қайси қалб, қайси ақл билан келажак ҳақида яхши ўйлар ўйлади. У ҳақдаги тасаввурларига қайси маънавий манбадан ранг излайди?! Ана шулар ҳақда ўйга толган шоир ҳар бир инсон дилининг мулки бўлмиш қўшиқ ва шеърнинг ҳам Вавилон қисматига дучор қилинаётганилигига ҳеч қандай тошу тарози, мезон топилмаслигига ишонч туйғусининг қалбиди бош кўтаришидан кўрқади. Зоро, бу ишонч ҳақиқатнинг фарзанди эканлиги ниҳоятда ачинарли.

Олис Вавилонни ўйласам шундек,¹⁴
Бир сирқираш сезар кўксим — виждоним...
Сенга келаётган дарёлар покми,
Қалайсанюрагим — Ўзбекистоним?!¹⁵

Бу мисралар бағрини зирқиратаётган руҳий изтироб ранглари ниҳоятда ўткир. Ундан шоирни яна умидсизлик, ишончсизлик ва шубҳакорликда айблаш мумкин. Лекин бунга ҳеч кимнинг маънавий ҳақи ийүқ. Чунки ойни этак билан ёпиб бўлмайди денганиларидек, у айтаётган гаплар замонанинг исбот талаб

¹⁴ Ўша жойда.

¹⁵ Ўша жойда.

¹³ Матжон О. Минг бир ёғду. Тошкент, 1989. 17-бет.

құлмайдынан, ўзимиз шоҳид бўлаётган ҳақиқатлари эди. Шоирнинг щубҳаланишга бемалол ҳақи бор. Зеро, юртга, элга нисбатан бўлган ва бўлаётган муносабат бунга таянч нуқта бўлиб хизмат қиласади.

Дарвоқе, ҳақиқатнинг қудрати ниҳоятда буюк. Ана шу буюклик туфайли замон кўзига нур тушди. Бу нур эса жамият ҳаётида содир бўлаётган, ҳалқлар қисматига айлантирилаётган ҳодисаларни ўз элагидан ўтказа бошлади. Натижада, ҳар бир миллат қонида, руҳида миллийлик туйғуси бош кўтарди. Бу туйғунинг уйғониши ҳар бир қалъда ўз тарихига нисбатан ҳурмат, эътиқодни қайта шаклланишига олиб келди. Замонга танқидий кўз билан қарашиб туйғусини тарбиялай бошлади. Келажак ҳақидаги ўйларни жиддийлаштириди. Буларнинг барчаси биргина Омон Матжоннинг эмас, балки ўзбек шоирларининг навқирон авлоди лирик қаҳрамонини жангари эмас, балки фидойи курашчи сифатида шаклланишига замин бўлди.

Омон Матжоннинг "Илҳом париси", "Вавилон қалъасининг хароб бўлиши" шеърларида инсон руҳий дунёсининг ранглари тиниқ акс эттирилган. Бу руҳли инсон — замондошимиз. У замон бағрида туриб, унинг муаммоларга тўлиб бораётган кунларидан қайғуриб, асрлар оша ўтмишига қўл чўзади ва унинг барча яхшиликлари билан бугуннинг дардларини даволашга, келажакни ўша дардлардан холи равишда бунёд этишга интилади. Ана шунда унинг қалби, руҳидаги фидойилик, курашчанлик туйғулири ўқувчини сехрлаб қўяди ва уни ўзига эргаштиради. Бу шеърлардаги руҳий таҳлилнинг теранлиги туғайлидир. Зеро, лирик қаҳрамон тарих воқеалари тағсилотини ҳам, ўзининг руҳий оламини ларзага келтираётган замон дардларини ҳам бир-бирига уйғунлаштирган ҳолда тасвир этади. Масалан, Вавилон қалъасининг қисмати тарихини қисқагина, аммо

буғун моҳияти билан тасвирлаган шоир ана шу воқеадан жунбушга келган туйғуларини замон тақдидира кечаетган ҳодисалар мазмуни билан боғлайдики, натижада унинг вужудида руҳий исён бошланади. Исён интиқомга айланади. Интиқом туйғуси миллий гуурни тиклаш, асрар, юксалтириш ва замонани ўртаётган дардларни даволаш чорасининг қўлидан ушламоқ билан баробар. Мана шу диалектикада лирик қаҳрамоннинг тарих ва замон ҳақида ги изтиробли туйғулари, ҳаяжонлари, руҳий бўронлари тажассум топиб борадики, бу шеърда психолого-гик тасвир маҳоратининг мукаммалитини кўрсатади.

Хуллас, Омон Матжон лирик қаҳрамонининг тарихга мурожаати замерида буғуннинг муаммолари ечимини ахтариш, даврнинг фоже ҳодисалари ҳақида қайғуриш, яхши келажак учун курашиб туйғулари ниҳоятда теран.

Р. Парфи шеъриятида эса ўрганилаётган масала А. Орипов ва О. Матжон шеъриятидагига нисбатан бошқача бир тарзда кўзга ташланади. Яъни Абдулла Орипов, Омон Матжон тарихга айланган ҳодисаларни, инсоният учун келтирган фойдаси ёки зара-рига қараб туриб баҳолаш эвазига замонани ларзага солаётган муаммоларнинг ечимини изладгга интилишади. Шунинг замерида лирик қаҳрамон руҳий дунёсини чукур таҳлил этишга, бу таҳлилни давр дардларига муносабати билан боғлаган ҳолда амалга оширишга интилади. Р. Парфи шеърияти лирик қаҳрамони тарих, Ватан, ҳалқ ҳақидаги туйғуларини ниҳоятда ҳиссиётли бир тарзда ифода этади. Унинг ҳаяжони ҳам, туйғулари ҳам бир оғриқли дардга йўғрилган. У тарих ҳақидаги ана шу изтиробларини изҳор этар экан, замон тўғрисида сўзлашга шошилмайди ёки умуман, гапирмайди. Лекин унинг тарих ҳақидаги фикрлари ўта замонавийдир. Бу шеърларнинг мантиқий заминга қурилганлиги сабаблидир.

Шеърдаги мантиқий қувватни, Ватан тарихи ҳақида күйіб-ёнаётган лирик қаҳрамоннинг руҳий ҳолатини англаш теран фикрлаш иқтидорига эга ўқувчи учун жуда осон. Унданы бу ҳолатни замоннинг дарлари яраттан. Бу дарлардан қалби, руҳи ларзага келгандын лирик қаҳрамон Ватани тарихидаги ёрқин кунларни бугунидан афзал билади. Ана шу афзаликдан шафқатсиз равишда ажратиб қўйилганлигидан изтиробга тушади. Руҳий изтиробнинг ёрқин бир ойнаси — "Ватан" шеъридир:

Хотирамнинг қаър-қаърида тарих
Доим сўзлаб турар эзгив ҳикоя.
Тутқин қуш сингари қолурман гариб,
Руҳимга булувлар ташлайди соя.¹⁶

Руҳга соя ташловчи ҳодисот — булар лирик қаҳрамон учун шунчаки бетаъсир ўтиши мумкин бўлмаган тарихнинг нурсиз саҳифаларида. Зоро, Ватан — бу лирик қаҳрамон учун мoddий оламнинг энг муқаддас бўлғаги. Агар Ватан ўтмишига назар ташланганда борлиқ ичра энг азиз борлиқ бағрида қандай оловлар ёқилганига шоҳид бўламиз. Лекин уни азиз, муқаддас билган ҳалқ ҳар қандай ўт, оловни ўчириш қудратини қалбига, руҳида қашф эта олди. Шу боисдан ҳам она тупроқ фарзанд учун мўътабар хилқат. У Ватанини ҳамиша озод кўриш истаги билан яшайди. Агар кучи етса, унинг ўтмиш яраларига ҳам малҳам қўя олса. Афсус, бунинг имкони йўқ. Шундан бўлса керакки, лирик қаҳрамон қалби ҳамиша қасос, интиқом туйгуси билан тўлиқ. Замонанинг ноодил ишлари эса бу оловга яна олов қўшади. Натижада, лирик қаҳрамон ўзини туманли бўшлиқ ичра қолгандай ҳис қиласи. Орқага қараса, Ватанининг тарихи йиглайди, бугунида эса унинг фарёди қалб-

ни ларзага солади. Мана шу объектив ҳолат, субъект вужудида руҳни галаёнга олиб келади. Қасос туйғусининг жунбушга келишига сабаб бўлади.

Кўрингиз тарихни, эй, буюк ҳалқим,
Кўзимда эртанинг севинчи, холос.
Надир, Ватан ишқи надир? У балким
Ичимни кемирган қадимий қасос.
Кўрингиз тарихни. Кўз олдим парда
Кўлимдан учмоқда бу ер, бу Ватан...
Ошно тутунардим пўлат ханжарга...
Жанг майдони сари отилардим ман...¹⁷

Шоирни жанг майдонига даъват этувчи куч — бу фарзандлик бурчи. Бурчдорлик туйгусини Ватан бағрида яшаётган ҳар бир қалб ўз вақтида ҳис қўлганида, муқаддас тупроққа бегоналар изи бунчалик чуқур ботмаган, унда битмас доғлар қолдирмаган бўларди. Мана лирик қаҳрамонни интиқом туйгусига ошно этган ҳақиқат. Шунинг учун у:

Ватан, айланарман бир кескир тошга,
Қошингта ўқ каби учиб бораарман.
Наҳот тил бошқадир, наҳот дил бошқа?!¹⁸

деб қийналади. Чунки тил ва дил бошқалиги ҳар қандай миллатни парокандаликка олиб келиши, Ватанини эса эгасиз манзилга айлантириши мумкин.

Тарихнинг нурли саҳифалари юзини беркитиб, нурсизларини юксак кўтарган, ҳалқни ўтмиш месросидан ажратиб, маънавий гарибликка бошлаган омиллар ҳам бемехрлик, бегурурликнинг даҳшатли оқибатларидир. Шунинг учун шоир бешафқат даврдан, бегурур замондошларидан эмас, балки ўз руҳидан фармон кутади. Угина лирик қаҳрамон қалбига Ватан туйгусини муқимлаштирувчи, унинг муади

¹⁷ Ўша жойда.

¹⁸ Ўша жойда

¹⁶ Парфи Р. Сабр дарахти. Тошкент, 1986. 170-бет.

холиғларидан қасос олишга даъват этувчи куч бўлиши мумкин:

Йўқ! Фармон кутарман, энг сўнгти фармон,
Шайланиб қарапман қалқан қуёшга,
Бари бир, қасос, деб ёнарман ҳамон.¹⁹

Қуёш — бу лирик қаҳрамоннинг умид дунёси. Унга интилиш — Ватанини ҳимоя этиш, озодлигини сақлаш, унинг фақат она халқи эркин нафас оладиган муқаддас масканлигича қолиши учун курашга шайланишdir. Кўринадики, лирик қаҳрамон туғилган юртини бир фидойи фарзанд даражасида севади. Унинг жангур-жадаллар, даҳшат ва фожиалар оловида куйган қалбига малҳам бўлиш, кўксидаги ўтмишдан қолган доғларни даволаш, руҳиятига булутдек соя ташлаб турган — "Кўлимдан учмоқда бу ер, бу Ватан..." деган оғриқли туйғуни қалбидан узоқлаштириш учун интилишdir.

Бу шеърда Р.Парфи лирик қаҳрамон руҳий дунёсини тарихий ва замонавий воқеликни унинг ҳаяжонлари, туйғуларига йўғирган ҳолда очишга муваффақ бўлган. Чунки у лирик қаҳрамонига тарих ҳодисалари, замон воқеалари тафсилотини баён қилдириш ва шу заминда унинг руҳий дунёсини очиш йўлидан бормайди. Бу — йўл А.Орипов ва О.Матжон услубига хос. Р.Парфи эса асосий эътиборни воқелик баёнига эмас, балки ана шу воқеликни теран ҳис қилиш натижасида вужудга келган руҳий жараёнларни таҳлил этишта қаратади:

Эй менинг заҳматкаш, эй туркий халқим,
Бергил, фақат куйиб куйламак ҳаққи,
Ортиқ масъул этар топилган бу Баҳт.²⁰

Бу ерда Ватан ва халқ тарихи, унинг нурли ва нурсиз саҳифалари ўқувчи кўз олдида изчил тасвирланмайди. Балки биринчи мисранинг ўзи, айниқса, ундаги заҳматкаш сўзи лирик қаҳрамон руҳий дунёсига кириш учун очқич вазифасини ўтаб, унинг Ватан ва халқ бошидан кечган даҳшатларни теран ҳис қилган қалбининг туйғулари билан ошно этади. "Туркий халқ"нинг ўтмиши, бутуни ва келажаги ҳақидағи ўйларини, ташвиш ва аламларини тушунишга ёрдам беради. Демак, бу ерда шоир айтилганидек, воқеликнинг ўзини эмас, балки ўша воқелик таъсирида пайдо бўлган руҳий жараёнларни чуқур таҳлил этади. Бу хусусият руҳий-психологик тасвирнинг теранлигини англатади.

Агар иккинчи мисрадаги фикрнинг моҳиятини таҳлил этадиган бўлсак, унинг ҳам лирик қаҳрамон руҳий ҳолатининг тиниқ манзараси эканлигига гувоҳ бўламиз. Юқорида лирик қаҳрамон фармонни замоннинг маъмурларидан эмас, балки қалбидан, руҳиятидан кутган эди. Чунки замон фармонлари лирик қаҳрамон фикрича, элу-юрт келажагини туманга чулғаши мумкин. Шу боисдан у шеърнинг учинчи қисмида она халқи — туркий халқдан давр дардларини "куйиб куйлаш ҳаққини" — ҳуқуқини сўрайди. Ватаң ва халқ дардини куйлаш лирик қаҳрамон учун энг буюк "Баҳт." Шу билан бирга уни жуда кўп куйлашга — курашга "ортиқ масъул" этувчи кучдир. Мана шу "масъул"лик мантифида шоирнинг замон бағрида олиб боражак ишлари моҳияти мужассам. "Тил билан куйланмас она-Ватан"ни фидойи фарзанд сифатида дил билан — қалб билан куйлай билиш — бу осон иш эмас. Бу — кураш, маънавий ғалаба демак. Тарих ва замон бағрини турли даврларда алғов-далғов қилиб келган бу тушунчаларнинг инсон учун ҳаёт мазмуни эканлигини шоир лирик қаҳрамон ҳистийғуларини тасвир этиш, руҳий ҳолатини аниқ бера

¹⁹ Ўша жойда.

²⁰ Ўша асар. 171-бет.

олиши, руҳнинг шиддатини, исёнини теран таҳлил этиш ёрдамида ўқувчи қалбига муҳрлайди. Унда руҳий бедорликни барқарор этишга интилади.

Ватан, миллат, тил ҳар бир инсон руҳиятининг тутганимас озуқа оладиган булоғидир. Ана шу булокдан маҳрумлик инсониятнинг ўнгланимас фожиасидир. Шу фожиа унинг тарихида кўп тақрорланган лигини инкор этиш мумкин эмас. Унинг замонавийлашиши Р. Парфининг "Шоир қисмати" шеъри лирик қаҳрамони учун ниҳоятда даҳшатли ҳодиса туолади. Она тил — лирик қаҳрамон қисмати, "руҳининг қаноти". Шунинг учун ҳам бу тилнинг тарихи, тақдири лирик қаҳрамон учун ҳалқ тарихи, қисмати, тақдирининг ёрқин кўзгуси. Тилга қилинган ҳар қандай таъсир ва тазийиқ ҳалққа қилинган хиёнат ва жиноятнинг айнан ўзидир. Шунинг учун "Қачон бу аламга — кучга тўлдинг Сен?" - деган сўров ҳамиша лирик қаҳрамонга ҳамроҳ. Мана шу ҳамроҳлик лирик қаҳрамонни она тил тақдири учун гоҳ тарих бағрига сингиб, гоҳ замон кўксини ларзага солиб, гоҳида эса келажакка зимидаи хитоб қўлиш замарида кураш олиб боришга даъват этади.

Порлоқ осмонингда қузғунлар учди,
Эъвоҳ, ёғийларинг солди яғмони.
Ёғийларинг жигар-қонингни ичди.
Жигар-қон жарангти тутди жаҳонни.
Онасен. Кечирдинг. Қонидан жечдинг,
Бироқ кечирмадинг ёлғонни.²¹

Она тил, она ҳалқ босиб ўтган йўлларнинг манзараси бор бунда. Унда ўз фарзанди ҳамда келгинидар қилган хиёнатнинг аччиқ азобидан қақшаган тақдирларнинг қисмати намоён. Бу қисмат — тил ва ҳалқ тарихи. Мана шу тарих шоир қисматига уйғун. Чунки тилини, ҳалқини ўзозламаган шоир ҳар қан-

дай истеъдод соҳиби бўлишидан қатъи назар, замонада эътибор топиб, тарихда из қолдира олмайди, номи эса келажакка етиб бормайди. Буни яхши англаган лирик қаҳрамон ҳалқ, тил, Ватан қисматини ўз қисмати деб билади:

Йиллар баҳоримни учирди чалқиб,
Музларга кўчирди ўтлуқ ёзимни.
Ахтардим муҳитда хас каби қалқиб -
Мен ўз Юлдузимни, ўз Қуёшимни ...
Юлдуз сен, Қуёш сен, сен она ҳалқим,
Сен учун синдиридим синмас созимни.²²

Мисралар лирик қаҳрамон руҳиятида кечётган жараёнларининг тиник кўзгуси сифатида эътиборни тортади. Шеър бошида гап тил, Ватан, ҳалқ тарихининг нурсиз саҳифалари ҳақида кетган бўлса, бу ерда фикр замон саҳнига кўчади. Лирик қаҳрамон "баҳорини чалқиб учирган, ўтлуқ ёзини музларга" кўчирган куч нима? Нега бу куч шунчалар бешафқат? Наҳотки у инсонни — шоирни "муҳитда хас каби қалқиб" юришга мажбур этса? Дарвоҷе, шундай қора кучлар инсоният тарихининг турли тараққиёт босқичларида мавжуд бўлиб, улар ҳар даврда шароит талаби ва тақозаси билан ўзларига хос бир равиша янгиланиб, намоён бўлишган 70—80-йиллар фарзанди — шоир бешафқат, кўринмас кучнинг комида асирик азобини тортган қалбининг, руҳининг рангларини шеърларига муҳрлаб боришдан қўрқмади. Зоро, 20-йилларда қурилаётган жамият ва тузум келажагига ишончи комил бўлмай, исёнкор шеърлар яратган Чўлпон фоже қисматининг аввалгидан ҳам даҳшатлироқ тарзда тақрорланмаслигига кафолат бериш мумкин бўлмаган замонда Р. Парфи лирик қаҳрамонининг қисматга кул бўлмасликка даъвати тенгсиз жасоратдир. Чўлпон "Сомон парча"

²¹ Ўша асар. 172-бет.

шеърини "Мұхит гирдобида бир сомон парча, бир похол чүпидек оқиб борамаң" мисралари билан бошлаб, мұхит талабига таслим бўлган руҳининг изтиробларини акс эттирган эди. Р. Парфининг "Шоир қисмати" шеърининг лирик қаҳрамони эса "мұхитда хас каби қалқ"са-да, ўз мақсадидан қайтмайди. Кўзиға Юлдуз, Қуёш мисол қадрли кўринган, қалбига Юлдуз, Қуёш мисол кириб, унда меҳр булоқларини қайнатган, руҳиятига Юлдуз, Қуёш мисол нур бағишилаган она халқининг тақдиди учун жавобгарлигини бир зум бўлса-да, унтиш хиёнат эканлигини яхши билади. У она халқи ёрқин келажаги учун нимаики қилиш лозим бўлса, шунга тайёр. Соз синиб, қалби навосиз қолишини ҳеч бир санъаткор хоҳламайди. Соз синмоғи, яъни қаламининг қўлдан тушмоғи шоир учун қалб мәғлубияти, руҳ таназзули. Лекин унинг синган соз билан бир умр қолишига ишониш ҳам мумкин эмас. Чунки бу курашчан, қалби исён туйфуси билан қалқиб турган лирик қаҳрамоннинг сози синган тақдирда ҳам халқни куйлай олишига ёки созини янгидан созлаб, кураш ва интилишларига йўл очишига ишонмай бўлмайди. Буни лирик қаҳрамоннинг қуидаги руҳий ҳолати тасвири жуди яхши далиллайди:

Йўлсизлик йўлдоши толеи нигун
Ҳеч қачон тўярми ахир ёвуздар.
Бу — халқ душмани деб тутсалар бир кун,
Бари бир, у халқнинг номидан сўзлар.²³

Халқнинг номидан сўзлаш хуқуқига фақат бугун руҳи, вужуди билан уни ҳимоя эта олган, "Юраги яrimу бугун имони" билан яшай билган инсонгина эга бўлиши мумкин. Булар халқ, Ватан тарихи саҳифаларини ўз заковати билан нурлантириб ўтишган Яссавий, Навоий, Бобур, Машраб, Отахий, Чўлпон...

²³ Ўша жойда.

рўйхатни то шу кунга қадар давом эттириш, уларнинг "Шоир қисмати" лирик қаҳрамони эга бўлган мерос — "Буюк мұхаббатнинг дардли нишони"ни тақиши бахтига мушаррафлигини айтиш мумкин.

Она халқини ўз Юлдузи, ўз Қуёши деб билган лирик қаҳрамоннинг ҳислари ниҳоятда мафтункор, туйгулари бетакрор, руҳий олами исёнкордир. Бу хусусиятларни угоҳ тарих ҳақиқатларидан сўзлаш, гоҳ ҳаяжон, эҳтирослар тизгинини қўлдан чиқариш, гоҳ файласуфона мушоҳадалар оламида қолиб, ўйлари, фикрларини тарихдан замонга, замондан тарихга кўчириш жараёнида кашф этиб борди. Унинг руҳий олами ранглари ўкувчини ҳам маҳзунлик гирдобига тортиб, тарих билан замон манзараси уйғунлигига даврининг дардларига ошно этади. Бу 80-йилларда Р. Парфи бадиий маҳоратининг эмас, балки ғоявий чалкашганилигининг белгиси сифатида қораланди ва ҳимоя ҳам этилди (Адабиётшунос олимлар, профессор Нуриддин Шукуров, Наим Каримов, Нўймон Раҳимжонов, Иброҳим Ҳаққулов ва бошқаларнинг "Ўзбекистон адабиёти ва санъати" газетасидаги баҳслари унинг мисолидир). Зеро, шоирнинг Ватан, она халқ ҳақидаги эҳтиросли, дардли фикрларини ғоявий чалкашлик белгиси деб қарааш нотўғридир. Инсон руҳиятидаги маҳзунликнинг ҳам, хурсандликнинг ҳам манбай ҳаётдир. Руҳ ҳаётдан ранг ва куч олади. Ана шу ранг ва кучларни ҳаракатга қай ҳолатда келтириш маҳорати шоирнинг истеъодини, унинг руҳ муҳандиси сифатидаги фаолиятини ҳар доим нурга солиб туради. Руҳий дунё таҳлили ниҳоятда теранлик билан амалга оширилган бу шеър ғоясининг "Туркистон ёди" шеърида янада теранроқ, янада тиникроқ бир тарзда намоён бўлиши ўкувчи фикрини, туйгуларини эргаштириш қудратига эга. Чунки бу шеър руҳий дунё тасвирини ниҳоятда теранлик билан амалга ошириш натижасида бино бўлган. Унда

лирик қаҳрамон туйгулари фақат жунбушли, шиддатли оҳангда намоён бўлади, руҳий оламида исён олови ловуллайди. Лирик қаҳрамон вужудини ларзага солған руҳни тарих кафтида ушлаб туради. Ушбу руҳнинг томирлари аждодлар руҳи томирларига кўшилиб, иккаласидан битта Ватан, ҳалқ қисмати, тақдири билан ёнган қалбнинг қони, туйгулари оқади. Улар:

Теграмда зич ҳаво — она Туркистон,
Ёргай томиримни кўр ҳаяжоним.
Бу майдон ичинда мен тўкмаган қон,
Менинг уни дея аяган жоним.²⁴

сингари мисраларга айланади. Улар афсуснинг фарзандлари. Нега? Чунки аждодлар сиймосини ҳам, замондошлар қиёфасини ҳам битта масала — она Туркистон тақдири масаласи кўндаланг турган нуқтада мужассам этган шоир руҳи фақат афсусга қўл беришга маҳкум. Чунки Туркистон тарихи кўпинча туманлар аро кечган бўлса, унинг шўролар замонидаги бугуни ҳам шу қисматга дучор. Шундай бўлгач, унинг келажаги ҳақида фол очиш бемаънилик. Аммо Туркистон заминида ёрқин юлдузлар — ҳалқнинг фидойи фарзандлари дунёга келмади, улар она ер, она ҳалқ тақдири учун қайғурмади, дейиш хатоликдир. Улар бор эди, лекин кам эди. Мана шу камлик туфайли бу юлдузлар ўз вақтида буржларига чиқиб, Ватан бағрини бир текис ёритишдан маҳрум этилдилар. Бундан ташқари ғазолат адолат устидан доимо баланд туриб ҳам, қисматлар тарихи битилганда мирзалик қилиб келди.

Р. Парфи Яссавий қисмати ҳақида ўйлаганда унинг "Ҳаром еган ҳокимлар"дан ҳазар қилиб, ҳақ-ҳақиқат йўлида чеккан аламларидан давр, замон учун ниҳоятда муҳим хуносалар чиқаради. Бу нуқта-

да ҳам шоирнинг қисмати Ватан, ҳалқ қисмати билан уйғунлашиб кетаверади. "Улуғлар ёди" лирик қаҳрамон руҳиятига нур, шу билан бирга ўтли галаён олиб киради. Галаён гирдобида қолган қалб ҳаяжон ва туйгулар оташида куйиб:

Йигла энди, кўзим, сен ҳам йиглаб ол,
Тўйсин кўз ёшингта бу туркий ситам.
Тўйсин, Ватан ёди чидар бемалол
О, сабр дарахти қутлуг Туркистон.²⁵

дейди. Бунда шоир ҳаёт ҳақиқатидан чекиниб гапирмайди. Чунки ҳар бир ҳалқнинг фидойи шоир қалбини, ҳаётини Ватанига баҳшида этган бўлади. Шунинг учун ҳам у — шоир. Бундан шоир бўлмаганлар ўз Ватанини, ҳалқини севмас экан-да, деган хулоса пайдо бўлмаслиги керак. Зоро, ҳалқнинг ҳар қандай виждони, руҳи уйгоқ фарзанди — Ватан фидойиси. Аммо уларга қараганда шоирнинг қалб оҳанглари, руҳ исёнлари тез оммалашади ҳамда бошқа қалб ва руҳиятларни ўзига эргаштиради. Шу боисдан ҳам Р. Парфи лирик қаҳрамони Ватан, ҳалқ дарди билан ёнганида гоҳ "ҳазрат Алишер", гоҳ Яссавий, гоҳида эса барча "ўтган улутлар" ёди билан нафас олади. Бинобарин, у элу юрт қисматини ўз қисмати деб ҳис қиласди. Унинг руҳий оламида юзага келган манзаралар ҳаёт манзаралари, инсон қалби манзараларидан ранг олади. Воқеалар тафсилоти лирик қаҳрамон ҳис-ҳаяжонлари, аламзода туйгуларий тасвири фонида ўқувчи руҳиятига төзлик билан етиб боради.

Умуман олганда, Р. Парфининг кўрганимиз шеърларида тарих ва замон диалектикаси ҳалқ, Ватан, тил қисмати учун қайғуриш, унинг равнақи, келажагини адолат билан белгилаш масаласида юзага кепчига келиб кетади.

²⁴ Ўша асар. 173-бет.

лади. Тарих бугунга мададкор қўлларини чўзади. Тарихнинг нурли ва нурсиз саҳифаларидан туғилган сабоқлар замон муаммолари ечими учун йўналтирилади. Аждодлар кечирган ҳаётнинг тажрибалари авлодлар кўзини очиш, йўлинни ёритишга хизмат қилирилади. Буларнинг барчаси фаол, фидойи лирик қаҳрамоннинг руҳий исёnlари, фикрий уммонларига ўқувчини қаттиқ жалб қилиш йўли билан амалга оширилади. Агар шоир бадиий маҳорати ҳақида гап кетадиган бўлса, у шеърида психологизм — руҳий дунё манзаралари тасвирининг чукурлигига келиб боғланади. Бу хусусият Р. Парфи усулубининг ўзига хослиги, истеъдодининг ноёблиги, унинг бошқа замондошлариникига ўхшамаган руҳан теран, маҳзун, аммо мард лирик қаҳрамони борлиги билан белгиланади. Бу теранлик юқорида айтилганидек, фақат Омон Матжон, Абдулла Орипов, Р. Парфи ёки бошқа шоирлар шеърияти билан чекланиб қолмайди. Балки унинг шакллари, манзаралари шу қадар серқирралиқ кашф этиб борганки, бу кейинги авлод ижодкорларининг энг истеъодли вакиллари шеъриятида ўзини тўла намоён этади.

Руҳий бойлиқ, камолот меваси — шеъриятда давр, замон нафасини акс эттириш, унинг кўксини яралаётган доғларни ошкора фош этиш тамойили 80-йилларга келиб ниҳоятда кучайди. Бунга биринчидан, Ә. Воҳидов, А. Орипов, О. Матжон, Р. Парфи сингари шоирлар шеърияти лирик қаҳрамонларининг руҳан бойлиги, жасоратлилиги замин тайёрлаган бўлса, иккинчидан, ана шу лирик қаҳрамонлар ҳам-фиркаларининг ҳаётда кўпайиб, жамиятни инқизозга бошлиётган кучларга қарши ошкора курашиш кайфиятига кирганлиги ҳам сабаб бўлди.

Бу давр шеърияти лирик қаҳрамони олдинги давр лирик қаҳрамонларига нисбатан анча жасоратли. Айтиладиган гаплари юзидан пардалар сидириб таш-

ланган. Бунга У. Азим, Ш. Раҳмон, Х. Даврон сингари шоирлар шеърияти лирик қаҳрамонларининг ҳаётга муносабатлари, тарих, замон, келажак ҳақидаги фикрлари оқимини мисол қилиб келтириш мумкин. Масалан, Усмон Азимнинг "Самарқанд бўйлаб сўнгги сайд" шеърига мурожаат қилсак, лирик қаҳрамон замондошимиз бўла туриб, унинг ўйлари, хаёллари мозий бағридан нур излаш билан банд. Негаки, тарихнинг меросий гувоҳи — Самарқанд шаҳрини тунда кезган лирик қаҳрамон руҳий дунёсини қандайдир куч ларзага солмоқда. Кейинроқ равshan бўладики, бу куч ўз тарихини яхши билмаслик туфайли руҳиятига кирган азоб, афсус исёни экан. Билганларини ҳам имкон қадар қадрлай олмаганилигидан қалбида уйғонган алам туйғусининг бўрони экан:

Самарқанд, илдизинг қаерда?
Мадор бўлгин энди умидларимга,
Менинг тўрт минг йиллик боғим!
Бир япрогингман:

йўқоттим келмайди илдизларимни.²⁶

Кўринадики, лирик қаҳрамон қадим тарихга эга халқнинг фарзанди сифатида ҳам фахр, ҳам афсус туйғулари ичра қийналмоқда. Чунки ундаги афсус туйғуларининг уйғонишига хотира кўзгулари хиралашганлиги сабаб. Зоро, бу хиралиқ лоқайдлик чангидан ёки бўлмаса, тарихга отилган тошдар бўронидан пайдо бўлган. Хотиралар оламини қоплаган губорни эса шу кунда артиб ташлаш имкони ортди. Бу хулоса лирик қаҳрамоннинг замон манзараларини яратишдаги интилишлари меваси. Зоро, умид доимо келажак ҳақида бўлади. Умидсиз инсон — руҳсиз вужуд. Лирик қаҳрамон тарихдан умидларига "ма-

²⁶ Азимов У. Дарс. Тошкент, 1986. 58-бет.

дор" тилар экан, бу унинг замон бағрини ўтмиш нурлари билан ёритиб, келажак истиқболига чиқиш учун интилишдир. Тарихидан айрилган халқ үлади, илдизидан айрилган барг сұлади. Шунинг учун лирик қаҳрамон тарих юкини елкасида авайлаб, замон долғаларини сингиб, келажакни қаршилашга тайёр. У халқ, юрт келажагини муаллақ ҳолда күришни асло истамайди. Чунки унга ҳаёт қисқа вақт ичиде аччиқ-аччиқ сабоқлар беріб келмоқдаки, натижада лирик қаҳрамон юқоридаги мантиққа суюнган ҳолда қуидеги фикр тұхтамиға келади:

Юлдузлар орасыда келажак йўли,
Замон поездини
қалбим
хормай торт!
Ва битта вагонга
боболар руҳини
кайғу аламини,
Шавкат-шонини,
ушалмаган орзусини орт!²⁷

Бу фарзанднинг қалбидаги аждодларига нисбатан эътибор, эътиқод, ворислик түйгусининг, руҳиятининг меросийлигидан далолат беради. Қон ва руҳиятдаги меросийлик унинг дарз еган ижтимоий, сиёсий, маънавий ҳаётдаги муаммолар ечимини излашда фаолият күрсатишига "мадор" — мададкор бўлмоқда. Аждодлардан ўтган меросий руҳ қудрати уни келажакни покланган бугундан бошлиш учун курашта даъват этаяпти. Хуллас, У.Азим шेърда лирик қаҳрамон — замон дардарларини даволацга интилган инсон сифатида тарихдан мадад олиб, келажакни ҳам ундан баҳраманд этишга, аждодлар ва авлодлар қонидаги руҳий ворисликни сақлаб қолишига

интилаётган замондошимиз. Унинг руҳиятида кезаётган безовталиқ түйгуси барчага ошно түйфу.

У. Азимнинг "Самарқанд бўйлаб тунги сайд" асаридағи лирик қаҳрамон ўйлари ва фикрлари Шавкат Раҳмоннинг тарих ва замон муносабатлари ҳақидағи "Бизни ўйлаганми" мисраси билан бошланувчи шеърида давом этгандай туюлади. Ш. Раҳмон лирик қаҳрамонининг ҳам Усмон Азим қаҳрамонидек, асосий эътибори ворислик масаласи билан банд. Аммо Ш. Раҳмон лирик қаҳрамони тарих ҳақидағи фикрларини замондош олдига маънавий имтиҳон сўровлари тарзида қўяди. Унинг жавоблари, албатта, ўша сўроқларнинг ичидан мантиқан англашилб туради:

Бизни ўйлаганми
аждодларимиз,
кошинкор минорлар бўлганда бунёд?
Кўркам обидалар олис авлодга
Булорсин деганми бирор улуғ зот?...²⁸

Саволлар ичидаги жавобларни инкор қилиш мумкин эмас. Чунки уларнинг ҳақиқатлигига зоҳирий ва ботиний холосалар мантиғидан бошқа, яъни "Бизчи?" деган савол туғилади. Дарвоқе, бизни ўйлаган аждодлар маънавий мероси, хазинаси ҳақида ўйлајпмизми? Ёки аждодларимиз бизни ўйлаганидек, биз ҳам келажакни ўйлајпмизми? Лирик қаҳрамон сўзлари мантиғидан келиб чиқувчи бу саволлар замондошларини ўйлашга мажбур қиласи. Холоса шуки, жавоблар аниқ ва у фақат инкордан иборат. Энди лирик қаҳрамоннинг замон манзаралари ҳақидағи холосасига келсак, у ижобийликдан маҳрум. Чунки давр ўтмишга ҳурмат, келажакка меҳр түйгусидан бегона, маънавий қашшоқлик уммонига фарқ. Унинг тили фақат ёлғонни сўзлашга мосса-

²⁷ Ўша жойда.

лашган. Мана шу ҳақиқат лирик қаҳрамонни руҳий изтироб гирдобига тортади ва ҳақиқий ҳолатини, кайфиятини ифода этишга мажбур қиласди:

Кузатдим Самарқанд обидаларин,
торгинмай ёлғонни сўйлади тилим.
Аммо босиб келди кўзларимгача
ҳамиша ростликни
сўйлаган дилим.²⁹

Ш. Раҳмон лирик қаҳрамони дил ҳукмига бўйсунмай, ёлғонни сўйлаб келган тил туфайли давр бошига ёғилган фожиаларни дадил айтмоқда. Ёлғон сўзлашга ортиқ бардоши қолмаган лирик қаҳрамоннинг ҳақиқатни сўзлаши ўзи учун ниҳоятда қиммат туришини жуда яхши билади. Аммо вужудини кўйдираётган руҳ уни жасоратга чорлайди:

Шунда мен сўйладим дилимдагини
Саноқсиз кўзларнинг қаҳри остида,
Тоқи Заргаронда ичамиз ароқ,
ботинка мойлаймиз
Моҳи Хоссада³⁰

деган лирик қаҳрамоннинг "саноқсиз кўзларнинг қаҳри"дан қўрқмай замон қиёфасини фош этиши, унинг келажакни маънавий ўпирлиш комига тушишдан асрани йўлидаги фидойилиги белгисидир.

Курашчанлик — лирик қаҳрамоннинг бош фазилати. Бу фазилат унга тарих ва замон ҳақидаги ҳаққоний фикрларини очиқ-ойдин айтишга йўл очади. Шу маънода Ш. Раҳмоннинг "Сулаймон тоғида ўйлаганларим..." шеърига мурожаат қиссанак, унинг лирик қаҳрамони қалбидаги туйғулар³¹ пўртанаси, руҳиятидаги исёнлар олови ниҳоятда қучли эканлиги кўринади. Уни бу аҳволга туширган замоннинг та-

рихга нисбатан сиёсати бўлғанлиги сезилади. Албатта, замон сиёсатини инсонсиз тасаввур этиб бўлмайди. Бинорбарин, ҳар бир шахсдаги маънавий бузилиш ёки етуклик у яшаётган жамиятнинг инқизоризи ёхуд равнациини белгилашда муҳим роль ўйнайди.

Мана шу ҳақиқат лирик қаҳрамонни тарих ва замон моҳиятини, битта халқнинг юксалиш ёки инқизоризга юз тутиши омилларини кўрсатишга, замондошлиарини огоҳликка даъват этишга унади.

Ўйладим:

юксакка чиққан чоғимда
ўз зотин, ўз отин унуганларни,
қадимий булоқлар кўзини кўмиб,
азим дарёларни қуриптанларни.³¹

Бу лирик қаҳрамон руҳиятини азоблаётган бешафқат ҳақиқатнинг бир кўриниши. Ушбу ҳақиқат уни аёвсиз қийнайди. Шеърнинг дунёга келишига туртки бўлган воқеа — Барокӯҳ тоғида Бобурмурзо қурдирган, 460 йилдан бўён мустаҳкам турган хужранинг манқуртларча бузиб ташланишидир. Бу эса лирик қаҳрамон мансуб авлоднинг ўз тарихига, бобо-момолари руҳига бўлган муносабатини белгилашга қодир ҳодиса. Зоро, тарихий обидаларни бузиб ташлаш, анъанавий урф-одатларни рад қилиш ҳаракати бу даврда авж нуқтага кўтарилиган эди. Оқибатда, халқ тарихдан юз ўтиришга мажбур этилди. Буни ўз вақтида англаган лирик қаҳрамон замондошлиарига қалбини очиб, мурожаат этди: «Уларни ўзлігига қайтишга чорлади. Номусдан эгилган бошининг баланд кўтарилишидан умидвор бўлолмаган лирик қаҳрамон;

қарашга ор қилдим
Элнинг кўзига.
эй, мирзо,

³¹ Ўша асар. 46-бет.

²⁹ Ўша жойда.

³⁰ Ўша жойда.

Эгикдир мирзолар боши -
кўтариб бўлмайди,
оёқ тагида
бўлса-да баҳайбат тоғларнинг тоши.³²

дейди. Демак, у замон, сиёсат олдида ожизлигини тан оляпти. Чунки замон мирзоларни — халқнинг зиёли фарзандларини бош эгиб яшашга мажбур этяпти. Тарихда эса мирзоларнинг қадри баланд, боши кўкка етгудек улуғвор бўлган. Шундай эътиборли фарзандларнинг бугун бош эгиб турганлиги, маънавий поклик ва руҳий юксакликнинг боши эшишга мажбур этилганлигига рамздир. Шунинг учун ҳам лирик қаҳрамон халқнинг баланд чўққида эмас, балки маънавий, руҳий юксакликда бошини баланд тутиб яшапни учун курашдан қайтмайди. Аммо бундай юксакликлар маънавий пароӣандаликка учраб бораётган замонада эмас, балки маънавий поклик, жисплек маълум бир нуфузга эга бўлган ўтмишда устиворлик касб этганлигига ургу беради. Шу боисдан унинг руҳияти ўтмиш бағрига талшинади. Ундан қувват олиб, замондоши руҳини уйғотишга интилади. Бу интилиш лирик қаҳрамон қалбини қиймалаётган ҳодисаларга муносабатини пардаламасдан акс эттиришда кўринади. "Агар мен бақирсанам — ёрилар осмон, ҳар дамим оламнинг дардин тўзитар" мисралари лирик қаҳрамон руҳий оламидаги исёнкор тўлқинлар аксиидир. Бошқа бир тоифа шоирлар замонага мадҳу санолар ўқиётган бир пайтда Ш. Раҳмон лирик қаҳрамонининг қалб фарёди жуда гайритабиий ҳолдай туолади. Чунки шоир лирик қаҳрамони ҳаётни, инсон қалбини теран англайдиган, ҳақиқатнинг рангларини ниҳоятда сезигирлик билан ажратадиган замондошимиз вакили. Шунинг учун зукко ўқувчи, албатта, унинг лирик қаҳрамони қалб оҳангларига

қулоқ тутади, руҳиятини англашга интилади. Буларнинг барчаси шеърда руҳий дунёнинг теран таҳлили натижасида рўёбга чиққан фазилатлардир.

Шеърият тарих воситасида давр муаммолари ечи мини ахтарганда кўпинча мозий воқеалари, ўтмиш маънавий мероси, миллӣ анъаналарга ёки тарихий шахсларнинг миллат ҳаётида қолдирган изларига мурожаат этди ва булардан муҳим холосалар чиқаришга интилди. Шу маънода Ш. Раҳмоннинг Маҳмуд Торобий ҳақидаги шеърини бунга мисол қилиб келтириш мумкин. Шоир унда якка шахс фаолиятининг умум фаолиятига, дунёқараши, туйгу ва тафаккур оламига ўтказадиган таъсирини бадиий ифодалашга интилади. Ҳар бир шахс тарихда ўзининг ёрқин изларини қолдирмоғи учун, аввало, у халқига, Ватанига содиқ бўлмоғи даркор. Бунинг учун унда маънавий етуклиқ ва руҳий поклик фазилатлари камол топиб улгурган бўлиши шарт. Маҳмуд Торобий ўзбек халқининг ана шундай фарзанди. Унинг мӯғуллар истибодига қарши бош кўтариб, жабрдийда халқни орқасидан эргаштира олганлиги юксак инсоний фазилатлар соҳиби бўлганлигини кўрсатади. Торобий шеърнинг лирик қаҳрамони сифатида тарих бағрида туриб, халқнинг садоқатли фарзандлари тимсолига кўтарилиб, дил дардини изҳор қиласади. Агар тарих ва замон диалектикаси масаласи нуқтаи назаридан қараганда, Торобий — замондошимиз. Шунинг учун шеър тарихий мавзудаги шеърларидаги замонавийликнинг теранлигини таҳлил этар экан, И. Ҳаққулов: "Бунинг сабабларидан бирини унинг тарихга тўғри ва ақлли нигоҳ ташлай олиш, қалби замоннинг илғор тушунчаларига чанқоқлик салоҳияти билан изоҳлаш мумкин"³³, — деб ёзади.

³² Ўша асар. 47-бет.

³³ Ҳаққулов И. Бадиий сўз шукуҳи. 212-бет.

Хоинлар инсоният пайдо бўлибдики, манфур манфаатлар хизматида ҳамиша мавжуд. Хоинлик туфайли инсоният бутун тарихи давомида сонсиз фожиаларга дучор бўлиб келди. Бу фожиаларни ҳар бир давринг ўз фидойилари вақтида англаб, уларга қарши курашиб ҳам боришди. Бу ҳақиқатни замонамиз мисолида ҳам кузатишмиз мумкин. Шу боис Торобий сиймосида Ш. Раҳмон, аввало, фидойи замондошлар сиймосини умумлаштиришга интилади. Қолаверса, унда шоирнинг сиймоси ҳам ўта курашчан бир қиёфада М. Торобий сиймосига ботиний уйғулек касб этган. Шеърда лирик қаҳрамон қалбининг изтироблари, руҳиятининг фарёд оловига чулғанган манзаралари шу қадар теран очилганки, ўқувчи ҳар доим М. Торобийнинг аламли нидоларини тинглаётгандай бўлади. Чунки унинг фикрлари, туйгулари инсон қалбига ниҳоятда ошно туйгулар. Зоро, хоинлар фитнаси замонани шундай боши берк кўчага бошлиётганини ўқувчи яхши билади. Халқ, Ватан қисматига куйиб, тақдирига қайтурган лирик қаҳрамон, ҳатто, душмани — хоинни ҳам ўзига яқин олиб, ўзлигини танишга, она заминининг тозалиги ва мустақиллиги учун курашга даъват этади:

жоним — жигаримсан,
Сен-да одамсан,
лоақал кўзингда бир ёш кўрсайдим.
Лоақал қовушиб қолган кўлингда
сўнгтиси бўлса-да,
бир тош кўрсайдим.
Битта тош кўрсайдим,
фақат битга тош —
зулмлар бошини синдирадиган,
гўзал дунёларни топтаганларнинг
фосиқ кўзларини тиндирадиган.³⁴

³⁴ Раҳмон Ш. Очиқ кунлар. 58-бет.

Руҳан уйгоқ инсоннинг руҳан ўлиқ вужудга бундай мурожаати ўқувчи қалбини ларзага солади. Зоро, хоин агар руҳан тирик бўлганда бу йўлга кирмаган, Ватанини, ҳалқини ҳеч қачон ҳар қандай манфаат учун сотмаган бўларди. Лирик қаҳрамоннинг унга "жоним-жигаримсан" деган мурожаатлари, қўлида тош кўриш ҳақидаги истаклари — булар мушоҳадага даъват этадиган туйгулардир. Унинг Ватани, ҳалқини — "гўзал дунёларни топтаганлар"дан қасос олишга ундашларининг ижтимоий илдизлари жуда теран ва мустаҳкам. Аммо хоин — манфаат, мақтовнинг қули:

Сени алқадилар
кифтингта қоқиб,
мақтовлар ёғилди оққуш паридай.
Мен эса йигладим эна-еримнинг
топталган қоронғу оғулларида.
Эна-ей,
Эна-ер,
қонимни ичгил,
тезроқ адo бўлсин жисмимда хўрлик.³⁵

Бу шоирнинг шунчаки хаёлий ёки ҳавоий гаплари эмас. Улар ҳар бир фидойи фарзанднинг қалбига яқин фикрлар. Гёё Торобий дилини куйдиргани бу оҳлар аслида ҳар бир замондош қалбига фарёд бўлиб кирувчи ҳақиқатлар. Булар эса қаҳрамоннинг мавжуд, сиёсатга муҳолифлигидан далолат беради. Чунки мамлакатда ҳукмрон бўлган коммунистик сиёсат фақат ҳалқлар дўстлиги, миллат равнақи ва улар она тупроғининг даҳлсизлиги ҳақида баландпарвоз гаплар айттиб келди. Амалда эса унинг исботи кўринавермади. Сиёсатга ишончи қолмаган, милий ҳақ-хуқуқини таниган ҳар бир ҳалқнинг илғор фарзандлари вужуди исёнга тўлди. Ушбу шеър лирик қаҳрамони Торобий ўзида ана шундай исённи му-

³⁵ Ўша асар. 59-бет.

жассамлаштирган инсон сиймоси. Кўркув, манфатпарастлик, шуҳратпарастлик унга ёт. У "Эна-ер" хоини эмас, балки вужудини ёқаётган исёнини зўрга босиб яшаётган, зулмга қарши очиқ жангга чиқа билмаётганидан афсусланаётган, фақат халқнинг кўзи очилишидан умидвор, киндик қони тўкилган тупроғидан, аждодлари ҳаёт йўлидаги нурлардан мадад кутиб, дард чекаётган инсон. Унинг туйфу ва тафаккур оламини, руҳий дунёсини ёритаётган маънавий чироф — аждодларнинг ўзликни англаб туриб, уни ҳимоя этиш йўлидаги курашларидир. Булардан кўринадики, шеър курашчан, ҳақиқатга ташна инсон руҳий дунёсининг рангин манзараси сифатида қимматлидир. Унда маҳзун, ғамгин руҳнинг суврати тўла шакланган. Аммо у руҳ фақат исёнга гарк. Уни исён дарёсидан ташқарида таъсаввур қилиш мумкин эмас. Чунки у дарё бошланган замин адолат, ҳақиқатга завол етган маконда эди.

Агар Ш. Раҳмоннинг юқорида таҳлил этилган шеърлари ҳақидаги фикрларни хулосалайдиган бўлсак, унда асосий эътибор кўпроқ эътиқод масаласига қаратилган, дейиш лозим. Зеро, эътиқодсиз киши ҳар қандай пасткашлиқ ва ёвузликка қодир. Агар киши эътиқодли бўлса, аждодлар меросига, тарихнинг ўзига берган моддий ва маънавий бойликларига, миллат, Ватан, тил сингари муқаддас ҳилқатларга бениҳоя буюк эҳтиром, меҳр, хурмат билан муносабатда бўлади. Агар унинг акси бўлганда ўн беш-йўғирма аср умр кўрган обидалар, маънавий хазина — китоблар ва бошقا бойликлар ҳақида биз ҳеч нарса эшитмаган, кўрмаган, билмаган бўлардик. Демак, аждодлардан бизгача етиб келған барча нарсалар инсон эътиқодининг ҳимоясида бўлган. Инсон эътиқодидан, руҳий бойлигидан айрилган замонда худди биз яқин ўтмишимиизда амалга оширган ишлар вожиб бўлади. Ана шу пайтдаёқ, инсоний

эътиқод тушунчасидан кечмаган щеъриятнинг огоҳликка чорловчи бонги туфайли, уйғоқ виждан ва руҳиятларнинг исёни туфайли тарихга қилинаётган хиёнатлар бироз тўхтаган эди. Ш.Раҳмон лирик қаҳрамони ана шундай эътиқодли, диёнатли, руҳли инсонлар сиймосидир.

Тарих Хуршид Даврон шеъриятида ҳам ўзига хос бир тарзда намоён бўлади. У ҳам кўпинча қаламкаш дўстлари сингари тарихий жойлар, шахслар қисматини, кураш йўлларини замонага ибрат сифатида таниширишга ҳаракат қиласи. Ана шу жараёнда лирик қаҳрамон руҳий олами теранлик билан очилади ва унга даврнинг ўтказган таъсири аниқ намоён бўлади. Х. Даврон Чор ҳукумати босқинига бағишлиланган бир қатор шеърлар ёзган. Бу шеърлар ҳалқимиз тарихининг соҳталаштирилган саҳифаларининг ҳақиқатларини билишда муҳим аҳамият касб этади. Х. Даврон ҳақиқатнинг юзини, халқнинг кўзини очишга интилиб, Намоз қисматини замондошига ибрат қилиб кўрсатади. Агар тарих саҳифалари варақланганда уларда ҳалқи, Ватани учун жонини баҳш этган кўплаб фидойилар ўтганинг гувоҳи бўламиз. Зеро, улар ҳукмрон сиёсатга ва унинг раҳбарларига қарши бехуда бош кўтармаганлар. Намоз Чор Россияси мустамлака сиёсатининг кишсанларини парчалаш, ҳалқ, Ватан тупроғини озод кўриш истаги билан кўзгалган ва она ҳалқи манфаатини ҳимоя қилиш мақсади билан курашга отланған. Бу тарихий ҳақиқатларни такрорлаб ўтиришдан мақсад шуки, шоир биринчидан, Намоз қаҳрамонлигини шеърга айлантириб тарихга эҳтироми ва эътиқодининг юксаклигини намойиш этган. Иккинчидан, Хуршид Давроннинг асосий мақсади замон, давр ҳақидағи ўз фикри, мушоҳадаларини билдириш, маънавий танглик заминини кўрсатиш ва замондошлиари қалбига таъсир ўтказиш. Х. Даврон Намоз қис-

матини замондошига ибрат қилиб кўрсатар экан, уни фақат яхшиликлар сари бошлашга интилади. Бундай шеърларни таҳлил этиш ўз-ўзидан сиёсатга муносабат билдиришни тақозо этаверади. Чунки шўролар мамлакатида 70 йилдан ошикроқ ҳукмронлик қилган сиёсатнинг ваъда ва кўрсатмаларига қараганда унинг кўп миллатли халқи аллақачон коммунизм куриши, ҳамма тенг ҳуқуқли, ҳар кимнинг ери, бойликлари бедаҳл ва ўзиники бўлиши керак эди. Бу фоя барча миллатларни ўзига ишонтирди. Ҳеч кимда унинг сароб бўлиб чиқишига шубҳа туғулмади. Аммо 80-йилларга келиб, ана шу ишонч туйгуси кўпчиликни тарк этди. Уларда яшаётган жамиятининг келажаги ҳақида аниқ тасаввур қолмади. Бу ҳақиқатни ҳар бир халқнинг зиёли фарзандлари олдиндан илғаган, тушуниб етишган. Шунинг учун ҳам кўпчилик шоир ва адиллар хаёлан тарихга қайтиб, замонни кузатдилар, келажак ҳақида қайтурдилар. Уни инқироздан сақлашнинг маънавий чораларини изладилар. Х.Давроннинг "Намоз йўли", "Намоз ҳақида қўшиқ", "Ботир Намоз ўлими", "Намознинг қиличи ҳақида эртак" шеърларида интиқом, қасос маслаги ҳукмрон: "Намоз йўли" да ўқиймиз:

Намоз кетар...
Йўллар устида
Муқаннаю Широқ излари.
Қаршисида титраб осуда,
Тўмариснинг порлар кўзлари.
Намоз кетар...
Қасос туғилар,
Тобланади ханжар каби тан.
— Қайтма, ўслим, сен мени кутқар!
Шивирлайди ғамдийда Ватан.³⁶

³⁶ Даврон X. Болаликнинг овози. Тошкент, 1989. 111-бет.

Ҳар бир халқ, миллатнинг анъаналари ўлмасдир. Шу жумладан, унинг кураш анъаналари ҳам. Қачонки, миллатнинг тили, Ватанига тажовуз бўлар экан, унинг қонида кураш руҳи бош кўтариши, табиий. Демак, Намоз руҳида аждодлари руҳининг уйғониши, қонидаги интиқом туйгусининг жунбушга келганлиги ҳам анъаналарнинг ўлмаслигини англатади. Шоир бу билан нима демоқчи? Айтмоқчики, агар замондошлари руҳи, виждони уйғоқ бўлса, тил, Ватан, миллат равнақи учун курашсин.

"Намознинг қиличи ҳақида эртак" шеъри ана шу Ватан, миллат, тил масаласи ҳимоясини ўзида мантиқан мужассам этганлиги билан қимматли. Намознинг қиличи — бу юқорида айтилган учта муқаддас ҳилқат ҳимояси учун аждоддан авлодга ўтиши шарт бўлган меросий эътиқод, интиқом туйгуси рамзи-дир. Намоз хоинлар томонидан ўлдирилди. Аммо у кўзлаган мақсадини тўла амалга оширолмади. Унинг сўнаётган кўзларида авлодлардан умид учқуни муҳрланиб қолади. Шоир бу туйгуни қалбida, руҳида уйғота олмаётган замондошидан ноумид ҳолда:

Ҳеч ким уни изламас,
Ҳеч ким уни кўрмайди.
Ва қилич ўч ҳақида
Кечалари куйлади.
У фақат кўркар уни
Олмаса бас кутлуғ дам
Юрагида қасоси
Бўлмаган бирор одам.³⁷

дейди. Бу қилич ҳақида ёниб сўйлаётган лирик қахрамоннинг гаплари — унинг қалбини оловга, руҳиятини ларзага солган даврнинг дардлари. Савол туғилади: кимдан қасос олиш, кимга қарши курашиш

³⁷ Ўша асар. 116-бет.

керак? Жавоб эса шундай: миллати ва мансабидан қатъи назар Ватан, миллат тушунчасини англамаган, уларни севмаган, ҳимоя қилмаганларга қарши курашмоқ, қилган хиёнатлари учун улардан қасос олмоқ керак. Халқ, Ватан, тил камситилган жойда ҳеч қачон тараққиёт ҳам, дўстлик ва биродарлик ҳам бўлмаган. Шеър дунёга келган даврда худди ана шу қасалликнинг илдизи чуқурлаша бошлаган эди. Намозлар ва уларнинг қиличлари айни пайтда ўша илдизни қирқиши учун зарур бўлиб қолди. Намоз қисмати ва кураш йўлларига бағишлиган бу шеърлар қасос шеърлари. Уларда лирик қаҳрамон замондошини хушёрлик ва фидойиликка чорлабгина қолмайди, балки ўз руҳиятидаги, дилидаги исён оловини ҳам жасорат билан ошкор этади. Ўзига ҳамдард ва ҳамфирлар излайди.

Тарих бағрида замонни вояга етказиш, шу заминда келажак тарбиясини бошлаш X. Даврон лирик қаҳрамонининг бош мақсадларидан бири. Бу унинг "Афросиёб сўзи" шеърида жуда ёрқин бир тарзда кўзга ташланади. Тарих — бобою мөмоларнинг руҳини, кураш ва орзу-интилишларини бағрига олган улкан бир ҳилқат. Бугунги авлод нимаики мақсад қилган бўлса, албатта, ўз тарихига таяниб қилмоғи лозим. Агар ҳар қандай жисмнинг таянч нуқтаси бўлмаса, у ўз мувозанатини йўқотади. Тарихига таянмаган замон ҳам шундай. Йилнинг фасллари бўлганидек, инсон үмрининг ҳам фасллари бўлади. Агар бу кенг маънода олинадиган бўлса, инсоният тарихи ҳам фаслларсиз бунёд бўлмаган. Тарих фаслларининг ҳар бири авлодлар учун улкан ҳаётий тажриба мактаби.

Шеърда тарих замонага мурожаат қиласар экан, ёзидаги даврон чангларидан, кузидаги ёмғирга айланган инсон дарди, ғамидан, қишида қалбларни музлатган нафрат, номус, қасос бўронидан, баҳоридаги тоза ва бокира майсанга айланган аждодларнинг

мангулик меҳри, умиди ва жасоратидан сабоқ беради.

Кел, бўтам, ағана, кўксимда силкинган
Майсазор устига, ахир, сен менинг
Саратоним, кузим, қишим, баҳоримсан.³⁸

Демак, бола ота-онасиз, унинг тарбиясини олмай чин маънодаги инсон бўлиб вояга етолмайди. Тарихини танимаган, ундан ажралган давр ҳам худди шундай. У инсон орзулари, кураш ва интилишлари тўла маънода рўёбга чиқадиган замонага айлана билмайди. У йўлидан адашиши, уни асрлар қонида яшаган номус, қасос, жасорат тарк этишиб мумкин. Шеър лирик қаҳрамони эса буни истамайди. Уни замонасининг ана шу туйгуларни бекадр қилаётганилиги қийнайди. Тарихда инсоният ҳаётининг ҳайкаллига айланган муқаддас мерос — Афросиёб сўzlари билан замондошига мурожаат этади. У ўз руҳида бедор яшаётган аждодлар руҳининг қудратидан уларга ҳам улашгиси келади. Чунки даврнинг маънавий ташналилк палласига кирганлиги ва унинг чорасини тоғолмай аросатда қолиб кетаётганилигини лирик қаҳрамон жуда яхни англаб етган.

Кетаман "Девон-ул-лугатит турк"ка
Ҳасратим, кувончим олиб кетаман.
Мозийни бугунга, заминни кўкка,
Қалбимни "Девон-ул-лугатит турк"ка
Улай деб кетаман, бир кун етаман.³⁹

Бу ерда лирик қаҳрамоннинг аввалги шеърларидаги тарихни замонага яқинлаштириш, яни "Мозийни бугунга", улаш мақсадидан қайтмаганлиги кўриниб турибди. Дарвоҷе, "Девон-ул-лугатит турк оҳанглари" шеъри X. Давроннинг тарихга — мадани-

³⁸ Ўша асар. 136-бет.

³⁹ Ўша асар. 195-бет.

ятимиз, тилемиз тарихига бўлган эътиқодининг ниҳоятда юксаклиги белгисидир. Шоирнинг ҳасрати ҳам, қувончи ҳам — халқ. Халқ эса бугун ўтмишидан бениҳоя узоқ масофаларга олиб кетилган. Оралиқ масофа узоқлашган сари улар ўргасидаги жарлик кенгайиб, чуқурлашиб бормоқда. Шоир руҳиятига изтироб олиб кирган бу ҳақиқат уни беихтиёр тарих бағрига чорлайверади. У эса интилаверади, қарор эса қатъий: барибир "бир кун етман". Лирик қаҳрамон бу сўзларни шу қадар ишонч билан айтадики, ўқувчи беихтиёр унинг фикрлари доирасига тушиб қолади. Сабаби ўқувчи ҳам лирик қаҳрамон билан қондош, жондош, руҳдош. Руҳий яқинлик бор жойда бир-бировни тушуниш осон, мақсадлар уйғуллашви, табиий.

Илдизи бақувват дараҳт узёқ яшайди. Тарихидан ажралмаган халқ ҳам шундай. Ўз ўтмишидан юз ўтириб, ўзганинг бугунидан умидворлик бемаънилиkdir. Бундай бемаънилилк эса замонанинг қиёфасини белгилаш даражасига етиб борган пайтда унга чидолмаган, чора кўришга ожизлик ҳиссини туйган лирик қаҳрамон ўзининг орзу-умидларига тарих бағридан макон излайди. Халқини ҳалокатдан асранинг йўлларини аждодлар маънавий мероси хазинасидан ахтаради. Турк тилининг бутун бойлиги ва гўзалигини "Девон-ул-луғатит турк" асарида сақлаб қолишга мұяссар бўлган Маҳмуд Кошгари руҳига сиғинади.

У айтмас: -Шайтон, -деб, у айттар: -Баёт.

У айтмас: -Ўлим, деб, у айттар: -Хаёт

У айтмас: -Кечам, -деб, у айттар: -Эртам.

У айтмас: -Бугуним. Айттар: -Будуним.

— Хайр! -демас, -Салом, -дер, -салом, набираам!⁴⁰

Булар юракни орзиқтирувчи тансиқ ҳақиқатларку?! Қалбининг кўзлари даврон чангларидан тозаланаётган ўқувчи лирик қаҳрамон туйғулари ифодасидан тўлқинланиб, ўз аждодларига соғинч билан талпиниши, сўзсиз. Чунки унинг мудроқ руҳини уйғотувчи лирик қаҳрамон фикрлари ниҳоятда теран ва таъсири. Яшашга, курашга чорловчи бу сўзлар тарих нурлари ёрдамида бугунги маънавият чироқларини тамоман сўнишидан асрорчи қудрат. Хўп, руҳи, виждони уйғоқ ўқувчи, лирик қаҳрамон билан ҳамфир, унга ҳамдамлик қила олади. Аммо замона руҳи-чи? Яхлит ҳолда олганда, лирик қаҳрамон руҳининг исёnlари, замонанинг руҳини бутунлигича ўз оқимиға торта оладими? Бу жуда қийин масала. Лирик қаҳрамон ана шу мураккабликка жуда яхши тушунади ва фикр-қарашлари, курашлари йўлида пайдо бўлаётган тогдай тўсиқларни енгишга ўзидан куч излайди:

"Девон-ул-луғатит турк" да очун ёруғдир.

Йўл хўб узундир, юлдузлар йироқ.

Етмоқлик гумондир, кетмаклик-зарур.

Юраклар-долғали, орзулар-тирик.⁴¹

Бу мисраларнинг ҳар бири фикрий терәнлиги жиҳатидан битта мустақил асарнинг гўяйий юкини ўзида мужассам этган дейилса, муболага бўлмайди.

"Девон-ул-луғатит турк" — бу тарих тимсоли. Унинг ёруғ кунлари, тунларини ёритган юлдузларининг шуъласи замонани ҳам ёритишга қудрати ётмоғи рост. Замоннинг улардан узоқлаштирилганлиги эса улкан фожиа. Ўтмиш бағрида нурланиб турган "ёруғ очун" да замондошининг етмоқлиги лирик қаҳрамон қалбига гумон уругларини ташлайди. Сабаби, биринчидан, замондоши маънавияти ўз ўт-

⁴⁰ Ўша асар. 116-бет.

мишининг нурлари билан эмас, балки бошқа ёруғликлар таъсирида шаклланганлиги бўлса, иккинчидан, мақсади шубҳали кучларнинг анча барқарорлиги эди. Шунинг учун ҳам лирик қаҳрамонни "нима қилмоқ керак?" деган савол ниҳоятда қийнайди. Руҳий тушкунлик инсонни ҳалокатга тезроқ етказувчи омиллардан бири. Лирик қаҳрамон эса курашиш, ҳақиқатни тиклаш учун дунёга келган. Эзгу ниятга хиёнат қилиш ҳам уни маънан нобуд этиши мумкин. Шунинг учун у бутун борлиғи билан "тарихни замонага, заминни кўкка улаш", келажакка қўл бериш учун курашга шай. Юқоридаги шеърда маънавий мероснинг замона руҳиятини ўзгартиришдаги, янада аниқроғи, шакллантиришдаги аҳамиятига урғу берилган бўлса, "Маҳмуд Кошгари" шеърида шахснинг маънавий камолоти, унинг инсониятга, жамиятга бериши мумкин бўлган руҳий бойликлари масаласи ёритилади:

Чол билар, сўзлар — бу, ҳалқнинг юраги,
Ҳалқ ўлмас — сўзини ўлдиролмасант...
Хира кўзин узмай оппоқ вароқдан,
Битаркан энг оддий улуғ сўзларни,
У сўзларни эмас, забун бўлмоқдан
Аслида қутқарib қоғди бизларни...⁴²

"Маҳмуд Кошгари" шеърининг лирик қаҳрамони ўзини фақат замон олдида бурчдор деб эмас, балки тарих олдида ҳам қарздор деб билади. Зеро, замонни қутқармоқ учун фидойилар қадди дол, бемадор тарихга қувват бўлолмаса, кейин қеладиган ҳеч авлод ўтмишни она тарих сифатида эъзозлай олмайди. Аммо лирик қаҳрамон яшаётган даврнинг ўзи руҳидан, виждонидан айрилган бўлса-чи?! Йўқ, давр яхлитлигича руҳсиз, виждонсиз бўлолмайди. Ҳамма давр-

ларда бўлганидек, боболар руҳи руҳида яшовчи фарзандлар туғилиб туради. Улар қерак бўлса, тарихга сифинади, уни идеаллаштиришгача бориб етади. Чунки бошқа иложи йўқ. Қандай қилиб бўлса-да, замондош қалбида тарихга меҳр, унга талпинмоқ туйгусини уйготиш зарур. Бу жиҳатдан Х.Давроннинг "Ўрхун-Энасой тошлари" шеъридаги:

Энди бу тошларга ўйиқ саволлар
Бизни ўргаётир — совир дил қони:
"Элим будун эрди.
Элим энди қани?
Ботирли будун эрди,
Ботирлари қани?..."⁴³

мисраларининг давр олдида турган ниҳоятда долзарб сўроқлар эканлигини тан олмай бўлмайди. Дарҳақиқат, эл-элат, унинг фидойилари, ботирлари қани, ахир? Улар бор, аммо уларнинг миллий туйгулари, гурури сўниш даражасига етган аҳволда. Булар ҳақида ўйлаш гурури баланд, руҳияти уйгоқ ҳар бир кишининг дилига алам, ўқинч зилзиласини солади. Изтиробли қалбига ҳамдард излайди, уларни топишга ва сафини кенгайтиришга интилади. Руҳан ҷарчаган вақтда элига, юртига афсонавий қаҳрамонлар — Алпомишлар руҳидан мадад тилайди. Бир пайтлари руҳларга қанот, орзули дилларга қувват бўлган Алпомишни диллардан, руҳлардан бадарга қилишга уринган замонга лаънат айтади. Ахир алпомишларидан айрилган ҳар қандай элни, миллатни, ҳалокат ютмоғи аниқ. Миллатни ҳалок этиш учун қуролнинг ҳожати йўқ, уни тилидан, руҳияти озиқланадиган миллий, маънавий булоқларидан ажратилса, шунинг ўзи етарли. Ана шу мақсадда балки юртимиз алпомишлари қатогон қилиниб, мангу уйқуга маҳкум этилгандир. Вакт келганда эса улар руҳини ўйготтилганда.

⁴² Да врон X. Кақнус. Тошкент, 1987. 63—64-бетлар.

⁴³ Ўша асар. 150-бет.

моқ ниҳоятда зарур. Бу Х. Давроннинг "Алпомишинг қайтиши" шеърининг бош фояси. Шоир ёзади:

Бепоён далада бир ботир ухлар,
Сочлари чатишиб кетган гиёҳга.
Қай садо ботирни яна қайтарар
Бу кўҳна, бу соқов, бу кар дунёга?⁴⁴

Сочлари она тупроғига, унинг гиёҳларига чатишиб кетган ботир ким? У бизнинг бугунимизга она бўлган тарихимиз бағрини абадий макон этган фидойи қаҳрамонлари — фарзандлари руҳи. Онани унтиш мумкин бўлмаганидек, тарихни — ўтмишни унтиш кечирилмас гуноҳ, тузатилмас хато. Аммо бу гуноҳкорлик бизга қайдан бўлса-да, ёпишиб олди. Шу боисдан лирик қаҳрамон "соқов, кар дунё"га забонли бўлиш, аждодларининг нидосини эшитишдек бахтни излайди. Бу Алпомиши сиймосида умумлаштирилган руҳий бедорлик ва эътиқод туйғуси. Зеро, тарихни замонга яқинлаштириш учун, аввало, замондошлар қалбida, вужудида ухлаб етган "Алпомиши"ни — руҳ ва эътиқод туйғусини уйфота билиш керак. Бундай кучни замонадан топиш мумкини? Мана шу савол лирик қаҳрамонни азоблайди. Аммо у "ҳа" ёки "йўқ" дея олмайди. Бу жавобларнинг ҳар иккаласини ҳам замини бўшдек туолади унга. Лекин ўзининг руҳиятини ёритиб турган бир тўла нурга интиқлик билан талпиниб турганлиги сезилади. Талпиниш туйғуси ўкувчи вужудини ҳам забт этади. Бу келажакдан ўмид туйғуси⁴⁵ эди:

Хира кўзларини узмай уфқдан
Донишманд чолгина йўлга термилар
Ва айлар башорат: "Уни уйқудан
Уйфота олади фақат болалар".⁴⁵

⁴⁴ Ўша асар. 152-бет.

⁴⁵ Ўша жойда.

Кўзлари хиралаштан чол — тарих тимсоли. У ҳар куни бугундан — беоқибат фарзандидан нажот кутавериб, толиққан. Чунки бугундан умидворлик туйғуси фақат тарихни эмас, балки замоннинг ўзини ҳам тарк этётир. Шунинг учун ҳамма умид келажакдан. Аммо келажак бугундан бошланади. Аввало, бугуннинг Алпомиши сиймосидаги соғлом кучларини уйғотиш эсдан чиқмаслиги даркор.

"Алпомишинг қайтиши" ҳақида фикр юритган И. Ҳаққулов: "Одатда бундай... образларда ҳалқнинг жасорат, кураш, мукаммаллик ҳақида тушунчалари, ўзликни англаш, унга доимий интилиш фалсафаси илгари сурилади"⁴⁶, — деб ёзган эди. Дарҳақиқат, ўзлигини анлаган инсонгина тарихини хурмат қиласи, замона соғломлиги учун курашади, келажагининг эса ўтмиш қусурларидан ҳалос бир тарзда бунёд бўлишини орзу қиласи.

Хуллас, Х.Давроннинг тарихий мавзудаги шеърларида замон бор бўйича ўз аксини топади. Замонанинг асл қиёфасини чизиш эса шоирга осон бўлмади. Давр дардларини лирик қаҳрамон руҳий дунёси қабатларидан ўтказиб, ўқувчи руҳиятига таъсир кўрсатишдаражасида акс эттириш шоирдан жуда катта маҳорат ва билимни талаб қиласи. Шу билан бирга унинг меҳр, эътиқод ва курашчалик туйғуларининг ҳақиқий эгаси бўлишини ҳам тақоза этади. Зеро, Х. Даврон шеърларини ўқигандан гўё шоир тафаккури фақат тарих ҳақабатларини ёритишига йўналтирилгандай, унинг хазинабони бўдиш орзусида изланаётгандай туолади. Бу ҳақиқат. Аммо шеърларда яна бошқа ҳақиқат ҳам борки, уни рӯёбга чиқариш замоннинг қисматини қароқилаётгандан ҳодисаларга барҳам бериш ва келажак тақдирини белгилашга катта ёрдам кўрсатади. Мана шу ҳақиқатлар уйғунлиги замондош руҳиятига жуда катта

⁴⁶ Ҳаққулов И. Бадий сўз шукухи. 356-бет.

маънавий озиқ беради ва уни келиб қолгани жар ёқасидан қайтаришга кўмакдош бўлади.

Ушбу бўлимда ўрганилган тарих, замонга нисбатан лирик қаҳрамон муносабати шуни кўрсатадики, у узоқ йиллар мобайнида давом топган маддоҳлик кайфиятидан кечиб, ўзининг ҳақиқий қиёфасида яшаб, миллий маънавий чашмалардан чанқофини қондиришга интилган. Бу эса ўзбек шеъриятида миллийликнинг равнақига қўшилган ҳисса эди. Лирик қаҳрамон руҳий дунёсидаги исёнларнинг шеърга муҳрлана бошланиши, шубҳасиз, адабиётнинг ютуғи, унинг ўзлигига қайтиш сари қўйган қутлуг қадами бўлди. Бу йўлда Э. Воҳидов, А. Орипов, Р. Парфи, О. Матжон, У. Азим, Ш. Раҳмон, Х. Даврон шеърияти лирик қаҳрамонлари дунёқараси, тафаккур тарзида ажралмас бир уйғунлик юз очдики, бу фақат ҳалқни маънавий юксалиш сари бошловчи нур манбаига айланди. Натижада, руҳан баркамол, фикран етук замондошимизнинг "сиймоси лирик қаҳрамон қиёфасида умумлашган" ҳолда намоён бўла бошлади. Бу қаҳрамон яшаётган даврининг асл мөҳиятини тушуниб, ўзи йўл қўйган хатоларни англаб, келажакни улардан асрани учун ўзича жасорат кўрсатди. Қалб маслаги уни, -аввало, тарих бағрига чорлади. Унинг руҳий кудратини руҳига сингдириб, келажак истиқболига чиқишишга даъват этди. Хуллас, шеъриятда психологиязм — руҳий дунё манзаралари ни теранлик билан, тадрижий, равишда очиши, тасвир этиши, таҳдил қилиш ва уни кўдинчча тарих ва замон муносабатлари мөҳиятини ёритишига йўналтириш масаласи бош мақсадга айланди.

Шеъриятда тарих, замон ва келажак диалектикаси тасвирининг бош фоявий ният сифатида танланниши ва унга лирик қаҳрамон муносабати инсон қисмати ва тақдири масаласини даврнинг ижтимоий, сиёсий ва маънавий муаммолари доирасида ўр-

ганиш, инсоннинг жамиятда тутган ўрни масаласини бадиий тадқиқ этиш демакдир. Бу масала сўнгти йиллар ўзбек шеъриягининг йўналишини, юксалиш йўлларини белгиловчи омил бўлди.

2.2. ҲАЁТ ҲАҚИҚАТИ ВА ФОЯВИЙ-БАДИЙ МУШОҲАДА КЎЛАМИ

Жамият ва инсон муносабатларининг шеъриятдаги фоявий, бадиий тадқиқи замондош шоирлар шеъриятида жуда теранлик билан амалга оширилган. Улар бир томондан, инсон қисмати, миллат тақдири масалалари борасида тарих, замон ва келажак муносабатлари ёрдамида фикрлаш, рост ва зарур гапларни ҳалқ қалби ва руҳиятига олиб кириш учун интилдилар. Иккинчи томондан, моддий ва маънавий инқирозлар кучайиб, сиёсатчилар ҳам бунга маълум маънода ён бера бошлагач, жамият ва инсон, янада аниқроғи, жамият ва шахс муносабатларини эркинроқ бадиий таҳдил эта бошладилар. Бошқачароқ қилиб айтганда, ижтимоий ҳаётга сиёсат таъсирининг оқибатларини ўрганиш, мавжуд жамиятни ташкил этувчи-инсон — шахснинг ахлоқий-маънавий даражалари ҳамда уни юксалтириш, мукаммалаштириш сингари муаммолар ечимини излашга астайдил киришдилар. Натижада, ҳалқ ҳаётининг аҷчиқ ҳақиқатлари шеърият тилига кўчирила бошланди. Бу тамойиллар 60-йилларда ёқ илдиз ота бошлаган эдӣ: 70-йилларга келиб, бу йўналиш кучайди. Чунки биринчидан, ҳаётда, жамиятда чигалликлар кўпайиб бораётган бўлса, иккинчидан, уларнинг гирдобида яшамоқ ҳар бир шахс учун ниҳоятда мураккаблашиб бораётганлиги ҳеч кимга сир бўлмай қолди.

Э. Воҳидовнинг "Бонг уринг" шеъри лирик қаҳрамони замондошларини лоқайдлик, беэътиборлик чангалидан кутқариш учун бошланган курашнинг фаол

қатнашчиларидан эди. Лирик қаҳрамон беҳуда кечган умр — вақтга ачинади ва унга жамиятни издан чиқарувчи, инсонни ҳар қандай ижодкорлик кайфијатидан маҳрум этувчи куч сифатида муносабатда бўлади: Мана шу вақтга бепарволик, ўтган умрга ачин-масликнинг ўзи, балки жамият, тузум моҳиятидан, унинг амалдаги қонуниятлари туфайли келиб чиқкан бўлса, ажаб эмас. Капиталистик жамиятда рақобат асосида яшаш қонуниятга айлангани учун унда инсон яхши ҳаёт кечириш учун бор имкониятини ишга солишга интилади. Бу, албатта, жамиятда хусусий мулкчиликнинг хукмронлигидандир. Бизда эса хусусийлик тушунчасига қарши ўт очилди. Ҳар бир соҳада умумийлик масаласи устун қўйилди. Балки шунинг учун лоқайдлик, тайлончилик, ўзи бўларлик, хўжасизлик сингари салбий сифатлар жамиятни емира бошлагандир. Мана шу масалалар биринчи навбатда сиёсатчиларни ўйлантирмоғи, ҳокимиятни бошқаришнинг янгича ва яхши йўлларини излашга ундумоғи шарт эди. Аксинча, бу масала сиёсатчиларни эмас, балки кўпроқ ҳалқнинг зиёли фарзандларини ўйлашга, фикрлашга ундинди. Улар жамиятда иқтисодий, маънавий-ахлоқий парокандалик бўшланадаётганлигини айтиб, аввало, сиёсий раҳбарларни, кейин эса ҳалқни ҳабардор қилишга ошиқдилар. Буни жамият ва унинг сиёсати қандай қабул қилди? Дастилабки даврларда бу кайфият хушланмади, албатта. Шунинг учун ҳам Э.Воҳидов ушбу шеърида ёнаётган вақт тимсолида ёнаётган эзгу ишлар, яратиш, яшнатиш, кашфиётлар олами, энг асосийси, инсонийлик, меҳр, саховат, поклик, гўзаллик, қисқаси, ёнаётган умр, ҳаёт ҳақида даҳшатга тушиб бонг уради:

Одамлар,
уйқудан
йғонинг,

Шошилинг, қидиринг
тез нахжот.
Жон куйсин,
қалб ёнсин
сиз ёнинг,
То ёниб
кетмасин
бу ҳаёт.⁴⁷

Демак, лирик қаҳрамон инқирозга кетаётган жамиятни сақлаб қолиш учун шу жамиятни ташкил қилган виждонли одамлар қалбига исён солиш ниятида бонг урмоқда. Жамият емирилса, яхши ҳам, ёмон ҳам баравар куяди — ўрмонга ўт кетса, хўлу қуруқ баравар ёнади. Бу умумий ёнғиннинг олдини олиш учун хусус ёнмоғи, ҳар бир қалб ёнмоғи, рух исён билан уйғонмоғи шарт. Шунинг учун лирик қаҳрамон ўз руҳиятида уйғонган исённи барча руҳиятларга улашмоқ ниятида бонг урмоқда. Рух уйғоқлиги виждон саломатлиги, инсоният баҳти, жамият равнақи демакдир. Шу боисдан шоир лирик қаҳрамон руҳиятидаги исённи кучайтирмоқ, ундан одамлар қалбига, тафаккур оламига, маънавий дунёсига зиё олиб кирмоқ илинжиде инсониятга — ҳалқига мурожаат этади. Бу мурожаат туйғуларнинг, ҳисва ҳаяжонларнинг кучли тошқинлари, руҳнинг шижаоатли, курашчан манзаралари тасвири орқали ўкувчига етказилиди.

Э. Воҳидовнинг "Арслон ўргатувчи" шеъри жамиятни, тузум моҳиятини остин-устин қилувчи, ундаги ижтимоий-сиёсий аҳволнинг танглиги, инсон — шахс қисматини ҳаққоний равишда очиб бериш кучига эга бир асардир. Ҳаётни бир томошагоҳга қиёслаган шоир жамиятда тутган мавқеи, нуқтаи назаридан турли тоифалардаги одамларга нисбатан ўз му-

⁴⁷ Воҳидов Э. Сайланма. 2-жилд. Тошкент, 1986. 32-бет.

носабатини билдиради ва шулар замирида жамият ва шахс муносабати бадий кашф этилади. Зоро, 70-йиллар охирларида, яъни шеър дунёга келган даврда томошагоҳ эгасининг ҳам, арслон ўргатувчининг ҳам ҳали қўли баланд эди. Улар қанчадан-қанча арслонлар — уйғонган руҳий исёнларни "банди қафас" қилиш имкониятига эга эдилар. Жамиятни ҳали орзулар аршида кўраётган омма эса "арслон ўргатувчи" маҳоратининг сехрида эди. Арслон тимсолидаги лирик қаҳрамоннинг:

Шер зотини масхарабоз
Кўлига бериб,
Мард ҳолидан
Роҳат олиб қилган ҳандалар,
Лаънат сизга,
Томошабин, гумроҳ бандалар!⁴⁸

деган фикрлари руҳан бедор, имони бугун, туйбу ва тафаккур исёни вужудини ёндирадиган даражада кучли инсоннинг мавжуд жамиятга муносабатининг ёрқин кўзгусидир. Шеърда, асосан тўртта куч ўзини намоён этади. Уларнинг ўзаро муносабати лирик қаҳрамон нигоҳида таҳлил этилади. Томошагоҳ — бу жамият, арслон ўргатувчи ана шу жамият мағкурасининг қули, арслон уларга қарши бедор руҳларда қўзғалган исён, томошабин — кўзи, қалби ҳақиқат нуридан тўсиғлан, маънавий қашшоқлик гирдобига тортилиб, манқуртга айлантирилаётган халқнинг тимсоли. Булар ўзаро муносабатга киришар эжанлар, ўзларининг ҳаётдаги ўрнини ўқувчи кўз олдидага намоён этиб боришади. Бу ўша даврининг бугун моҳиятини, одамлар дунёқарашининг, маънавиятининг даражаларини кўрсатувчи аянчли манзаралардир. Арслоннинг қалбидаги исённинг кучлилигини таъкид-

лаган ҳолда унинг даврга мослашиб, "олов чамбаракка" ўзини уришини лирик қаҳрамон асло ёқламайди. Лекин уни очиқ айтмайди, айттолмасди ҳам. Агар арслон образи 80-йиллар ўрталарида дунёга келганда, у ҳеч қачон, "чарх-фалакнинг" ўт олишини тилаб, ўзини "олов чамбаракка отмас" эди. Аксинча, арслон ўргатувчини ўз орқасидан эргаштириб, унинг чамбарагини синдириб, "томушабин"ларни "гумроҳлик" гирдобидан тортиб олиб, томошагоҳни остинустун қилиб, хужумга ўтарди. Арслонда исёни кучли, аммо ҳали унинг ҳаракатини қўллаб-қувватлайдиган муҳит кучсиз эди. Шундай бўлса-да, бу исёни шеърда ниҳоятда кучли ва ёрқин ифода этилган.

Абдула Орипов шеъриятида эса жамият ва инсон муносабатлари ҳамда шу жараёнда ечими изланажак ижтимоий, сиёсий, маънавий муаммолар бошқачароқ тарзда намоён бўлади. Яъни лирик қаҳрамон бу муносабатларни Э.Воҳидов лирик қаҳрамонидек четдан кузатиб туриб, таҳдил этмайди. Балки инсон ҳаётини мураккаблаштирувчи нимаики воқеа бўлса, уни ўз шахсига қаратилгандек қабул қиласди. Бу "мен" ўзида баъзан кўпчиликни умумлаштирган ҳолда гавдаланса, гоҳида якка шахснинг ҳаётдан, одамлардан кўрган ситамлари туфайли пайдо бўлган кечинмалари билан намоён бўлади. Бунда жамият характери очиқ баҳоланиб, унга нисбатан одамлар муносабати умумлашган ҳолда кўринавермайди. Кўнинча воқелик лирик қаҳрамон руҳий одами, қалби қатларидан ўтиб, ўзиники шаклида ўқувчига етиб боради. Лирик қаҳрамон ниманики танқид қиласа ёки маъқулласа, у унинг ўз шахсий муносабати тарзида ифода этилади. Аммо бундан А. Орипов лирик қаҳрамони жамиятдан, халқдан айри яшаб, фақат ўз дардларини куйлаш билан банд бўлган, деган хulosса келиб чиқмаслиги лозим. Аксинча, лирик "мен"да халқ, унга жабр қилувчи шахслар қиёфасида жамият, сиё-

⁴⁸ Ўша асар. 93-бет.

сат, маъно-мазмуни ниҳоятда теранлик билан умумлаштирилган.

Шоирнинг "Кўриқхона" шеъри — фалсафий даъват ва чақириқ шеър. Хўш, шоир нимага чорлайди? "Оlamda кўп нарса камёб" бўлиб қолган бир пайтда инсофни ("Инсоф йўқолмасин, ўранг мустаҳкам..."), эзгуликни ("Эзгуликни асранг, оламда у ҳам Тождор турна каби бўлмасин камёб"), оқибатни, ҳаёни, имонни, виждонни асрашга чақиради. Чунки шоир наздида "дунё ҳам, инсонлар қалби ҳам, ёвузликдан зада кўриқхона"га айланиб қолган. Шеърда инсон камолоти, ҳар бир ҳалқнинг миллий, маънавий даражаларини юксалтириш учун кураш масаласи кўндаланг туради. Лирик қаҳрамон мушоҳадалари замира жамият қиёфаси ўз аксини тўла топгандай кўринади. У юз тутган инқизоз, маънавий парокандалик гирдобидан ҳалқни олиб чиқиши муаммосининг мantiқий ечимлари ўкувчи мушоҳадасига ташланади.

А. Орипов лирик қаҳрамони руҳий дунёси манзаралари тадқиқи шуни кўрсатадики, унга одамлар, ҳалқ fami, унинг қисмати ва тақдирни масаласи ўчмас қилиб мухрланган. Чунки ҳалқнинг ҳар томонлама камолоти унинг миллат сифатида дунё юзида абадий яшаб қолишнинг асосий заминидир. Мана шу нуқтаи назардан унинг шеърларида гинахонлик туйгулари устиворлик қилади. Бунда шоир ҳалқини камситиши ниятидан умуман йироқда туради. У ҳалқнинг ўз ҳақ-хуқуқини таниб, уни ҳар қандай шароитда талаб қилиши ва қўлдан бермаслиги тарафдори. Шоир она ҳалқини, элдош-юртдошларини қанчалик танқид қилмасин, барибир уни шунчалик меҳр билан севади. Унинг ҳимояси учун ҳамма нарсага тайёр. Лирик қаҳрамон нафрати муҳаббатдан яралган. Ҳалқни севгани учун ҳам унинг аждодларига нолойиқ ишларини ниҳоятда қоралайди ва ундан халос қилиш чораларини излайди. Масалан, "Оломонга" шеърининг лирик қаҳрамони руҳий оламининг манзаралари билан танишадиган бўлсак, у ниҳоятда тушкун ҳолатда. Чунки у ўзи истаган, орзу қилган фазилатларни ҳалқида кўролмаётир. Шу ўринда битта нарсани эсдан чиқармаслик лозимки, шоир "оломон" сўзида бутун бир миллат ёки ҳалқни умумлаштириш фикридан узоқ. Чунки шоир бу сўзни салбий маънода қўллайдики, унда миллат ёхуд ҳалқ шаънига доф тушурувчи, нолойиқ шахсларни умумлаштиради. Зоро, маълум бир ҳалқ уюшган жамиятда турли хил тоифадаги одамлар ҳам уюшганлигини унугиши мумкин эмас. Тоифалар эса ақли, дунёқараши, маънавий ва ахлоқий даражалари нуқтаи назаридан турли хил погоналарни эгаллаган бўлади. А. Орипов оломон деганда ҳалқ ва миллат сифатида шаклланмаган тўдани назарда тутади. Миллий руҳ, миллий гуурор ва эътиқоди суст кимсалар гуруҳида эса фидойилик ўрнини лоқайдлик, кураш ўрнини томошибинлик эгаллаган бўлади. Абдулла Орипов бу нарсани жуда чуқур пайқаган ва ҳаққоний очиб берган. Бунда шоир савол-мурожаат йўлини танлаганки, бу эса ўз-ўзидан, аввале, оломончилик "тариҳи"га диққатни қартади:

Машраб осилганда қаёқда эдинг?
Лорка отилганда қаёқда эдинг?
Суриштирганимидинг Қодирийни ё,
Қалқон бўлганмидинг келганда бало?⁴⁹

Бундай тоифада ёки унинг вакили бўлмиш якка бир кишида жамиятга муносабат қай тарзда шаклланган бўлиши ҳаммага аён. У жамиятни тафтиш қилиш, инсон манфаатига зид ишларни фош этиш хусусиятидан маҳрум бир тарзда кўринади. Дарҳақиқат, шундай бўлди ҳам. Сабабсиз оқибат бўлмагани

⁴⁹ Орипов А. Йиллар армони. Тошкент, 1984. 423-бет.

каби, бу ҳолни юзага келтирған омиллар анча. Зеро, ҳалқ сиёсатта дадил аралаша олмади, жамиятга зиён етказувчи ғояларга қарши курашишта ожизлик қилди. Бу эса шоир лирик қаҳрамони рұхыда ўзига хос манзаралар кашф этди. Үнда ўз аксини күрган оломон ҳақиқат олдидә бөш эгишта мажбурдир:

Хукмлар ўқилур сенинг номингдан,
Тарихлар тұқилур сенинг номингдан.
Нимасан? Қандайин сеҳрли күчсан?
Нечун томошага бунчалар ўчсан?
Қаршында ҳасратли ўйта толаман,
Қачон ҳалқ бўласан эй, сен — оломон?⁵⁰

Бундан кўринадики, ҳалқ ҳокимиятни эмас, ҳокимият ҳалқни бошқариб келган ва уни манқуртларча ижрочилик қисматига қул қилған. Тузумнинг ҳалқ кўзини боғлаган ғоялари ва уни кўр-кўrona қўллаб-қувватлаб, ўзини-ўзи инқироз чоҳига ташлаётган олмон ҳаракатлари шоир рухиятида исён қўзгайди. Чунки бошқа шеърларда шоир лирик қаҳрамони она ҳалқига бўлган меҳр туйгуларини жиловлай олмаган тарзда номоён бўлса, "Оломонга" шеърида у меҳридан кўра алами устун, ҳасрат гирдобидаги-инсон сифатида гавдаланади. Зеро, шоир бу ерда хақ. Шеър дунёга келган 1980 йил ҳалқимиз ҳаётининг чинакам инқирозга юз бурган йилларидан бири эди. Айни пайтда худди шу йилларда ҳалқ онгига бир уйғониш ҳам бошланган эди. "Оломон" шеъри эса оломонни асрий ғафлатдан қутилишга даъват эҳтиёжидан туғилған. Сиртдан қаралғанда, Абдулла Ориповнинг "Ҳайронлик" шеъри мавзу ва муносабат эътибори билан "Оломон"га алоқаси йўқдай кўринади. Аслида эса "Ҳайронлик"да ҳам оломончилик психологияси, оломон ахлоқига хос жиҳатлар

тадқиқ этилганки, бунда энг қайгулиси, яхшилик билан ёмонликнинг, диёнат билан хиёнатнинг, хуллас, оқ билан қоранинг ажратиб бўлмас даражада кўшилиб — қоришиб кетганлигидир:

Чиндан ғалат эрур дунё ишлари,
Миянг ғовлаб кетар ўйлаган сари.
Диёнат, хиёнат аралаш бари,
Боқиб бу савдога, ҳайрон ўтдик биз.⁵¹

Абдулла Орипов ҳамма улкан ижодкорларга ўхшаб, ишорат "тили" билан гапириш, улар орқали ҳақиқатни гавдалантириш маҳоратини яхши эгаллаган. Мана бу мисраларга эътибор беринг:

Ҳар қалай баҳтлимиз — тирикмиз магар,
Қолган гаплар эса ўтарда кетар.
Бамисли карнайга ишқи тушган кар,
Боқиб бу савдога, ҳайрон ўтдик биз.⁵²

Шоир учинчи мисрага жуда катта ижтимоий-сиёсий маъною клайди. Бу мисра ҳалқ мақолидан бунёд бўлған. Ундаги "кар"нинг "карнай"га "ишқи" жамият ва шахс ўртасидаги муносабатни ниҳоятда аниқ ва теран ифодалашга хизмат-этган. Англаган ва билган инсоннинг ажабланиши ёки ҳайронлиги билан англамаган ва билмаганларнинг ҳайронлиги ўртасида ер билан осмонча фарқ бор. Абдулла Орипов лирик қаҳрамонидаги "ҳайронлик" дунё ҳодисотлари ва инсон табиатини чуқур англашдан туғилланлиги учун у ўқувчини мушоҳадага чорлайди. "Мен кимман?" "Нимага қодирман?", деган саволларга очиқ-ойдин жавоб қайтаришга мажбур қиласди. "Оқни қора" дедириш, "жуфтларни тоқлатиш", "қинғирни тўғри" деб тан олдириш жамиятда одатдаги ҳолга айланган эди. Лирик қаҳрамонни замондошининг

⁵⁰ Ўша асар. 449-бет.

⁵² Ўша жойда.

ҳаёт тарзига айланиш даражасига етаётган ана шундай мунофиқликларга бефарқ бўлганлиги ачинтиради. Чунки бундай шахс "ёмоннинг, ёмонлигини", ҳақнинг ҳақлигини, оқнинг оқлигини ҳимоя қила олиш қобилиятини кўрсата олмас, сўзда адолатни, амалда ноҳақликни қўллайдиган жамият қонунқоидаларига қарши боролмас ва ўзининг ҳаётдаги мавқеини белгилашда қатъият кўрсатолмас эди. Мана шу фоже ҳақиқат А.Ориповнинг "Биз" деган тўртлигига жуда маҳорат билан акс эттирилган:

Биз аввал ҳам ёмон эдик, ҳануз ёмонмиз,
Раҳмон боқмас, иблис ёқмас шўрлик инсонмиз.
Сўз сўзласак — маҳмадона, жим турсак — сақов,
Шу тариқа на буғдоймиз ва на сомонмиз.⁵³

Тўртликда ифода этилган ҳақиқат А.Орипов лирик қаҳрамонининг армонли ўйлари, туйгуларига қоришиб, бутун шеъриятида яшаб қолди. Шоир шеърлари лирик қаҳрамони руҳий оламида фоже манзараларнинг дунёга келишига сабаб бўлди. Бу манзаралар "Оломон" да кучли эҳтирос, ҳаяжонлардан ранг олса, "Хайронлик"да туйгулар, руҳий изтироблар жунбуши лирик қаҳрамонни азоблайди. "Уқтириш"-да лирик қаҳрамон қалбини кемираётган туйгулар силсиласини, руҳиятини нурсизлантирган ҳислар буронини ошкор қилолмай қийналади. Шу боисдан у ҳақиқатни, воқелик манзарасини ҳаётдаги чигалликларни ўқувчига оддийгина ҳикоя қилиш билан чекланади. Бу шеърларнинг ҳар қайсисида лирик қаҳрамон руҳий дунёси тасвирига ўзига хослик мухри босилган. Бу муҳр психологик тасвирининг инсон руҳиятининг рангларини кашф этувчи қудратини кўрсатади.

Абдулла Ориповнинг саксонинчи йилларнинг ўрталарида яралган шеърларида ҳаётга танқидий му-

носабат ва муросасизлик ҳиссиётлари янада кучайди. У ошкоралик ва қайта куришкимтиёзларидан яхши фойдалана олди. Бир пайтлар шоир "Руҳим" шеърида:

Сенга на бўронлар кор қила олур,
Сени на йўқотиб, бор қила олур.
Сен мисли камалак — юксак ва сўлмас,
Камалакни эса парчалаб бўлмас.⁵⁴

деган эди. Бунда шоир, руҳ ва ўзининг руҳий қудратига ишонган, унинг жамият тазиқидан устунликка етишишини назарда тутган эди. Аслида руҳ абадиятга мансуб мавжудлик. Лекин инсон ҳаётлигига, вужуд ҳали тирик экан руҳнинг воқелик таъсирида пайдо бўлувчи ҳолатлари ниҳоятда кўп. Бу ҳолатлар инсоннинг жамиятдаги ўрни, ҳаёт тарзи, яшаш мақсадларини белгилашда муҳим бир асосдир. Агар инсон руҳан пок ва соғлом бўлса, унинг қалбидаги орзу ва мақсадлар карвони чексизликка томон йўналаверади. Агар бу руҳ тўхтовсиз зарбаларга дуч келаверса, у албатта, ўзининг табиий ҳолатлари ва қудратидан айрила бошлади. Шу маънода А. Ориповнинг "Ўғлим Илҳомжонга" ва "Узлат" шеърларини эътибордан четда қолдириб бўлмайди. Бу шеърларга асос бўлган замин ижтимоий, ахлоқий, сиёсий зарбалардан зада бўлган қалб ва руҳият. Уларни дардли руҳнинг суврат ва манзаралари деса, хато бўлмайди. "Ўғлим Илҳомжонга" шеъри қаҳрамони ҳаётиди бошланган "изфирили куз"нинг лавҳалари ўқувчидаги ҳам оғир ҳолатлар пайдо қиласди.

Ташқарида секин қораймоқда куз,
Баргларни зил ҳаво келмоқда босиб.
Томай-томай деган томчидай юлдуз
Менинг руҳиямга ғоят муносиб.⁵⁵

⁵³ Орипов А. Ишонч кўприклари. Тошкент, 1989. 145-бет.

⁵⁵ Орипов А. Ишонч кўприклари. 122-бет.

"Cernk kopañmokja" gýmar kys hafacen, "gap-
"japen" godcõe kejatetan "sni xabo", "tomnjan ioi-
"lyz" intopen — gyap nigochnint xam kincman, xam
pyxin xogatin, xam kajlo xacpatinu gipjinkja kypca-
tyren tuncosai ra tamogexjapan. Dloung yapan moxn-
tah, nctamah, kamint, tyayn ra myxt xaknja
finkjatua yhjanin. Ulynhilje, "Ejmenjink", "Ejmenjink", haio-
mat, oping, xycymat" yz-yanja tarenn parnua aha
my tyuyhahajapra sojrahanin:

Taknpia jctinpia aijnin gap-
Ymp hýttapmihnygpkra tunkjap.
Ejmenjink, hajomat, oping, xycymat
Mebamn telpjutap, cytipa tunkjap.
"kyap" yctipapra aijnin gap-
Taknpia jctinpia aijnin gap-
Byhjan kaparaha, jimpk kaxpamohnint ejins-

kyap kryhajap kypcun mehnin tyumna. ⁵⁶
Opom oceam arap, hnti knt xap jam,
tarvkjutuanin:
juini yyh, xatti, tyumia xam opysta cojnikjutinu-
épye kryhajap opacyen gýmar nntahjutu ba kypcunah-
hocagatin gap kajap keckn. Amo A6yjua Opinor
hnti yyh yhnti jfintia mypokxatija kemnta my-
ejenshahmuhua xam gehanc rojmarah nctepjou. Uly-
tar Mexpn gýmar iu6, uyl tyntyra cajokat tyfahjui
gyimaca, dy xam kartta hoknjink. AOpinor xark, Ba-
Barah ba xarkka Mexp tyntyren nctepjou. Japakxanca
ra yimka Mexp xam gýjmonen map. Nctepjou gýjca-10,
mkja minjui typpb ra y3 xarkn xamua oha tyupof-
japin" godcõe kejatetan "sni xabo", "tomnjan ioi-
"lyz" intopen — gyap nigochnint xam kincman, xam
pyxin xogatin, xam kajlo xacpatinu gipjinkja kypca-
tyren tuncosai ra tamogexjapan. Dloung yapan moxn-
tah, nctamah, kamint, tyayn ra myxt xaknja
finkjatua yhjanin. Ulynhilje, "Ejmenjink", "Ejmenjink", haio-
mat, oping, xycymat" yz-yanja tarenn parnua aha
my tyuyhahajapra sojrahanin:

kyung ouhar dy maxe yyyh hera yjat hekot mahn-
kipin ("Kyp, Gap, Xarkn, Jeht...") in jnata uno-
kajam tamian soumamjahr, Kyppin, aparin, xan-
ép tyumna ca6a6 hma? Hma yyyh xætra mytarink
ayjua Opinor jimpk kaxpamohnint yjatih nxit-
tarahjapin gyinna rapkn yjhe kymn jemak. Xym, A6-
batta ioi 6ypin, shua shukpon, racabryf machair
Marbyrkn, yjat — gap tyumra ekshinn, xik-
tjan.

keht ba kartta mapho unipntrahjutu xam parnaha-
jar" hom gýmar nehp aparynuninu samphut aha
jan 6axo 6epnajutu 6yica, A6yjua Opinor "y-
ana myhjan nshutu ba y3nbinink hykran ha3an-
japinu myoxaa3a tñnta par6atnahjutu. Macjatra
ja jomnn parnua xokinink kungo kymn fojuna-
tupra kemnepair ba yhnti tapinx mntamnus xact-
hnti "épye kryhajap" opacyen gýmar kado kryhajap xo-
gounma", — jea hota ekekhan aijn. A6yjua Opinor-
gap hnti kryhajap Hymon "Kapo kryhajap tyumra mehnin-

Épye kryhajap kypcun mehnin tyumna. ⁵⁷
Opom oceam arap, hnti knt xap jam,

лига айланди экан? Бу саволларга осон жавоб қайта-риш қийин. Чунки Абдулла Ориповнинг лирик қаҳрамони анча қийин, мураккаб, мاشақатли ва қара-ма-қаршиликларга тўла ҳаёт йўлини босиб ўтган. У авваллари ишонган нарсаларга кейинчалик ишонмаган, олдинлари суюнмоқчи бўлган ҳақиқатлари сўнг саробга дўнган, халойиқа талпинган, лекин ёлғизланган ("Заминдек айланган савдоли бу бош, Қолди қисмат ичра заминдек танҳо..."), хуллас, умиднинг барини тутмоқ бўларкан, доимо армонга, фуссага дуч келаверган. Ўтирган умри ниҳоят уни узлат эшигига юзма-юз қилиб қўйган. Шунинг учун унинг мана бу қарори бир кун ё бирданига пайдо бўлган қарор ва иқрори эмасди:

Менга узлат керакдир,
Издиҳомдан тўйғанман,
Тўда-тўда жойларга
Энди бормай қўйғанман.
Изтиробли турмушнинг
Савдоси зўр бағоят,
Инжа, нозик руҳни у
Енгиб олди ниҳоят.⁵⁸

Демак, узлатга сабаб "изтиробли турмушнинг савдоси" ва "инжа, нозик руҳ"нинг унга таслим бўлишидир. Буни енгилиш эмас, худди Алишер Навоийга ўхшаб "даҳри бемаъни элидин" қочиш, дунё ёлғонларидан безиш ва тафаккур завқига берилиш деб англаса, тўғри бўлади.

Руҳнинг енгилмоғи — бу инсоннинг ҳаётдан илинжи узилмоғи демак. Лирик қаҳрамоннинг ўзи ҳам ҳайрон бу ҳолга. Наҳот, инсон қисмати шундай бўлса?! Йўқ. Ҳамма ҳам бундай қисматга дучор бўлавермайди. Фоже қисматга дучор бўлувчидарнинг аксарияти фидойи қалб ва бедор руҳигят соҳибларидир.

Улардаги бу ноёб бойлик барчага мұяссар эмас. Мана шу мұяссарлик баҳти — уларнинг баҳтсизлиги ҳам. Лирик қаҳрамоннинг "Нечун ўксук бандаман, Нечук баҳтсиз инсонман", — деган ағфони бежиз пайдо бўлмаган. Нега? Ахир А.Ориповдек фидойилар элу юртга бениҳоя зарур-ку? Аммо бу заруратнинг қадри унинг жамият, ҳалқ томонидан қай даражада англанмоғи ва эъзозланмоғи билан боғлиқ. Жамият маънавий фариб аҳволга тушиб, унда ташналиқ, чанқоқлиқ туйғуси сўнган бўлса, истеъоддли фарзандлар фидойилиги, ғамхўр ва меҳрибонлиги бекадрлигича қолавериши, табиий. Истеъоддларни асраш, эъзозлаш ўрнига уларга нисбатан гўлларча муносабат ўзкучиги кўрсатавериши тайин. Жамиятни издан чиқарувчи, ниҳоятда мавқедор бундай ёвуз куч олдида ожизлигини тан олган шоир тафаккур қуввати ва ожизлигини тан олган шоир тафаккур қуввати ва

Қай ёвуз куч дафъатан
Солди мени бу ҳолга,
Нечун уйғоқ идроким
Мойил бўлди малолга.⁵⁹

деган саволнни ўртага ташлай олмасди. Бу эса ёвузлик ва зўравонликка асосланган жамиятни инкор этишнинг бир йўли эди. А.Орипов лирик қаҳрамони учун умр давоми элнинг юрагида, "ўксикларнинг тилагида"дир. Лирик қаҳрамон руҳи эл қалбига чироқ ёқса, "ўксиклар" тилагида нур бўлиб порласа, чекинишини ниyat қўилган экан, бу унинг элидан, юртидан бутунлай ажралиб кетишими билдирамайди. Балки унинг учун муқаддас узлат элнинг, юртнинг юрагидир. Демак, лирик қаҳрамоннинг ҳаётдан уми-юрагидир.

⁵⁸ Ўша жойда.

дини сўндирган омиллар, унинг элдан меҳрини со-
вута олмаган. Яхшими, ёмонми қандайлигидан қаты
назар, унинг учун ҳамиша муқаддас халқи ва Вата-
нига бўлган меҳри шоир қалбини асло тарк этол-
майди.

А. Орипов шеъриятини кузатиш, айниқса, ке-
йинги икки шеърининг таҳлили шуни кўрсатадики,
унинг лирик қаҳрамони ниҳоятда мураккаб вазият-
да, шароитда яшашга мажбур бўлган. Чунки у муро-
сасозлик, замонасозликка ён беришдан ўзини қан-
чалар эҳтиёт қилган бўлса-да, баъзида бундан чеки-
нолмай қолган. Бироқ, маҳзун руҳнинг нидоси
сифатида дунёга келган шеърлар жамият ва инсон
муносабатининг теран таҳлили, манзараси сифати-
да ўқувчи қалбига муҳрланиб қолади. Бу эса замон-
дошларимизни манқуртлиқдан холос этиш йўлида-
ги ЭНГ дадил қадам сифатида авлодлар эъзоз ва эъти-
борига лойиқ адабий, маънавий ҳодиса бўлди. Чунки
А. Орипов шеъриятида руҳ ҳамиша бедор ва безовта.
Оғрикли ҳислар, туйгулар ҳамиша унга ҳамроҳ. Дард,
меҳр, шафқат, нафрат ва газаб ҳам унинг йўлдоши.

Аммо А. Орипов овози — ёлғиз овоз эмасди. Унинг
ҳамроз, ҳамфир ва ҳамдарлари сафи кенгая борди.
Зеро, бунга ҳаётнинг, жамият ва сиёсатнинг ўзи ҳам
замин яратса бошлади. Ҳалқ эркига, хуқуқларига ик-
кинчи даражали нарса сифатида қарашиб каби иллат-
ларнинг юқори кўтарилиши фидойи кишилар қал-
бидა ҳаҳр ва исён туйгуларини қучайтириб борди. Бу
исён туйгуси биринчи навбатда ўз аксини шеърият-
да кўра бошлади. Ана шундай исённинг ўзига хос
манбаларидан яна бири Омон Матжон шеърити-
дир.

Шоирнинг шундай асалари борки, уларда давр,
жамият моҳияти, ундаги ижтимоий-сиёсий ва маъ-
навий муаммолар манзараси ўзининг ҳаққоний ак-
сини топади. Унга нисбатан лирик қаҳрамон мұно-

сабати ижобийликдан анча узоқ масофаларда зоҳир
бўлади. Шўро жамияти инсоннинг фақат фикр-
қарашларини эмас, балки ҳис-туйгуларини ҳам таъ-
қиб этар, Усмон Носир айтганидек, кўпинча ҳисни
хароб ҳам айлар эди. Шунинг учун Абдулла Орипов-
нинг "Шоир бўлиш қийин, шоир бўлиш оғир, То-
кишан бор экан, юрт оёғида...", деган сўzlари деяр-
ли юз фоиз ўзини оқлар эди. Лекин таъқиб ва таз-
йиқлар шеъриятни нигоҳини эрк ва ҳурриятнинг му-
қаддас сарманзилларидан четлаштиришга қодир
эмасди. Зоҳирлан хотиржам ва келишувчан бўлиб кў-
ринган ўзбек шеърияти ичдан бир исён ва вазмин-
лик либосига бурканган интиқом маслаги билан
ҳаракат этарди. Шу ҳаракатга маълум бир ижодий
ҳисса қўша олган шоирлардан бири Омон Матжон
эди. Унинг услуби учун хос хусусиятлар хусусида
сўзлаганда, рамзийлик ва мажозийликни назардан
соқит қилиш мумкин эмас. Омон Матжоннинг "Оқ
каптар", "Ветеранлар", "Қайси йил кўкламда...",
"Қушлар", "Ҳамид Олимжон ҳақида қўшиқ" шеър-
лари моҳияттан бир-бирини тўлдиради. Шоир шеър-
лари кўпчилигининг қаҳрамонлари қушлар. "Оқ кап-
тар"да тинчлик ва осойишталик, поклик рамзи бўлган
қаптар "не-не қутлуг жойларни эгаллаган" ва қабиҳ-
ларнинг нопок дилини овлаган тўтиларга қарама-
қарши қўйилади. Ҳар иккала қуш — кантарнинг ҳам,
тотиплари бор. "Кушлар" шеърини эса Омон Мат-
ジョン:

Менинг юрагимда ранг-баранг қушлар,
Билмам, қачонлардир қурмиш ошиён.
Хаёлнинг талвосли парвози шундан,
Шундан кўксимдаги favfo, тўполон.⁶⁰

⁶⁰ Матжон О. Сени яхши кўраман. Тошкент, 1981.

мисралари билан бошлайди. Хўш, лирик қаҳрамон юрагида ошиён қуриб, руҳиятида гавфо, тўполон бошлаган қушлар қандай қушлар? Қушлар инсон юрагида ошиён қуриши мумкинми? Ўқувчини ўйлантирадиган ушбу саволларга шеър орқали аниқ жавоб берилади. Бу жавоб ўқувчига ҳақиқатни — мансаб ва мавқе туфайли худбинлик ботқоғига ботиб, ҳалқдан ажralиб қолаётган шахсларни ва уларга қарши курашишга қодир фидойиларни таниш имконини яратади.

Шоирлар ҳақиқат ва ҳалоллик, эзгулик ва яхшилик куйчилари, курашчилари сифатида қадим-қадимдан машҳур ва манзурдирлар. Бу фидойи қалблар ҳалқ манфаатлари учун, ҳақиқат учун фикр жангига киришар экан, катта тўсиқларга, қаршиликларга учрашлари, табиий. Ана шу хислатлари учун улар ўтмишда "чархи кажрафтор"нинг дастидан озор чекиб келишган. Бундай ҳолат баъзан "англашилмовчиликлар оқибати" ёрлиги остида давом этиб келди. Бунда нуқсонни шоирдан эмас, ҳаётдан излаш лозимлиги гўё унугилди. Ижодкорнинг ҳақ ёки ноҳақлигини аниқлаш ва шундан кейин уни "тартибга чақиравчи, тарбияловчи калтак" тайёрлаш эсдан чиқиб қолади. Шоир ёзган ҳақиқатларни хаёлидан эмас, балки ҳаётидан олади. Шунинг учун ҳам нуқсонлар илдизини ҳаёт бағридан излаш, ундан кейин ижодкорнинг ҳақ ёки ноҳақлик даражаларини аниқлаш мақсадга мувофиқ келади. Шундай экан, Омон Матжон шеърларида фош этилаётган "тўтилар", "уришқоқ, питрак" беданалар, ўз қадрини билмайдиган, "бебурд, безбет, исқирт, ялқов" қушлар тимсолидаги шахсларнинг борлиги ҳақиқат.

"Хисларига осмон тангу тор" келган Омон Матжон лирик қаҳрамонининг "Қалби жаҳон ичра митти бир жаҳонга" айланади. Унда ошиён қурган қушлар ичida "... ўзгача, рангпар, меҳнаткаш, қанотла-

ри чайир, камтар бир қуш бор"диги унинг руҳиятини тушкунлик комидан бир қадар асраб туради. Дарҳақиқат, ҳаётда "қушлар"нинг хулқ-атвори мураккаблашиб кетаётган бир пайтда "fasllar ўзгарсада" эътибор қилмай, она юртни макон тутиб, она ҳалқнинг дардларини бағрига жо этиб яшовчи "кушлар" ҳам кўп. Чунки бундай қушлар тимсолидаги маънавият эгаларини, фидойи шахсларни "fasllar ўзгариши" заррача таҳлиқага солмайди. Улар ўз қиёфасини ўзгартирмайдилар. Бу қушлар жамият қиёфасини белгилаш даражасида кўпайиб бораётган нафс бандаларидан, мансаб, манфаат қулларидан жуда юксакда туриб, фақат юртнинг "улугвор дарёларидан" сув ичиб, "зумрад кенгликлардан", осуда, тоза масканлардан ризқ теради. Шунинг учун ҳам уларнинг қалби инсон учун "мехр ва ёғду" манбай бўлиб қолади. Шулар боис ҳаёт алғов-далғов замонида ҳам нисбатан тинч ўзандан оқади. Лирик қаҳрамон ана шундай қудратга эга одамларни соғинади, уларнинг кўпайишини истайди. Шунинг учун ҳам у: "Асли шу қуш боис, шу соғинч боис Мен тирик юрибман она заминда", — дейди.

Омон Матжоннинг "Ҳамид Олимжон ҳақида кўшиқ" шеърида асарларининг қаҳрамонига айланган қушлардан биттаси — афсонавий Семурғ ҳамда Ҳамид Олимжон муносабати ва мулоқоти асосида ҳаёт ва инсон, шахс ва жамият муносабатларининг, муаммоларининг қирраларидан биттаси қашф этилади. Яъни афсонавий сюжет замирига ҳаёт ҳақиқати сингдирилади. Афсона ва ҳақиқат уйғунлашган нуқтада лирик қаҳрамон руҳиятидаги исён рангларининг ниҳоятда ўтқирлиги намоён бўлади.

Омон Матжоннинг бу шеъридан шоирнинг ўзи ким, у нима учун курашади, унинг ҳаёт мазмўни қандоқ бўлиши керак, шоирларнинг қалби бошқаларнига ўхшайдими? деган саволларга жавоб то-

памиз. Чунки истеъдодли, халқи учун фидойи шоирлар ҳақиқат, ҳалоллик,adolat ҳимоячиси сифатида ҳар қандай миллат қалбидан жой оладиган кишилар ҳисобланади. Уларнинг қалби — шеърларида инсоният бахти ва тинчлигининг пособони сифатида ҳамиша бедор ва безовта. Унинг ҳаёт мазмуни, ижод моҳияти ана шулар учун курашишдан иборат. Шоир ҳақиқат нури тўсилганда, ҳалоллик ўрнини нопоклик эгаллаганда, яхшилар бахтига ёмонлар чанг солгандага, тинчлик, осойишталикка птур етганда қалбини парча-парча қилиб бўлса-да, руҳий исён кўтаради. Мана шу исёнкор руҳ, қалб билан яшаб, унинг ҳар бир қатламига, ҳужайрасига сингиб кетган "нур,adolat ва эзгулик учун кураш" қудратини ҳаёт ва инсон камолоти йўлига бахш этади. Мана шоир қалбининг бошқаларга ўхшамаган фазилати. Шоирлар қалбининг зарблари эса ҳамиша залворли, асрлар оша замонага ҳамнафас, ҳамдард, ҳамқадам. Улар руҳи, қалби шеърларида яшаб, инсоният бахти учун доимий курашлар оташлари ичра ёнади, аммо куйиб кулга айланмайди. Шоирнинг "Бор бўлсинлар ерда доимо фидойи жонлар" мисраси ана шу ҳақиқатнинг чашмаларидан қониб сув ичган. Бу мисра бағрини нурлантириб турган ҳақиқат лирик қаҳрамоннинг бутун маънавий оламини, руҳий дунёсини ичдан ёритиб турибди деса, хато бўлмас. Ҳаётни, одамларни, уларнинг мақсади ва интилишларини доимо кузатиб борган шоирнинг ҳар бир қадамда эришилаётган ютуқ нимада-ю, ютқазилаётганлари қайси нуқтадалигини айтишга вижданан даъват этганлиги кўриниб турибди. Баъзи шеърларида Омон Матжон халқини жондан севишни айтади, ўтмишидан куйиниб гапиради, бугунини янада яхшилаш чорларини излайди, келажагини шу куннинг энг яхши дамларидан бошлашни истайди. Ана шу жараёнда инсон қалбининг меҳр бўлиб қуяйлмай, тош бўлиб ури-

ладиган, бутун бир халқни бадном қиласиган шахслар хатти-ҳаракати туфайли элга стадиган озор шоирни безовта туйгулар, ўйлар оламига олиб кетади, руҳиятида сўнмас исён уйғотади. Натижада, уни бундай кимсалар маълум бир халққа мансуб бўлмаслиги керак деган фикр қийнайди. Уларни эл-юрт шаънига тушган доғлар деб билади. Бу доғларни кетказишининг турли чораларини излайди, қийналади. Охири шундай қарорга келадики, уларни изсиз йўқотишнинг бирдан-бир йўли келажаги туманлар ичра кўринмаётган жамиятнинг ижтимоий-сиёсий ва маънавий муаммоларини ҳал этишининг йўлларини излаб топишидир.

Хуллас, Омон Матжон шеърияти лирик қаҳрамонида курашчанлик руҳи кучли. Бу руҳ — жамиятни инқироз комига тортиш хавфини туғдирган буҳронга қарши шеърият қалбida бош кўтарған исён руҳи.

Омон Матжон ижодида соф сатирик ёки юмористик асарлар кам учрайди. Лекин шоир кейинги даврларда сатира ва юморга ҳам кенгроқ мурожаат эта бошлиди. Бунинг самараси — "Хой қарғавой", "Фалончининг фикри", "Самарқандлик куёв", "Хафа хўрорз" сингари асарлари шу жиҳатдан эътиборга лойиқ. Шоир уларда ҳам инсон ва халқ манфаатларини ҳимоя этиш майларини ошкор қиласи. Ўз қалбининг "Ҳақнинг элчиси, имонни асровчи олов түгунча" эканлигини турли муносабатлар билан, турли йўсинда қайта-қайта таъкидлайди. "Самарқандлик куёв" шеърида ўтқир сатира ва ёнгил юмор бир-бири билан кўшилиб кетган. Бу асарида шоир билса ҳазил, билмаса чин қабилида иш тутади ва жамиятни ичдан емираётган ҳодисаларни гўё ёнгил кулги билан ошкор этади. Аммо бу ҳазилнинг замарида ўта зил фикрлар, аччиқ ҳақиқатлар ётибди.

Шеър лирик қаҳрамони ва унинг руҳий дунёси тасвири масаласига келганда, шуни айтиш керакки, унинг руҳиятида ҳам кучли исён мавжуд. Агар унда ана шундай исён бўлмаганда, қаёққа узатса қўли этиши мумкин бўлган қонун ҳимоячиларига қарши гапирмаган, улар тўғрисидаги ҳақиқатни айтмаган бўларди. Лекин шоир лирик қаҳрамонидаги жамиятга нисбатан уйғонган исённи миллий урф-одатлар пардаси остида ошкор этади. Бунинг сабабини ўқувчи яхши англайди, лирик қаҳрамон тилга олган масалаларга муносабатини белгилашда адашмайди. Бундоқ қараганда, шеърда О. Матжон лирик қаҳрамонинг курашчан ва исёнкорлиги дарҳол қўзга ташланмайди. Агар унинг фикрлари моҳиятига теран назар ташланса, унинг бағрини куйдириб турган исён оловини сезиш қийин эмас. А. Орипов лирик қаҳрамони ўзининг дарду аламини, исёнларини дарров ошкор этади ва ўқувчи руҳиятида ҳам шундай ҳолатни пайдо қиласди. О. Матжон лирик қаҳрамонидаги вазминлик барча исёну курашларни бағрига олиб, ўқувчи руҳиятига уларни ҳам қандайдир босиқдик билан ўтказади.

Омон Матжон "Хафа хўроз" шеърида ҳам худди "Самарқандлик куёв" шеърида қўллаган услубининг яна бир қиррасини намойиш этади. Бунда ҳаётга соясолаётган иллатлар кичикроқ бир мансаб эгаси, аммо катталарнинг қулига айланиб яшашдан безган, ўзлигини англай бошлаган шахс — хўроз тимсолида фош этилади. Ҳақиқатан ҳам, ҳаёт тарзига чуқурроқ разм солган, мушоҳада қилган ҳар бир одам "хўроз" ҳикоя қилган ҳодисаларга ўзининг ҳам гувоҳлигини яхши ҳис қиласди, шоирнинг ҳақлигига ишонади. Уларга қарши кураш туйғусини унда ҳам ҳаётнинг ўзи ва ҳам унинг шеърият кўзгусидаги ҳаққоний акси янада кучайтиради. Мана шу катта наҳанглар нафсини қоёндириш учун туну-кун қуйиб-пишган, халқ бойлик-

ларини, давлат мулкини, хазиналарини талаган юурдак мансабдорларнинг аянчли аҳволи ўқувчи ни ачинтиради ва қаҳрини ҳам кўзгайди. Ачинарли томони шундаки, "хўроз"ларнинг ўз хатосини англаган ҳолда ўзи ўзини қулдек яшашга маҳкум этганилиги, маънавиятида нур йўқлиги. Нафратлантирадиган томони эса улар ўзининг жамиятдаги мавқенини, қуллигини била туриб, аммо кураш туйғусидан бегоналиги.

"Хафа хўроз" қалбдан, кўзлардан уқиши, дардли туйгуларни туйиш, сўзсиз ифодаларни теран англаш натижасида дунёга келган асадир. Шунинг учун ҳам шоир хўроз образини яратди ва унга ўзининг иккита гоявий нияти нуқтаи назаридан мурожаат этди. Бунинг биттаси — хўроз зиммасига авж олиши лозим бўлган курашлар ҳақида ҳаммадан олдин виждени бир оз уйғониб, гафлатда ётганларни руҳан уйғотиш ва уларга ҳаёт ҳақиқатидан озгина бўлсада, иқтидори доирасида хабар бериш вазифасини юклаш. Зоро, хўрозни бундан ортиқ даражада исёнкор қилиш мумкин эмас, чунки бунга давр монелик қилиши, табиий эди. Иккинчиси, агар шоир мақсадига чуқурроқ қаралса, хўроз тишидаги шахсларни фош этиш, уларнинг билиб билмасликка, кўриб кўрмаганликка олиш хусусиятларининг ҳаёт, жамият тараққиёти учун ниҳоятда хавфли эканлигини айтиш. Аввало, кураш оловида ана шундай кимсаларни куйдириш, кейин уларнинг ўзига керак пайтда елкасидан қоққай, вақти келганда манфаати учун бошини мажаҳлаган ҳомийларини яксон қилиш. Халқ фамидан узоқ лоқайдларни ёхуд фамига ғам кўшувчи оғатларни даф этишдан иборат эди.

Шоир, сўзсиз, "Хафа хўроз" шеърида мақсад ва ниятларининг теран бадиий ифодасини беришга муваффақ бўлган. Битта хўроз воситасида ҳаётнинг жуда кўп оғриқли нуқталарини очган ва уларни даволаш

масалаларини дадил күтартган. Бу жиҳатдан "Хой, қарғавой" шеъри ҳам шоир лирик қаҳрамонининг курашлари моҳиятини англатишда муҳим аҳамият касб этади. Бу шеърда ҳам ният, муддао битта, аммо ифода бошқача. Олдинги шеърда шоирга хўроз образи ёрдамга келган бўлса, бунда қарға кўмакдош, восита. Иккаласи ҳам халқ ғамидан четда. Хўроз ўз манфаатини эсдан чиқармаган ҳолда, бошқалар нафси ни қондириш учун югуради, қарға фақатгина ўз нафсининг қули.

Маълумки, ҳаётда ҳам, адабиётда ҳам қарға салбий шахслар тимсоли сифатида кўринади. Шоирга мана шу қарға образи ижтимоий ҳаётдаги нолойиқ ҳодисаларга ўз муносабатини билдиришга имкон яратади.

Хой, қарғавой, муборак бўлсин,
довинг келиб қоптими, ўртоқ!
Нечун сенга етишиб қолди
кумриларга тегмаган пицилоқ?!⁶¹

Бу мисралар замиридаги киноя ва кесатиқларга йўғрилган ҳақиқат руҳидан англашиладики, шоир ноҳақликка қарши кураш жабҳасида. Бу курашда маънавий юксаклик, поклик билан маънавий қашшоқлик ва нопоклик юзма-юз. Албатта, бунда шоирниң ҳақиқат ва ҳалолликка нисбатан ишонч ва эътиқодиadolat учун бутун тарих бўйлаб курашиб келаётган халқники, инсониятники. Аммо ҳақиқатни юзага чиқариш ниҳоятда оғир, мashaқатли иш. У узоқ муддатларни, бутун-бутун умрларни талаб қиласди. Шу билан бирга шоирниң ишонч ва эътиқод туйғулари қанчалик мустаҳкам; иродаси қанчалик метин бўлишидан қатъий назар қарғанинг учюз йил, яъни ёмонлик ва ноҳақликнинг узоқ умр

кўриши уни жиддий ўйлашга мажбур этади. Бу ўй шеър орқали бошқаларга ҳам ўтади.

Тағин уч юз йил яшайди-я,
дунё шу-да, ким ҳам тўйибди?
Нафс курсин, ҳатто қарғани
тил-забонсиз этиб кўйибди!⁶²

Шоир мана шу узок, мазмунсиз умрни ҳаётда доимо поклик ва тўғрилик устидан кўли баланд келадиган ноҳақлик ва нопоклик рамзи сифатида кўради. Шунинг учун шоир бу кераксиз, узоқ умрни қисқартирувчи "баланд қўл", синдирувчи кураш хаёли билан шеърлари руҳида яшайди. Ўз ҳукмини айтиб, ўкувчи ҳукмини кутади.

Ҳаётда қарғасимон кишилар кўпчиликни ташкил этолмайди, улар маълум бир халқнинг дунёқарани ва интилишлари, курашлари рамзи бўлишдан ҳам бутунлай узоқ. Шунинг учун уларнинг ҳар бир хатти-ҳаракати кўзга тез ташланади ва нафрат нишонига айланади.

Хуллас, Омон Матжоннинг юқорида танишганимиз шеърлари курашчан, ҳақиқатдан нурланган шеърлардир. Шунинг учун ҳам улар ўкувчи дилига жуда яқин, сирдош шеърлар. Шоир қалбидаги меҳрчашинадан сув ичиб, нафратга айланган туйғулар — Голиб туйғулар суврати сифатида улар доимо ўкувчи руҳиятига ниҳоятда уйғундирлар.

Рауф Парфи шеъриятида жамият ва инсон муносабатлари, шулар замирида дунёга келувчи ижтимоий-сиёсий ва ахлоқий-маънавий муаммоблар ҳамда уларнинг лирик қаҳрамон руҳий дунёсига таъсири алоҳида ранглар касб этади. Шу билан бирга Р.Парфи шеърияти лирик қаҳрамони руҳияти манзараларидаги мунг, ғам рангларининг устиворлиги билан

⁶¹ Матжон О. Дараҳтлар ва гиёҳлар китоби. Тошкент, 1984. 77-бет.

⁶² Ўша жойда

А. Орипов шеърияти лирик қаҳрамонига руҳдош. Шу боисдан адабиётшуносликда кўпинча унинг шеъриятининг худди А. Ориповнидек юзаки, нотўгри таҳлиллари дунёга келди⁶³. Аслида у ҳеч қачон ҳаёт ҳақиқатини нотўгри талқин қилмаган, жамиятдан норозилик туйгуларини беҳуда ифода этмаган. Унинг барча қарашлари, поэтик таҳлил ва тимсоллари аниқ заминга таянган ҳолда юзага чиқарилган. Шеърият жамият, тузум сиёсатини жон-дили билан маъқуллаб, ҳаётда фақат қувонч ва шодликни кўрган бир пайтда Р. Парфи лирик қаҳрамонининг мураккаб ва эзгин руҳини англаш ҳаммага насиб бўлмади. Масалан, шоирнинг "Она тилим" шеърини олиб қарайлик. Шеър 1965 йилда дунёга келган. Бу даврда она тилни улуглаш қаттиқ танқидга учраши аниқ ҳақиқат эди. Аммо шоир кўрқмади. Жамиятда барқарорлашган қарашларга, ҳодисаларга дадил баҳо берди ва ўз "муносабатини баён этишга эришди. "Она халқим" дея сўзлаган қалблар таъқибга олиниб, миллатчи сифатида қораланишга маҳкум этилган бир пайтда Р. Парфи:

Офтоб фарзандидир олтгин далалар,
Офтоб сочқи сочар бош узра балқиб,
У сенинг тилингда айтгар аллалар
Офтобдек ардоқли, эй, Она халқим.
Мен эрка ўғлингман, гоҳ шеър айтурман,
Гоҳ тушиб олурман сўқмоқ изингта.
Сени ёзмак учун ортга қайтурман,
Сени ёзажакман бугун кўзимга.⁶⁴

дейди. Шоирнинг қалбини ўртагай ҳақиқат кейинги уч мисрада юзага олиб чиқилган. Шоир тилга олган "сўқмоқ из" катта бир дард. Буюк алломалар илми-

ни, ақл ва таффакур қудратини олам саҳнига олиб чиққан, тенги йўқ туйгуларга йўғирилган, бениҳоя қудратли руҳдан қаноатланган шеърият билан дунё қалбини бойитган тил Р. Парфи яшаган даврга келиб, "сўқмоқ из"лардан юришга мажбур эди. Бу ҳақиқатни тан олиб, дил дардларини иккиланмай ошкор этишга жазм этган шоирнинг қарори жамият бағрига урилган тифдек даҳшатли эди. Шунинг учун ҳам шеър лирик қаҳрамони "она тили" ҳақида қоғозларга ёзиш бефойда эканлигини англаб, "Сени ёзажакман бугун кўзимга", дейди. Демак, кўзга ёзиш она ҳалқи кўз қорачиғидай ардоқли туолган фарзанднинг жасоратидан дарак берувчи ҳолатdir. Бу ҳолат гирдобида қийналган қалбнинг туйгуларида ўз-ӯзидан қониқмаслик, норозилик, айловчи сифатлар ниҳоятда қуюқ. Бу сифатларнинг ўткир, қалбни ўртовчи, вужудни куйдирувчи, руҳни исён оловида ёқувчи ранги "Шоир, шеър айтмоққа сен шошма фақат Улуг Алишернинг қутлуг тилида" мисраларида ниҳоятда тиниклашиб кетган. Маънавий қарздорлик туйғусидан ўртанган қалб ўзини аждодларга садоқатсизлик ва нолойиқликда айбламоқда. Р. Парфи лирик қаҳрамонининг бу ҳолати давр руҳини теран англаш, жамиятни бошқараётган сиёсат моҳияти ва мақсадини аниқ, чуқур тушунганиликнинг маҳсулидир. Шу боисдан лирик қаҳрамон руҳий оламини тушкунлик кайфияти қамраган. Аммо шоир бу кайфият чангалида қолиб кетишни ҳам хоҳламайди. Натижада, унинг руҳиятида курашчанлик туйгулари бош кўтаради. Ҳақиқат ҳимоясига отланган умидлар ёрқинлик касб ётиб боради. Күёшнинг абадийлигига ишонган лирик қаҳрамон она тилининг ҳам куёшдек мангулигига ишониб:

Сен-да абадийсан, эй, она тилим,
Сенда аён бўлгай шафқатим, қаҳрим

⁶³ Қаранг: Шукуров Н. Лирик қаҳрамоннинг маънавий олами// Узбекистон адабиёти ва санъати. 1981. 29 май.

⁶⁴ Парфи Р. Сабр дарахти. Тошкент, 1986. 82-бет.

Хеч қачон, ҳеч кимса ололмас юлиб,
Ҳақиқатни юлиб ололмас, бағрим.⁶⁵

дәйди. Лирик қаҳрамоннинг бу сўзлари ҳозир ўша пайтнинг башоратидай туюлади. Дарвоҷе, бугунги ўзгаришлар, чинакам тенглик, озодлик учун интилиш ва курашларнинг маънавий илдизлари Р. Парфи сингари шоирлар шеъриятида уна бошлаган. Натижада, зимдан олиб борилган маънавий жанглар ўз самарасини берди. Халқ ўзлигини топиш сари қадам ташлади. Унинг тили давлат томонидан ҳимояга олинди. Бу жамиятнинг тозариш сари юз бурганлигидан, халқнинг уйғонгандигидан далолат. Аммо бу уйғониш палласига кириш осонликча кечмади. Унинг учун: қанчалик маънавий курашлар олиб борилди. Юқорида кўрганимиздек, Э. Воҳидов, А. Орипов, О. Матжон шеърияти халқни маънавий покланиш сари бошлиш йўлидаги курашларнинг бошида турди. Уларда, аввало, инсоннинг мудроқ руҳиятини гафлат кучогидан тортиб олишга интилиш кучайди. Инсонни озод руҳ билан яшашга ўргатиш бош мақсадга айланди. Зоро, эркин руҳли инсонгина жамиятни қайта қуришга қодир. Унинг моддий ва маънавий бойликларини яратишга қобилдир. Шу маънода Р. Парфи шеърияти лирик қаҳрамоннинг ҳаёт ва жамиятга муносабати ўрганиладиган бўлса, унинг ҳам замондошлиарига ҳамроз ва ҳамфир эканлиги ўзини⁶⁶ юзага олиб чиқади. Аммо шоир руҳиятида халқ, Ватан қисмати уйғотган исённи шеърларида ифода этиш жараёнида ниҳоятда қийин ҳолатларни⁶⁷ бошидан кечирди. Юрагини, вужуди-ю руҳини кемираётган аламли туйгуларни изҳор этиш осонликча амалга ошгани йўқ. У Ватан, миллат, тил тақдирини ўйлаганда ўзини унубиб яшади. Шу ерда шоирнинг

"Лутфихоним", "Уйғон болам!" шеърлари ҳақида фикр юритиш ҳам мақсадга мувоғиқдир. Шоир бу шеърни яратган даврда халққа қараб, тўғридан-тўғри "Уйғон!" деб хитоб қилиш осон эмас эди. Лекин Р. Парфи она халқини уйғонишга чорлашнинг йўлларини излади. Бу хусусият фақат Р. Парфининг эмас, балки халқ, Ватан меҳри билан яшаб, ижод қилаётган барча истеъдодларнинг услубига ҳам хос бўлди. Р. Парфи руҳиятига исён колаётган ҳақиқатни айтиш учун машхур санъаткор куйлаган халқ қўшиғи "Уйғон болам" паноҳига чекинди. "Ёлғиз сен ухлайсан, ёлғизим болам" мисраси билан шеърини бошлайди шоир. Шоирнинг "ёлғизи" — бу унинг дунёда яккаю ягона она халқи, Ватани. Шоирни ўртаган алам ҳануз унинг гафлатдан уйғонмаётганлиги. Зоро, уйқудаги одам ҳамма нарсадан бехабар ва бенасибдир. Қачонки, "майсалар шивирласа, тоғлар ҳайқирса, дарёлар, далалар уйғоқ" бўлса-ю, нега унинг она халқи уйғонмайди?! Чунки у ухлашга, гафлатга маҳкум этилган. Буни халқининг ўзи англаб етганича йўқ. Шоир дилига халқ хулқ-атворидаги мана шу ҳалигача англамаслик фожиаси аламли титроқ бўлиб киради, руҳини чўқтиради. Унинг лирик қаҳрамонини ўқинч туйгулари исканжага олиб қийнайди:

Умиднинг кўзи кўр аччиқдир фироқ,
Ахир мен аламман — чинқирав алам.
Бу голиб туркуда бўлмиш эди жам,
Она юртим, элим, топталган тупроқ.⁶⁸

Аламда ёнган руҳ "чинқириғи" ниҳоятда даҳшатли ҳол. Бу ҳолатга тушган инсон — даврига нисбатан бош кўтарган ғалаён соҳиби. Ахир, ҳамиша голиб бўлиб қелган "турку" халқнинг, юрт-элнинг — Ватаннинг топталлишини англаб етган инсоннинг унга

⁶⁵ Ўша жойда.

"Ўша китоб. 178-бет.

чиdamоғи душвор. Шунинг учун ҳам лирик қаҳрамон руҳи халқни уйғотишга интилиб "аламли чин-қиради". Лирик қаҳрамон халқ, Ватан ва унинг келажагини бир нүктада бирлаштириб тасаввур этади. Аммо тассавур тиниклашмайди. Шунда у:

Уйғон, уйғон, болам, уйғонгил, эй дил,
Уйғондан иборат уйғотлик дунё.

Инон, сени ўйлаб кетмақдаман, бил⁶⁷

деган дарднок туйғулар билан хитоб қиласы. Демак, шоир қалбіда, руҳиятида уйғонған даъватнинг манзаралари яхшиликка бўлган интизорлик ва илинждан ранг олган. Зоро, уйғоқ кишининг ҳар бир ҳодисага муносабати дарров шаклланади, яхшининг яхшилиги, ёмоннинг ёмондиги ҳақидаги фикри ойдинлашади. Халқида мана шу фикр ойдинлиги, руҳ уйғоқлигини кўриш иштиёқида ёнаётган, курашетган шоир унда ишонч туйғусини шакллантиришга интилади. Аввал жамият, сиёсат, мафкурага нисбатан катта ишонч билан яшаган халқни ёхуд якка шахсни ундан қайтариш осон иш эмас. Бунга эришмоқ учун унинг маънавий оламида мустаҳкамланиб олган тушунчалар ўрнига бошқа — моҳият жиҳатидан ундан фарқ қиласидан тушунчаларни олиб кирмоқ керак. Бу эса ана шу фидойи қалб, руҳдан жуда катта қудратли иродага эга бўлмоқликни талаб этади. Р. Парфи лирик қаҳрамони ўзида ана шундай руҳий иродани жам этишга интилади. Бу ирода эса халқни ўзлигини танишга бошловчи исёнкор қурашнинг илҳомчисига айланади.

Сенгадир жон болам, мушкилот, гавро,
Уйғон, уйғон, дея инграйди наво —
Сенга бу Ватандир, сенгадир бу тил.⁶⁸

Дарҳақиқат, уйғонаётган халқнинг боши узоқ йиллар мобайнида "мушкилот, гавро" ичра қолди. Аммо булар хайрли "гавро"лар. Халқнинг уйғониши билан боғлиқ кечеётган бу жараёнлар унга Ватани ва тилини қайтарди. Истиқлолга эришмоқнинг йўлларни кўрсатди. Демак, шоирлар — руҳан бедор қалблар исёни, кураши бехуда кетмаган.

Усмон Азим шеърияти Р. Парфи ва бошқа замондошлари шеъриятидан ўзига хос хусусиятлари билан ажралиб туради. Унинг шеърлариде лирик қаҳрамон руҳиятида кечеётган жараёнлар ҳар қандай пардалардан холи равиша таҳлил этилади. У туйғулар жунбушини ташқи осойишталик билан эмас, балки: тошқинлиги, жўшқинлиги, исёни, тугёни билан очиқ ифода этади. Бу эса шеърнинг санъат асари сифатидаги нафосати, гўзаллиги ва сехру синоатига деярли таъсир қилмайди.

У. Азим шеърияти замондошлари шеърияти билан ҳамнафас. Бу унинг лирик қаҳрамони жамиятга муносабатининг кундан-кун салбийлашган, унинг қонун-қоидаларига нисбатан норозилик ва исёни туйғуларининг теранлашган бадиий ифодасида яхши кўзга ташланади.

Инсон — шахснинг ижтимоий ва маънавий ҳаётдаги фаолиятини ўз измига солтан жамият сиёсатига қарши исёни У. Азимнинг "Кўксимни очаман..." деб бошланувчи шеърида ўзини кучли намоён этади. Лирик қаҳрамон шахсида тақдирдош, қисматдошлар ҳаётининг аянчли, бўғиқ ҳолатлари мужассам Этилган. Лирик қаҳрамоннинг барча жечинмалари трамвай билан боғлиқ равиша юзага чиқади. Зоро, интемир излар — социалистик тузум солтан излар инсонни эркин ҳаракатдан, изланиш, интилиш, ташаббус ва ҳур фикрлиликдан маҳрум этган ёвуз кучга айланди. У. Азим лирик қаҳрамони бу масалани ёритища замондош дўстлари лирик қаҳрамонига ҳамдард ва ҳамрозликда дадиллик кўрсатди:

⁶⁷ Ўша жойда.

⁶⁸ Ўша жойда.

Кўксимни очаман. Чекинар гафлат.
Караҳтилик тўқилиб борар манглайдан...
Қайси муолиғида юрибсан йиглаб —
Трамвай, мен сени англайман.⁶⁹

Трамвай тимсолида гавдалантган инсон фожиаси ниҳоятда даҳшатли. Эрки, ҳуқуқи ҳар томонлама бўғилган, сиёсатнинг чизган чизифидан чиқолмайдиган манқуртликнинг зўрловлар йўли билан яратилаётганлигини ҳис қилиш, англаш, аммо бундай даҳшатли ҳолатдан омон қолганларнинг ҳаёт ва кураш йўлларини кўз олдига келтириш инсоннинг қанчалар ақлли, бардошли мавжудотлигини, илохий қудрат, руҳ унга мададкорлигини кўрсатади. Ахир, "трамвай" бўлиш қисматга айлантирилган, қалб кўзларига тупроқ сочилиб, тафаккур уммонлари чайқатилган бир даврда шоирнинг:

Бунчалар бешафқат бу қўш темир из,
Бу тақдир чантали — бераҳм, маҳкам.
Тақдирдош, қийналдик, ахир иккимиз,
Бу темир из билан, темир из билан⁷⁰

деган фикрлари қиши осмонида/чақнаган чақмоқдек даҳшатли ва кутилмаган эди. Инсоннинг идеал жамият дея тўхтамасдан мақталаётган жамият ва ўнинг қонун-қоидаларига қарши бош кўтариб, тутқунигини ошкор айтиши бадиий адабиёт бағрида исён оловиининг ёлқинланиб бораётганлигидан, бу эса қалбу руҳиятларга уйғонишнинг учқунларини ташлаётганлигидан дарак берар эди. Учқунни алданга олдириш эса ҳар бир инсон руҳиятининг қудратига боғлиқdir. Ана шу қудратни, аввало, ўзида топа билган лирик қаҳрамон темир издан тушиш, эркинлик инсон учун буюк баҳт эканлигини айтади:

Бу — бекат, дедилар. Тўхтадик ғингшиб,
Кетдик, бўл, дедилар. Юғурдик ҳайрон,
Бугун темир гафлат изидан тушдим,
Оёғим тупроқда — бу роҳатижон!⁷¹

Аммо барча "трамвай"ларни темир издан тушириш, ҳаммани бирдай ҳаракатга келтириш ва ўзлари жойланган қолипларни синдириш даражасига етказиши осон иш эмас. Чунки биринчидан, ҳали жамиятда солинган темир излар ниҳоятда мустаҳкам бўлса, иккинчидан, шу излардан юришга маҳкум этилганларнинг барчасининг маънавий даражаси, руҳий етуклиги бир хил эмас эди. Маънавий, руҳий тенглик, уйғунлик бўлмаган жойда ҳаракатда ҳар хилликнинг сақланиб қолиши, табиий. Шунинг учун ҳам лирик қаҳрамон руҳиятидаги галаён ранглари баъзан сарғайган ҳолда:

Ана, трамвайлар осиб қўйилган
Совуқ симдорлардан ўт чиқиб борар⁷²
тарзида намоён бўлади.

У. Азимнинг кўпгина шеърлари инсон руҳий дунёси кашфининг рангин манзараларидан бир лавҳа. Бу лавҳаларда табиат, жамият барқамоллиги учун кураш мужассам. Зоро, табиати асралган жамиятда инсон қадр-қиммати ҳам йўқолмайди. Чунки инсон табиатнинг ақлли, идрокли бир мӯъжизаси сифатида жамиятни шакллантиради. Ватанида қадр, эъзоз топган инсон руҳий эркинликдан баҳраманд бўлади. У. Азим лирик қаҳрамони ҳамиша руҳий эркинлиги учун курашади. Шоир бу курашни кўпинча руҳнинг тасисёнли, галаёнли ҳолатларини чизиш баробарида тасвирлашга эришади.

Шоирнинг трамвай ҳақидаги шеърида баёнга нисбатан ҳаяжон ранглари, туйғулар жунбуши тасвири

⁶⁹ Уша жойда.

⁷⁰ Уша жойда.

устунлик қиласы. Лирик қаҳрамон рухини қақшат-
ган жамиятнинг иллатларига нисбатан ғазаб, нафрат
туйгулари мисралар бағрида портлай бошлайды. На-
тижада, ўқувчи ўзининг шеър руҳига, шоир руҳига
кириб қолганини, лирик қаҳрамон ҳолатига тушиб,
дилида бош күттарган эрк, ҳақиқат истаган туйгу-
ларнинг тошиб бораётгандигини ҳис қиласы. Ўқув-
чини ана шу даражага етказишнинг ўзи шеърда ли-
рик қаҳрамон руҳий ҳолатининг теран қашф этил-
гандигини ва унинг таъсир кучи ниҳоятда чексиз-
лигини белгилайды. Зоро, психологик асарнинг
қиммати ҳам ана шунда.

Одамлар маънавий даражаларининг нотенглиги,
уларда руҳий яқинликнинг йўқлиги жамиятга му-
носабатнинг "ибтидоий" шаклларининг пайдо бў-
лишига бош сабабдир. Бу "ибтидоийлик"ни белги-
ловчи асосий хусусият шу жамиятнинг аъзоси бўла
туриб, унга бепарволик билан қарашдан иборат.
Албатта, бу фақат шахсий мениға хизмат қилувчи
онгнинг, савиянинг тараққиётдан анча орқада қол-
гандигидандир. Бу инсон характеристида ташаббус,
кураш, яратишдан четга тортувчи лоқайдликни туг-
диради. Лоқайдлик касали билан оғриган вужуд руҳ-
сиз жасад билан баробар. У ижодий фикрлашдан,
воқелиқдан холоса чиқаришдан, бироннинг дарди-
ни англашдан, гўзаллик ва нафосатни ҳис қилиш-
дан маҳрумдир. Бундай тоифалар жамиятни ҳар хил
иллатлардан тозалаш зарурлигини тушунмайдиган
хавфли одамлар. Аммо инсониятнинг ундан ҳам
хавфли бир қисми борки, у ҳамма нарсани тушу-
нади, англайди, сезади, ҳис қиласы ва атрофида
кечаётган воқеа-ҳодисаларига ҳушёр боқади. Лекин
унинг шахсий мени турганда жамият келажаги ҳам,
инсон тақдири ҳам ҳеч нарса эмас. Шоир ана шун-
дайлардан инсониятни асрар учун "Ёнаётган одам"
шеъридаги фидойи қисматни ибрат қилиб кўрсат-

моқчи бўлади. Бу одамнинг вужудига эмас, балки
қалби, руҳига ёнгин тушган. Бу ёнгинни келтириб
чиқарган омил жамиятнинг разиллик, лоқайдлик
комига айлануб, яхшилар учун зиндонлик касб эта-
ётгандигидир. Атрофда лоқайд тинчликни яратиб,
"Ёнаётган одам"ни тушунмаётган жамиятни қандай
баҳолаш мумкин?! Зоро, руҳи исён оловида
ёниб, жамиятни қутқармоқ, унда фақат яхшилик
имконини яратмоқ ўрнига, ўзини панага олиш ин-
сонни тубандан-тубан кўрсатувчи хусусиятдир.
Шоир эса инсоннинг юксак даражага кўтарилиши-
ни, ўз шаънини улуғ тутишини истайди. Шу боис-
дан, унинг исён оловига тушган руҳи "ёнаётган
одам" тимсолига айланади. Аммо унга ҳамдард руҳ
топилмайди... Чунки кимдир "Гулхан тафти"дан ўзи-
ни четга олади, кимдир "қўлини юзига қалқон"
қиласы, бир хил кимсалар эса:

— Ахир ҳозиргина тинч эди олам,
Қайдан пайдо бўлди бу гулхан-одам?
Қандай яхши эди бутунги ҳаво!
Шаҳарга ловиллаб чиқди бир бало...⁷³

деб зорланади. Мана шу қарашларининг ўзи маънавий чириётган жамиятнинг асл моҳиятини очиб ташлайди. Ҳеч бўлмаса, "сиз учун... ёняпман" деб айтишга тили айланмай, мажоли етмай, ёниб кетаётганди одамга қараб: "У нима учун ёнаяпти?", — деб қизиқмаслик инсоннинг инсоний қиёфадан чиққанлигини кўрсатмайдими?! Уни асл қиёфасига қайтариш учун битта эмас, жуда кўп одамлар ёнмоги, ёнгандан ҳам қалби, руҳиди яхшиликнинг, меҳр ва бедорхам қолбига оёқлариди ёқмоги зарур. Мана шу ҳаликнинг оёқлариди остида ёқмоги зарур. Мана шу ҳаликнинг оёқлариди остида ёқмоги зарур. Мана шу ҳаликнинг оёқлариди остида ёқмоги зарур.

⁷³ Азимов У. Иккинчи апрел. Тошкент, 1987. 12-бет.

Byjining 6opumar Muri 6ip 6yikka,
Oha, oknagutun jaianing ketun.
Bojan, kapejapta Kotun maferkantu?
Cerjum, ja6umna nykotno ryjum. 75

Y. A3M Mepgjanja nico — max foiknacini
appatian omujiapinji kamint foiknacini xam gapa-
bap kemimp6 nirkapeterni onik nifoujaihejan. Ni-
coh ra kamint foiknacini6 gipjaijne kertinni iyhe-
xajokarina 6omjorian omujiing. Byjaih jaximatta tyu-
topajapinji axtrapajin. Ba minmari, npkx xamja jinni-
jae kartan ha3ap, arba3o, nicochni acpamor, y ty-
esunhar myka3uiae tylpok — Barahnn 3po3iamok ke-
par jeterah finkphn y3 pyxurni k4tjamapinji myknn-
matunipajin. Ke3nni 3ca yhn taxjini sunma knipnunajin.

Лъжните съчинения на японският писател и поет Кано Сюкенобу са напечатани във вид на книга със заглавие „Съчинение на японския поет Кано Сюкенобу“ (яп. 狩野文集). Това е един от най-известните и най-дълготрайни японски писатели на поезия. Той е автор на много произведения, като едно от най-известните е „Съчинение на японския поет Кано Сюкенобу“. Този текст е написан на японски език и е преведен на руски език от известния японски преводач и писател Кано Сюкенобу.

Axup, kum *échôjün*, yé *japin gñathá?*
Éheca xam *éyjumánn*, *éyjumánn* mapha iyixah.
Xajioñink *éyjum* 6op, ahpapanha *gëmoni*.
Che xam yhira *éyjumánn*! Ojor *éyjumánn*! Eh!
Kÿprkßmañ! Atjamañ... Manyu amac yi,
Xéy kuminn *éhjumpan* kyi *éyjumáncn*, kyii...⁷⁴

оқибатлардан излашни ўқувчининг ўзига ҳавола эта-ди. Чунки жамият ва уни идора этаётган сиёсат ин-сонни руҳан парчаланиб кетишга маҳкум этди. Бу-нинг оқибатида инсон эътиқодидан, энг муқаддас туйгулардан ажралиш палласига кирди. Бу туйгулар она, фарзанд, ёр, энг асосий Ватан туйгуларидир. Дарвоҷе, "...Ватан Усмон шеърларининг Бош сўзи..."⁷⁶ бўлишининг боиси ана шунда:

Чинорнинг тагида бўлиниб ётибман -
Шунда бир сўз баргдай лабимга қўнار:
"Ватан" дейман, такрор айтаман "Ватан..."
Бирлаша бошлайди юрак, ақл, тан...⁷⁷

Демак, лирик қаҳрамон (инсон) ўз фожиасини англаб етмоқда. Унинг вужуди парчаланиб кетса-да, руҳи парокандалик асоратида бутунлай қолиб кетмади, тўғриси кетолмади. Шунинг натижасида, у Ватанини асрароқ лозимлигини вужуд томирларига куя бошлайди. Бу эса яна инсонда вужуд ва руҳ уй-ғулигини тиклайди ва уни уйғониш палласига олиб кирди. Шоир лирик қаҳрамони бошидан кечган ушбу жараёнда узоқ йиллар давомида ҳалқимиз ҳаётида кечган ижтимоий-сиёсий ва маънавий бухронларни мантиқан умумлаштиришга эришган. Улар эса инсон руҳияти таҳлили жараёнида амалга оширилган. Инсон -- лирик қаҳрамон қалбининг, руҳининг қатларини бир-бир очган шоир ўқувчига ана шу қатламлар рангини чуқур англатишга эришади. Руҳнинг парокандаликка дучор бўлиб, вужудни тарк этиш даражасига етиб, аммо яна инсон ва заминга қайтиши қалбни уйғотишга, ўзликни англашга даъвати ниҳоятда теран очиб берилган. Замондошлилар қалбила, руҳиятида худди шундай жараёнлар кечаетган-лигига ёки кечиши ниҳоятда зарурлигига ўқувчини

ишонтира билган. Бу шоир томонидан ўйлаб чиқарилган бадиий тўқима ёки афсона эмас. Балки У. Азимнинг ҳаёт ҳақиқатини бадиий ҳақиқатга айлантирганлигидир. Бу эса шеърда руҳий таҳдилнинг ниҳоятда чуқурлашувига сабаб бўлган.

У. Азим шеъриятидаги лирик қаҳрамон руҳий дунёсини ўқувчига ҳеч қийинчиликларсиз англатиш услуби Шавкат Раҳмон шеъриятига ҳам хосдир. Унинг лирик қаҳрамони ҳам юқорида фикр юритилган шеърият қаҳрамонлариdek ҳалқи, Ватанига содиқ ва фидойи. Уларга қарши турган ҳар қандай кучга муросасиз. Эътиқод ва имон бутунлиги учун курашчи. Шахс ва жамият муносабатларига ҳамда шу заминда кечаетган ижтимоий-сиёсий ва маънавий ахлоқий муаммоларга ҳеч қачон бефарқ бўлмаган инсон.

Ш. Раҳмон шеъриятида ижтимоий норозилик туйгулари 80-йилларда ниҳоятда чуқурлашди. Бу ҳаммага маълум бўлган -- жамиятдаги инқирозлар билан боғлиқдир. Ана шу жараёнда унинг шеърларида, энг аввало, миллий фуурурнинг уруғлари уна бошлади. Кейин эса эрк, озодликка интилиш туйгулари бош кўтарди.Faflatda қолган бутун бир ҳалқни уйғотиш туйгуси эса янада шиддатлироқ туслага кирди. Ана шу вақтда дунёга келган битта шеърида Ш. Раҳмон қаҳрамон қилиб "сув ичаётган отлар ва ухлаётган ботирлар"ни танлади. Уларнинг ҳаммаси рамзий маъноларга эга. Бу маъноларни англаш -- ниҳоятда кучли руҳий исён ичра қолмоқдир. Отлар -- ўзининг шиддати, қудратини унугиб, фафлатдан бош кўтапролмай қолган руҳият рамзи. Ботирлар сеҳрланган ёки мажбурлаб туйгулари кишанланган, ўзлигини замонидан берона этилган, хуллас, унугтан, Ватан меҳридан бегона этилган, манқуртга айлантирилаётган ҳалқ тимсоли.

Кўк ёлларин сувга ботириб,
не замонки сув ичар отлар.

⁷⁶ Қаранг. Ҳаққулов И. Бадиий сўз шукуҳи. 252-бет...

⁷⁷ Азимов У. Иккинчи апрел. 51-бет.

Атрофдаги күм-күк адирлар -
Үтөвларда ботирлар ётар...
Нима бўлган уларга ахир,
ё сеҳрлаб қўйганми сувлоқ?
Нега жимлик босган воҳада
бегам ухлар ботирлар узоқ?⁷⁸

Зеро, халқ руҳини кишанлаб ташлаш уни йўқ қилиш билан баробар. Мана шу ҳақиқат ўтида ёнган шоир ботирлар — халқни уйғотиш, унинг руҳи — "кўк ёлли отларга" ўз шиддати, қудрати ва гўзаллигини қайтариш учун курашга ҳамиша тайёр. Халқ ва юрт эрки учун кураш ҳар бир фидойи фарзанд учун ҳам фарз, ҳам қарзлиги унинг руҳиятида ҳамиша бедорликни барқарор этувчи кучга айланади. Бундай ҳолат — руҳ исёни шоирнинг бошқа бир туркум шеърларини ҳам дунёга олиб келдики, улар фақат она ер озодлиги, она халқ эрки учун кураш туйгуси билан ёниб, даврни уйғонишга чорлаб турди.

Шоир бошқа бир шеърида "Ким эдим-у ким бўлдим энди" саволини кўндаланг қўяди. Бундай олиб қараганда ушбу савол жуда кўп шеърлар, мақолалар моҳиятини белгилаб, социалистик жамият берган ва беражак бекиёс бахтдан "куйлатган" эди. Нега бу савол Ш. Раҳмон лирик қаҳрамонини инграшга мажбур этган? Саволнинг икки хил талқинидан қайси бири ҳақиқатга яқин? Ушбу саволларга эндиликда жавоб бериш ва Ш. Раҳмон лирик қаҳрамони руҳияти манзараларига сингиб кетган ҳаёт ҳақиқатини ошкор айтиш мумкин. "Коммунизм қурилаётган" даврда шоирга бундай мисраларни ёзишга журъат берган қудрат — ана шу ҳақиқат бўлган:

...қайга кетар ёшлигим, кучим,
исёнларга, разаб, нафратта,
огриқларга тўладир ичим...⁷⁹

⁷⁸ Раҳмон Ш. Юрак қирралари. Тошкент. 1981. 43-бет.

⁷⁹ Уша асар. 82-бет.

Лирик қаҳрамоннинг бу армонлари даврнинг, ўзлигини англаш сари интилаётган она халқ ва она юртнинг армонлари ва исёнларидир. Ўзи, халқи, Ватани учун сарфланмаган куч, ақл, ўртанмаган қалб ҳақидаги теран ўйлар ҳур фикрли инсон учун нафақат армонга айланishi, балки фожиа олиб келиши ҳам муқаррар. Шоир шеърларидаги Ватан туйгуси ҳақида фикр юритган мунаққид И. Ҳаққулов "Ватанинг англаш — Шавкат шеърларидаги бош фоя, сарбон туйгу. Шу туйгу уни ҳаётнинг маъноси ҳақида кўп ва жиддий ўйлашга мажбур қиласи",⁸⁰ — деб ёзган эди. Ватанинг англамаслик, ҳаётнинг ана шу фожеликка ўғрилган саҳифалари ҳақидаги ўйлар Ш. Раҳмон лирик қаҳрамони руҳиятини изтироблар гирдобига тортиб, вужудини ўтга согланлиги кўриниб турибди. Аммо у ноиложлик азобида қийналади. О. Матжоннинг "Ёнаётган дараҳт", У. Азимнинг "Ёнаётган одам" шеърлари лирик қаҳрамонларидек, ёниб бошқаларни уйғотишга интилади, баъзан эса ҳеч кимни уйғотолмай, ёқолмай кулга айланмасам эди, деган қўрқувли ўй гирдобида ўртанади ва:

Кўпроқ яшаб қўйдим-шекилли:
ой, кун сайин хотирам — фоир —
етти қават осмон теламда,
елкаларим сирқираб оғрир⁸¹

дейди. Руҳ қанчалик кўп қийналса, жисм — вужуд ҳам шунчалик чарчайди. Аммо бу ерда лирик қаҳрамон ўзоқ умр кўриб, жисмонан қаританлигидан эмас, балки кам яшаб кўп кўрганлигидан, руҳий чарчоқнинг исқанжасида ўртанаётганлигидан, руҳ қуши парвоз учун етти қават осмон узра жой тополмай, вужуд қийналлаётганлигидан, қалбини кемирайтган армон тирноқларининг кун-бакун ўткирла-

⁸⁰ Ҳаққулов И. Бадий сўз шукухи. 203-бет.

⁸¹ Раҳмон Ш. Юрак қирралари. 82-бет.

шиб бораётганилигидан сўзлайди. Мисралар мантиғига жамият, тузум танқиди ниҳоятда чуқур жойлашган, инсон вужудини ёқиб, шиддат билан оқиб бораётган руҳий исённинг манзараси маҳорат билан муҳрланган. Бу лирик қаҳрамоннинг:

парвардигор,
бор бўлсанг агар,
эзма ўғлим елкаларини...⁸²

ноласи орқали ижтимоий ҳаёт моҳиятининг теран фош этиб ташланганилигига янада равшанлик тортали. Шоир бошқа бир шеърида оёққа осилган тошлардан қутилишга даъват этган бўлса, бунда елкани эзаётган қўллар деймизми ёки тошларми улардан озод бўлиш учун курашга отланишни халқидан ўтинади. Ўғлининг — келажак елкаларининг бегона юклардан халос бўлишини истайди. "Кўзларимдан кўра ҳаётни елкаларим кўрибди кўпроқ..." мисралари магзиди ноҳақликтининг оғир юкларидан яғирга айланган елка соҳибининг ўтган кунларига интиқоми, келажакка умиди мужассам.

Аммо шоирнинг истаклари, умидларига қанот баҳш этувчи руҳнинг исёнлари гоҳ кўтарилиб, гоҳ пасайиб туради. Нега? Зеро, инсон руҳиятидаги, айниқса, кайфият одами ҳисобланган шоир зоти хулқидаги таъсирчанлик шундай бир фазилат ёки хусусиятки, у сал нарсадан юксалиб кетса, сал нарсадан тушункунликка қараб йўналиши аниқ. Бу ҳолатни Ш. Раҳмоннинг "Умр — кумсоат..." деб бошланувчи шеърининг лирик қаҳрамони руҳий дунёси исёнларидаги ранглар орқали жуда аниқ тасаввур қилиш мумкин.

Умр — кумсоат ҳам
яримлаб қолди,

кўнглим тўлгани йўқ билганиларимдан.
Ёдимни оғритар кечирганларим,
кўпдир қилмаганим қилганиларимдан⁸³

мисраларида тушкун руҳ ҳукмрон. Ўтган умрига ачинайтган, бугунидан афсусланиб, келажагини тасаввур этолмаётган инсон руҳиятининг синиқ манзараси ўқувчига ўз ҳукмини ўтказиб кўяди. Уни кеча, бугун ва эртасини бир-бир тафаккур элагидан ўтказишига мажбур қиласи. Лирик қаҳрамон ҳали ўқувчининг замонлар ҳақидаги фикри бир тўхтамга келмай туриб, давр манзараси кўчган руҳиятининг бошқа рангларини очиб ташлай бошлайди. Аммо шу ўринда "Балки ўқувчининг замонлар ҳақидаги ўз фикр, холосалари бордир? Улар шоирники билан мос тушармикан?" — сингари саволлар пайдо бўлиши, табиий. Агар шундай саволлар туғилса, улар ҳаққоний. Зеро, шоирнинг фикрини ёки лирик қаҳрамон руҳий ҳолатини бир хилда қабул қилиш ёки англаш керак деган фикрдан биз ҳам узоқмиз. Истаган одам Ш. Раҳмон лирик қаҳрамони билан баҳслашиши, унинг қарашларини маъқуллаши ёхуд инкор қилиши мумкин. Аммо ҳаётнинг ҳаққоний рангларини тўғри англаган ҳар бир инсон Ш. Раҳмон лирик қаҳрамони руҳиятида кечётган исёнга бефарқ ва бетараф бўлолмайди. Аксинча, ўзи ҳам ана шу исён ичра гарқ бўлиб:

Кун келди,
оҳларинг учадиган кун,
юрагинг оламга сифмайдиган кун,
юзингни босганча ернинг юзига
оилкиниб-силкиниб
йигладиган кун⁸⁴

⁸² Раҳмон Ш. Уйғоқ төглар. Тошкент, 1986. 121-бет.

⁸⁴ Ўша жойда.

⁸² Ўша жойда.

мисраларидағи фикр, рұх оқимига тушиб қолади. Чунки бу фикр ҳақиқат заминидан униб чиққан. Агар ҳақиқат шоир фикрларига қанот бўлмаганида, руҳиятига исён олиб кирмаганида у "Кун келди" деган сўзларини қатъият билан айтмаган, келган куннинг манзараларини алам билан акс эттирмаган бўларди. Асосий эътиборни жамият ва ундаги ижтимоий-сиёсий ва маънавий муаммолар танқидига қаратган шоир фикрларида ҳаётдан узоқ, хаёлий гаплар йўқ. Лирик қаҳрамоннинг ҳаёт, одамлар, уларнинг бугуни ва келажаги ҳақидағи изтироблари, ўлари ўқувчи фикрида теранлик, руҳиятида бедорликни кучайтиришга хизмат қилади. Унинг:

Кимни баҳтли қилдим,
кимни умидвор
кимларга кўнглимни ёриб сўйладим.
Мен нима беролдим, мозий қаъридан
чўзилган саноқсиз ожиз қўлларга?⁸⁵

мисраларида иложсиз инсон руҳининг оғрикли, дардли нидоси кучли. Нега у бунчалик бечора ва ноchor аҳволга тушди? Унинг қўлидан бирон-бир кимсага яхшилиқ қилиш у ёқда турсин, ҳатто, ўз кўнглига ўзи таскин бериш ҳам келмайди. Ҳислар, туйгуларни ўзи жиловлай олмайди ёки уларни бирон-бир мақсадга хизмат қилдира билмайди? Шоир бу эътиrozларининг барчасига "келган кун" нинг моҳиятини мантиқан фоп этиш орқали жавоб беради. Мавжуд жамият ва ундаги хукмрон сиёsatни кескин танқид қилувчи бу шеър лирик қаҳрамон руҳий дунёсининг нурсизланган рангларининг манзарасидир. Чунки давр фожиали ҳолатга тушган, уни асрарининг эса чоралари ҳали бутун бир жамиятнинг билим доирасидан, руҳияти, иродасидан анча узоқ

масофада бўлиб, унга етишмоқ йўлида улкан тўсиқлар мавжуд эди. Лирик қаҳрамон "Йиглайдиган кун келди" деганда руҳиятидан тўкилаётган алам ёшларига ишора қилади. Шу билан бирга бу ёшларнинг бошқа руҳиятларни уйғотиш, йўлини губорлардан тозалаш, ҳалқ, Ватан бошида тўпланаётган булутларни, улардан ёғаётган фожиаларни йўқотишга ундаш қудрати борлигини яширмайди. Унинг "Мендан нима қолур, абадий нурлар" деган сўзи ана шу курашchan руҳ ҳақида боради. Инсон ҳаётини нурсизлантираётган фожиаларни куйдирувчи руҳ нури ҳақида фикрлайди. Шоир "Уриниб-суриниб сира тўлмаган бир кўнгил қолади қолса ҳам мендан" мисралари билан шеърни якунлайди. Чунки ҳали даврни фожиалар гирдобидан олиб чиқадиган, ўша фожиалар билан курашchan руҳият ўртасидаги тўсиқларни кўтариб ташлайдиган кучлар нисбатан кам эди. Мана шу камлик шоир — лирик қаҳрамони, қалбida, руҳиятидаги кемтик, бўш жойларни пайдо қилган ва уни ана шундай ҳолатга солган.

Шеърни ўқиши жараёнида ожизлигини ҳис қилаётган руҳ манзараси ўқувчини тинч қўймайди. Бу ҳолат унинг вужудида ҳам худдий шундай тўлғонишларни пайдо қилади. Қийноқда, азобли туйгулар билан қовурилаётган қалбда жамият ва унинг муаммоларига, даврга нисбатан исён уйғонади. Шу пайтгача ўзида бор бўлган норози туйгулар ранги яна қуюқлашади. Лирик қаҳрамонга ҳамдардлик, ҳамролик туйгулари кучаяди. Буларнинг баъзаси шеър жонида — лирик қаҳрамон қонида кезаётган руҳнинг қудрати туфайлидир.

Шоир — лирик қаҳрамон руҳиятининг исён билан ўрганган ҳолати, қалбидаги ҳислар, туйгулар мазмунини пардаламай, ошкор айтиши, уларнинг эса тезкорлик билан ўқувчи руҳиятига кўчиши — буларнинг ҳаммаси руҳият — психологик тасвирнинг

⁸⁵ Ўша жойда.

юксаклигидан дарак беради. Ш.Раҳмон шеърда психологияк тасвирини юксалтириб, чуқурлатиб бориш принципини тұла құллайды. Унинг ёрдамида лирик қаҳрамон руҳий дунёсini давр, жамият, сиёсат билан ботиний боғлаган ҳолда теранлик билан очиб беради.

Ш. Раҳмон лирик қаҳрамони билан Хуршид Даврон лирик қаҳрамони руҳий дунёси манзараларида үхшашлик кўп. Аммо бу үхшашлик фикрий ва руҳий айнийлик, бир хиллик белгиси эмас. Лекин фикрлаш, ҳис қилиш, туиши нуқтаи назаридан ҳар иккала лирик қаҳрамонда уйғунлик бор. Шу ўринда бир хиллик ва уйғунлик тушунчаларини бир маънода англашдан узоқ турмоқ лозим. Зоро, бу тушунчалар ўзига хослик мантигидан бетўхтов озиқ олиб туради.

Ҳар иккала тенгдош, замондош шоир давр дардлари билан қийналади. Унга маънавий малжамлар излайди. Лекин бу изланишлар ҳар бир шоирнинг инсоният ўтмиши, бугуни ва келажагига муносабатларнинг ўзига хос ифодаси билан ажralиб туради.

Х. Давроннинг "Чилилик дўстларга" шеърида яшеттган жамиятининг инсон учун қафас эканлигини, ҳалқ эса эрк, Ватан, миллат, бурч, виждон туйғуларидан "покланаётганлигини" очиқ айттолмасдан қийналганлигини сезиш қийин эмас. Лекин шоир буни айтишнинг йўлини имкон қадар топган. Яъни Чилида хунта томонидан содир этилган қончи воқеалар шоирга қалбida қамалиб келаётган дардларни айтишга шароит яратган.

Эрк нима?
Озодлик нима?...
Юрт нима?
Ватан нима?...
Ҳалқ нима?
Миллат нима?...

Бурч нима?
Виждон нима?
Буни англаганга қийин бўлади.⁸⁶

дейди шоир. Дарҳақиқат, ўша турғунлик йилларида ҳозиргидек эркни ҳис қилиш, Ватан дея уни ҳимоя этиш, миллатим дея фахрлана билиш мушкул эди. Оқибатда кўпчиликда бурч, виждон туйғуси зимдан заҳарланган ва улар салкам манқуртга айлантирилган. Ана шу мұқаддас туйғуларни қалбida асрай билганиларга эса ниҳоятда қийин бўлган ва шоир айтганидек, улар "Ўлимдан сўнг тириламан деб, Ўлимдан кўрқмасдан ўлган". Худди ана шу туйғу, руҳ Х.Давроннинг "Мен севаман ўзбек даласин" мисраси билан бошланувчи шеърида қад ростлашга мушарраф бўлган. Бунда шоир ўзининг она юртига бўлган фарзандлик меҳрини изҳор этади. Лекин шоирнинг руҳиятидаги кемтик ўринларни тўлдирадиган манбаларни тополмаётганлиги кўриниб туради. Бу "Очиқ кетсин, майли, кўзларим" мисрасида ўз ифодасини топган. Қачон инсоннинг кўзи дунёдан кетаётганда очиқ қолиши мумкин? Айтилишича, агар инсон ҳаётидан-рози бўлмаса. Бу ерда ҳам худди ана ўзу мантиқ бор. Демак, лирик қаҳрамон ҳаётдан норози. Унинг инсон сифатида истак ва орзулари ўзи хоҳлаганича ушалмаган. Чунки у туғилган юртига бўлган меҳрининг кудратини кўрсата олмай, яъни она тупроғини ўзиники сифатида ҳис қиломай ўтиб бормоқда. Шоир:

Кун келади, замин бўларман,
Ҳеч кимнингмас, сенинг бўларман,
Майсаларинг шивирлаганда
"Ҳаёт" деган сасинг бўларман.⁸⁷

⁸⁶ Даврон Х. Қақнус. Тошкент, 1987. 37-бет.

⁸⁷ Ўша асар. 43-бет.

мисраларида кўзининг "очиқ кетаётганлиги" сабабларининг моҳиятини очишга интилади. Демак, лирик қаҳрамон она юртини фарзанд сифатида севишига, эъзозлашга хуқуқсиз, ҳимоя этишига ожиз. Қачонки, унинг ҳоки она заминга қўшилгандагина ушалмаган орзулари ушалиб, бекиёс меҳрию садоқати унга уйғунлаша олиши мумкин. Лирик қаҳрамон руҳиятида ҳаётнинг нурсиз ранглари мужассамлашиб, унинг мисраларда ўз аксини топишига сўзсиз, жамият ва сиёсий мафкурадаги адапшишлар сабаб. Жамият шахсни шунчалар руҳий, маънавий ожизликка олиб келган экан, буни англаган инсон ўша жамият ва унинг сиёсатини қандай ҳимоя этсин?! Аммо бундай жамиятни ҳимоя этиш туйғуси ҳалигача — мустақиллик туйғусини туйғунча манқуртсифат замондошлирамизда йўқ эмас эди. Хуршид Даврон ва бошқа истеъдолли ижодкорларнинг, ҳалқим, юртим деган фидойиларнинг курашлари туфайли манқуртлик дардига даволар излашга интилишлар кучайди. Жамият сиёсатининг ҳалқ ижтимоий-маънавий дарражаларини нақадар тубанлика тортганлигини англаш жараёни бошланди. Шоир "Ўғлим Темурга" шеърида руҳанангланиш ва уйғонишнинг меваси — жасоратнинг рангларини аниқ тасвир этади.

Ўғлим, бу ер —
Бизнинг еримиз.
Ўзимизнинг еримиз,
Кўрқмасдан қадам ташла.⁸⁸

Бундоқ олиб қараганда, булар оддий сўзлар. Лекин содда қурилган мисралардаги сўзлар замирида кучли руҳий түғён кезади. Бу түғённи юртини, ҳалқини севган, унинг қўл-оёқларига урилган кўринмас кишинларни кўра билган, англай олган, мустақиллиги учун курашга тайёр инсонгина ҳис қиласди.

⁸⁸ Ўша асар. 46-бет.

Ўз қалбидаги, руҳиятидаги уйғониц илдизларининг она заминга эрк, истиқтолни соғинган туйгулар орқали боғлиқ эканлигини тушунади. Бугунга келиб, инсон — лирик қаҳрамон руҳиятининг озодликка шунчалар ташналигини ҳис қиласди. Шу даврга қадар она юртинг қаер, деган саволга фақат туғилиб ўсан тупроғини тилга ололмай, катта масофаларни, кенгликларни кўрсатишга ўргатилган қалбнинг кафтадек ерга она юртим, деб муносабатда бўлишга етишиш соғинчи ва меҳрини, интиқ ва интизорлигини ифодаловчи исмисиз туйгуларнинг рангини мухрлайди. Бобо ва момолар ҳимоясида асралган, уларнинг қони ва кўз ёшлирига қорилган бу заминга эгалик қилиш ҳисси, лирик қаҳрамонни ўзида пайдо бўлган ана шу ҳиссиётни фарзандига — келажакка ҳам юқтиришга, унда ўзликни англаш туйғусини тарбиялашга даъват этади:

Йиқилсанг, кўтарар
Сени бу тупроқ.
Йиқилсанг, турмоқни ўрганасан,
Турмоқни ўрган, ўғлим.
Йиқилсанг, эмаклама,
Эмаклаганим етар, ўғлим.⁸⁹

Эмаклашга маҳкум этилган ҳалқ вакилининг ўз қисматидан келажакка жасорат билан сўзлаши мавжуд жамият сиёсати ва тузумни емириш учун шиддат билан этилиб келаётган миллий уйғонишнинг белгиси эди. Аммо бу уйғониш миллатчилик заминида дунёга келмади. Ҳамиша қалбida миллатидан қатъи назар, ҳар қандай фидойи ва ҳақиқатсевар инсонга нисбатан меҳр туйғуси бекиёс, бирон-бир ҳалқнингadolatciz сиёсатни зўрлаб ўтказиб келган-халқнинг адолатсиз сиёсатни зўрлаб ўтказиб келган-халқнинг адолатсиз бўлиши мумкин эмас. Шо-ларга нисбатан адоловатсиз бўлиши мумкин эмас. Шо-

⁸⁹ Ўша жойда.

Мен қўрқаман...
 Қўрқаман...
 (Бунга
 Хар одамдек, бор, ахир ҳаққим.)
 Бу сўзларга ишонадими
 Кўп сўзлардан алданган халқим?⁹²

деган эди. Бу мисраларга яширингтан фикрлар жамият ва инсон — шахс муносабатларининг нақадар кескинлашиб бораётганинигдан дарак бермоқда. Аммо шоир лирик қаҳрамони даврнинг қаҳрли нафасини туиши, ҳис қилиш баробарида меровланиб бораётган омманинг аҳволини билган ҳолда "Англаб топа олармикан у Ҳақиқатни шу кўп сўзлардан — фақат шундан қўрқаман..." дейди. Кўринадики, уни қўрқувга солган туйғу даврон эгаларининг адолатдан чекинганигина эмас, балки ана шу адолатсизлик қурбони бўлган халқнинг ўз-ўзини англашда қийналаётганилиги ҳам эди.

Шоир лирик қаҳрамон ҳаяжонлари, руҳий тўлғонишларини акс эттирас экан, ана шу жараёнда даврнинг ҳам руҳини, жамият нурсиз манзараларининг сиёсий ва маънавий илдизларини очишга интилади. Миллий масалада ўзини пардалаган ҳолда фаоллик кўрсатаётган шовинизмнинг асл мақсадиди фош этишига ҳаракат қиласди. Жамиятда юз берайтган парокандалик оқибатида халқ бошига ёғилаётган кулфатлар йўлига кўксини қалқон қилгиси келади. Инсон психологияси — руҳияти қирралари адолатдан бебахра халқ фожиаси фонида очилади ва ўқувчи лирик қаҳрамон руҳий дунёсида кечеётган жараёнлар моҳиятини жамият иллатлари тасвири билан танишиш давомида англаб олади.

Миллат ёки халқнинг манқуртга айланиси унинг йўқлик сари равона бўлганлигини кўрсатувчи даҳ-

шатли ҳодиса. Бу ҳодисани "камол" топтириш ёки тезлаштириш учун жамият сиёсати қанчалар хизмат қилмади, ахир. Аввало, тарихи, тилини унугтириш, кейин туғилган жойини, киндик қони тўкилган тупроқни Ватан дейишидан истиҳола эттириш, катта масофаларни эгаллаган жойларни она-Ватан деб мақтаниш даражасига етказиши, мерос анъана ва урфодатлардан орлантириб, англанмаган анъаналарни қабул қилдириш, миллий маданият, санъат намуналаридан бошқа халқларникини устун қўйдириш ва уни жорий этишига ружу қилдириш, қисқаси, ўзликни унугтириш буларнинг барчаси халқни манқуртга айлантиришдаги энг муҳим омиллар бўлди. Бу омилларни ҳар бир миллатнинг ўзи кашф қилмади, албатта. Миллат аста-секинлик, жуда устамонлик билан мажбуран ўз таназзулининг "кашфиётчиши"га айлантирилди.

Ўз она тилини унугтан зотлар
 Торобий мақбарин вайрон этганда,
 Мен ҳеч кимнинг кўзига эмас,
 Мен ўзимнинг кўзимга бокдим.⁹³

Бу ерда лирик қаҳрамон ўзгалардан эмас, ўзидан ўпкаламоқда. Зоро, ким келиб, нимани мақтаса, ўшани ўзиникидан азиз ва афзал билган одамдан ёки бутун бир халқдан гина қилиш шоирнинг хатоси ёхуд ўз миллатини камситишнинг белгиси эмас. Бундай олиб қараганда, халқнинг фоже аҳволга тушиб қолишига фақат ташқи омилларни сабаб қилиб кўрсатавериш ҳам бир ёқламаликка олиб келади. Балки халқимиз ҳулқ-атворидаги шарқона соддалик, садоқатлилик, ишонувчанлик, маълум маънодаги сиёсий гўллик туфайли ҳаётимизга тиқиширилган барча "янгилик"ларни, унинг оқибат-натижасини ўйламай кўш қўллаб қабул қиласвергандирмиз. Бу

⁹² Ўша асар. 156-бет.

янгиликлар кўнглими, кўзларимизни сехрлаб, ўзлигимизни унугишига чорлаганда, орқамизга қайрилиб қарамай, бизни қўллаб-қувватлаб турган тарихимиздан назаримизни олиб қочгандирмиз. Хуллас, бир сўз билан айтганда, вақт келиб, англаниш жараёнига кирдик ва X.Даврон лирик қаҳрамони ҳолатига тушдик. Англанган авлод эса гинани ўзидан қилиб, ўз кўзига тикилиб, ўзини маънавий сўроқлар исказасига олишдек тарихий паллага кирди. Бу ҳолатга тушган қалблар руҳий исёнлар ичра эзилиб, ўзи ўзига маломат тошларини ота бошлади. Бу эса лирик қаҳрамон руҳиятида кечирилмас гуноҳнинг ранглари сифатида акс этди:

Ашратхона ҳужраларини
Кўр манқуртлар булғаб кетганда,
Мен ҳеч кимнинг кўзига эмас,
Мен ўзимнинг кўзимга боқдим.⁹⁴

Кўринадики, "кўр манқуртларнинг" кўзига боқишидан фойда йўқлигини кечикиб бўлса-да, англан лирик қаҳрамон ўзини гуноҳкор ҳисоблаяпти. Агар у ўз вақтида англанганида "кўр манқуртни" барча ҳаракатлардан тўхтатган ва янада аччикроқ ҳақиқатнинг пайдо бўлишига йўл қўймаган бўларди:

Мен ўзимнинг кўзимга боқдим,
Кўрдим: деразаси зимистон уйда
Бир-биrimiz кўрмай,
Ёлғизлик эзib,
Фамли ўтирадик отам, мен, ўғлим...

Шоирнинг ёлғизлик ҳақидаги фикрини инкор қилиб бўлмайди. Зоро, ҳеч кимнинг она халқини ёмонлашга маънавий ҳаққи йўқ. Айниқса, миллат сифатида ўзбек халқидек сахий, қалби тоза, бағри кенг, меҳнат-

⁹⁴ Ўша жойда.

каш, содда ва самимий халқ кам топилса керак. Аммо унда бир ёмон қусур борлигини ҳам инкор қилиб бўлмайди. Бу зарур пайтда бирлаша олмаслиқdir. Ана шу қусур туфайли у яқин 60—70 йил ичидаги (балки олдин ҳам бўлгандир) қанчадан-қанча моддий ва маънавий хазиналаридан ажралди. Натижада, уни ёлғизлик ўз комига тортди. Шу боисдан ҳам X. Даврон лирик қаҳрамони руҳий парвозлардан тўхтаган ҳолда фам, алам домига гирифтор бўлиб, азобланади. Отаси (тарих), ўзи (бугун), ўғли (келажак) сиймосида бир-бирларига қўл беролмай, танҳоликда — ёлғизликда қийналаётганилиги — халқнинг учала замонда ҳам бирлаша олмай аросатда қолган ҳолати манзарасини яратади. Дарҳақиқат, шундай. Отанинг ўғилни қўллаб-қувватлай олмаслиги, ўғилнинг ҳам ўз ўғли камолоти учун фидо бўлолмаслиги бу миллий парокандалик белгисидир. X. Даврон шулар ҳақида ўйлар экан, халқ руҳиятида миллий уйғониш ва бирлашиш туйғусининг бош кўтаришига маънавий замин тайёрлашга интилади. Ҳар бир қалбда ўз-ўзини тафтиш қилиш, яшаб ўтган умрига танқидий қарааш, келажагини тарих ва замон йўл қўйган қусурлардан холи равишда бунёд этиш туйғусини тарбиялашга, руҳан ва маънан покланиш сари бошлишга ҳаракат қиласиди. Ўз қалбидаги фидойилик, руҳиятидаги исёнкорлиқдан она халқига улашишга интилади. Лирик қаҳрамон руҳиятидаги, қалбидаги ўз-ўзини фош этиш, ҳаётда юз берган барча фоже ҳолатлар сабабини фақат ўзгалардан эмас, балки ўзидан ҳам излаш, ўзини тарбиялашга интилиш хусусиятини барчада кўргиси келади. Мана шу интилишлар боис халқимиз руҳиятида тикланиш жараёни бошланганлигини таъкидлаш жоиздир.

Хуллас, X. Даврон юқорида ижоди жамият ва инсон муносабатлари, бу муносабатларнинг қай йўсинда шаклланишида муҳим ўрин тутган ижтимо-

ий-сиёсий ва маънавий муаммолар юзасидан таҳлил этилган шоирлар билан бир сафда туриб, миллат тақдири, келажаги учун олиб борилётган ва олиб борилажак курашларга маънавий замин тайёрлади. Унинг лирик қаҳрамони руҳий оламида акс этган давр, ижтимоий тузум, жамият, сиёсат моҳиятининг адабий-бадиий манзаралари ўкувчининг қалб кўзини очишга хизмат қиласи.

Умуман олганда, шеъриятда жамият ва шахс муносабатларини бадиий тадқиқ этиш ва ана шу жамиятнинг равнақи ёки инқирозига хизмат қилиши мумкин бўлган ижтимоий-сиёсий ва маънавий ҳаётдаги барча ижобий ҳамдә салбий ҳодисаларнинг туб моҳиятини очиб бериш баробарида лирик қаҳрамон руҳий дунёсида юзага келган исён манзараларини ўзига хос бўёқларда жонлантирилишини ўзбек шеъриятининг катта ютуғи сифатида баҳоламоқ лозим. Чунки олдинги бобда шеъриятимиз яқин ўтмишини ўрганиб, ундаги руҳсиз лирик қаҳрамонларнинг аксар ҳолатларда руҳсиз инсон тимсоли сифатида дунёга келганлигини кўрган ва бунда жамият сиёсатининг ниҳоятда кучли таъсирини ҳис қилған эдик. Шоирларимиздаги журъатсизлик ва шиҷоатсизликдан бир оз ранжиган, шу билан бирга ишонч туйғусининг ниҳоятда барқарорлиги уларнинг кўзи ва тилини боғлаб кўйганлигини ҳам айтган эдик. 60-йиллар ўрталаридан бошлаб, айниқса, 70—80-йилларга келиб эса, ўша ишонч туйғусининг ўрнини шубҳа, гумон, ишончсизлик туйғуси эгаллай бошлади. Бунга, албатта, жамиятни нотўғри йўлдан бошлаган сиёсий мафкура сабаб бўлди. Бинобарин, ишончсизлик туйғуси ижтимоий-сиёсий, иқтисодий тангликтининг аста-секинлик билан юзага қалқиб чиқиши баробарида янада кучайди. Айни пайтда ўз-ўзидан маънавий тангликтининг ҳам чуқурлашмасликка ҳеч қандай имкони қолмади. Мана шу сабабларнинг

барчаси лирик қаҳрамон руҳиятига исён учкунларини ташлади ва у шеърият бағрида даҳшатли ёнғинга айланди. Натижада, юқорида танишганимиз — жамиятни, сиёсатни қаттиқ фош этувчи асалар дунёга келди. Улар инсон руҳиятини, қалбини тेरан бадиий тадқиқ қилиб, унинг чексиз маънавий таъсири имкониятларини ўзида инкишоф этди. Шу билан бирга улар сиёсатга сиёсатшунос ёки файла-суф назари билан эмас, балки инсон қалби, руҳиятининг мусаввири сифатида ёндашишга журъат этиллар. Демак, буларнинг барчаси шеъриятнинг асл манбаига томон қайтаётганлигидан, ҳар қандай тазийк ва таъсиrlарга қарамай ўз вазифасини, бурҷ ва масъулиятини чукур англаб, инсон қалби дарду армонларини ҳам кашф этишга интилганлигидан далолатдир.

Шеърият ва сиёсат муносабати азалдан давом этиб келаётган ҳодиса бўлиб, уларни бир-биридан ажратиш мумкин эмас. Ушбу ҳодисани ўрганиш ҳам, албатта, зарурдир. Зоро, профессор У. Норматов таъкидлаганидек, "Юксак бадиият намуналарини замонадан, сиёсатдан, мафкурадан айри ҳолда нуқулсанъат, шакл жиҳатдангина ўрганиш, ўқитиш орқали уларнинг моҳиятини англаш, ҳақиқий қимматини белгилаш қийин"⁹⁵ дир. Дарҳақиқат, ҳар қандай юксак ижод намунаси дунёга келган даври руҳидан ажратиб ўрганилса, унинг боявий-бадиий қиммати, маънавий аҳамияти тўлиқ очилмайди.

Шеър инсон қалби, руҳияти, туйғу ва тафаккурининг маҳсули. Инсон эса жамиятдан ташқарида яцай олмайди. Ҳар қандай жамиятнинг ҳам ўз сиёсати бўлади. Шеърият сиёсатга фаол муносабат кўрсатмай туролмайди. Лекин у бир дастёр каби сиёсатни таъсирлайди.

⁹⁵ Норматов У. Ҳақиқат тақозоси// Ўзбекистон адабиёти ва санъати. 1995, 17 феврал.

сатни қувватлаб, белгиланган чизиқдан чиқмаса, миллат ва халқ олдидаги бурчини тұла-түкис оқладай олмайды. Етмишинчи йилларға келиб, шеъритимиз ана шу ҳақиқатни ниҳоятда аниқ ва чуқур англағ етди. Шу боис у қайта қуриш ва ошкоралик давриғоявий ўзгариш ва юксалишларини жуда дадиллик ҳамда қатъий журъат билан қаршилади.

70—80-йиллар шеърияты — сиёсат ва адабиёт ўртасидаги муросасизлик руҳининг маҳсулі. Бу ўз-ўзидан жамият ва шахс муносабатини қайта қуриш муаммосини ўртага ташлайдыки, унинг ечимини топиш жуда катта ижтимоий, маънавий кучларнинг бирлашиб иш кўришини, шу асосда инсон ва жамият тақдирини ижобий ҳал этишини талаб қиласи. Бунда, албатта, адабиёт — шеъриятнинг вазифаси бетарафлиқдан холи бўлмоғи зарур. Унинг лирик қаҳрамони инсон сифатида ўзининг барча хуқуқларидан фойдаланган ҳолда замондошлари қалбига, руҳий оламига йўл изламоғи лозим. Шундай бўлгач, шеъриятда руҳий олам тасвири масаласи ўрганилар экан, унга замон, давр муаммоларига нисбатан руҳий муносабат сифатида қарамоқ шарт.

2.3. СОФ ЛИРИК ПАФОС: РУҲИЯТ ИҚЛИМИ ВА ПОЭТИК ТАСВИР КЎРИНИШЛАРИ

Инсон руҳий дунёсини тұла тадқиқ этиши, ўрганиб ниҳоясига етказиши асло мумкин эмас. Олам сиру синоатта қанчалик бой бўлса, одамзот руҳий дунёси ҳам шунчалик мураккаб ва чегарасиз.

Юқорида тарих ва замон, жамият ва инсон муносабатларига лирик қаҳрамоннинг муносабати ҳамда унинг шеъриятдаги инъикоси ҳақида имкон етганича фикр юритилди. Аммо инсон руҳий дунёсидаги чексизликнинг манзаралари ҳам рангинидир. Шунинг учун ҳақиқий шоир ўзини инсон қалби ва

руҳининг муҳофизи, мусаввири деб ҳис қиласи. Уни ҳар қандай қўпол, ташқи таъсирлардан ҳимоя қилиш учун курашади. Инсон кўнгли ва руҳий ҳаётини тадқиқ этган шоирлар, сиртдан қаралғанда, ташқи воқеликdan йироқлашгандаи кўринади. Аслида эса, ташқи дунёниг кўп муаммолари инсон фарзандининг қалбига йўл топиш, руҳини англаш орқали ҳал этилади. Шу маънода руҳоният тасвирига бағишлиган, яъни соф лирик пафосдаги шеърларнинг аҳамияти жуда юксакдир. Бундай асарлар ўзбек шеъриятининг барча даврларида ҳам кўплаб яратилган ва уларга қараб ижодкорнинг санъаткорлик маҳоратига баҳо берилган. Абдулла Орипов айнан ана шу ижодий анъанани илҳом билан давом эттирган шоирларимиздан биридир.

А. Орипов шеърларида лирик қаҳрамон кўпинча ўзи билан ўзи танҳо қолади. Ўша "танҳо"ликда у инсон қалб ҳаётининг жуда мураккаб қатламларига етиб боради. Энг мавхум ҳолатларни ҳам сезишга ҳаракат қиласи. Бу ранглар баъзан шодликнинг моҳиятини камалак рангида, руҳнинг ишак қанотлари ёрдамида ўқувчи дилига муҳрлайди. Кўпина ҳолатларда эса руҳиятида нурсиз ранглар ниҳоятда фаоллашади ва у шеърга айланисиб, ўқувчи қалбига унсиз бир оҳ ёки фарёд бўлиб қуйилади. Ана шу жойда у қалбда ўрнини бошқа ранглар билан тўлдириш ниҳоятда мушкул бўлган тубсиз бир бўшлиқ пайдо қилгандай туюлади. Бу бўшлиқ аро ўқувчи қувончнинг ёки илинжнинг бирон-бир рангини кўролмай, оҳангини тинглоимай қийналади. Натижада, унинг руҳиятида шундай бир маҳзунлик ҳукмрон бўладики, гўё дунё фақат ғамдан, аламу ташвишлардан бино бўлгандай кўринади. Ўқувчи руҳияти лирик қаҳрамон руҳиятининг қувончдан туғилган ранглари билан уйғунлашганда эса унинг учун дунёда ҳаётдан, яшашдан лаззатли туйғу бўлмайди. Олам унинг қалбига қувонч-

ларию, барча гўзалликлари билан кириб келади. Одамларнинг барчаси эса унга туғишгандек қадрли ва меҳрли туюлади. Ўқувчи руҳиятнинг бундай парвозли, рангдор манзараси билан А.Ориповнинг "Қани най бер менга, дўстгинам" мисраси билан бошлинувчи шеъри орқали жуда яқиндан ошно бўлади. Бу шеърда лирик қаҳрамон руҳий ҳолатининг ниҳоятда соғ бир тасвири мавжудки, унда фақат шодликнинг, баҳтиёрликнинг оҳанглари жаранглайди. Бу жаранги бошқа ҳеч қандай туйфунинг овози бўлиб юборишига журъат этолмайди.

Қани, най бер менга, дўстгинам,
Бергил, майли, рубоб бўлса ҳам.
Бер, бир нафас бўшатиб олай
Тўлиб кетган юрагимни ман.⁹⁶

Бу мисралар ўқувчи учун ҳали лирик қаҳрамон руҳий оламига кириш остонаси. Чолғу асбобларидан най ёки рубобнинг сўралиши ҳали унга чалинадиган куй қай оҳантда бўлишини белгилаб беролмайди. Чунки най ҳам, рубоб ҳам фақат қувончни эмас, балки ғамнинг мунгли садоларини таратиши мумкин. Худди шунингдек, келтирилган парчадаги охирги мисра ҳам ноаниқ туйфунинг чизгиларидан иборат. Зоро, юракни севинчли ҳислар ҳам, ташвишли туйгулар ҳам тўлдириши мумкин. Демак, ҳали шеър бошиданоқ, шоир руҳиятининг очиқ манзарасини бермайди. Шеърнинг кейинги тўрт мисрасида ҳам ана шундай ҳолат хукмрон. Аммо уларда қувонч туйгуларининг юзидағи пардани кўтариш сари ишора бор. Яъни "Дўстим, тингла япроқчаларнинг шивирлаши эшитилмоқда..." Япроқчалар шивирляяптими, демак унинг орқасида яхшилик яширинган. Агар япроқлар шовуллаганда эди, ўқувчи бутунлай бошка руҳий ҳолат манзарасига дуч келарди.

⁹⁶ Орипов А. Йиллар армони. 87-бет.

Гўзал, сокин оқшом чўкмоқда,
Тебранади елда чироқдар.
Дараҳтзор ҳам сокин солланар...
Қандай маъсум, эрка бу чоқлар.⁹⁷

Яхшиликнинг рангларини лирик қаҳрамон руҳиятининг мисраларга муҳрланиб бораётган рангларидан илғаган ўқувчи руҳиятида ҳам ана шундай ранглар жилвалана бошлайди. Унинг қалбида ўша рангларга мос хуш оҳанглар бош кўтаради. "Маъсум, эрка" дамлар оғушида ўзини эркин ва шод ҳис қиласи.

Шоир бу шеърида юқорида айтилганидек, лирик қаҳрамони руҳиятидаги кўтаринки қайфиятни илк мисраларда ёқ очиб ташламайди. Аввало, унинг қувончдан энтиккан юрагининг зарбларини сирли бир равиша ифода этади. Бу сирли зарблар сехрини оширувчи тасвирга табиат манзараси гўзал чизгиларининг уйғунлашуви ўқувчи қалбини энтиклира бошлайди. Ана шундан кейингина шоир лирик қаҳрамонининг руҳиятини чексизлик багрига парвоз этирган исмсиз қувончнинг, шодликнинг рангларини ҳиссияту ҳаяжонларининг ниҳоятда ўткир ва қуюқ бўёқлари орқали чизиб беради. Бу чизгиларда кўринган, қалбига сифдиrolмаётган қувончни кўйлашга қаламининг кучи етмай ожизлик қилаётган лирик қаҳрамон уни фақат найнинг сехрли қудрати орқалигина ўқувчига етказа олиши мумкинлигини аңглайди. Шеърнинг:

Кўзларимга бу ёруг олам
Кўринмоқда бирам суюмли.
Қани, най бер менга, дўстгинам,
Тўқай тўлиб кетган кўнглимни.⁹⁸

⁹⁷ Ўша жойда.

⁹⁸ Ўша жойда.

мисралари ўқувчи кўз олдида шодлик туйғусининг инсон қалбига, руҳиятига бахш эта оладиган буюк кудратини намоён қиласди.

А. Ориповнинг бу шеърида лирик қаҳрамон ҳолати теран очилган. Унинг туйғулари рангининг тинклиги, уларда ташқи таъсирнинг акси йўқлиги, бир онийлик руҳий қувонищдан ўзини оламни бағрига сиғдириш даражасида ҳис қилиши соф лирик пафос маҳсали бўлган шеър-руҳият манзарасининг мўжизакор кудратидан биттаси бадиий кашф қилинган. Зоро, бадиий тасвир ва руҳий таҳлилиниң шеър ниҳоясида кучли уйғунлик, топиши ҳамда лирик қаҳрамон ҳолатининг, ҳис ва туйғуларининг, ҳаяжонларининг ана шу нуқтада очиқ ошкор этилиши бунга гувоҳлик беради.

А. Орипов шеърияти, умуман олиб қараганда, айтиб ўтилганидек, дунё ғаму ташвишлари остида елкалари қавариб кетган инсон руҳиятининг манзараларидан иборатдай туолади.

Зоро, ҳар биримизга ҳаёт берган сабоқлардан келиб чиқадиган бўлсак, инсон тафаккурида, руҳиятида шодланган, қувонган өнларидан кўра ғаму ташвишлар дилини сиёҳ қилган, куйдирган дамлар тасвирд кўпроқ, ўчмас из қолдиради. Бу инсон табиати билан боғлиқ ҳодиса бўлса, ажабмас. Шу маънода А. Орипов шеъриятини ўргансак, унда кўпинча шоирнинг дунё, инсон, ҳалқ ғамидан ўртангандан руҳининг сувратларини кўрамиз. Чунки фақат қувончли дамлар хаёли билан яшаган одамдаги фидойилик фазилатини, севинчли онларни қадрлаган ҳолда Ватан, ҳалқ ҳаётининг ғамгин паллаларида юраги ёниб, руҳий исён ичра яшаган инсон фидойилити билан бир хил даражада баҳолаш мушкулдир.

Агар эътибор берилса, унинг руҳий ҳолатнинг соф манзараси бўлган, кучли пафос билан яратил-

ган кўпгина шеърларида, юқорида таъкидланганидек, қалбнинг "бир оҳ"га айланган ҳолати суратлари муҳрланган. Бу оҳ гоҳида уни тарк этган муҳаббатнинг соғинчидан бино бўлса, гоҳида дўстнинг душманлигидан, одамларнинг бепарволигию беандишалигидан, "оломон"нинг ҳалқ бўлолмаётганилигидан, баъзан эса даврон адолатсизлигидан (бу кўпинча тузум ва сиёсат билан боғлиқ), Ватаннинг хорланиб, ҳалқнинг зорланиши ортиб бораётганидан пайдо бўлди. Булар шоирнинг ношудлиги ёхуд ношукурлиги белгиси бўлмай, аксинча, унинг ёниқ, фидойи қалбга, исёнкор руҳга эгалигидандир. Шоир муҳаббат ҳақида қўйлаганида бу бобдаги омадсизлигидан нолиди. Лекин унинг баъзи шеърлари муҳаббатга талпинган, уни излаган, етишишга интилган қалбнинг оҳангларидан яралганлигини унутмаслигимиз керак. Аммо муҳаббатнинг нотекис йўлларидан юриш, шоир лирик қаҳрамонининг ўзини ҳам, туйғуларини ҳам улгайтириб юборади. Аввал оламни кўзига мунаvvар кўрсатган муҳаббат энди уни баъзидан ниҳоятда нурсиз қиёфатга солиб қўяди. Бундай ҳолатта тушган лирик қаҳрамонга руҳий дунёсида чарақлаган қуёш юзини парда қоплагандай, кўзларига олам тор ва бечирой, одамлар эса қалбсиз, ҳиссиз тошларга айланиб қолгандай кўринади. Ана шунда у: "Мен муҳаббат тақдиримдан мақтанолмайман", — деган қатъий хulosани "Муҳаббат" шеърида ўқувчи хукмига ҳавола қиласди. Шеър ҳажми бироз каттароқ ва у монологлик хусусиятини касб этади. Лекин ҳажмидан қатъий назар, айтиш мумкинки, унда лирик қаҳрамон руҳий ҳолатининг соф, тиниқ манзараси мұжассам. Шеър ҳажмининг бироз катталигига сабаб, шоир муҳаббатда омади чопмаганлигини айтиш учун сўзни болалик дамларию, муҳаббат туйғуларининг қалбига илк ташрифи борасидаги хотираларидан бошлайди. Илк севги қалбига чизган туйғулар

гулининг хазон бўлиши — "кўнгил шишининг бир сўз билан дарз ейиши" лирик қаҳрамонни шундай ҳолатга солганки, энди у ҳеч қачон севги-муҳаббат ҳислари билан ёнолмайди, дунёning гўзаллигидан баҳраманд бўлолмайди, ҳаётida эришган муваффақиятлари уни ҳеч ҳам кувонтиrolмайди, она дийдори, дўстлар мадади унга тасалли беролмайди. Лирик қаҳрамон ҳолати ўқувчи кўз олдида шундай бир манзара яратадики, гўё дунёда муҳаббат туйгусидан қурдатли куч йўқ. Дарҳақиқат, шундай. Муҳаббат туйгусини ҳис қилган ҳар бир инсон учун барча ғаму ташвишлар арзимаган бир нарсадай туюлади. Йўлида кўндаланг бўлган ҳар қандай ғов унга хасчалик сезилмайди. Ҳаёт унга қанчалик аччик шаробини тутса ҳам севган қалб уни англамайди. Агар унинг акси бўлса, муҳаббатда омадсиз ҳар бир ошиқ, албатта, А.Орипов лирик қаҳрамони тушган ҳолатнинг турили манзараларини ўз руҳиятида ҳис қилса, ажабмас. Зеро, Нодирабегимнинг "Муҳаббатсиз киши одам эмасдир, Гар одамсан муҳаббат ихтиёр эт", деган мисраларининг моҳиятида ҳам муҳаббатнинг инсон ҳаётидаги ўрни ва ҳатто, инсоннинг муҳаббати билан инсон эканлигининг ниҳоятда мантиқли холосаси бор. Муҳаббатда омадсизлик А. Орипов лирик қаҳрамони учун ҳаёт гўзалигини сўндириб қўйган. У бошқа соҳаларда қучган омадларию муваффақиятларини, ҳавас қилса арзигулик дўстлари борлигини, ўзининг соғу саломатлигини қайта-қайта таъкидлайди. Аммо омадсиз муҳаббатнинг сояси лирик қаҳрамонга баҳш этиши мумкин бўлган шодлик ва илҳомнинг юзини, улардан шоир руҳиятига келадиган нурлар йўлини беркитиб ташлаган. Мана ўша ҳолатнинг А.Орипов маҳорат билан яратган, ўқувчи қалбига, руҳиятига титроқ олиб кирадиган, уни ҳам лирик қаҳрамон билан бирга қийнайдиган манзараси:

Фақаттина бир куч бордир, фақат угина

Зор йиглатар, қилолмайман мен унга тоқат.
Ҳаётимда чақнамайсан фақат сенгина,
Толеимда сен бўлмадинг, баҳти мұхаббат.⁹⁹

Бу руҳий манзара шунчалар таъсирчанки, ўқувчининг лирик қаҳрамон билан бирга муҳаббат туйгусининг омонсиз изтиробларида ёнмоғи аниқ. У билан бирга мажнунона туйгулар комида қолиб, ўртамаслик чораси йўқ. Лирик қаҳрамоннинг:

Кимга шошай, кимни қўмсаб, кимга сигинай,
Фариштам, деб оқ ювибу оқ тарай кимни?
Кимни Лайлім, Шириним деб, баҳтим деб атай,
Ҳаётим, деб чўққиларга кўтарай кимни?¹⁰⁰

деган зорланишлари эса муҳаббат туйгуси тарк этиб кетган ҳар қандай инсоннинг қалбини ҳам зор қақшатмайди деб ким айти олади?! Бу А. Орипов истеъдодининг гўзал меваси. У муҳаббат фожиасини куйлайди. Аммо бу куй шунчалар мунгли бўлса-да, шунчалар сехрлики, унинг домидан чиқиб кетишни шоир лирик қаҳрамонига руҳан яқин бўлган ҳар бир қалбнинг истамаслиги аниқ. Чунки шеърда инсон руҳиятининг шунчалар ҳаққоний, шунчалар соғ, тоза манзараси чизилганки, ҳар қандай қалб, унга ром бўлмай иложи йўқ. Фамнинг, омадсизликнинг сувратини шоир шундай бир тенгсиз маҳорат билан яратадики, у бошқа қалбни ҳам омонсиз қийнайди, лекин уни ўзига узилмас руҳий ришигалар орқали боғласа боғлайдики, аммо узоқлаштирумайди. Бу руҳиятнинг ниҳоятда нафис, оддий одам илғай олмайдиган, илоҳиётдан куч олган инсонгина туюши, сезизши, ҳис қилиши мумкин бўлган кудратининг ҳосиласидир. Муҳаббатда омадсизлик, йўқотилган биринчи муҳаббат, унинг инсон ҳаётидаги ўрни ма-

⁹⁹ Ўша асар. 120-бет.

¹⁰⁰ Ўша жойда.

саласини А. Ориповчалик теран очган шоир борми-
кан? Бу савол "Биринчи муҳаббатим" шеърининг
лирик қаҳрамони билан ҳамнафас бўлган ҳар бир
қалбнинг сўрови бўлиши, табиий. Бу шеър севган
қалбнинг, муҳаббатидан айрилган ҳар бир юракнинг
асл сувратидир. Бундан бошқача таъриф шеърнинг
изоҳини ҳам, баҳосини ҳам беролмайди. Зоро, би-
ринчи муҳаббатига етолмаган инсоннинг ҳаётдан
кўнгли совуб кетиши аниқ.¹⁰¹ Вақт ўтиши билан қал-
бida уйғонган муҳаббатнинг кўзлари аввалгидай
ўткир, тийран бўлмаслиги ҳаммага аён. Ҳаётга, одам-
ларга муносабатда ҳам бу қалбнинг ёниқ туйгулари,
ҳислари ҳамиша бедор бўлоимайди. Мана шу ҳақи-
қатни А. Орипов шундай бир маҳорат билан очади-
ки, ундаги сўзлар қудратига лирик қаҳрамонга қис-
матдош қалблар дош беролмай, аланга олиб эмас,
балки тутаб ёна бошлайди:

Холбуки орзулардан жудо ҳам бўлганим йўқ,
Юлдуздай кулганим йўқ, ой каби тўлганим йўқ.
Эрта хазон гул каби сарғайиб сўлганим йўқ,
Сени эслаб йиглайман, биринчи муҳаббатим,¹⁰¹
Эслаб бағрим тифлайман, биринчи муҳаббатим.

Бундай ҳолатни бошидан кечирган инсон учун шо-
ирнинг мисралари шу қадар яқин ва қадрдонки,
ундаги руҳият сувратлари шу қадар соғ ва тиник-
ки, унинг ўқувчига берадиган маънавий сабоғи ҳам
шу даражада юксак. Дарҳақиқат, шоир айтганидек,
инсон биринчи муҳаббатидан айрилгани билан
яшашдан воз кечмайди, ўзини ўзи жисмонан нобуд
килиши ҳам кам учрайдиган ҳодиса. Лекин унинг
ҳаётини безайдиган гўзаллик қудрати ўша эҳтирос-
лар билан бирга сўнган бўлади. Унинг туйгуларида
баргўзаликка, одамларга, ҳаётга бўлган интилиш бар-

қарорлик ёки ниҳоятда ташналик касб этолмайди.
Шоир ана шу ҳақиқатнинг ниҳоятда ҳаққоний ва
ҳаётий аксини бера олган. Лирик қаҳрамон руҳий
дунёсида муҳаббат фожиасининг тиник манзараси-
ни гавдалантира билган. Муҳаббатнинг қудратини
ўз қалби, руҳиятида ҳис қилган шоир, ундан айри-
лиш фожиасидан сўзлаганда ҳам кишини лол қол-
дирадиган ҳолатни яратса олган:¹⁰²

Йўлин йўқотса одам — муҳаббатга суюнгай,
Фуссага ботса одам — муҳаббатга суюнгай.
Чорасиз қотса одам — муҳаббатга суюнгай,
Мен кимга суюнгайман, биринчи муҳаббатим,
Фақат эслаб ёнгайман, биринчи муҳаббатим.¹⁰²

Ушбу мисралардаги ҳақиқат адашганлик, лоқайд-
лик ёки ўта мағрурлик оқибатида муҳаббат фожиа-
сига дучор бўлган қалники. Шоир бу ҳақиқатни қал-
бининг, руҳиятининг таъриф қилиш мушкул бўлган
рангларидан озиқлантирган. Айниқса, унинг "Дил-
даги оҳим менинг, биринчи муҳаббатим, Ёлғиз ол-
лоҳим менинг, биринчи муҳаббатим" мисраларида-
ги руҳият ранглари таъсирини, ўқувчи руҳиятига
берган озиғини сўз билан ифодалаб бериш ниҳоятда
қийин. Бундай шеър фақат илоҳиёт билан руҳан уй-
ғулаша билган қалбнинг ҳақиқатидан бино бўли-
ши мумкин. Бошқача қилиб айтганда, у ўзи билан
ўзи ёлғиз қолган инсон руҳий дунёсида сувратлан-
ган илоҳий бир самарнинг маҳсули бўлса, эҳтимол.
Аммо қандай бўлишидан қатъи назар, биринчи му-
ҳаббат фожиасини Абдулла Ориповчалик маҳорат
билан очиб беришга муваффақ бўлиш маҳолдир.

А. Орипов "Муҳаббат", "Биринчи муҳаббатим"
шеърларида баҳтсиз муҳаббат эгасининг қалб дунё-
сини теран ва ҳаққоний акс эттиришга мушарраф
бўлган. Инсон руҳий драмасини маҳорат билан ёри-

¹⁰¹ Ўша асар. 194-бет.

¹⁰² Ўша жойда.

та олган. Бу шеърларда олдин айтилганидай, шоир ўзи билан ўзи ёлғиз қолган ҳолатининг акси мужассам. Уларда иккинчи бир шахс билан мuloқот ва мунозара йўқ. Лирик қаҳрамон ҳеч кимга мурожаат ҳам қилмайди, муносабат ҳам билдиримайди, буни бошқа бир шахсдан ҳам кутмайди. Лекин шоирнинг яна шундай шеърлари борки, улар ҳам руҳий ҳолатнинг соф манзараларидан, соф лирик пафосининг маҳсулидан иборат. Аммо унинг юқоридаги шеърларидан фарқи бор. Шоир бунда ҳам ўзи билан ўзи ёлғиз қолган ҳолатда. Лекин у хаёлан ўзини баҳтсиз қилиб кетган маъшуқа билан боғланади. Руҳиятига соя солиб, уни сўлдирган шахс — муҳаббатини қадрламаган қиз билан мuloқотга киришади. Лирик қаҳрамон руҳий дунёсида кечётган ўтли жараёнлар ана шу хаёлан бошланган мuloқот — суҳбат асносида очиб берилади. Бу хусусият А. Ориповнинг "Кўйгил, у кунларни эслатма менга" мисраси билан бошланувчи шеърига хос. Шеърда лирик қаҳрамон мuloқотга киришган шахснинг фикри ҳам, туйфуларининг даражалари ҳам мутлақо кўрицмайди. Иккала шахс орасида кечган муҳаббат можароси фақат лирик қаҳрамоннинг мuloҳаза ва мушоҳдалари фонида очилади. Аммо у муҳаббат фожиасини бошига солган, бевафо маҳбубани камситадиган, ҳақоратомуз сўзларни айтишдан ўзини эҳтиёт қиласди. Чунки лирик қаҳрамоннинг қалбини ҳали муҳаббат тарк этмаган. У ўзини ана шу муҳаббатдан воз кечишга, қунутишга қанчалик мажбур этмасин, барибир қечолмаслигини, унуга олмаслигини билади. Бу туйгу үнга бир умр ҳамроҳ бўлишини сезади. Шеърда анча тушкун руҳ ҳукмрон ва унга лирик қаҳрамоннинг қалби тобедур:

Кўйгил, у кунларни эслатма менга,
Қалбимни ёқмасин бу хазон фаслинг.

Энди бегонаман, жонгинам, сенга,
Энди бегонадир менга ҳам васлинг.¹⁰³

Шоирнинг санъаткорлиги шундаки, у ана шу тушкун руҳ изтиробини мисрама-мисра кучайтириб борган ва шу жараёнда инсон тақдирини ҳал этувчи буюк туйғу — муҳаббатнинг ҳаётдаги ўринини ниҳоятда ишончли ва таъсирчан бир тарзда акс эттира олган. Натижада, илк муҳаббатдан жудо бўлиш фожиаси теран очилган.

А. Ориповнинг бу шеърида лирик қаҳрамон ўзини ҳам, жудо бўлган суюклисини ҳам қораламайди. Ёнаётган руҳининг рангларини ўта босиқлик билан ошкор этади. "Хайр энди..." деб бошланувчи шеърида эса у муҳаббат фожиасига ўзини айбдор кўрсатади. Лирик қаҳрамоннинг ўзидаги лоқайдлик оқибатида муҳаббати устидан ўқиган ҳукменинг ниҳоятда бешафқатлигидан кўнгил кошонаси вайронага айланганлиги кўриниб туради:

Сени кеч топгандим, эрта йўқотдим,
Карғагин, лойиқман сенинг қаҳрингта.
Ўзгалар қалбida қадр уйғотдим,
Бироқ етолмадим ўзим қадрингта.
О, инсон қисмати, бунчалар чигал,
Бунчалар хилма-хил фоже ва аза.
Қисматим, ўзимман гуноҳкор бу гал,
Наҳот, гуноҳкорга қўшиқdir жазо?!¹⁰⁴

Бу парчадаги ҳар бир сўз қисмат қаҳрига йўлиқкан инсон фожиасидан гувоҳлик беради. Баҳтсизлик гирдобига гарқ бўлган лирик қаҳрамон эъзозлай билмагани — маъшуқанинг баҳтиёрлигига ўзини ишонтирмоқчи бўлади, аммо руҳияти буни қабул қиласди. Шу майди. Унинг ўртаган руҳи алдовни ёқтирамайди. Шу

¹⁰³ Ўша асар. 169-бет.

¹⁰⁴ Ўша асар. 152-бет.

боисдан у савол ва ҳукм туйғулари талошида қолиб, олдингидан ҳам фоже ҳолатта тушади:

Хайр энди, сен кетдинг, бегуноҳ оху.
Бутун сен қайдасан? Қайларда қолдинг?!
Сен бугун кимларнинг маъсум ҳамроҳи?
Қайси бир одамнинг баҳтига ёрсан,
Очилими сенга толе дарчаси?!
Бугун сен кимларнинг меҳрига зорсан,
Менинг юрагимнинг мажруҳ парчаси.¹⁰⁵

Қайсар руҳнинг суврати ниҳоятда тиниқ ва тоза акс этган бу парчада. Чунки у сезади, ўзини жуда қаттиқ севган, аммо ўзи истамаган ҳолда муҳаббатидан жудо бўлган қизнинг иккйи чишини ҳеч қачон севолмаслигини. У бошқа бирор билан ҳаётини боғлаши мумкин. Аммо бу ҳаёт унга тўқис баҳт беролмайди. Олдин кўрганимиз шеърда руҳий дунё тасвирини теранлаштириш учун, аввало, шоир ўтган воқеани баён қилади. Ана шу жараёнда лирик қаҳрамон ҳиссий оламининг товланишларини кашф этади ҳамда руҳий таҳлилни аста-секин чуқурлаштириб боради. Кейинги шеърда эса шоир лирик қаҳрамон ҳолатини воқеа баёнида эмас, балки ана шу воқеа туфайли туғилган кучли руҳий тўлғонишларнинг тасвири асосида очади.

Шеърларни ўқир экан, ўқувчи лирик қаҳрамон қанчалик уринмасин, барибир шоирнинг ўзидан бошқа шахсни тасаввур қилолмайди. Негадир А. Ориповнинг ишқий шеърларини ўқиш жараёнида ўқувчи унда шоирнинг ҳаёт йўлларини кўраётгандай, унинг овозини тинглаётгандай ёки у билан мулоқотга киришайтгандай ҳис қилади ўзини. Бу ҳолат бошқа шоирларда айнан такрорланмайди. Чунки услубий ранг-баранглик, маҳоратда ўзига хослик бўлгандагина адабиёт камолотга эришади.

¹⁰⁵ Ўша жойда.

Масалан, Омон Матжоннинг муҳаббат мавзусида битилган, соф лирик пафос ҳукмрон бўлган, руҳий ҳолатнинг соф манзараларидан иборат "Сени яхши кўраман" туркуми бутунлай бошқа хусусиятга эга. Унда ҳам муҳаббатнинг инсон қалбига ташрифи, унинг руҳий оламига олиб кирган ўзига хос ранг ва оҳанглари, манзаралари, ҳижрон саҳроларида сарсари кезишлар тасвири ва ниҳоят улар ҳақида шоирнинг мантиқли хуласалари мавжуд. Бу туркум ҳам истеъдодли қалбнинг кашфётларидан. Аммо унда ўқувчи лирик қаҳрамон ўрнида шоирни эмас, балки ўзини кўргандай бўлаверади.

Бадиий адабиётда ҳар бир ижодкор муҳаббатнинг бетакрор сувратини ўз ҳислари мўйқаламида чизади. Шу тариқа ёрга бўлган улкан севгининг, ишқнинг номаси дунёга келади. Бу муҳаббатнома аниқ бир шахсга аталган бўлиб, унинг марказида ўша шахс — инсон туради. Бу анъана неча авлод сўз санъаткорлари ижодининг асосий хусусиятларидан бўлиб келди. Юқорида кўрганимиздек, А. Ориповнинг муҳаббат ҳақидаги шеърида ҳам ўша анъанавийлик аниқ кўриниб туради. Лекин Омон Матжоннинг "Сени яхши кўраман" туркумida шоир бевосита маҳбубага эмас, балки унга бўлган муҳаббат туйғусига мурожаат этиб: "Сени яхши кўраман", — дейди. Яъни севгини севади, муҳаббатга муҳаббат билан талпинади. Буни яна бошқачароқ қилиб тасаввур этиш ҳам мумкин. Яъни шоир севган гўзалини инсониятни ром этиб келган туйғу — муҳаббат туйғуси тимсоли даражасига кўтаради. Ҳар иккала ҳолатда олиб қаралганда ҳам шоир бахш фазилатларини ҳам, унинг ўз тасаввуридаги ҳаё пардасига ўралган ўта нозик қоматини ҳам, унга соя ташлаган ҳижрон дардларини ҳам, ҳеч нарса билан қиёслаб бўлмайдиган соғинч ҳисларини ҳам, висол баҳтини ҳам хассос қалб туйғуларининг бе-

такорот бүёкларидан ранглантиради. Шунинг учун ҳам бунда сөхрловчи құдрат бор.

Эдуардас Межелайтис "Тунги қапалаклар" китобида: "...Содда ва тушунарли ёзиш керак. Лекин жүн эмас. Шоирлардан мураккаб соддалик талаб қилинади", — деб ёзған эди. Дарҳақиқат, ҳар қандай шеър жимжимадор, дабдабали сўзларсиз оддигина битилсаю, унинг мантиқий, маънавий, руҳий таъсиричанилиги кучли бўлса, у албатта, инсон қалбини забт этиш қудратига эга бўлади. Шеърни ўқиганда киши ўз қалбини ана шу шеър кўзгусида кўргандай бўлади. Шоир гўёки, унинг дардларини, орзу-армонларини шеърга айлантиргандай туюлади. Омон Матжоннинг "Сени яхши кўраман" шеърлар туркуми ҳам ўқувчини худди ана шундай руҳий ҳолатга солади.

Шоир: "Модомики, севгининг айрим инсон юрагида, турли ёшдаги кишилар ҳәтида буюк руҳий инқилоблар яратса оладиган куч эканини эътироф этиш, эътироф этишгина эмас, кашф этиш, унинг ҳудудсиз туйгува ранг товланишларини кашф этиш вақти келди! "- дейди. Шундай экан, унинг "Сени яхши кўраман" туркуми, умуман, муҳаббат лирикаси инсон қалбининг, ундаги муҳаббат туйгуси манзараларининг кашфиёти бўлмаслиги мумкин эмас.

Бу кашфиётни яратгунча шоир муҳаббат мавзуда кўп ийлаб қалам тебратди. Бу анъанавий мавзуди ўзига хос қалб кечинмалари орқали ифода этишига интилди. Лекин ҳали у шеърлар инсон қалби, ҳиссиятлари оламининг мукаммал кашфиётлари даражасига етмаган эди. Шундай бўлеа-да, улар ўз навбатида "Сени яхши кўраман" туркумининг яралышига ва муҳаббат мавзуси тасвирининг Омон Матжонга хос рангий оламининг дунёга келишига асос бўлди. Зоро, булар муҳаббат туйгуси тасвири-асос бўлди.

нинг камалакранг олами — "Сени яхши кўраман" туркуми ҳақида кенг тўхталишни тақозо этади.

Бу туркумни шоир қалбининг ўн икки манзараси, руҳий оламининг ўн икки ҳолати дейиш мумкин. Бу манзара ва ҳолатлар муҳаббат туйгуси муҗассами сифатида мантиқан яхлит, шунга қарамай, уларнинг ҳар бири алоҳида-алоҳида мустақил бир асардек ўқилаверади. Аммо туркумнинг бош фазилати ҳали айтилганидай, ички бир уйғунликка, мантиқан яхлитликка эгалигидадир.

Туркумдаги шеърларнинг ҳар бири муҳаббат туйгусининг инсон қалбига, руҳий оламига чизган бир манзараси сифатида гўзал. Ҳар битта манзара муҳаббатнинг фазилатларидан бирини намоён этади. Дарвоҳе, шуни айтиш керакки, чинакам муҳаббат қалбини забт этган ҳар бир кишига унинг ҳижрони ҳам, висоли ҳам фақат фазилат бўлиб туюлаверади. Унинг барча азоблари қийноқли фароғат сифатида дилга ёқади.

Муҳаббат фаслини кўрган ҳар битта қалб биладики, у севгисига осонликча етишган эмас. Буни ҳаёт, муҳаббат тарихидан, унинг куйчиси адабиёт, шеърият тарихидан яхши биламиз. Шунинг учун ҳам Омон Матжоннинг "Сени яхши кўраман" туркумидаги ҳар битта шеър ҳижрон, айрилиқ ғамидан титраган, висол онларига етишиш учун ана шу ғамни умид, ишонч туйгуси қувгинига солган қалбдаги муҳаббатнинг жасорати сифатида қадрли. Чунки туркумни ўқиш жараёнида ўқувчига лирик қаҳрамон билан биргаликда муҳаббат висолига бошловчи йўлларни бирга босиб ўтишга тўғри келади.

Бу эса унга руҳий құдрат, туйгуларига жўшқинлик, баъзан ўта тушкун кайфият ҳам баҳш этади. Ҳаёт, яшаш, барибир, шу қадар ширин ва қадрли бўлиб кўринаверади. Шоир туркумни муҳаббат туйгусига мурожаат билан бошлайди:

Сен оппоқ кўйлакда
корасоч -
Тушумда кўриндинг ёш пари
Ва бор-йўқ хотирот оламим
Чекинди руҳимдан ташқари.¹⁰⁶

Лирик қаҳрамон, аввало, тушида кўрган малак сийменинг кимлигини англолмай, қалбига, руҳий оламига, вужудига ларза солган кучнинг нималигини билолмай қийналади. Дарҳақиқат, инсон ёшликтининг маъсум кунларида қандайдир бир сабаб ёки туртки билан қалбида пайдо бўлган, вужудини куйдургувчи оташ, оловли туйғунинг нималигини тушунмай қийналади. Аммо бу қийноқ замиридаги аллақандай куч унинг руҳиятига қанот, қалбига, вужудига оғриқли бир роҳат, ором баҳш этади. Кейинчалик инсон бунинг муҳаббат эканлигини тушунади. Шоир тасаввурида ҳам муҳаббат унга тушидагидай этиб бўлмас, сирли бир ҳилқат сифатида кўринади. Вужудини "қуёшга нур қилиб элатган", "мудроқ танасида саноқсиз дараҳтлар гуллатган" туйғунинг тушдагидек туюлиши, муҳаббатнинг инсон қалбига илк ташрифини ҳис қилиш демақдир.

Дарҳақиқат, муҳаббат туйғусининг илк нурларидан қалби ёришган инсон ўзини туш кўраётгандай ҳис қилиши табиий. Айни пайтда қалб бу нурнинг муҳаббат нури эканлигини бир англаб, бир англомай қолиши ҳам мумкин. Лекин муҳаббат туйғуси қудратидан ларзага келган қалб эгаси ўзини тушдагидек ҳис қиласа ҳам, бир кун келиб, унинг ўнгидагана эканлигига ишонади. Унинг туйғулар аросатида қолган қалбида ниҳоят, ягона ҳукмрон туйгу пайдо бўлади. Бу чин муҳаббат туйғуси! Шоирнинг "Муҳаббат мен сени кутаман, Кутаман уйғонмай ҳеч налик ва интиқдик ётади.

¹⁰⁶ Матжон О. Сени яхши кўраман. Тошкент, 1981. 246-бет.

Шоир қалбининг иккинчи манзараси, руҳиятининг иккинчи ҳолати дилига тушдагидек ташриф этиб, унга бир лаҳзалик ором, руҳий дунёсига бир онлик нурдан қанот баҳш этиб кетган муҳаббатни излаш, исташ туйғуларидан пайдо бўлган. Изтироблар уммонида қолган қалб сувратига сўз бўёқларидан ранг бериш шоирнинг ўзига ҳам осон бўлмаган бўлса керак. Бу манзарада ўқувчи лирик қаҳрамонни "китоб ўқиб, сўзларини кўролмаган, чаман кезиб, гуллар рангидан завқ ололмаган, оқшом кўзлари уйкуни тарқ этиб, юлдузларни кўқдаги ялт-юлт бир жанг" сифатида кўрган ҳолатда тасвири этади. "Муҳаббат деб келдим дунёга", — дея ҳайқирган ошикнинг қалб дунёсини ишқ зиёсидан тўсган, руҳияти қанотларини қайирган "куч"нинг нималигини англайди. Бу — муҳаббатнинг ҳижрон деб аталмиш қақраган саҳроси. Ўқувчи лирик қаҳрамон кечинмаларини англаш жараёнида ўзи ҳам беихтиёр ўша саҳрова мажнуннамо кеза бошлайди. Фақат севимли кишисининг чехраси нурига талпиниб яшаган дунёда шу нурдан бошқа нарса йўқдек туюлган дамларига бир он бўлса-да қайтади. Демак, бу руҳий манзарада ҳам сўзсиз, ўқувчи туйғуларининг лирик қаҳрамон туйғулари билан уйғуналашиб кетиштига, шубҳа йўқ.

Учинчи манзара, ҳолат тасвирида биз "Муҳаббат деб келдим дунёга", деган ошик — лирик қаҳрамоннинг излаган ва истаганига етолмагаң дамларидаги тақдирга талабини кўрамиз. Кўпинча инсон ўз мақсад ва интилишларига етолмаган, эришолмаган пайтларида бунинг сабабчиси тақдир деб билади. Содир бўлган ҳодисани тақдир тақозоси деб ўйлади. Бу инсоннинг руҳиятига, қонига сингиб кетган ақида. Омон Матжон бу ерда шу ақидага зид ҳолда тақдир тушунчасига туйғулардан яралган маломат тошларини ёғдирали. Тақдир деб аталмиш, инсонни маълум даражада ўз измига солиб келаётган тушунчага

танқидий ёндашади. Лирик қаҳрамонни унинг измидан юргизмай, аксинча, қаршисига талабгор сифатида олиб чиқади.

Бу манзарада лирик қаҳрамон анча дадил кўринади. Дадиллик унинг руҳиятига ҳам бир оз кўтарикилик бергандай бўлади:

Чақин, камалаклар дарғаси, тақдир,
Қисматлар қомусин битганинг маҳал.
Аввал юракларга боқ, титраб турган,
Муҳаббат йўлларин равон эт аввал!¹⁰⁷

Муҳаббат йўллари равонлигини истаган, шу учун курашга шай лирик қаҳрамон қалби тўртинчи манзарада муҳаббатни ўзига чорлаётган, уни абадий бирга қолишга даъват этаётган бир ҳолатида қашф этилади. Олдинги манзарада муҳаббатнинг йўллари равонлиги учун курашга шоир лирик қаҳрамони бу манзарада унинг чалғимаслиги тарафдори, жонкуяри сифатида ўртанади. "Кўп кезма дарахтзор боғлар ичинда, Дараҳтлар дил дўстинг бўлолмас сенинг... Кўп қолма жаранг сув булоқ бўйинда, Булоқ ҳам дил дўстинг бўлолмас сенинг..." - дейди. Шоир фикрича инсонга, аввало, чинакам дўст даркор. Муҳаббатга ҳам. Шунинг учун шоир қалбининг, руҳиятининг бу манзарасида муҳаббатни садоқатли, дўст дилда макон тутишини истайди, алданмасликка, чалғимасликка даъват этиди. "Бу ишқнинг тарихи менинг қалбимда, Сен фақат менинг бўл, меники, менинг," - дея ўртаниб, ёниб қалбига чорлайди.

Тасаввур қиласлик. Инсон ўзи севган, хурмат қилган одамига фақат яхшилик истайди. Уни ўзига дил дўсти, сирдош қиласи келади. Аммо у кимса бепарво. У дўст тутинмоқчи бўлган, ўзини сирдош

сифатида севган кишини тушунмади ёки тушунса ҳам унинг садоқатини, истакларини хурмат қилмади. Шунда бу одам дил дўсти бўлолмаган кишига қандай муносабатда бўлиши мумкин? Душманлик йўлига ўтадими ёки ўз истаклари билан ўзини овунириб, садоқатсиз дўстнинг фақат яхши томонлари хаёли билан яшайверадими? Ёки "сени тош билан урсалар, сен ош билан ур" қабилида кўнгилчанлик билан иш тутадими? Бу масала ўқувчида шуларга ўҳшаган жуда кўп саволлар пайдо қиласи. Юқоридағи мақол мағзидаги "ёмонлик қилганга яхшилик қил" деган мантиқ ётади. Туркумнинг бешинчи манзарасида худди ана шу мантиқка амал қилган қалб туйгулари равшанлик касб этади. Бу манзарада лирик қаҳрамоннинг дил дўсти — муҳаббатни қалбига кириб келишига ишонч ва умидлари ранг олади. Унинг ана шу ишонч билан ўзини овунириган руҳий ҳолати акс этади. Манзарани қалб кўзи билан томоша қилган ўқувчи "ягона овунчи хаёл", "қишини кўкламдай тасаввур" қилган, "тириклик манбаи орзу" бўлган лирик қаҳрамон руҳий-маънавий дунёсини янада теранроқ англайди, унинг тоза ва шаффоф эканлигини яхши тушунади. Унинг қалбига яралган ишонч, умид, орзулар дунёсининг чексизлигини ҳис қиласи. "Кутганлари саховат, карам" қилмаган инсон қалбининг, иродасининг қудратини түяди.

Орзулар дарёсидан дур излаган шоир қалби олтинчи манзарада муҳаббатнинг ёғдуларидан дили ёришмаганилиги сабабларини унинг нурини ҳаё пардаси тўсганлигидан деб билади. Муҳаббатда ҳаёning ўрнини инкор қилмаган, аксинча, мантиқан уни жуда юксак қадрлаган лирик қаҳрамон унинг муҳаббатнинг қалбига ташрифига ҳалал бермаслигини жуда истайди. Лирик қаҳрамоннинг бу истагида кўполлик ёки газаб туйгулари сезилмайди. Аслида бундай туйгу унда ҳаё, иффатга нисбатан асло йўқ.

¹⁰⁷ Ўша асар. 248-бет.

Юқорида айтилганидай, шоирларнинг муҳаббат тасвири масаласида афсонавий қаҳрамонлар, севишгандар образини у ёки бу муносабат билан шеъриятга олиб киришлари диққатга сазовор. Омон Матжон бу манзарада Зуҳра ва Лайли сувратларини ҳам ҳаёning ҳарир пардаларига ўраб, чизиб ўтади. Бундан мақсад муҳаббатда ҳаёning қадри-қимматини кўрсатиш:

Кўлингда Зуҳрадан гўё бир хат бор,
гўёки Лайлидан мерос қисмат бор,
минг йиллик ёзғутдан қутуломайсан:
"Анавилар бор-да, ўшадар..." дейсан.¹⁰⁸

Бу ердаги "хат", "қисмат" образлари муҳаббатнинг азалий тақдиридан хабар беради. Зеро, муҳаббат йўллари ҳеч қачон равон бўлмаган. Шу билан бирга шоир "минг йиллик ёзғут"га эга бўлган муҳаббатнинг ҳаёйўлдоши эканлигидан беозор, бегараз ранжиди. Муҳаббатнинг йўлларида чинакам тўсиқлик қилувчи "анавилар" тоифасини фош этиб, муҳаббатнинг уларга қарши иш тутишини хоҳлайди:

Гулим, "ӯша"ларга ўчма-ўч очил,
сенинг учун бугун боғлар бўш, очил!
Уларни қўявер, улар қолмаслар,
чунки бизлар каби сева олмаслар!¹⁰⁹

Бу ерда ажойиб бир гўзал манзара кашф этилган. Бу манзара қалб, руҳият ойнасида ўз инъикосини топгаң орзу ва истакнинг, умиднинг, севгининг суврати.

Муҳаббатнинг "бағри бўш боғларда" — ўз юрагида гул ёзишини қўмсаган шоир қалби еттинчи манзарада, аввало, куз тасвирини чиза бошлайди. Бу тасвари олдинги манзарадаги гул ёзиш истаги амалга

ошмаётганидан руҳан тушкунликка мойиллик автоматидир. Аммо манзарада куз руҳи бутунлай ҳукмронлик қилмайди. Балки аста-секинлик билан қалбнинг ўз бағрига муҳаббат ташрифини кутган, унинг табассумларини соғинган, бу соғинчдан енгилмас қудратга тўлган манзараси устунлик қила бошлайди. Руҳнинг шодликдан қанот боғлаб учишта талшини шолати кўринади. Аммо саккизинчи манзарада лирик қаҳрамон қалбida умидсизликка мойиллик, лекин уни тан олмасликка ҳаракат сезилади. Ушбу манзарадан маълум бўладики, қалбida умид торлари тараглашса-да, унинг узилишини асло истамаётган лирик қаҳрамон ҳолати кўринади. Куну тун қалбига муҳаббат даракчилари бирон-бир хушхабар етказиши умидида яшайди. Шоир атрофидаги ҳар битта нарса ана шу даракчиға айланишини хоҳлайди. Бу истак анъанавий "сабо" образига мурожаатда аниқ кўринади. Маълумки, мумтоз шеъриятда сўз санъаткорлари "сабо" образи зиммасига ошиқ аҳволидан машиқани хабардор қилувчи, яъни маҳбубнинг дил розини маҳбубага етказувчи вазифасини юклаганлар. Омон Матжон эса ўзига ҳос бир ижодий йўлтанлайдики, бу унинг лирик қаҳрамони руҳий дунёсини ўқувчига янада равшанроқ англатишда муҳим аҳамият касб этади. Яъни сабо Омон Матжон шеърида, асосан хабар олиб келувчи вазифасини адо этади:

Ногаҳон деразам чертилар.
Кедтан ким? Айни тонг не сазо!
...Ёзаман деб хатлар, ёзмади
Кимди у? Э, сенми, хуш сабо!¹¹⁰

Тунлари бедор тўлғониб чиққан ошиқнинг руҳий ҳолати, бетоқатлик билан ҳар бир сас, сазони

¹⁰⁸ Ўша асар. 249-бет.

¹⁰⁹ Ўша асар. 250-бет.

муҳаббат даракчиси бўлармиқаи, дея юрак ютиб, кулоқ тутган инсоннинг қалб манзарасидаги безовталиқ суврати ҳар бир кишининг ҳислари, туйгулари, хаёлларига галаён солмай қўймайди. Ўқувчи лирик қаҳрамон билан биргаликда хаёлан сабога илтижо қилиш туйгуси билан нафас олади. "Гуллардан ифорли хабарлар" кутади, муҳаббат "дарчасин тўсгувчи ичковак толни эгиб, вужудига ғавғо" солиш руҳи билан яшайди. Бу руҳни сўридаги хат битилмай ётган "оқ қофоз, ўсма, қалам" образлари тасвири яна-да аланга олдиради.

Лирик қаҳрамон кайфиятидаги, руҳиятидаги тушкунлик ҳолатини, қалбинийг нурсизланган манзарасини шоир ўта таъсирчан бир тарзда чизиб берган. Бунда ҳар бир оддий сўз шундай бир сеҳрли қудрат кашф этадики, натижада, ўқувчи қалби ана шу қудрат комига тушиб қолади. Аммо бу комдан қутилишни хаёлига ҳам келтирмайди. Аксинча, унинг бағрида олов бўлиб яшайди://

Фазони бўйлайди йўлдошлар,
Ер билан сўзлашар Ой, Зухро...
Шу яқин, сас етар бир жойдан
Менга ҳеч хабар йўқ, хат...сабо...¹¹¹

Бу тушкун кайфиятни чизиш билан шоир лирик қаҳрамон умидларини бутунлай узиб ташламайди. Балки бу манзарада умиднинг узилишини, ишончнинг сўнишини эмас, балки сөғинч туйгуларига кирган жунбушнинг галаёнини билдиради. Лирик қаҳрамон қалбини оғир қийноқлар азобида ўртаган бу туйгу тасвири ўқувчи қалбини ҳам ана шу ҳис гирдобига ташлайди. Гирдобга тушган қалб:

Софиндим мен сени.

Кўргим келади.

Лескин айтотмайман ҳеч кимга буни.

Шаҳар гуж тош ўрмон. Бошимга тушган кўёшга талпинган оғочнинг куни¹¹²

мисралари руҳи билан яшайди. Бу руҳни ҳар бир қалбга, вужудга шоир юрагининг зиёсидан нурланган сеҳрловчи сўзлар олиб киради. Бу мисраларни шундоқ олиб қараганда оддийгина, соддагина кўринади. Уларда ҳеч қандай сеҳрлилик, мураккаблик йўқдек туолиши мумкин. Лекин улар қаҷонки, қалбкўзи билан ўқилса, шу даражада таъсирчанлик, шу даражада мусиқийлик, сеҳрлилик кашф этадики, вужуд беихтиёр равища мунис, меҳрли, нағис, бокира ҳислар оғушида қолади. Бир вақтлар қалбини ларзага солған ҳислар, туйгулар қайтадан бош кўтарида. Ошиқнинг интиқ, интизор, соғинчларга кўмилган, ҳижрондан зада қалбининг ёниқ манзаралари юракда ўзининг тиник сувратини қайта тиклайди. Бу манзара ёшликтининг, муҳаббатнинг сирли оламига етаклайди. Қисқаси, шоир қалбининг соғинч манзараси, руҳий оламининг шунга мос ҳолати ўқувчини сеҳрлайди. Унинг сеҳрланган қалби шоир ҳислари қанотида ўзининг чексиз туйгулар оламига парвоз қилади. Ана шу оламни қайта кашф этаётган ўқувчи хаёллари ҳижрон тоғларининг ўткир қирраларига урилган дамларга қайтгандай оғринади. Ҳижрон азобини сўз билан ифодалаш мумкин эмаслигига ишонади. Лирик қаҳрамоннинг:

Софиндим, жаҳонда балки ҳеч бир тил ҳижронни мукаммал ёзганмас ҳали.
Қадим ёзмалардек ул кунлар йитди,
бир сўзингни эслаш олам тасалли...¹¹³

¹¹² Ўша асар. 252-бет.

¹¹³ Ўша жойда.

¹¹¹ Ўша жойда.

деган зорларидан ўрганади. Бу зорга бефарқ қаролмайди. Лирик қаҳрамон билан биргаликда ёнади, куяди. Ўқувчи яна: "Дарахтман. Мен миллион япроғим билан боқаман зор титраб сен келар кунга", - деб ўртанаётган қалбнинг ҳамдардига айланганлигини сезмай қолади. Сезган тақдирда ҳам ана шу руҳий ҳолат гирдобидан чиқиб кетишни ҳеч ҳам истамайди. У ўзида, қалбida қандайдир бир ширин қониқиши, энтикиш туйғусини туяди. Агар диққат қилинса, бу манзаранинг ҳар битта чизгисига ранг берувчи қудратли сўз борлиги маълум бўлади. Бу "соғинчим" сўзиdir. Шоирнинг ҳар бир бандни шу сўз билан бошлишининг ўзи ўқувчи руҳиятига ғалаён солиб улгуради. Соғинч туйғударидан яралгандай туюлади ўқувчига лирик қаҳрамоннинг бутун вужуди. Аммо бу соғинчнинг ниҳояси йўқлигига қўзи етади. Лекин висол дарагини ҳам тополмайди. Ниҳоят, барабири лирик қаҳрамон қалбидаги, бутун вужудидаги соғинч ўрнини ишонч йўқолгач, умид узилгач, аламзада туйғулар, изтиробли, нурсиз хотиралар эгаллайди:

Умр ўтар, вақт ўтар,
Хонлар ўтар, тахт ўтар,
Омад ўтар, баҳт ўтар,
Лекин ҳеч қачон чиқмас ёдимдан.
Сенинг юришларинг, сенинг кулишларинг.¹¹⁴

Шоир қалбининг, руҳиятининг бу манзараси уннадаги умид, орзу, ишонч нурларининг сўнганидан, да хотиралар сувратининг хира тортиб боришидан далолат бергандай. Бу ерда тушкун қайфият, мунгли руҳ ҳукмрон. Муҳаббат хаёли, орзуси, соғинчи дарруҳ ҳукмрон.

¹¹⁴ Ўша жойда.

қаҳрамон руҳий ҳолати ўқувчи руҳиятида ҳам ҳукмронлик қиласди. Дунё кўзига фақат ғам-ғуссадан бино бўлгандай туюлади. Ҳаёт дарёсининг ҳеч қачон битта ўзандан, бир текис оқмаслигини уқтиради. Инсонни бардошли, иродали бўлишга, ҳаётнинг синов дамларида адашмасликка ўргатади.

Умр-йўл, қайрилиш кўп,
Утрашиш, айрилиш кўп.
Унутиш, айтилиш кўп,
Лекин ҳеч қачон чиқмас ёдимдан
Ўша кулишларинг, ўша келишларинг.¹¹⁵

Шоир қалбининг ушбу ўнинчи манзарасида ҳисстуйғуларга нисбатан фикр, ақл устун туради. Шу пайтгача лирик қаҳрамоннинг барча хатти-ҳаракатлари, ўй-хаёллари қалб амрига бўйсуниб, ҳис-туйғулар занжирида ҳаракат қилган эди. Энди қалб ва уннадиги туйғулар дарёси бир оз тинчланиб, асов тўлқинларини жиловлаб, ақл иродасига бўйсунади. Омон Матжон истеъоди мана шу ўринда яна бир карра нурланиб кетади. Чунки шоир қалбининг тўққиз манзарасида муҳаббатнинг қалб мулки эканлигини ўзига хос бир равишда қайта кашф этди. Аммо муҳаббатда фақат қалб билан иш тутиш эмас, балки қалб нурига ақл ёғдусини уйғунлаштириш зарурлигини ҳам унутмади. Лирик қаҳрамон руҳий дунёсини ёритишида шеърда қалб ва ақл диалектикасини яратади. Бу диалектика туркумда инсон тириклигининг, мавжудлигининг асоси сифатида кўринади. Ўқувчи тафаккурига, айниқса, ёшлар дунёқарашига бу диалектикани шеър руҳи билан ўлмас қилиб сингдириш, улар келажагига ёғдулар олиб кириш билан баробар. Ҳаёт, умрнинг мазмундорлигига маънавий замин тайёрлаш демак. Шоир ўзининг ушбу туркуми — инсон қалб манзараларининг гўзал ранглариди адашган карвондай сарсон кезган лирик

¹¹⁵ Ўша асар. 253-бет.

лари, тафаккур нурлари, руҳиятининг ипак қанотлари тасвири билан ана шу фоятда муҳим вазифани адо этди. Инсондаги маънавият деган буюк оламнинг буюклигини ўзича бадиий кашф этди. Ўқувчи қалбини, ақлини ана шу буюкликни янада буюкроқ қилиш туйғулари билан қорди.

Ўн биринчи манзара ақл, тафаккур нурлари билан ҳаёт йўллари, унинг паст-баланд жойларини кўриш имкониятига эга бўлган инсон қалбининг, ундаги қарама-қарши туйғуларнинг исёнидан ранг олган. Бунда муҳаббатда омадсиз қалбнинг умид ришталари узилган, ишонч нурлари сўнгандай кўринади. Қалбини нафрат, алам туйғулари кемирган лирик қаҳрамон руҳий оламининг суврати чизилади. Унинг:

Энди учрашувлар бўлмас, биламан,
Бир кунда тўрт фасл эврилмас энди.
Фийбат қашқирлари, ҳасад итлари
Энди очдан ўлинг, кетинг, бас энди...¹¹⁶

деган разабнок, ҳаётдаги разилликлардан жирканган, ўртанган қалб туйғулари ўқувчи қалбидаги ўзига ҳамоҳанг туйғуларни уйғотади. Натижада, ўқувчи кўзига ҳам ҳаёт жуда мунгли кўринади. Нурлар жилласи кўзларни олмайди. Атроф-оламда кулранг муҳит пайдо бўлади. Гуллар табассумидан ажаралади, боғларда кузнинг аччик, аёзли шамоллари кезади, хазонлар тўзғийди, қуёш юзига қора пардадар тортади, бирдан совуқ томчилар бош узра тўкила бошлийди, оёқлар лойда суралади, вужуд титрайди, кўзлар эмас, қалб, руҳ йиглайди...

Бу манзарада лирик қаҳрамонни муҳаббат билан учраштирган "сирли Шодлик" ва энди ажаратаётган "англаб бўлмас Fam"нинг аёвсиз кураши ана шундай намоён бўлади. Лекин шу курашлар орқасида

қолиб, лирик қаҳрамон қалбининг жони сифатида ҳаракатдан тўхтамган умид туйғусини ҳам сезиш, ҳис қилиш қийин эмас:

Илинж шул:

кўр тақдир ажратса ҳамки,
Пинҳона қовушган икки туйгуни,
Менинг юрагимдан узолмас асло
Сендан ёдгор қолган нурли қайғуни...¹¹⁷

Бу ишонч туйғусининг, умид учкунларининг ҳали бутунлай сўнмаганидан далолатдир. Энди энг охирги ўн иккинчи манзарада ана шу ёдгор қолган "нурли қайғу" нурли шодликка айланади. Чунки ҳаётда ҳақиқатнинг эгилиши бор, нурлар йўлини сунъий тўсишга уринишлар бўлган, қалбга, ҳис-туйғуларга четдан хукмронлик қилиш ҳаракатлари рўй берган, яъни муҳаббат йўлларига тўғонлар курилган. Аммо ҳақиқат синмаган, ички бир қудрат билан яна қаддини тиклайверган. Нурлар зулмат пардаларини йиртиб, ўзининг эркин ҳаракатига йўл очган. Муҳаббат ҳам кучли тўсиқларни емириб ўз эгасини топган. Буларнинг барчаси инсоният умрининг давомлилигига асос, устун бўлган. Омон Матжон охирги манзарада ҳаёт ва инсон бошидан кечиб келаётган ана шу савдоларга рамзий якун ясад, баҳт, ҳақиқат, муҳаббат тантанасининг ифодасини чизган. Бу чизгиларнинг илк парчасида олдин: "Дараҳтман. Мен милион япроғим билан боқаман зор титраб сен келар кунга", — дея вужуди соғинчга айланган, унинг оташида қоврилған лирик қаҳрамоннинг бутунлай бошқача — жўшқин руҳий ҳолати жилоланади. Унинг руҳиятига, қалбига аёзли қузнинг манзарасини чизиб кетган муҳаббат, энди ўчириб, унда "Наврўзни гул билан қитиқлаб" уйғотади. Шоир қалбининг ўн иккита манзарасига:

¹¹⁶ Ўша асар. 254-бет.

¹¹⁶ Ўша жойда.

Умр нима ўзи!

Имон келтирай,
ҳикмат бу, баҳордек қисқа ва аён:
Севги ила маъсуд онларни ўйла,
асил умр шулдир. Қолтани — ёлгон...¹¹⁸

мисралари билан нуқта қўяди.

Омон Матжон "Сени яхши кўраман" туркумидаги ҳамма куйлаган муҳаббатни куйлади. Аммо бу куй барча куйлар орасида бутунлай бошқача эшитилади. Унинг жарангидаги ҳеч бир жарангга ўхшамас ипак садолар бор. Бу садолар гоҳ қалбга яқин келиб, унга нурдай қўйилади, гоҳ узоқлашиб, уни зулматга тутқун қилгандай бўлади. Бу оҳангларни шоир ҳаёт бағридан олади, ўз қалби, руҳияти қатларидан ўтказиб, яна ҳаётга, одамларга қайтаради. Мана шу жараёнда туйғулар ҳам, ҳислар, ҳаяжон ва эҳтирослар ҳам шоирнидан шеърхонникига айлана боради. Буларнинг барчасини шоир қалбининг кашфиётлари — муҳаббат тасвири оламининг Омон Матжон битган нурли саҳифалари деса, жуда тўғри бўлади.

Кувончнинг ҳам, ғамнинг ҳам рангини ҳар ким ҳар хил ҳис қиласди. Бу, албатта, инсоннинг севиш, ҳис қилиш, тулош сингари қобилияти билан, энг асосийси, руҳияти билан боғлиқ. Буни юқорида А. Орипов ва О. Матжон ижоди мисолида кўрдик. Лекин муҳаббат фожиасидан бошқа инсон ҳаётига оғу бўлиб қўшилувчи дарду ғамлар ҳам кам эмас. Уларнинг баъзилари ўз номи билан айтилса, айримлари исмиз дард сифатида руҳиятни ёндиради. Мисол тариқасида А. Ориповнинг "Муножотни тинглаб" шеърига мурожаат қилишимиз мумкин. Буюк бобомиз Навоийнинг "Кеча келгумдир дебон, ул сарви гулруҳ келмади, Кўзларимга кеча тонг отгунча уйқу келмади" матлаъли ғазалини ва унинг "Муножот" келмади

¹¹⁸ Ўша жойда.

куйида ижро этиб келинаётганини яхши биламиз. Куй ҳам, ғазал ҳам руҳиятимизга сингиб кетган. Лекин қайси биримиз куйдан, ғазалдан А. Орипов лирик қаҳрамонича таъсирланана олдик экан? Балки шоирдан ҳам кучлироқ таъсирланган, сехрланганлар бордир. Лекин ҳеч ким бу таъсир ва сехрни А. Ориповчалик айттолмади ёки бадиий ифодасини бера билмади. Яна бу ўринда ҳам инсон руҳияти масаласи ўзини юқорига олиб чиқади ва муносабат билдиришни талаб қиласди. Зоро, А. Ориповни, аввало, Алишер Навоий руҳиятининг, муҳаббат беаёв ўртаган қалбининг ранглари, куйнинг эса ниҳоятда ғамгинлиги қийнайди. Қолаверса, бу қийноққа ўзининг ҳаёт ғаму ташвишлари билан бирга муҳаббат азобу озорларидан ўртаган руҳиятининг, қалбининг оҳлари ҳам уйғунлашиб кетади. Навоий ва Абдулла Орипов лирик қаҳрамонлари руҳиятидаги оғир азоблар ҳаётнинг аччиқ шаробларини бетўхтов нўш этиш қисматидан ўртаниш нуқтасида уйғунлашган. "Муножот" куйи эса ҳар иккала руҳиятнинг ҳамранглигига ниҳоятда мос ва хос оҳанг бўлиб уйғунлашганки, натижада, бу уйғунлик "Муножотни тинглаб" шеърини инкишоф этишга имконият яратган. Шунинг учун ҳам шеър теран руҳиятнинг кашфи сифатида ҳар қандай қалбни, руҳиятни ўзига боғламай қўймайди. Лирик қаҳрамон қалбининг ранглари ўқувчи қалбини ҳам ўз рангига киргиза олади. Шоир шеърда ғазалга эмас, балки куйга мурожаат этади. Унинг ғамдан бино бўлган оҳанглари қалбини қиймалаётган бир дамда:

Қани, айт, мақсадинг нимадир сенинг,
Нега тилкалайсан бағримни, оҳанг,
Нечун керак бўлди сенга кўз ёшим,
Нечун керак, рубоб, сенга шунча ғам!¹¹⁹

¹¹⁹ Орипов А. Йиллар армони. 60-бет.

мисралари дунёга келади. Куйнинг тўлғониши, ундан тараалаётган "оху фарёд" шоирга дунёниг ғамидай, аждодлари қалбининг иоласидай туюлади. Чунки у билади, руҳий аждодлари Навоий, Хайёмлар қалбини хун этган ҳаётдаadolat ва ҳақиқат ўз маъносига тўла юз кўрсатмаганлигини. Зеро, ҳақиқат ваadolat кишанланган замонда ҳаётда ҳамиша гамнинг кўли баланд келган. Бу жараён эса ҳар қандай фидойи қалбда ўзининг жароҳатли изини қолдирган ва руҳиятига исён солган. Аммо, кўпинча, бу исёnlар шоир қалбida бош кўтарса, бастакор руҳиятини ёндириса, қисқаси, инсон юрагини кўйдирса, унинг қисматига фақат дил тубига дафн этилиш ёзилган бўлади. А.Орипов даврида-чи? У қалбига, руҳига ёнгин олиб кирган ноҳақликлар ваadolatсизликларни ўз номи билан айтиб, унга қарши очиқ-оидин кураша олдими? Йўқ, албатта. Шунинг учун ҳам унинг руҳиятида уйғонган исён "Муножот" куйи бағрига ўзини отди. Ўзига руҳдош топганидан севингтан лирик қаҳрамон бутун дардини, қалбини унга очди, аждодлари ҳаётидан сўйлаган куй унинг изтиробларига бироз таскин бергандай бўлди. Лекин унинг бу таскинга кўнмаган кўнгли фарёди:

Агар алдамаса шу совуқ симлар,
Гар шул эшигтганим бўлмаса рўё
Сен бешик эмассан, дурсан, табиат,
Сен она эмассан, жаллодсан дунё!¹²⁰

Сингари мисраларга айланди. "Асрлар ғамини" сўйлаган куйдан ўртанганд қалби янада кўпроқ озорланган, тилкаланган лирик қаҳрамон: "Куйи шундай бўлса, ғамнинг ўзига, қандай чидай олган экан одамзод!"— деган аччиқ мулоҳазада тўхтайди. Лирик қаҳрамон зиммасига давр дардини айтиш вазифасини

юклаган шоир тарихга ана шу тарзда мурожаат этади. У аждодларимизнинг ниҳоятда бой маънавий месроси, адабиёти ва санъати хазинасининг дурдоналаридан мадад тилайди. Уларнинг руҳий мадади билан ўз руҳиятининг манзараларини ўқувчига очиб ташлайди. Натижада, ўқувчи бугунги куни ва эртаси ҳақида чуқур ўйга толади. Шоирни ғамбода этган ҳаётий омилларни хаёлида шакллантиради. Унга ўз фикри ва туйгуларида сувратланган ҳақиқатлар замиридан туриб қарайди. Оқибатда, ўқувчи кўз олдида тарих ва замоннинг, жамият ва инсон ҳаётининг муаммолари равшанлашади. Шеър қудрати ҳақиқат,adolat қудратини ўқувчи руҳиятига олиб киради.

А. Орипов шеърда лирик қаҳрамон туйгуларининг ички драмасини ниҳоятда бир тенгсиз маҳорат билан яратган. Инсон руҳиятининг шундай қиёссиз бир ғам туйғусидан ёниб, кулга айланмаслик қудратини, инсондаги ироданинг ниҳоятда кучлилигини бадиий исботлашга интилган. Бу шеърда ғамгин руҳнинг бениҳоя соғ бир ҳолати манзараси чизилганди, натижада лирик қаҳрамон ҳис-туйгуларининг кучли пўртанаси тасвири ёрдамида шоир мақсадига тўла равшанлик берилган.

Агар А. Ориповнинг руҳий ҳолат соғ манзараси, соғ лирик пафос меваси дейилган шеърлари кўздан кечириладиган бўлса, шоир ҳеч қачон ҳаётидаги рўшнолик кўрмагандек тасаввур пайдо бўлади. Балки бу шеърлар шоир ҳаётининг айрим кунлари кечирган оғир дамлари маҳсулидир. Мабодо, бу масалага макон ва замон диалектикаси нуқтаи назаридан ёндашилса, уни шахс ва жамият характеристи ўртасидаги зиддиятлар кураши қонуниятлари билан изоҳлаш мумкинлар. Аммо қандай бўлишидан қатъи назар, шоир — давр фарзанди, унинг ижоди — яшеттган жамияти кўзгуси. Шу боисдан А.Ориповнинг тушкун руҳият манзараси сифатида дунёга келган

¹²⁰ Ўша жойда.

ушбу соф лирик шеърини сунъий равиша давр руҳидан, жамиятда ҳукм сурган ижтимоий-сиёсий, маънавий масалаларда юзага келган чигалликлардан, муаммолардан айрича баҳолаш мумкин эмас. Шоирнинг руҳияти нурсиз дамларида яратилган шеъларидан яна биттаси:

Баҳор кунларида кузнинг ҳавоси,
Танимни жунжигар оқшомги шамол.
Нега мунча фамгин найнинг навоси,
Нега қалбим тўла ўқинч ва малол?¹²¹

деб бошланади. Унда лирик қаҳрамон кайфияти ниҳоятда ёмон. Унинг қалбида йилт этган нурнинг изи йўқ. Руҳиятини, ҳатто, шуурини зулмат қоплаган. Аммо шоир ўзидағи бу ҳолатнинг пайдо бўлиш манбаларини аниқ айтольмайди ёки айтишни истамайди. Ҳатто, ўзини ўраб олган табиий муҳитда ҳам руҳини кўтарадиган бирон-бир гўзаллик белгисини кўролмайди. Аслида ундей эмас. Баҳор кунларида табиат ўзининг гўзаллиги билан ҳар қандай инсон қалбини сеҳрлайдиган, руҳиятига олам-олам нур олиб кирадиган даражада қудратли бўлади. Аммо лирик қаҳрамоннинг бундай гўзалликни англаши у ёқда турсин, унинг мавжудлиги хаёлига ҳам келмайди. У, ҳатто, шеърда шундай манзара яратганки, бу сўлғин манзаранинг баҳор пайтида бундай кўринишда бўлишини тасаввур қилишга инсон идроки ожизлик қиласи. Шеърда эса бу нурсиз, сурурсиз манзара лирик қаҳрамон руҳий ҳолатига тамомила мос ва унда баҳорий гўзалликнинг изидан асар ҳам йўқ. Шу туфайли лирик қаҳрамон баҳор боғларида кезса-да, унинг руҳиятида куз палласи, "кузнинг ҳавоси".

Шоир лирик қаҳрамоннинг руҳан тушкун ҳолатини шу даражада истеъдод нури билан ёритганки,

натижада ўқувчининг ўзи ҳам ана шундай руҳий ҳолатга асир бўлиб қолганлитини сезмайди.

Атрофимда ётар фариб бир виқор
Билмам, нега ўчди қалбим сафоси.
Нима ҳам қиласидим, на иложим бор,
Баҳор кунларида кузнинг ҳавоси.¹²²

Баҳор кунларида "фариб виқор"нинг ҳам, "куз ҳавоси"нинг бўлиши ҳам ҳақиқатдан узоқ тасвир. Аммо бу масалани лирик қаҳрамон руҳий ҳолати билан боғлиқ ҳолда тасаввур этилса, у ҳақиқатга айланади. Бу ҳақиқат лирик қаҳрамонники, унинг руҳиятиники. Шоир ана шу руҳият манзарасини бериш учун "баҳор кунларида кузнинг ҳавоси" бўлишини ўқувчи руҳиятига сингдиради ва уни ишонтиради.

А. Ориповнинг яна шундай шеълари "борки, улардаги лирик қаҳрамон руҳиятининг нурсиз манзараси ўқувчи руҳиятини янада чукурроқ рангизлантиради. Шоир ўз фикрлари билан ўқувчини инсон умрининг қисқалиги, ҳаётнинг ўткинчилиги масаласида кўпроқ ўйлашга мажбур этади. Гўё инсоннинг қисқа умрида кимнидир, ниманидир, ҳимоя этиш учун олиб борган курашлари, ғалабаю мағлубиятлари, қувончу дардлари — бари-бариси бир кун келиб, ўз қимматини йўқотадигандай туолади. "Ўлдинг — ўчдинг" ибораси ҳақиқат бўлиб кўринади. Ўқувчи шоир билан биргаликда ҳаёт билан видолашаётгандай ҳис қиласи ўзини. Дарҳақиқат, шундай. Шоир бошига тушган оғир қасаллик унинг руҳиятини сўнаётган шам сувратига солган, ҳаётдан умид узишгача олиб борган. Шоир руҳиятида ҳукм сурган бу ҳолат туфайли "Хайрлашув" шеъри дунёга келган. Шеър ниҳоятда бир тушкун руҳиятнинг сувекелган.

¹²¹ Ўша асар. 173-бет.

рати сифатида ўқувчи қалбидан гам, дарднинг акси бўлиб ўрнашади. Лирик қаҳрамоннинг она тупроғи, туғилган маскани дийдорига тўёлмай, уларни ташлаб кетишни ўзи учун кўтариб бўлмас гам тариқасида ҳис қилиши, бу ҳисларнинг шеър сифатида суврат олиши шу даражада мураккаб руҳий жараённинг маҳсулики, уни ўқувчининг руҳан ва қалбан қабул қилиш ҳолатини тасвир этиш жуда мушкулдир. Айниқса, лирик қаҳрамоннинг шамол, қуёш, юлдузлар билан фойибона мулоқоти, унинг руҳий оламида бош кўтарган бўронларнинг нидоси ҳар қандай қалбни қийнамай, руҳни йиглатмай қўймайди. Ўқувчи тенгсиз бир меҳр билан ардоқлаган шоирининг бундай ҳолатидан нечун қайғўрмасин?! Нечун унинг вужудига оралаган дардларини аритиш, руҳиятига янги парвозлар баҳш этишда кўмаклашиш учун интилмасин?! Нечун шоир қалбининг:

Ҳаяжон бу — ўлим, кулфатдир — кўшиқ,
Қилт эттан шамолдан титрәмас юрак.
Унга энди на дард, на қувонч, на ишқ,
Балким тўнғиб қолган бир ором керак.
Бир ҳовуч кул эмиш оташ қисмати,
Мен ҳам ёна-ёна тиндим ногаҳон.
Энди тилларимда видо ҳасрати,
Энди кўзларимга тийрадир жаҳон.¹²³

деган "оҳларини лоқайд тингласин?! Йўқ, бунга ҳеч ким бефарқ қаролмайди. Истаса-истамаса лирик қаҳрамонга дарддош сифатида ўқувчи ҳам ўртанимай қолмайди. Лирик қаҳрамонни қийнаган дард, умидсизлик уни ҳам ўртайди. Ўртада пайдо бўлган руҳий инкор қилиш мумкин эмас. Ҳозирги ўзбек шеърияти ҳали А.Ориповдек руҳан ва фикран теран шоирга эга бўлганича йўқ. Агар шоирда ана шу теранлик олиб келади, хаста руҳнинг соғ бир ҳолатини бунбўлмаганида,

бир томондан, ўқувчига инсон умрининг қисқалигини уқтирса, иккинчи томондан, уни бефойда ўтказмасликка чорлайди. Учинчидан, ҳаётнинг инсон учун нақадар азиз ва лаззатли эканлигини уқтиради, унинг қадрини баланд тутишга, эъзозлаб яшашга даъват этади. Бу масалаларнинг барчаси ўқувчига лирик қаҳрамон қалбининг, руҳиятининг изтироблари орқали етказилади. Унинг ҳислари, ҳаяжонлари, туйгулари тўфонлари воситасида руҳиятига муҳланади.

А. Ориповнинг "Қирқ ёш", "Мени олиб кетинг" шеърлари ҳам юқоридаги шеърга ниҳоятда руҳдош асарлардир. Лирик қаҳрамон вужудини забт этган мажхасталик унинг руҳиятини ҳам забун этган ва мажруҳланиш даражасига етказган. Ҳаётдан умидини бутунлай узган шоир эҳтирослари ўқувчи қалбини ларзага солади. Унинг шеърларидан, руҳиятидаги товланишлардан қалбига қувват, руҳиятига парвоз олиб юрган ўқувчи дунёсини зулмат қоплагандай, бундан кейин ҳеч ким унга севимли шоирни даражасида маънавий озиқ беролмайдигандай тулолади. Айниқса, "Қирқ ёш" шеъридаги:

Ким алам чекмабди умрида бир бор,
У мени англамас, англамас асло!
Ким ҳаққа ташнадир, ким меҳрга зор,
Мен унга умримни этгумдир фидо¹²⁴

сингари дардли ва ҳақиқатдан бино бўлган сўзларни бошқа ҳеч ким айтольмайдигандай из қолдиради ўқувчи қалбидан тафаккур оламида. Дарҳақиқат, буни инкор қилиш мумкин эмас. Ҳозирги ўзбек шеърияти ҳали А.Ориповдек руҳан ва фикран теран шоирга эга бўлганича йўқ. Агар шоирда ана шу теранлик олиб келади, хаста руҳнинг соғ бир ҳолатини бунбўлмаганида,

¹²³ Ўша асар. 440-бет.

¹²⁴ Ўша асар. 442-бет.

чалик маҳорат билан мисралар бағрига ҳислар мўйқалами билан муҳрлаш қўлидан келавермас эди. Инсон борки, хасталик уни четлаб ўтмайди, шоир зоти ҳам бошқалар каби руҳан ва жисман беморликни бошидан кечиради. Бу вақтда одамзот ҳар қандай тушкун кайфият ва умидсизликка қўй беради. Қалбida туғилган сўлғин туйгуларини кимгadir изҳор қилгиси келади ва изҳор қилади ҳам. Шоир бўлса, албатта, шеър ёзади. Кўнглида пайдо бўлган тутунни бир-бир ечишга интилади, ўқувчида дарддошлик туйғусини уйғотади. Аммо А.Орипов лирик қаҳрамони билан ҳамлардлик қилган қалбнинг, вужуднинг руҳий ларздан азобланиши, ҳаётнинг инсонга нақадар бевафолигидан қийналиши, табиий. Айниқса, "Мени олиб кетинг"... шеъридаги руҳий ҳолат тасвири билан танишиш ниҳоятда оғир. Ўқувчи кўз олдида севимли инсон сиймосининг noctor, ноилож, ожиз бир ҳолатда пайдо бўлишидан ҳам азобли ҳолат бўлмаса керак. Унинг қалбida тошаётган она юртга меҳр, ташналик, интизорлик, яқинларига етолмаганидан қийналиш туйғусига ошно бўлган руҳиятларнинг ҳолатини тасаввур этиш осон эмас. Айниқса, хасталик азобида қийналадётган, юртига нисбатан соғинч туйгулари оғушида ўртанаётган лирик қаҳрамоннинг: "Шаънимга гаюрлар бир сўз демасин",¹²⁵ — деган илтижолари ўқувчи қалбига аrimас дард бўлиб қўйилади. Лирик қаҳрамонни бундай азоблар гирдобидан олиб чиқиш қўлидан келмаслиги эса ўқувчини руҳан эзади. Шоирнинг:

Талпинган диёrim — у Ўзбекистон,
Сехрини айтишга борми ҳеч имкон!
Йўқ, ўзга юртларда беролмасман жон,
Мени олиб кетинг ўз диёrimга.¹²⁵

¹²⁵ Ўша асар. 443-бет.

Инсон руҳиятининг бунчалар нурсиз манзарасини кўриш ўқувчига ҳам қанчалар азоб. Лирик қаҳрамоннинг она юртига, халқига садоқатли фарзанд сифатидаги туйгулари ниҳоятда таъсирчан ва самимиyидir.

А. Орипов бу шеърларида инсон руҳиятининг маълум бир лаҳзадаги соф ҳолати манзарасини маҳорат билан чизган. Бу чизгилар рангининг бениҳоят тиниқлигидан ўқувчи бошқа бирон бир шеърда ҳеч қачон унга ўхшаш бўёклар пайдо бўлишига ишонмайди. Шеърларнинг руҳиятининг соф манзараси эканлигига шубҳа уйғотмайдиган хусусияти шундаки, ундаги руҳий тасвирига бошқа туйгулар тасвири аралаштириб юборилмайди. Фикр оқимининг бошқа томонга бурилиши ёки бу оқимдан майда ирмоқчалар ажralиб чиқиши ва руҳиятининг шеърга муҳрланаётган манзарасида хирилик ёки англанмайдиган ранглар аралаштиб қолиш ҳоллари кўринмайди. Лирик қаҳрамон вужудини куйдираётган руҳнинг фарёди, қалбнинг оҳи ўқувчи дилига борлигича кириб келади ва унӣ ҳам шу ҳолатга солади.

Агар юқоридаги шеърлар диққат билан кузатилса, уларда ҳислар, туйгулар драмаси ниҳоятда кучли ва уларнинг тасвири ҳам бениҳоя ёрқин. Шоир ана шундай тасвир жараёнда лирик қаҳрамон ҳаётининг бутун мазмунини, кечирган умрининг тўлиқ манзарасини ўқувчига аён этади. Натижада, ўқувчи кўз олдида лирик қаҳрамон руҳиятининг ёрқин тасвири, у яшаб ўтган умрининг аччиқ ҳақиқатлари наморён бўлади. Бу эса шеърда психологик тасвир маҳоратининг, бадиий ифоданинг юксаклигини кўрсатади.

Юқорида А. Орипов ва О. Матжон лирик қаҳрамоннинг ижтимоий ҳаётнинг аччиқ ҳақиқатларидан ларзага тушган руҳиятининг шеъриятдаги тиниқ манзаралари билан биргаликда мұхабbat туйғусининг инсон қалбига олиб кирадиган ҳам нурли,

ҳам нурсиз ранглари ва оҳангларидан пайдо бўлган, шаклланган қарашлари билан яқин муносабатда бўлдик. Аммо ҳар иккала шоир лирик қаҳрамони ҳаётга муносабатларида ўз ўрнига ва даражаларига эгадирлар. А. Орипов лирик қаҳрамонига муҳаббат боғида ҳам кўпинча омадсизлик йўлдош. Унинг ҳам қалбини О. Матжон лирик қаҳрамонидаги сингари бокира муҳаббат забт этади. Аммо у муҳаббатнинг нурли, пок сиймоси билан руҳан кўриштан вақтда ҳам уни доимо нимадир безовта этиб турди. Ҳаёт ундан ниманидир қизганиб, нимагадир уни зор қилаётгандай туолади. Унинг лирик қаҳрамони тоза муҳаббатини бағрига босолмай фарёд чекади. Омон Матжон лирик қаҳрамони ҳам мўҳаббатига осонликча етиша олмайди. Унинг ҳам қалбига ташриф буюрган муҳаббат руҳиятига ипак қанотлар бахш этиб, уни нурафшон оламга парвоз эттиради. Лекин муҳаббат йўлларини равон кўролмаган қалб, рӯҳ парвози бирдан тўхтаб қолади ва у ҳижрон тоғининг ўткир қираларига урилиб, яраланади. Ана шу пайтда ўқувчи ярадор руҳнинг манзараларига дуч келади ва ўз руҳининг ҳам қалбидаги нурсизликдан азобланётганинги хис қиласи. Аммо шоир лирик қаҳрамони руҳиятига малҳам излаб топади ва уни яна висол водийсининг гуллар ва ифорлар билан ясанган гўашасига олиб чиқади. Бунда шоир лирик қаҳрамон руҳияти тасвирига шундай ранглар излаб топадики, ўқувчи уларнинг камалак ранг жилоси сөхрида қолиб кетиши мумкин.

Рауф Парфи лирик қаҳрамонининг руҳий ҳолати соғ манзаралари А. Орипов ва О. Матжон лирик қаҳрамонлариниқидан бутунлай фарқ қиласи. Бир пайтлар Асқад Мухтор: "Рауф Парфи — яралари очиқ шоир", — деган эди. Ана шу очиқ яралар, дардларни Р. Парфи шеъриятидаги фожиавийлик ва ғамкашликтининг нишоналари деса, хато бўлмайди. Р. Пар-

фининг руҳий дунёсига йўл топиш осон эмас. Чунки у жўн фикрлаш, шеърни саёзликка хизмат қилидиришни мутлақо ёқтирамайди. Унинг фикр ва мушоҳада тарзи, образли топилмалари, тасвир усулалири чиндан ҳам мураккаб. У "поэзияда мураккаб ва динамик метафоралар усулини" (Асқад Мухтор) танлаган. Унинг тахайюл дунёсидан аниқликдан кўра сирлилик, соддаликка нисбатан мураккаб қарашлар кўпроқ ўрин олган. Лекин Р. Парфи шеърияти бағрига чуқурроқ кириб бориб, лирик қаҳрамони руҳий дунёси билан яқиндан ошно бўлинса, мураккаблик "тугун"лари аста-секин ечилиб, ҳаёт ҳақиқатларининг тиниқ аксини кўриш қийин эмас.

Масалан, мана бу мисраларга эътибор берайлик:

Мен кимнидир кутгайман маҳзун,
Мен кимгадир йигламогим шарт.
Танҳолик-ла турибман ўзим,
Менинг билан биргина зулмат.¹²⁶

Бу ерда лирик қаҳрамон ҳолатида умумийлик ранглари устун, унинг ҳаракатларида мавҳумлик хукмрон. Лекин мақсад аниқ. Аммо унинг руҳиятини зулмат қоплаган. Бу қандай зулмат ва унинг манбаи қаерда?! Биз лирик қаҳрамон руҳий ҳолатининг сирларини кашф этиш учун зулмат униб чиқсан заминни топмоғимиз шарт. Бунинг учун ўқувчи лирик қаҳрамонга эргашишга, унинг қалбини тинглаш ва руҳий дунёсига кўзгу бўлишга мажбур. Лирик қаҳрамон руҳияти нурдан маҳрум. Шу боисдан "Қоронгидиа бўлгайман адо", деб фарёд қиласи. Унинг учун олам гўзаллигидан жудо бўлган. Ҳатто, кўнғироқлар садоси унга машъум гўзларлик бўлиб туолади. Шарқираб оқаётган ариқ кўзларига шиллиқ куртдай кўринади. Осмон эса шунчалар сариқки, бунчалар

¹²⁶ Парфи Р. Қайтиш. Тошкент, 87-бет.

"Совуқликни қайлардан олган?". Ой ҳам "ҳаёсиз, шундоқ ялангоч, кимни алдаб балқиб боради". Мана Р. Парфи лирик қаҳрамоннинг қарашлари ва унинг ҳаёт, аниқ қилиб айтганда, яшаётган жойи ва муҳити ҳақидаги тасаввuri. Бу тасаввур сўзсиз, нуридан, навосидан айрилган руҳиятга мансуб. Агар бу руҳиятга нур ва наво қайтса, унинг учун қўнғироқлар жарангидан ёқимли, тўлиб оқаётган ариқдан завқли, толдан бошқа сирдош, осмондан мусаффо, ойдан гўзал нарсанинг бўлиши мумкин эмас. Хўш, лирик қаҳрамон руҳиятидан бу нур ва навони ким шафқатсизларча ўғирлаган? Жавобни лирик қаҳрамоннинг ўзи беради:

Тугаб борар тун янглиғ тоқат,
Саҳарларга бергайман ҳисоб,
Қайга кетди, қайга муҳабbat,
Юрагимда "англанмас" азоб.¹²⁷

Кўринадики, Р. Парфи лирик қаҳрамони руҳий дунёсига ўқувчини бирдан олиб кирмайди. Аввало, руҳий изтироблардан сўз очади, аммо у ҳали жумбоқ шаклида кўринади. Ўқувчи эса "англанмас азоб"-нинг нималигини билгунча анча "азобланади". Аммо шеърдан олган маънавий озиқ, гарчанд у оғрикли бўлса-да, ўқувчини "азоб" дан бир қадар халос этгандай бўлади.

Р. Парфи руҳиятининг яна шундай бир соф ҳолатларини шеърга муҳрлайдики, унда руҳий зиддиятлар гирдобига тушган инсон қалбининг манзаралари акс этади. Гўё булар лирик қаҳрамон яшаб турган муҳитнинг зиддиятларидан шайло бўлгандай. Дарҳақиқат, инсон яшаб турган жамиятининг, муҳитининг таъсиридан ташқарида туролмайди. Уни қандай туйгулар кувонтиради-ю, қайсилари вужу-

дига, руҳиятига ларза олиб киради, буларнинг бариси ижтимоий-сиёсий ва маънавий ҳаётнинг бевосита таъсиридан ташқарида содир бўлолмайди.

Инсон ҳаётида шундай дамлар бўладики, у кенг оламга сифмаётгандай, дунё уни сиқиб келаётгандай, жонини қўярга жой тополмайдигандай ҳис қилади ўзини. Бунинг боиси, балки унинг шахсий ҳаёти, балки ижтимоий фаолияти билан боғлиқдир. Аммо қандай бўлишидан қатъи назар, инсон сифатида унинг қалбида, руҳиятида норози туйгулар фалаён кўтаради. Бу фалаённинг исмсиз сабабларини туйган инсон дунёда адолатнинг шунчалар ночорлигидан ҳасрат чекади. Р. Парфининг битта шеърида ана шундай ҳолатга тушган инсон руҳиятининг соф бир манзараси мавжудки, унда бошқа ранглар — ижтимоий-сиёсий ҳаёт зиддиятлари очиқ аралашиб юрмайди. Лирик қаҳрамоннинг телбаларча дунёга назар ташлаш ҳолати ёрқин рангларда ифодаланади. Уни "телба" аҳволга солган воқелик лирик қаҳрамон руҳияти тасвири фонида ўқувчига мантиқан ўзини таништириб боради. Зийрак ўқувчи ана шу мантиқ ёрдамида ҳаётдаги қарама-қарши кутблар ўртасидаги зиддиятлар ҳақида ўз хulosасини чиқаради ва лирик қаҳрамон ҳолатининг барча илдизларидан руҳан ҳар бар топади.

Чумолича эмасдир инсон,
Шарпалардек беадад тақдир.
Ёлғон, ёлғон, ҳаммаси ёлғон,
Одамлитим ёлғондир, ахир?¹²⁸

Шоир нега шундай хulosага келди? Бу ерда лирик қаҳрамонни шахсий ҳаётдаги маънавий зарбадан кўра, ижтимоий ҳаёт етказган азоблар қийнаётгандай. Ҳаёт бешафқатлигйни ошкор этган пайтда

¹²⁷ Ўша асар. 88-бет.

инсоннинг чумолича қадри йўқлиги кўринади. У ўзининг одам эканлигига, аммо битта чумолича кучга эга бўлолмай, муаммолар олдида ожиз қолган дамларида бунга жуда ишонади.

Томиримда фимиirlар-ку қон,
Ҳайқурман, сўрайман шафқат.
Керак эмас менга ҳеч қачон
Шодликларга ўралган ҳасрат.¹²⁹

Ҳаётда шундай кунлар кўп бўлган, яъни йиғласант ҳам кулиб йиғлашга мажбур этилган замонда. Бу замонларда фақат баҳт, севинч, шодлик бағридамиз деган бир хил сўзлар такрор-такрор айттирилар эди. Р.Парфи лирик қаҳрамон руҳиятини гумонларга чулғаган, ҳасратини, дардларини ютишга мажбур этган куч ўша давр, жамият ва унинг сиёсати бўлса, ажабмас. Шу боисдан у инсон сифатиди қайгуларини, дарду қувончларини очиқ айтиб, бағрини бўшатиб яшаш имкониятига мушарраф бўлиш учун дунёдан шафқат тилайди:

Дунё, ўзинг ёрлақа мени;
Барча учун ёрлақа ўзинг,
Бергил менга, бергил қайғунгни,
Бутунича бера қол, кўзим.¹³⁰

Шеър охиригача лирик қаҳрамон руҳиятига безовталик солган айброр мана мен деб ўзини кўрсатмайди. Агар у шеърда кўриниб қолса, лирик қаҳрамон руҳиятида кечаётган исёнкор туйгулар соғлигига путур етарди. Қолаверса, лирик қаҳрамон ҳолатининг аниқ тасвири эмас, балки ижтимоий-сиёсий ҳаётнинг бадиий шарҳи юзага қалқиб чиқкан бўларди. Шоир ана шундай чалғишларга дуч келмаслик учун, лирик қаҳрамоннинг маънавий ола-

ми, руҳий дунёси, қалб кечинмалари манзараси рангдор бўлиши учун бутун маҳоратини ишга солади. Унинг ҳислари, туйгулари, ҳаяжону ҳасратлари дунёсига ўқувчини фарқ этади.

Р. Парфининг "Излайсанми сен-да бир паноҳ" деб бошланувчи шеъри бор. Унда ҳам инсон руҳий дунёсининг изтироблари, дардчил, азобланган дамлари тасвири намоён. Шеър гўё вужуд билан руҳ ёки бўлмаса, шоир ва лирик қаҳрамон ўртасидаги муно-зарадай туолади. Инсон ҳаётининг "Бир нафас" лигини англаб, эҳтиросларини бир қадар жиловлаган, ўзини унутган, куйиб-пишмоқлик, ўртамоқлик бекорлигини англаған лирик қаҳрамон шоирни "тартибга ҳақиради". Унга ҳаётда ёниб-пишмоқликнинг бефойда азоблигини уқтиришга ҳарақат қиласди:

Ўйчан кеча, тун ичра танҳо,
Рауф дўстим, қолдик икковлон...
Биз меҳрга тўймадик асло,
Бир ёруғлик излаймиз ҳамон.¹³¹

Бу ерда ҳам шоир руҳиятини ҳаёт зиддиятлари мажруҳлантириш даражасига олиб келгандай кўринади. Зоро, инсоннинг меҳрга зор яшashi — бу маънавий оламда бошланган қашшоқланиши белгиси. Ижтимоий ҳаётда, жамиятда маънавий танқислик кўриндими, демак ҳаётда нурдан кўра соялар кўпайганлигидир. Бу ҳолат инсон Фарзандининг шоирман деган фидойи қисми қалбida, руҳиятида исён уйғотмай қўймайди. Шоир қалбининг исёни, жамият тузумига, сиёсат оқимига ўз таъсирини маълум даражада кўрсатиши мумкин. Унинг ҳақиқат шамипиниб, ўзини нобуд этиши эҳтимолдан холи эмас. Шу боисдан лирик қаҳрамоннинг: "Кутганимиз

¹²⁹ Ўша жойда.

¹³⁰ Ўша жойда

¹³¹ Ўша асар. 95-бет.

кўпдир ҳаётдан, Келмади, келмади, келмади", — деган сўзлари ўзининг куйган дилига таскин бергандай ёки уни тақдирга тан беришга ундағандай бўлади. Баъзан бу манзара исён билан вужудни тарк этган руҳнинг ҳаёт зарбаларидан зада бўлган, ночор ҳолда бошқадан ўз жойига қайтиш ҳолатидай туолади. Аммо бу руҳ қайтган тақдирда ҳам ўзининг соғ ҳолатини йўқотмаган бир тарзда вужудга қайтади.

Р. Парфи бошқа бир шеърида жамият зиддиятлари билан муросага киришган руҳиятидан норози оҳангда: "Руҳимда муаллақ жимлик безабон", — деб ҳайқиради. Чунки унинг лирик қаҳрамони руҳиятига сукунат ҳукмини ўтказишини ҳеч қачон истамайди. Юқоридаги шеъридаги сингари руҳининг исёнларидан кечиб, армон билан қолиб кетишига тамоман қарши. Илло, у ҳаётнинг қизиги, умрнинг мазмуни курашиб яшаща деб билади ва шунинг учун сукунатга қарши бетоқатларча исён бошлайди. Шоир лирик қаҳрамонининг сукунат оралаган қалбидағи түйулар портлашини шундай ёрқин акс эттирганки, ўқувчи қалбига ўша портлашнинг ларзаси кўчмай қолмайди. Куйидаги мисраларда ҳаётдан саодат излаган лирик қаҳрамон руҳий исёнининг ранглари ниҳоятда қуюқ:

Зарба гали сенда, майли, кўрай мен.
Овоз бер, қайдасан, ўлмас тоқатим.
Ё сукунат кафанига ўрай мен...
О, саодат, йўқ менинг саодатим.¹³²

Ҳаётнинг барча ўйинларига сабр-тоқат билан чи-даган лирик қаҳрамон бу гал тоқатига тоқат тила-майди, балки ундан зарба кутади ва шу зарбанинг ўзини руҳий бедорлик ҳолатига олиб киришини ис-

тайди. Зеро, руҳан мудраган инсон ҳаётида сукунатнинг қанот ёзиши унинг мудроқ руҳини бутунлай мажруҳ этиши мумкин. Шу боисдан шоир лирик қаҳрамон вужудига галаён солиб, унинг руҳиятига исён олиб киради. Бу исён, табиийки, шоир истаганидай, мудраган руҳларни уйғотиши ва инсон саодати учун курашга чорлаши лозим:

Ёрилтош, эй, ёрилтош ёрил, ахир,
Ўлимнинг қошида ёрил, айт, бақир,
Чақмокларга айлан энди, сукунат!¹³³

Шеърда лирик қаҳрамон қалб кечинмалари ниҳоятда теран очилган. Унинг ҳислари — туйгулари оламида ҳамиша пўртанали ҳолат ҳукмрон. У инсон умрини бемазмун қилгувчи сукунатни қалбга, руҳга киргизмаслик тарафдори. Чунки у шоир фикрича инсон заволига, ҳаёт заволига хизмат қилиши мумкин. Шунинг учун у имкони борича лирик қаҳрамонни, шу баҳона ўқувчисини, унинг тимсолида эса инсониятни сукунат комидан асрар түйғуси билан ёнади.

Кўринадики, Р. Парфи лирик қаҳрамони инсон руҳиятига ўз таъсирини ўтказа билиш қобилияти жиҳатидан ҳар бир сўз санъаткорининг бадиий маҳорати, тафаккур такомили, мушоҳада кувватининг даражалари билан боғлиқ ҳолда ўзига хос бир тарзда кўзга ташланадики, улардан маънавий озиқ олиш ўқувчининг иқтидори ва руҳий бедорлигига боғлиқ.

Демак, соғ лирик пафос маҳсули — руҳий ҳолатнинг соғ манзаралари ҳисобланмиш шеърларда лирик қаҳрамон ёлғизлик "саҳнида" ўзини намоён этади. Бундай ҳолатда ўқийнаётган вўқеа-ҳодиса-нинг айнан ўзини эмас, балки унинг таъсирида уйғонган түйгуларини, руҳиятида пайдо бўлган изтиғонган түйгуларини,

¹³² Ўша асар. 159-бет.

¹³³ Ўша жойда.

робларни назаридан ўтказади. Ана шу ҳолатдан туғилган шеърлар инсон руҳиятининг соғ ҳолати манзаралари сифатида кучли таъсир қувватига эга бўлади ва улар соғ лирик пафоснинг меваси ўлароқ, ўқувчи дилини ўзига жалб этади.

Хуллас, ушбу бобда илгари сурилган фикрлар умумлаштириладиган бўлса, 70—80-йиллар шеъриятида психологик тасвир ниҳоятда теранлашган. Бу лирик қаҳрамоннинг ижтимоийadolat учун олиб борган курашлари тасвирида жуда яхши кўринади. Ундаги маънавий-руҳий фаоллик тарих, замон ва келажакни Ватан ҳамда миллат тақдири нуқтаи назаридан уйғунлаштиришда намоён бўлади. Мана шу уйғунлик замирига унугтирилаётган тарихни таянч нуқтасига айлантириб, халқقا ўзлигини танитиш, уни ҳақиқий эрк ва истиқлол учун курашга ҳозирлаш, келажак авлодни комил инсон даражасида тарбиялаш учун маънавий замин тайёрлаш муаммоси сингдирилди. Ба ана шу жараёнда бу масалалар, албатта, Ватан, халқ мустақил бўлгандагина амалга ошиши мумкин деган фоя мантиқан илгари сурилди. Шўро мафкураси жамият вужӯдига чуқур илдиз отган замонда давр руҳини янгилаш учун куршиш жасорати миллат ва шеърият тарихининг исёнкор саҳифаларини ташкил этди.

Ҳаёт ҳақиқатини бадиий ҳақиқатга айлантириш, шеърият олдига жамият ва шахс орасидаги зиддиятлардан кўз юммасдан, уларга нисбатан лирик қаҳрамон руҳий муносабатини акс эттиришни талаб қилди. Натижада, лирик қаҳрамон руҳиятида уйғонган исённинг илдизларини очишга интилиш яхши самарা берди. Бу илдизларнинг "Ватан нима, миллат нима, эрк нима" лигини (Х. Даврон) чуқур англанима, қалблардан, руҳиятлардан озиқланганлиги шеърият ривожига замин бўлди.

Х О Т И М А

XX аср ўзбек шеърияти асрлар давомида сайқалланган, гўзаллашган, инсон руҳиятининг ниҳоятда тоза ва теран булоқларидан озиқланган шеъриятнинг давомидир. Шу билан бирга айрим давларда гоявийбадиий жиҳатдан камбағаллашган, бальзан эса ниҳоятда бойиб, руҳан устиворлик касб этган шеърият ҳамдир.

Мумтоз адабиётимиз тажрибаларидан аёнки, шеъриятнинг маълум танаффусларини эътиборга олмаганди, у ҳеч қачон руҳий исёндан айрича яшай олмаган. Сабаби шеърият ва ҳаёт ўртасидаги муносабатларда ҳамиша мувозанат бир хилда бўлмаган. Зеро, ҳаёт ҳар доим ҳам ўз-ўзидан бир меъерда давом этмаган. Ҳаётдаги қарама-қаршилик, зиддият ва баланд-пастликлар, ҳеч шубҳасизки, инсон қисмати, қалби ва руҳига ҳам ўзининг таъсирини ўтказади. Ҳақиқий шеърият эса буларни ниҳоятда сезгирилик билан англайди ва уларни турли шаклларда образли тарзда акс эттиради. Шеърият, энг аввало, руҳият кўзгуси ўлароқ, инсон онги ва қалбida чуқур таасусротлар ҳосил қиласди. Шунинг учун ҳақиқий ширилар ҳар қандай шароитда ҳам қалб ва руҳоният тасвирларига алоҳида аҳамият беради. Бу фикрнинг исботи сифатида XX аср ўзбек шеъриятининг буюк вакили Чўлпон ёки унинг издоши Ойбек ижодиётини эслатиш мумкин. Чўлпон ва Ойбекнинг лирик қаҳрамони ўзига хос ибратли томонлари билан бирга, айрим чекланган хусусиятларига ҳам эга, албатта. 20-йиллар ўзбек шеъриятининг руҳий-психологик тасвир йўллари ва усулларида янгилик ҳамда оригиналлик кўзга ташланади. Чунки ўша йилларда шеъриятда ҳам ўз кучига ишонч,adolatsiz тузум зулми ва ноҳақликларига қаршилик кўрсатиш қуввати мавжуд эди. Шунинг учун у якранглик, замон

насозлик, мурасабозлик тамойилларига ён бермаган ва бу ҳодисалар шеъриятда ўз аксини топган.

30-йилларга келиб, адабиёт, жумладан, шеърият инсон қалбидан, руҳиятидан бир қадар узоқлашиб кетди. Унинг хаёлини етиб бўлмас, саробсифат ҳақиқатлар, хаёлда шаклланган, ҳавоий воқеа-ҳодисалар банд этди. Шўро тузуми ва сиёсати бадиий адабиётнинг қўл-оёқларига шундай кўринмас кишалар урдики, у ўзлигини эсдан чиқаргандай, сиёсат чизигидан чиқолмай қолганлигини идрок ҳам этолмайдиган бўлиб қолди. Натижада, унинг лирик қаҳрамони инсоннинг руҳ ва қалб оҳангига эмас, зоҳирий оламнинг ҳар турли ўткинчи садоларига маҳлиё бўлди. Ҳатто Чўлпон, Ойбек сингари шоирлар лирик қаҳрамонлари ҳам янги-янги қурилишлар самараси, завод-фабрикалар ютуфи, социалистик қишлоқлар жамоли, баҳтиёр ишчи ва деҳқон камолини куйлашта киришди. Мамлакатда юз берган очарчилик, оммавий қатагон ҳам бу давр шеърияти лирик қаҳрамонининг кўтаринки кайфиятига маълум вақтгача таъсир кўрсата олмади.

30-йилларнинг охирига келиб, шеъриятимизда лирик қаҳрамон яна руҳан жонлана бошлиди. Ойбекнинг "Наъматак", Ҳ.Олимжоннинг "Ўзбекистон" сингари шеърлари лирик қаҳрамонлари руҳиятида нурли нуқтәлар пайдо бўлди. Уларни сиёсатнинг қизил гирдобидан гўзаллик, эзгулик, она ер ва она халққа меҳр туйғуси холос этган эди.

Уруш йиллари қаҳрамони олдинги даврларнидан "бутунлай бошқача руҳият ва дунёқарааш билан яшади. Аммо бу "буюк" Сталин ва коммунистик партияга ҳамду сано айтиш, ўзининг уларга бўлган ишонч ва садоқатини изҳор қилиш билан бирга у она-Ватан ва унинг озодлигига бўлган ташналигини ҳамма нарсадан устун турувчи олий неъматдир. Ойбек лирик қаҳрамони руҳиятидаги ана шу неъматга интиқлик, ташналик рангларини ниҳоятда улуғвор ва устивор яратади, бу мантиқан фикрлаш қобилиятига эга бўлган ҳар бир ўкувчи қалби ва руҳияти билан уйғунлик касб этади.

Уруш даври шеърияти лирик қаҳрамони ҳақида ўйлаганда Ф. Фулом, Ҳ. Олимжон, Миртемир, Уйғун, Зулфия шеъриятининг лирик қаҳрамонларини эътибордан соқит қилиш асло мумкин эмас. Улар руҳиятига уруш солган изтироблар ранги ниҳоятда маҳзун. Аммо уларнинг ҳам ғалабага етиш туйғуси ҳамиша сафарбарликка чорлаб турган.

Урушдан сўнг ва 50-йилларда дунёга келган лирик қаҳрамон руҳиятида яна кучсизлик ва нурсиз-

лик бошланди. Шеъриятда конфликтсизлик назариясининг мевалари — мақтов, олқишибозлик кайфияти юқорига қалқиб чиқди. Ишчи ва деҳқон ютуқларидан ҳамда социализм тантанасидан сўнг коммунизм қуриш йўлида қучилаётган зафарлардан ифтихор садоси шеърият бағрини тўлдириб юборди. Аммо ана шу "ютуғу зафар"ларни ўз меҳнати билан юзага олиб чиқсан оддий, меҳнаткаш инсоннинг қалб кечинмалари, руҳиятида кечаётган жараёнлар ҳақида ўйлаш шеъриятга ётлашиб қолгандай бўлди. Бундай мантикий мушоҳада қилиш қобилиятидан айри тушган лирик қаҳрамоннинг дунёга келиши, шеъриятни яна бир карра камбағаллашишига сабаб бўлди. Зеро, инсонга руҳий озуқа беролмайдиган ҳар қандай шеърият ҳақиқий шеърият бўлолмайди. Демак, бу давр адабиёти, хаёл ва ҳаётнинг бошқа-бошқа нарсалар эканлигини маълум даражада назардан қочирган адабиёт бўлди.

• 50-йиллар охири, яъни шахсга сифиниш оқибатларининг фош этилиши шеърият кўксига қисқа муддат бўлса-да, илиқ шабадалар тегиши учун йўл очди. Ана шу даврдан бошлаб, айниқса, 60-йилларнинг ўрталарига келиб, шеъриятда руҳий уйғониш бошланди. У ўз бағридан аста-секинлик билан баландпарвоз, ҳаётдан узоқ қарашларни, туйгуларни сиқиб чиқаришта ҳарзкат қила бошлади. Шеърият ўзининг инсон ва унинг қалби, руҳий дунёсини куйлаш, тадқиқ этишдек бурчини ҳис этган ҳолда ўзлиги сари интилиш йўлини танлади. Натижада, унда инсон руҳиятининг, қалбининг манзаралари яна аксини топа борди. Бу даврда шеърият майдонида кўриниб қолган Э. Воҳидов, А. Орипов, Р. Парфи, О. Матжон сингари шоирлар лирик қаҳрамонлари руҳиятининг ҳақиқатга талпиниш, гўзалликка ташалик, ҳаётни теран англаш ва уни бадиий тадқиқ этишга интилиш туйгуларининг устиворлик касб

этганлиги ўзбек шеъриятининг уйғониш палласига кирганлигидан дарак берди.

Шеърият уйғониб, аввало, нимани таниди? — деган саволнинг туғилиши, табиий. Шуни айтиш керакки, бу даврда шеъриятнинг таниган ва интилган илк неъмати ҳақиқатнинг таъми бўлди. Бу йўлда лирик қаҳрамонга аввалги даврларда тансиқлик қилган жасорат отлиғ исёнкор туйғу ёр бўлмоғи лозим эди. Лирик қаҳрамон ана шу туйғу билан яшай бошлагач, давр билан юзма-юз туриб, (А.Орипов) ҳақиқат ҳимояси ва унинг қаддини тиклаш учун курашга чоғланди. Инсон қалбининг энг нозик пардаларини, руҳиятининг ипак толаларини нурга сошлишга интилди. Натижада, шеърият яна инсонга хизмат қилишдек муқаддас бурчини ўташга киришиди, инсон қалбининг кўзгусига айланди. Шундан кейингина шеърхон лирик қаҳрамон билан мулоқотга киришиб, уни ўзига энг яқин дардкаш сифатида қабул қилишга ўтди. Мана шу лирик қаҳрамон ва ўкувчи ўртасидаги руҳий уйғунлик ўзбек шеъриятини тараққиёт босқичига кўтарган бир омил эди.

70—80-йиллар ўзбек шеъриятининг балогат даври бўлди. Бу даврга келиб жамиятда сиёсий, иқтисодий, ижтимоий-маънавий таназзул юқори босқичта кўтарила бошлади. Бир томондан, энди бу ҳолатни пардалашга, таназзулга юз бурган сиёсатнинг ўзи ҳам оқизлик қила бошлади. Иккинчи томондан, ҳалқни гирдобига олиб келаётган маънавий инқизор ўйғоқ руҳиятларга исён оловини олиб кирди. Шахс руҳиятида бош кўтарган исён сиёсат юзидаги парданни олиб ташлаб, унинг асл моҳиятини фош этиш йўлини тутди. Жамиятда юзага келган инқизорлар илдизини очишга ҳаракат бошланди. Ҳар доимгидек, ўз аслини, бурчини унутмаган шеърият лирик қаҳрамони ҳалқни уйғотишнинг, уни кўз очиб, тарихи ва бугунига назар ташлаш ҳамда

ҳақиқат билан юз кўриштиришнинг маънавий чораларини излашга тушиди. Ана шу жараёнда лирик қаҳрамон тарих ва замон ўртасидаги уйғунликни таъминлашга интилди. Чунки бу уйғунлик халқ учун маънавий юксалиш йўлида жуда бекёс хазиналик вазифасини ўташга қодир қуч эди. Аввало, бу хазинадан шеъриятнинг ўзи баҳраманд бўлди. Бу баҳрамандлик ўз навбатида замондош учун, унинг маънавий камолоти учун хизмат қилди.

Шеърият, аввало, руҳий эркинлик учун курашиди. Чунки руҳий эркин бўлмаган инсоннинг — шахснинг ҳаётда, жамият тараққиётида ҳеч қандай ўрни ва роли бўлмайди. Ана шу ҳақиқат давр шеърияти лирик қаҳрамони руҳиятида муқимлашди. Лекин ҳеч бир замонда ҳақиқатнинг қаддини фоз тутиб, ўзлигини ҳимоя этишига йўл қўйилмаган. Шу боисдан инсоният бугуни ва келажаги учун курашишга йўл ахтарган ўзбек шеъриятининг 70—80-йилларда нега ўзини тарих паноҳига олганлиги ҳам ана шу ҳақиқат билан изоҳланади. Зеро, бу даврда жамиятни гирдобиға тортаётган таназзулни ўз номи билан аташ, ҳалқни очиқ-ойдин хушёрликка чорлаш мумкин бўлмаган. Олдинги даврлардагидек, сиёsat фақат коммунистик жамият қуриш, совет ҳалқи деган атамага маҳкам ёпишган ҳолда миллат тушунчасини онгдан ташқарига суреб чиқариш, ҳар бир ҳалқ ёки миллатта ўз урф-одатлари, миллий анъаналари, тили, Ватан тушунчасини унуттириш, жуда катта масофаларни қамраган кенгликни она-Ватан деб тан олдириш учун бугун кучини сарфламоқда эди. Бу эса ҳаммага — юрагида унугишига маҳкум бўлган Ватани, тили, миллий гурури йиглаётган руҳият соҳибларига ниҳоятда малол келди. Улар шинҳона исён руҳи билан яшашга мажбур бўлишиди. Мана шу мажбуриятдан қийналган руҳиятлар исёни ўзини тарих паноҳига олди ва замонни уйғотиш ҳамда қутқариш

сари отланди. Бу, албатта, энг аввало, шеърият қалбидаги фалаён сифатида кўзга ташланди. Бундай шеъриятни яратишида Э.Воҳидов, А.Орипов, Р.Парфи, О.Матжон, У.Азим, Ш.Раҳмон, Х.Даврон сингари истеъоддларнинг хизмати катта бўлди.

Бу шоирлар тарихни қанчалик мададга чорлашмасин, замондошларини уйғотиш учун фидойилик қилишмасин, маълум маънода маънавий фалабаларга эришишмасин, барибир ичдан чириган жамият ўзини инқироз ботқофидан асраршга муваффақ бўлолмади. Тўғрисини айтганда, бедор ва исёнкор руҳиятлар ҳам жамиятда озчиликни ташкил қиласиди. Натижада, жамият ва инсон, яъни шахс ўртасидаги зиддият ечимсиз қолиши хавфи пайдо бўлди. Ана шу ҳақиқатни ўз вақтида англаш баробарида бадиий адабиётдаги исён янада кучайди. Шеърият ўзининг барча имкониятларини ишга солган ҳолда, яъни тарихга мурожаат, миллий, адабий ва ҳалқ оғзаки ижоди анъаналаридан фойдаланиш ёрдамида жамиятни инқироздан сақлаш йўлларини излади. Қандай қилиб бўлса-да, она ҳалқини миллат сифатида асрраб қолиш учун курашди. Бу йўлдаги тазиик ва таъқибларга бардош берди. Миллат эркинлиги, мустақиллиги учун курашда ботиний сафарбарлик бошида турди.

Демак, XX аср ўзбек шеърияти лирик қаҳрамони турли даврларда турлича кайфият, руҳият соҳиби сифатида гоҳ курашчанлик, гоҳида мослашувчанлик характеристи билан намоён бўлган ва адабий жараёнда ривожланиш, баъзан эса турғунликнинг пайдо бўлишига сабаб бўлган экан. Лекин қандай бўлишидан қатъи назар, шеърият жисми-жонида ҳамиша бир тола нур сифатидаги бурч, мажбурият ва масъулият ҳисси сира ҳаракатдан тўхтамади. Шеърият қайси даврда бўлмасин, қандай босим остида яшашга маҳкум этилмасин, ана шу бир тола нурни ўз бағридан ажратмади. Бу нур шеъриятнинг ўзлиги эди.

Хуллас, ушбу тадқиқот ўзбек шеърияти лирик қаҳрамони босиб ўтган йўлларнинг шўро тузуми даврини яхлит ўрганиш, унинг руҳий оламида турлича намоён бўлган манзараларни таҳдил қилиш ҳамда унга бугунги кун талаблари нуқтаи назаридан ёндашиши заминида пайдо бўлди. Ана шу жараёнда:

— лирик қаҳрамоннинг ҳар бир давр ижтимоий, сиёсий, маънавий ҳаёти билан муносабати ўрганилди;

— жамиятда кечётган буҳронлар, шўро мафкураси таъсирида лирик қаҳрамон руҳий дунёсида содир бўлган тушкун ёки исёнкор ҳолатлар аниқланди;

— шеъриятнинг ўзлигидан — ҳақиқатдан чекиниш ва яна ўзлигига — ҳақиқатга интилиш, руҳий уйғонишнинг сабаблари кўрсатиб берилиди;

— лирик қаҳрамон тафаккурида тарих, замон, келажакнинг бир нуқтада уйғунлашувидан дунёга келган руҳий манзаралар тасвирининг халқ, миллатни уйғотишдаги аҳамияти тадқиқ этилди;

— ижтимоий-сиёсий, маънавий-ахлоқий муаммаларнинг чуқурлашуви оқибатида лирик қаҳрамон руҳиятида бош кўтарган исённинг илдизлари очилди;

— замондошининг давр ижтимоий-сиёсий, маънавий ҳаётидан қониқмаслик туйғуларини, умуман, лирик қаҳрамоннинг мавжуд тузум қабоҳатларидан исёнга келган ҳолатларини маҳорат билан акс этирган шоирларнинг тажрибалари мустақилликнинг, мўллий истиқлолнинг маънавий асосларини яратишдаги жасоратлари сифатида баҳоланди.

Жумагул Жумабоева

XX АСР ЎЗБЕК ШЕЪРИЯТИДА ПСИХОЛОГИК
ТАСВИР МАҲОРАТИ

Ўзбекистон Республикаси Фанлар академияси
Лашер Навоий номидаги Тил ва адабиёт институти
Илмий кенгаши томонидан нашрга тавсия этилган

Муҳаррир: *M. Содикова*
Муссавир: *Ш. Хўжаев*

Тех. муҳаррир: *T. Смирнова*
Компьютерда саҳифаловчи: *Л. Абкеримова*



Жумагул Жумабоеева

Хоразм вилоятининг
Янгиариқ туманида
таваллуд топган. Хоразм
Давлат педагогика
институтининг ўзбек тили
ва адабиёти
факультетини
тамомлаган. 1975 йилдан
то шу кунга қадар
Ўзбекистон Фанлар
академияси Алишер Навоий
номидаги Тил ва адабиёт
институтида илмий
тадқиқот ишларини амалга
oshiриб келмоқда.
Филология фанлари
доктори, 7 та китоб ва
юздан ортиқ илмий
мақолалар муаллифи.

